



BIBL. OTTECA NAZ.

150

A

34

NAPOLI

~~2~~ - ~~6~~ 140

BIBL. NAZ.  
VITT. EMANUELE III

1 50

A

34


NAPOLI



25. 32

~~102. / 127~~

Venezian. Lire 4. 1723. f. J. Pauli






TRAIECTI ad RHENVM  
Typis: Theod. Ackersdyk et Gisb. Kyli  
Anno 1658.

S. P.





TYPOGRAPHI  
BENEVOLO  
LECTORI.

 *Amus tibi hîc varia  
opuscula de studiorum  
Ratione, deque iis bene  
Instituendis, in omni  
ferè facultate conscripta à Do-  
ctissimis nostri seculi viris, nimi-  
rum à Jo. Gerardo Vossio, Lip-  
sio & aliis. sicut in sequenti indies  
videre est. Addidimus huic e-  
ditioni Clarissimi D. Vossii per-  
utilem tractatum Chronologicum  
nunquam ante hac editum; nam  
privatim solum discipulis suis im-  
buit, ut cum fructu in Historiis  
versari possint. Benevole Lector,  
fruaris Hosce nostros conatus cum  
utilitate, & indies plura non mi-  
nus præclara atque utilia ex officina  
nostra, Deo Opt. Max. fortu-  
nante, expecta. & Vale.*

**I**Oannes Alexander Brassi-  
canus rogavit ERASMUM  
qua ratione doctus posset fie-  
ri, respondit ex tempore: Si  
doctis assidue conviveret: Si  
doctos audiret non minus  
submisse quam honorifice: Si,  
doctos strenue legeret: Si do-  
ctos diligenter edisceret: de-  
nique si se doctum nunquam  
putaret.



# I N D E X

## Eorum quæ hoc libello continentur.

- GER. JOAN. VOSSII *Dissertatio bipartita. cuius pars prior agit, quibus disciplinis perfecta constet eruditio: altera, quomodo varia adeo disciplina optime addiscantur.* Fol. 1.
- EJUSDEM *Introductio in Chronologiam.* 21
- EJUSDEM *Appendix de Imperiis, quæ potissimum in historiis celebrantur.* 39
- EJUSDEM *De ratione universam legendi Historiam dissertatio.* 242
- EJUSDEM *De imitatione tum oratoriâ, tum poëtica; deque recitatione veterum, libellus.* 48
- IUSTI LIPSII *De ratione legendi Historiam, ad Nicolaum Hacquevillum epistola.* 157.
- EJUSDEM *De recitatione in conventu publico & privato, ad Othonem Hartium epistola.* 170
- EJUSDEM *De notis, & notariis veterum, ad Leonardum Lessium epistola.* 183
- EJUSDEM *Institutio epistolica.* 193
- EJUSDEM *De distinctione & interbunctione, ad Hubertum Audeiantium epistola.* 222.
- EJUSDEM *De Bibliothecis syntagma.* 231.
- HERMANNI VULTEJI *De Studio iuris dissertatio.* 266

ÆGIDII MOMMERII *De ratione legendi,  
discendique jura, ad Callimachum Hesium  
epistola.* 316

JACOBI ACONTII *De investigandarum  
tradendarumque artium ac scientiarum  
methodis.* 325

LUDOVICI CROCII *De ratione studii Theol-  
ogici instructio.* 398

JOHANNIS HOORNBECKII *Brevis In-  
stitutio studii Theologici.* 497

CASPARIS SCIOPPII *Diatriba de compen-  
diosa & facili Linguam Hebraeam &  
Chaldaeam condiscendi ratione.* 517

HENRICI MOREELSE JCI. *Dissertatio  
de Manuductione Studiosi Iuris per Aca-  
demiam ad Rempublicam.* 563

JOANNIS HEURNII, *De Medicina studio  
bene instituendo, dissertatio.* 587.

JOANNIS DE RAEI *Dissertatio de Subsidiis,  
gradibus ac vitiis notitia vulgaris in  
natura Contemplatione & officio Philosophi  
circa eandem.* 616.

JOANNIS ALBERTI BANNI *Dissertatio  
epistolica de Musica Natura, origine, pro-  
gressu, & denique studio bene Instituendo.* 664.

REGULAE VITAE. *Sapientis, harmonica,  
tranquilla, actiuose. negotiis obruta, libera-  
liter otiosa, peregrinantis denique.* 694

SYLLABUS  
CAPITULUM DISSERTA-  
TIONIS

JOHANNIS ALBERTI BANNI

DE

MUSICA.

- I. **P**œsis res ingeniosa, ac Musica subalterna.
- II. Numeri Poëtici & Musici differentia. Ex Musica ignorantia, plurima Autoris commenta.
- III. Occasio & ratio indagationis Musica.
- IV. Causa hujus Commentarioli de Musica conscripti.
- V. Musica à natura est: perfectio ab arte, qualis apud Græcos fuerit.
- VI. Quomodo Ars creverit. Qua scripta Græcorum ac Latinorum de Musica.
- VII. Præcipui inter veteres Euclides, Boëthius, & Beda. Melopœia Veterum qualis.
- VIII. Melior ac facilius Methodus Guidonis Arezzini: ex qua imperfectarum consonantiarum inventio, ac præcepta Compositionis prodierunt.
- IX. Qui è recentioribus Musicam perfecerint, reliquisque tradiderint.
- X. Summa Musica sex Capitulis recensita.
- XI. De Systemate.
- XII. De tribus generibus Musica.
- XIII. De modis ac Circulibus.
- XIV. De Modulamento.
- XV. De Compositione.
- XVI. De arte Cantandi.
- XVII. Perfectio nostra Musica Græcorum historia de ratione ac energia Musica à Pythagora

*gora decantata, suspecta fidei sunt : quod  
ex Malorum Dorii ac Phrygii constitu-  
tionibus probatur.*

**XVIII.** *Petri Gregorii Tholosani & aliorum opinio-  
nes refutata ex ipso Boëthio.*

**XIX.** *Natura Dorii ac Phrygii ex ratione inter-  
vallorum.*

**XX.** *Quid sit Spondaicum Carmen ac Modu-  
lamen.*

**XXI.** *Quid sit, Spondeum succinere.*

**XXII.** *Modulamenti energia. Vnde falsitas Histo-  
ria Græca sit.*

**XXIII.** *Aliud commentum Athenæi de Ionico  
Modo rejectum.*

**XXIV.** *Disciplina Musica ex principiis Scientia,  
& elementi: Artis petenda. Zarlinus  
unicus Thænix inter alios scriptores seli-  
gerendus. Illius Compendium ingeniosè ab  
Artusio concinnatum. Vtriusque lectio-  
ne Musica addiscenda : sex Capitibus  
supra S. x. enumeratis, perficienda.*

**XXV.** *Vberior & accuratior Musica Doctrina ne-  
cessaria. Cujus Methodus promittitur.*





DISSERTATIONIS  
GENERALIS BIPARTITÆ

*Pars Prior ;*

QUÆ TRADIT,

Quibus Disciplinis perfecta  
constet Eruditio.

**I**N ratione studiorum primò in considerationem venit, quàm varia sint disciplinarum genera. Ac aliæ quidem *communes* sunt; aliæ excellentiæ causa *erudita* nuncupantur. Communes voco, quibus etiam se dant, qui inter eruditos referri non solent. Quales Aristoteli *vi i i. Polit.* sunt Grammatistice, Gymnastice, Musice: ac quorundam iudicio etiam Graphice. Grammatistice, est legendi, scribendique scientia: quæ doctrina planè est divina: etsi, quia puerilis, & vulgaris, eò vulgo abjecta, dispertaque habeatur. Gymnasticè, in corporis exercitatione consistit. Ac veteribus erat simplex, bellica, athletica. Nostri

temporis Gymnastice præter saltationem, comprehendit digladiationem, equitationem, & narationem. Musice, secundum Pollucem Triplicem harmoniam observat: unam ore, alteram manu, tertiam pedibus. Ut ad eam non minùs, quam Gymnasticen saltatio pertineat: ars nec inutilis, nec laude indigna, quamdiu se intra honestatis continet cancellos, nec excellere eâ studet, quem id non decet: Graphice, est ars pingendi: quæ in nonnullis plus etiam præstat, quam dictio, aut scriptura: ac in peregrinationibus etiam plurimum juvat.

Disciplinæ eruditæ vel sunt verborum, vel rerum. Verborum cura vel Grammatica est, vel Rhetorica, vel Poëtica. Grammatica ars purè loqui docet: Rhetorica ornate, Poëtica lege metricâ. Loquor vero nunc de artibus istis, quatenus circa verba solum versantur: non quatenus Grammatici iidem ac philologi, variæque eruditionis amantes. Nec prout sumitur Rhetorica pro facultate Oratoriâ: vel Poëtica fabulis naturæ arcana involvit, vitæve exempla proponit. Quomodo & Rhetorica, & Poëtica parres sunt longe augustioris considerationis, quippe partes eloquentiæ, de quâ postea dicetur. Optandum autem foret, ut, sicut olim, ita nunc etiam gens aliquâ superesset, quæ latinè loqueretur. Expe-

pedirissimam haberemus addiscendæ linguæ Romanæ viam. Nunc cum hodie per paucorum ea sit laus, ut prescribant: pauciorum ut loquantur; cum præceptis vero, si pauca quædam exceperimus, ita comparatum sit, ut ea aliquo usque provectos juvent, incipientes vero potius morientur: vix alia profectò ratio sermonis formandi, quam si veteres legamus, & sequamur. Modum vero ejus rei inferius exponam. Dubitet quoque aliquis, num, quia nunc de eruditis solum disciplinis loquimur, eò hic agatur de puritate sermonis in illis modo linguis quæ olim obtinere vulgò: nunc vero à solis sciuntur doctis: ut sunt Romana, Græca, Hebræa, Arabica, aliæ: an etiam de puritate in peregrinis illis, quæ hodièque in usu sunt totis gentibus: quales Gallica, Italica, & similes. Vulgares enim videntur, quia notitiam earum vulgares animæ possident, rerum omnium imperitæ. Mihi mediis sunt generis: interim parum referre censeo, utrum doctrina earum reducatur ad disciplinas communes, an eruditæ, dummodo fateamur usum earum esse eruditis maximum, partim ad vitæ publicæ, privatæque commercia: partim ad intelligendas res magnas, quæ vix aliis, quam vulgaribus illis linguis sunt exarata. Imo in puritate etiam, & elegantiâ

4 GER. JOAN. VOSSII  
tiâ linguæ vernaculæ exercitati utile pu-  
to : qualis his terris Belgica. Nam & illa  
non aliis minus linguis suas Veneres ha-  
bet : quas exiguæ fortassis laudis est scire :  
illaudatum tamen nescire. Adde, quod nec  
rarò adversus linguæ vernaculæ purita-  
tem peccat vulgus : sæpe etiam eruditi,  
dum invitâ linguâ belgicâ, ad latinum eam  
morem accommodant; Walonibus nostris  
similes, cantantibus belgicé, aut belgis im-  
peritioribus latinè. De verborum doctrina  
fatis.

Rerum doctrina vel est singularium, vel  
universalium. Prior illa vocatur Historia;  
quæ cum linguæ studio optimè conjungi-  
tur. Cum enim Historia partim rerum na-  
turam describat, partim res gestas narret;  
ex naturali quidem communia rerum pe-  
ne omnium vocabula discemus : ex gesto-  
rum illâ hauriemus proprias personarum,  
ac locorum appellationes, sine quarum  
notitia non poëtæ, non oratores, non ul-  
lum intelligi possit scriptorum genus. Ut  
satis liqueat: etiam ad discendam linguam  
latinam non esse expeditiorem proficien-  
di modum, quam si cum Cicerone, aut Te-  
rentio historiam jungamus. Sed longè ma-  
jus est, quod ex historia naturali naturalis  
scientia, & ars medica nascitur : ex historiâ  
vero rerum gestarum tota Philosophia  
pra-



practica, cum jurisprudentiâ originem trahit. Ex singularibus enim ad universalia devenitur. Hæc universalis doctrina à Platone dividebatur in *πρεπαίδειαν* vel *παιδείαν*. illa præparat, hæc perficit. *Πρεπαίδεια* continet Mathesin, & Logicen. Mathesis versatur vel circa quantitatem discretam, ut Arithmetica, vel continuam, ut Geometrica. Logice dirigit intellectum in cognitione veri: præcipuaque ejus instrumenta sunt argumentatio, definitio, divisio, methodus. In quibus etiam multum sola potest natura. Sed non omnibus par obtingit naturæ felicitas, & ars dux est certior naturâ.

Atque hæc de *πρεπαίδεια*: quæ sic dicitur, quod discendi ordine antecedar *παιδείαν*. Ut enim ædificare volentis prior est fundamenti cura: postea autem structuræ: ita se etiam res habet in doctrinarum studiis. Structura *παιδείας* nomine censetur: Ea partim cognoscitur lumine naturæ, partim supernaturali. Prior Philosophiam continet & eloquentiam. Philosophia consistit in sapientiæ, & prudentiæ studiis. Sapiëntia comparatur notitia naturæ. Atque ad eam, ut dixi, etiam medicina refertur. Prudentia comprehendit scientiam moralem, & civilem. Ex posteriori enasci-

tur Jurisprudencia, Eloquentia docet aptè dicere ad persuadendum; Idque vel prosâ oratione, ut Oratoria; vel carmine, ut Poëtica. Utraque Politicæ est instrumentum; sed ut Politicus sit Orator, multum refert; cùm in re familiari ubi multum ornat, & amicos parit; tum præcipuè si dicendum in concione ad populum: in curia ad senatum, in castris ad militem, in legationibus ad exteros reges, vel reipubl. Antistites. Sed Politicum itidem esse Poëtam, nihil necesse est, quia bonum quod ex dramatis, & aliis poëmatibus redundat ad Remp. per alios exsequi licet. Quare Lælius & Scipio, sive Furius, aut Sulpitius, nobilissimi homines, non ipsi suo nomine dramata ediderunt, exi adjunctant Terentium. Sed ut à Politico hoc studium non requiratur, tamen ejus noctitia augeat nominis decus. Imo nec à laude carminis tragici abhorruere Aſinius pollio, & Augustus, ut Julium Cæsarem mittam, qui tragediam scripsit, sed junior. Superest doctrina supernaturalis, sive Theologia Christiana, quæ doctrina est divinitus revelata à Deo, & officio hominis, in spem vitæ æternæ. Quia vero hic periculosius erratur, utile est in tanto ecclesiæ super variis capitibus dissensu, ut ipsi scripturas legamus, idque animo humili, & affectibus minime mancipato.

pato. Recentibus etiam doctoribus adde-  
mus veteris ecclesiæ interpretes, ac consi-  
derabimus, in quibus dissenserint, & quan-  
do dissensus ille coeperit, & ubi alii alios  
tulerint, & ubi non item. Quo pacto futu-  
rum, ut & necessarie veritati, & ecclesiæ  
concordiæ melius consulatur.

## DISSERTATIONIS GENERALIS BIPARTITÆ

*Pars altera,*

QUÆ OSTENDIT,  
Quomodo variæ adeò disciplinæ  
optimè addiscantur.



Vidimus, quam late pateat  
doctrina. Ea vero est hu-  
manæ mentis imbecillitas,  
ea voluptatis vis in animos  
nostros, ut licet in studiis  
ad summa contendamus, sic  
quoque longe abfuturi simus à summo.  
Tanto magis in pueritiæ, & adolescentiæ  
institutione semper est collimandum ad  
id, quod est perfectissimum: hoc est, ut eo  
tandem homo pertingat, nihil ut penitus  
nesciat: saltem eo contendendum, qua-  
tenus discens ingenium, & fortuna ferat.



& vitæ genus sinat, cui quis destinatur. Atque hoc optimè perspexit vastissimæ eruditionis vir, nec sine laude nominandus, Nicolaus Damascenus, Augusti Cæsaris amicus: qui & ab eo placentis, & dactylis nomen Nicolaorum imposuit. Hic, ut ex verustioribus prodidit Suidas, docto patre natus, & celebris in patria erat adhuc imberbis: nullo Grammaticorum inferior, inque omni poëtica exercitatus, si ut comœdiæ ejus & tragœdiæ etiam laudarentur ab eruditis, & intelligentibus. Provectior vero etiam evasit egregius dicendi artifex; nec Musicæ solum, sed universæ Mathe-  
seos contemplationi se addixit: tandem & toti Philosophiæ, in quâ omnigenam Aristotelis doctrinam maxime æmulatur. Hoc miraculum hominis dicebat, quemadmodum qui suscipiunt peregrinationem longinquam, alicubi quidem divertunt, noctemque commorantur: alicubi solum prandent; alibi vero diebus aliquot subsistunt, & alia curiosè, alia obiter speculantur reversi vero proprias inhabitant domos: similiter universæ amantibus doctrinæ, ac eruditionis in quibusdam studiis brevi, in aliis longo esse tempore commorandum: quasdam disciplinas esse integras addiscendas: in quibusdam elementa sufficere: atque ubi ex omnibus iis, quod utile est  
in-

instituto suo, hauserunt, quasi domum re-  
 versos in sapientiæ, ac prudentiæ studiis,  
 quæ philosophiæ nomine continentur, as-  
 siduos esse oportere. Ex ejus igitur viri  
 consilio contenti esse debemus perfectio-  
 ne ejusmodi, quò nihil penitus nescire di-  
 camur, quia nullius studii sumus prorsus  
 expertes: interim alia sciamus leviter, alia  
 mediocriter, alia accuratè. Leviter quædam  
 ob exiguum usum, pro vitæ genere quod  
 propositum est nobis, ac ejusmodi est satis  
 elementa hausisse. Mediocriter alia ob u-  
 sum majorem, & quod sine iis intelligere,  
 vel tueri nesciamus, quæ scopus sunt stu-  
 diorum nostrorum. Exactè vero, quæ po-  
 tissimum tangunt vitæ genus, quod insti-  
 tuimus. Variant enim singula istorum pro  
 vitæ proposito. Ita hodiè majori jure lin-  
 guæ Græcæ peritia requiritur in medico,  
 quam in jurisconsulto: major etiam noti-  
 tia scientiæ naturalis. At jurisconsulto ma-  
 gis opus cognitione historiarum, & philo-  
 sophiæ morales, ac civilis. Theologum ma-  
 gis quàm jurisconsultum, aut Medicum, Lo-  
 gicis, & Metaphysicis imbutum esse con-  
 venit. Etiā illi est magis necessària notitia  
 Orientalium. Historiæ vero Ecclesiasticæ  
 notitiam potissimum quidem in Theologo  
 requiram: mediocri interim opus censeo  
 omnibus eruditis; præsertim si futurum ali-

quando, ut sedeant ad clavum Reip. Quales, imprimis etiam in religionis negotio, non alienis modo, sed suis etiam oculis videre par est. Scripturas igitur sedulo legant, & ut ante dicebam, antiquis interpretibus sociare discant novos, novis etiam antiquos.

Exposuimus hactenus duo ista, quæ & quatenus sunt discenda. Tertium restat, qua ratione facillime tam vasta rerum notitia paretur. Pene ab incunabilis ordiendum: non terribili ratione, sed suavi, & quasi lusitando. Sane pueriles animi mire capiuntur narratiunculis, & picturis. Quare quandrienni etiam vel minori, interdum & antequam legere discat, mater, vel paedagogus librum proponat, qui pietas exhibeat historias omnes veteris, & Novi Testamenti. Figuræ singulæ monstrantur, explicantur. Ita breviculo spatio puer historiam biblicam sciet. Exemplis etiam subicere liceat salutaria præcepta, quæ inde colliguntur. Sic metus Numinis, & reverentia instillabitur. Etiam sylvam vocum latinarum occasione eadem addiscere licebit. Exempli gratia, in primâ picturâ, quæ creationis historiam proponit, videre erit Solem, Lunam, Stellas, Virum, Feminam, arborem, serpentem, pomum, leonem, bovem, cuniculum, pavonem, alia; in quibus  
puer



puer rogatus quid quidque sit, latinè etiam nominare discet. Ac pat ratio fuerit in cæteris picturis.

Mox consequetur, vel etiam sociabitur Grammaticæ, sive legendi, & scribendi scientia. Literæ lusitando variæ discuntur. Inter alios modos, si sphærulis lusoriis, literæ alphabeti singulæ è chartâ agglutinentur, nec alias puero liceat obtinere, quam in quibus literarum scriptarum nomina sciat: quarum oblitus erit, etiam sphæulas deperdat. Quod si firmisscula erit pueri pro ætatula manus, possit non à legendo, sed à scribendo ordiri. Nam dum discit literas formare, eâdem discet eas noscere. Utile autem incipere ab alphabeto Italicarum literarum sive, ut vocant, currentium. Nam si calet puer sex, septem figuras, nullo negotio discet universas: quia reliquæ inde formantur. Exempli gratia noscit *ex c* *e*: *ex i*. novit *n*, *m*, *u*: ex quibus de paucis reliquis facile erit judicare.

Hinc jam tempus vulgaria discere paradigmata nominum & verborum, sed in nominibus sine illis, ut vocant, articulis. In verbis, ut unum sit Imperativi tempus, primæ personæ expers: citra etiam modum optativum, qui Subjunctivo continetur. Hæc addita citra structum puero difficultatem augent. Mox hauriet præcepta

artis Grammaticæ: quæ adeo sunt pauca, ut pagellis viginti liceat complecti. Quod & in Græcis locum habeat: imo ea quaternione, ut vocant, unico soleo comprehendere. Vulgo multa inferciunt Grammaticæ planè Philosophica, quæque à tenera ætate intelligi nequeant. Et hæc verè carnificina; non quasi & ista non aliquando discenda sint. sed & ætate inque studiis aliquantum provectis, ut sermonis etiã naturam, & causas intelligant. Quare istorum loco puer præcipuarum rerum vocabula perat ex Nomenclaturâ Junii. Sylvula hæc vocum ex facilibus, quos dixi, canonibus cognitis, vel fabellæ Æsopicæ, vel pauca poterunt ex Erasmo, Corderio, aliove, colloquia proponi, ut ita usus canonum melius appareat. Sed mox scriptores ad veteres veniendum. Ex quibus conducet Terentius ad sermonem familiarem, & epistolicum. Propter quem & elegantiores aliquot Ciceronis epistolæ elegantur. Ob metricam vero rationem post enarratam prosodiam, à Catonis distichis ordiri licebit. Vel selectis quibusdam ex Marone, Ovidio, Horatio, atq; aliis. Quo pacto puer in omni versuum genere illustre habebit exemplum. Atque hæc nunc dicimus solum, ut liqueat, quomodo optimè consequamur intelligentiam canonum, de sermo-



monis Romani puritate, ornatu, metro. Qui vero potissimum sunt legendi propter stylum, & ut præter lectionem requiratur usus, sive styli exercitatio, postremo à nobis loco exponetur. Etiam jam tum imo multo etiam ante, puta sexenni, vel septenni utiliter censeo datum iri chartas tres, quatuor geographicas: ut inde distinguere discat tres continentes, & in Primâ Asiâ, Africâ, & Europâ. In singulis harum nobiliores regiones, & terminos, primariaeq; urbes, velut Romam, Carthaginem, Athenas, Sparrâ, Constantinopolim, Hierosolyma, &c. Ostendatur ubi Christus natus, passus: ubi imperator Germanicus domineretur, ubi Turcicus: ubi Castiliæ Rex, ubi Lusitanix: ubi Rex Gallus, Britannus, Danus, Polonus, Suecus: ubi pontifex Romanus, ubi sita tellus, atq; urbs, quam ipsi incolimus: & sic in cæteris. Puero scire hæc, monstrareq; postea aliis, voluptatem adferet honestâ, ac multum lucis in historia, sacrâ, externâ, veteri, novâ. Earum sacra petatur e Sulpitio Severo: Romana e Floro. Stadii operâ elustraro, & Cæsaribus Sex. Aurelii Victoris. Externa e Justino hauriantur. Suppleatur in his cætera e Bucholcero, aut Caluissio, vel simili. Ubi vero adepti sumus generalem temporum omnium notitiam, ad quod etiam tabulæ quædam chro-

14 GER. JOAN. VOSSII  
chronologicæ conferent : adeundi qui fu-  
sius omnia tractarunt : ante alios Livius :  
qui præterquam quod purè adeò & perspi-  
cuè scribat, quoque præcepta, & exempla  
adfert, quæ Dei providentiam doceant ; ac  
prudentiam augeant moralem, ac civilem :  
etiam orationes habet in vario admodum  
argumento profuturas plurimum elo-  
quentiæ studiofo. Qui vero fusè de singu-  
larum penè gentium imperiis scripserint ,  
aliâ quadam diatriba persequimur : unde  
peti malo, ne sit, quod dici solet Δὴ καὶ ἐμ-  
βν ἰαί'ναι. ①.

Historiam excipit Mathesis ac Logice :  
hinc partim philosophia , ram naturalis ,  
quam civilis , partim eloquentia. Sed qui  
doctores vel primi, vel felicius aliis tracta-  
runt , accurate exponimus libris de scien-  
tiarum omnium natura , usu , & scriptori-  
bus præcipuis : quos propediem puto lu-  
cem visuros.

Quæ hætenus diximus ea pertinent ad  
intelligentiam verborum, & rerum. Præter  
ea vero opus est, ut sciamus loqui , & scri-  
bere purè, & perspicuè, tum copiosè orna-  
rèque. Dixeris, si quis intelligit sermonem  
Romanum , & loquuturum hunc & scri-  
pturum. Sed sæpe linguam intelligimus ,  
quâ loqui nescimus, quia usus abest. Nec si  
purè sciamus loqui , eò atque perspicuè ,  
atque

atque adeò copiose, ornatèque id præstare sumus idonei. Hæc vero duobus consequimur: optimos legendo, & quos legimus imitando.

Videndum igitur nunc, qui sint imitandi, & quomodo imitandi. Ecquis sit imitandus, vocari in dubium non debet: Quippe, ut dictum, nullus jam populus est, qui loquatur latine. Quare veterum opus lectione, qui sermone Romano præstiterunt. Sed duo hic attendere convenit: prius pertinet ad proprietatem vocum simplicium, & conjunctarum. Hæc ex uno quopiam disci nequit. Ut falluntur qui putant haud aliis utendum esse verbis, quàm Ciceronis: cum non de omnibus rebus scripserit Cicero: eoque si de re rusticâ, militari, architectonicâ, aliisque tacendum propterea non sit, alios cogamur adire scriptores. Nempe Ciceronis imitationem non ponimus in verbis, sed lineamentis, & totâ orationis formâ. Nec quia Ciceronem nomino, eo præscripsero omnibus lectionem Tullii, ut unici ducis. Nihil enim invitâ faciendum Minervâ. Suum autem quemque ingenium ad aliud, atque aliud dicendi genus trahit. Sed utcunque diversi sint modi, quibus stylo etiam inveniamus laudem: non tamen in iis est iste, si multos imitemur: quomodo dictio nunquam futura



ra est æquabilis, & constans. Unus igitur aliquis imitandus, isque optimus. Nam si bonum imitemur, non optimum, haud facile evademus boni, quia raro adæquamus, quem nobis æmulandum proposuimus. Meliores autem dare non possumus, quam qui vixere Julii ac Augusti temporibus, quales ex profanis Tullius, Cæsar, Livius: & mox M. Seneca, Vellejus, Curtius, Fabius. Unum autem imitari expedit: vel si quem addere velimus, is esto quam simillimus, ut si Tullio Fabium addamus. In eo autē, quem imitamur aliquantulum assidui esse debemus: neque ad proprietatem modo singularum vocum attendendum: sed etiam conjunctarum: ut quæ nomina his illis verbis: quæ verba his vel istis nominibus sociantur. Utrumque horum sedulo exponit in Thesauro suo Rob. Stephanus. Claudicat vero hac parte toties recoctus Calepinus. Considerandus etiam particularum usus; de quo Turfellinus, & Stewechius. Perutile vero, si, ut in Nomenclatore suo Junius voces singulas rerulit, atque resolvit ad certas classes: ita etiam faciamus in conjunctis: veluti quæ formulæ dicendi obrineant jure forensi, quæ in militari, quæ in rusticâ, & nauticâ, aliisque. Ad hæc dispiciendum in scriptore, quem nobis proposuimus, (præcipue in Tullio)

quo-

quomodo sententiam ordiarur, continuer, claudat:quo pacto narret, ad aliud trans-  
 eat,interroget, ratiocinetur: qua ratione  
 exemplis illustret, vel aliena verba propo-  
 nar, firmer, aut refellar. Atque utile etiam  
 in codice quopiam, summa in pagina ritu-  
 lis hujusmodi annotatis, subdere inferius,  
 quas formulas invenimus legendo: easque  
 varias, ut major in imitando copia suppe-  
 rat, nec eadem semper chorda oberrando  
 paupertatem nostram prodamus. Et ta-  
 men in formulis ejusmodi, & phrasi uni-  
 versâ videndum, à quo, ubi, quando, & qua  
 occasione, quidque dicatur. Nam variat  
 stylus pro genio tum dicentis, tum re-  
 rum, quæ dicuntur: aliterque loquimur in  
 epistola, vel sermone familiari, aliter in dis-  
 putationibus aut artibus tradendis: aliter  
 in texendâ historiâ, aliter in concitato, fer-  
 ventique dicendi genere, ut fere in causis  
 forensibus. Imo ne par quidem ratio est  
 in ordinatione verborum. In epistola e-  
 nim (nisi forte ob gravitatem argumenti;  
 assurgere debeamus) haud multum sollici-  
 ti sumus, ne multæ concurrant vocales;  
 ne multæ consonantes asperæ, ne multa  
 grandia, aut exilia multa;urcumque ea sa-  
 tius sit misceri: verum subinde aliquis ta-  
 lium neglectus commendat, ideoque ipsa  
 cura est incuria. At in oratione studiosè

ea sunt observanda : ac prætereâ curandum, ut periodica ; ac numerosa sit oratio : adfuescendæque aures, ut de soni diversitate judicium ferre valeant. Negligi hoc officium à pædatribus multis solet : sed miras venerea addit orationi , ita ut pro his observatis , aut neglectis eadem oratio haud eadem videatur. Ex uno Tullio hæc optimè hauriri diximus superius, cum de Rhetorico sermonis ornatu ageremus. Pueri autem post selectiores in omni argumento epistolas, legendæ etiam orationes faciliores, quales Catilinarix, & ad Cæsarem dictæ : postea accedet omnium perfectissima, pro Milone. Etiam ex philosophicis ejus viri quædam delibanda : ut Lælius, & Cato : quos sequuntur mox aurei officiorum libri. Nam sic eâdem opera stylus magna capiet incrementa, & bona pars discetur philosophiæ moralis : sine cujus notitiâ non constat eloquentia : ut quæ philosophiæ practicæ, ut diximus, sit instrumentum.

Quos scriptores ad facultatem bene dicendi comparandam imprimis legere conveniat, satis mihi videor exposuisse. Venio nunc ad alterum caput, quod est de imitatione, sive exercitatione styli, quæ facundiam perficit, imò penè sola artificem facit. Est vero alia pueris convenientior, alia



alia majores exigit vires. Prior est duplex: una, si aliqua ex Tullio, aliove reddas vernacula linguâ: post aliquod vero dies, modo bene sint expressa (de quo, si opus, doctor prius iudicium faciet) eadem à puero latine reddantur. Denique ex Tuiliano-  
rum collatione iudicium fiat, quæ à magno illo dicendi magistro melius dicta sint, quo pacto futurum, ut puer, quasi sub ipso Cicerone præsentî proficiat. Posterior exercitatio est, quando puer epistolam, vel historiolum sumit, non disconvenientem multum suis rebus: atque eam mutatis aliquibus suo accommodet instituto. E. G. Cicero varios in epistolis consolatur: ex harum una, vel pluribus consolaturo fas erit sua excerpere, etiam verbatim periodos toras. Sic ex Tullio melius discet lineamenta sermonis Romani, & formare ipsum orationis corpus. At majoribus jam viribus est opus, quando in argumento multum diverso imitatio fit eaque instituitur, ut non alteri pene omnia, sed multa etiam nobis debeantur: & quæ ex altero desumpta, ea etiam nostra plane videantur, quia, ut artificiosi fures solent, iis novam plane formam tribuimus. Cæterum cum initio quis in hoc exercetur, satius est pauca scribere, & tardè: non vero accipere, quæ statim se offerunt: sed quærere  
me

meliora, imò optima. Quin ne quidem aliquo usque jam in dicendi studio progressi industriam hanc omittere debemus. Si quidem qui facultatem benè dicendi comparavit, si ingenium quodammodo habeat in numeraro, & ita usu veniat, ut extemporalis dictione sit opus, non incommode id præstabit: sed si dare propterea extemporalis dictioni se volet semper, facilitate amitter bene dicendi facultatem.





# GERARDI JO. VOSSII INTRODUCTIO

IN

Chronologiam.

LECTORI

BENEVOLO S.

**H**abes hic, candide lector, brevem & per-  
utilem studiis tractatum Chronologia,  
quo Clarissimus Vossius anno fere  
MDCXXXI. privatim discipulos imbuit, ut  
cum fructu in historiis versari possint. Quod  
enim in capite sunt oculi, id in historiis vir  
magnus solet appellare Geographiam & Chro-  
nologiam, quare non satis illi fuit bonarum dis-  
ciplinarum studiosis, digito ostendere viam ad  
Geographiam: sed itidem fecit ad Chronolo-  
giam. Et ut eam facilius memoria insculperet,  
omne ævum à mundi exordio, usque ad conse-  
quentia tempora, per certa intervalla dispe-  
cuit, ad quæ omnia quæ in historiis occurrunt,  
facili negotio revocari possunt. Hæc scripsi de-  
prompta, ut prelo committerem, impulit quo-  
rundam hortatio, amor præceptoris, & affectus  
erga communia studia.

Utere, & Vale.

A. ZYLIIUS.

GER.

GER. JO. VOSSII  
INTRODUCTIO

I N

Chronologiam.

PROLEGOMENA.



Ria sunt, quæ observanda sunt unicuique, qui animum ad discendum appulit. Primò, ut discat intelligere. Deinde sapere; denique eloqui. *Intelligere*, ea gratia, at alios intelligamus, & ab aliis intelligamur. Quo pertinent studium linguarum, ut Hebræarum, Græcarum, & Latinarum, & aliarum, quæ maxime sunt in usu, ut hodierno seculo lingua Gallica. *Sapere*, ut res ipsas intelligamus. Illud studium dicitur sapientia, sive Philosophia. At cum tria sint, circa quæ meus versetur, *Res*; *Cogitatio*, quæ est signum rerum, & *Sermo* seu *verba*, quæ sunt cogitationis signum; idcirco etiam accedat oportet *eloqui*, seu *bene dicere*, ut eleganter animi sensa proferamus, & cogitata in actum deducamus. Hoc efficit Rhetorica seu studium eloquentiæ.

Qui vero rite sapere volet, is sibi hos  
tres

tres libros commendatissimos habeat, librum naturæ, librum providentiæ, & librum scripturæ. *Liber naturæ* est de operibus Dei, unde intelligitur Dei potentia, omnia ex nihilo condentis. Sapientia, valde ordinate omnia condentis. Bonitas, omnia propter nos condentis. Ad librum naturæ pertinet Philosophia naturalis, si-  
ve Physica, ex .gr. quid sit Eclipsis Lunæ &c. *Liber providentiæ* est Historia rei, unde comparatur sapientia, & prudentia civilis. Historiæ autem usus duplex est, partim spectans Deum in gubernandis omnibus. Unde discitur, quomodo Deus nos homines gubernet, & imperium ab uno ad alterum transferat; atque ita inservit historia promovendæ pietati. Partim spectans nos, quomodo nos ipsos, domum, & rempub. administremus. Huc pertinet Ethica, Oeconomica, & Politica. Omnes quidem legunt historiam: sed non omnes uno, & eodem fine. Puellæ, & opifices etiam legunt historiam; sed speculationis tantum gratia. Verum ne similiter à nobis fiat, sed prudentiæ civilis consequendæ grata, eam legamus. Tertius liber erat, *Liber Scripturæ*, qui facit ad cognoscendæ opera Dei, & ex operibus, ipsum Deum, Deique voluntatem. Hic plane pietati colendæ & promovendæ inservit. Unde li-  
que

24 GER. JOAN. VOSSII  
quer omnia nostra studia revocari posse ad  
quinque capita. Primum esto, Intelligen-  
tia. 2. Sapientia. 3. Eloquencia. 4. Natu-  
ræ cognitio. 5. Denique Historia. Ad  
Historiam cum fructu legendam, imprimis  
utilis est Geographia, & Chronologia.  
Impræsentiarum agemus de fundamentis  
Chronologiæ.

*De Poëtica Temporum divisione.*

UT itaque quædam præmittamus, de  
divisione temporum, apud Poëtas, &  
alios solemni, antequam agamus, de ea  
partitione temporum, quæ potissimum  
in usu est. Sciendum apud Poëtas, omne  
mundi tempus dividi in quatuor sæcula,  
in Aureum, Argenteum, Æneum, & Fer-  
reum.

*Aureum seculum cœpit à Mundi exordio,  
& duravit usque ad Saturnum regno  
exactum.*

Hoc aureum seculum, nihil aliud signi-  
ficat, quam felicitatem majorum nostro-  
rum in Paradiso.

Saturnus enim est ipse Adamus. Quod  
inde liquet, quia Saturni pater dicitur esse  
Cœlus (Cœlus est nomen Dei; cœlum,  
nomen elementi) At Adamus, an non est e-  
tiam filius Cœli, idest Dei? Deinde Satur-  
ni mater dicitur fuisse Tellus. An non Ada-  
mi

mi mater etiã fuit tellus? Est enim ex massa terræ à Deo cõditus. Illud de Saturno testatur Hesiodus, in Th. & Orpheus. Adamus autẽ successu temporis, in Deos est relatus, & pro Numine cultus, dictusq; est Saturnus.

*Post autem seculum successit argenteum, quod cœpit ab exacto Saturno, & duravit usque ad Nimrodum, sive Iovem Belum.*

Poëtæ fabulantur, Saturnum regno exactum primam agriculturam exercuisse; proinde pingitur falce, quia falcis inventor est. Atqui Adamus postquam paradiso exactus est, etiam primus fuit, qui agriculturam exercuit. Hoc seculo dicuntur omnes artes inventæ. Id ipsum etiam testatur S. Scriptura Genes. 4. post exactum Adamum contigisse, Jabetus artem faciendorum tabernaculorum invenit. Tubalcainus primus usum metalli invenit; qui, certis literis præcisis, est Vulcanus, atque hic Poëtis inventor est omnis artis fabrilis. Iubalinus auctor & invetor est artis Citharistiae. Tum domus demum sunt cõditæ, ut testatur etiã Ov. I. Metamorph.

Tum primum subiere domus, domus antra fuere. Atqui tum Cainus etiam primus urbem condidit, quam de nomine filii Hanoth, Hanothiam appellavit.

*Aneum cœpit sub Nimrodo seu à Iove Belo, & duravit usque ad annum primum reditus hebraclidarum.*

Nimrod fuit filius Chus, nepos Cha-



26 GER. JOAN. VOSSII  
mi, pronepos Noachi. Gen. x. Is idem  
est, qui profanis auctoribus dicitur Jupi-  
ter Belus: quæ vox manavit à Phœnicibus,  
apud quos Baal, & contracte Bal, & Bel,  
unde Belus, significat dominum. Sub  
hoc fabulantur bella cœpisse. Atque Nim-  
rodus fuit strenuus bellator, cujus ty-  
rannidem fugiens Assur, Filius Semi, Ne-  
pos Noachi, qui in gentili historia dicitur  
Ninus, urbem sibi cognominem, Niniven  
condidit in Assyria. Hinc intelligens, quod  
Iust. lib. i. ait Ninum regem Assyriorum  
primum bella finitimis intulisse &c. Fieri  
potest Ninum, pro Numerodo positum,  
ut facilis confusio est, in prisca historia.

*Ferreum seculum cœpit à reducta Heraclida-  
rum in Peloponnesum usque ad has tem-  
pora, & quæ sequuntur.*

Itaque hæc ætas cœpit eo tempore,  
quo desuit prosapia eorum, qui ad Trojam  
depugnarunt. Id autem, quod de hac æta-  
re dicitur, non potest accommodari sacræ  
historiæ, quia tam florentissimum fuit im-  
perium Hebræorum, cum inciderit in  
tempus Samuelis, & Davidis &c.

*Varronis Divisio.*

**V**arro, Latinorum doctissimus, omne  
ævum divisit, in tria tempora, in ἀθ-  
λον, μυθικόν, & ιστορικόν.

Ἀθλον

*Ἀδελον* cœpit à mundi initio, & duravit usque ad diluvium Ogygium.

Hoc tempus ita dicitur, quia nihil eorum, quæ tum acta sunt, historiis perscriptum est. Ogygium diluvium accidit in terra. Attica tempore Ogygis, regis Thebanorum, qui vixit temp. Isaaci, & Jacobi. Notandum hic, veteres tria diluvia confundere. Universale, quod est Noachium, Ogygium, de quo hic; & Deucalionium, quod accidit in Thessalia temp. Moſis.

*Μυθικὸν* seu fabulare cœpit à diluvio Ogygis, & duravit usque ad primum Olympiadem.

Id tempus ita vocatur, non quia omnia sunt fabulosa, quæ illo tempore accedunt: sed quia fabulis involuta sunt.

*Ἱστορικὸν* cœpit à prima Olympiade, & durat usque ad hanc, & consequentia tempora.

Olympiades cœperunt tempore Azariæ Reges Judæ c c v. annis à morte Salomonis, sursum legendo tempora, & ducentis (quindecim minus) ante combustionem templi Hierosylimitani.

#### *Eliæ Divisio.*

**C**ircumfertur alia vulgaris divisio temporum, quæ est Eliæ; non Eliæ Thes-

28 GER. JOAN. VOSSII  
bitæ, sed alterius Eliæ Rabbini, qui vixit  
posteriore ævo, tempore templi secundi.  
Hic solet dicere,

*Bis mille annis inane.*

*Bis mille annis lex.*

*Bis mille annis tempus Messia.*

Vel sic:

*Bis mille annis sine lege,*

*Bis mille annis sub lege.*

*Bis mille annis post legem.*

Unde sunt, qui concludunt, mundum  
non amplius, quam bis mille annos post  
Christum duratarum, quod quam frivo-  
lum, & incertum sit, patet ex scriptura  
No. Testamenti. Interim tamen ex hoc  
dicto Eliæ, abunde refelluntur Judæi ad-  
ventum Messiaæ pernegantes.

*Accurrator Temporum Divisio.*

**O**Mne ævum ab orbe condito, usque  
ad hoc tempus, & ea, quæ sequuntur,  
dividitur in partes tres.

I. Ab orbe condito, usque ad vocationem  
Abrahami ex Carrhan urbe Mesopota-  
miæ, sive usque ad scædus Dei cum A-  
brahamo initi.

II. A vocatione Abrahami usque ad  
Christum natum.

III. A Christo nato, usque ad nostra tem-  
pora, & ea, quæ sequuntur.

*De Primo Intervallo.*

PRimum intervallum, à mundo condito, usque ad vocationem Abrahamæ, est annorum spatium 2023. Hoc tempus memoriæ ergo, rursus in duas partes potest dispesci, in illud, quod est,

*A mundi exordio, usque ad diluvium, & sunt anni. — — — 1656*

*Ad diluvio usque ad vocationem Abrahamæ, & sunt anni. — — — 367*

2023

Observanda hic est quorundam hominum ætas, ut liquido hæc pars è sacris comprobetur. Adam vixit 930 annos. à morte Adami, usque ad nativitatem Noachi, sunt 126. Hinc usque ad diluvium sunt 600 anni. Sexcentesimum enim annum agebat Noachus, cum inciperent aquæ diluvii Gen. vii. 11. Habemus itaque 1656. annos; qui effluerunt ante diluvium.

930

126

600

—

1656

His si addantur 367 anni, à diluvio usque ad vocationem Abrahami, habentur

B 3

tur



30 GER. JOAN. VOSSII  
 tur prædicti anni 2023. Ut autem hac in  
 parte etiam consulatur memoriæ ; nume-  
 ra, quot sunt in anno intercalari dies ; sunt  
 autem 366. (nam cum annus constet 365.  
 diebus, & sex horis. Sex horæ quater sum-  
 ræ efficiunt diem unum, hic dies, quarto  
 quoque anno, additur Februario. Atque  
 ita annus intercalaris habet 366. dies ) Il-  
 lis vero jam adde unum diem, & tum dies  
 pro annis computentur, & sic facile sem-  
 per scire poteris illud intervallum à dilu-  
 vio, usque ad vocationem Abrahami, quod  
 est 367. annorum.

Cursum hic notandum est, uti à mundi  
 initio, usque ad Noachum, sub quo dilu-  
 vium contigit, recta linea, sive paterna, de-  
 cem personæ fuerunt ; ita etiam à Noa-  
 cho, usque ad Abrahamum, quocum Deus  
 foedus iniit, recta lineae decem personæ  
 fuerunt, ita ut Abrahamus post Noachum  
 decimus fuerit. Ut Gen. v. & xi. videre est.

Adam	930	Sem	600
Seth	912	Arphaxat	438
Enos.	905	Salach.	433
Kenan	910	Eber seu heber	464
Mahalael	895	Pelech seu Psalech	239
Iared vixit.	962	Rega, seu Reu.	269
Enoch	365	Saruch	230
Methusalem	969	Nahor	148
Lamech.	777	Tharach.	205
Noach	950.	Abraham	175
ante diluvium			
vixit 600. annos, & post diluvium, 350.			

Gen. 25.6.

Hic numerus facile memoriæ mandari potest, observato  
 numero ternario.

Hic

Hic quæritur cum primi seculi homines tam diu vixerint, quales anni sint intelligendi, an Menstri, an Arcadium, qui trium mensiū, an Arcananorum, qui sex mensium erant, an vero Solares, quales nostri sunt?

Resp. Menstri intelligi non possunt, quia ubi centesimo anno dicuntur homines generasse secundum illam computandi rationem, octavo fere ætatis anno generassent, quæ ætas non est apta generationi. Neque etiam anni trium vel sex mensium intelligendi, ut liquet ex historia diluvii, ubi, fit mentio septimi, & decimi mensis; item decimi septimi, & vigesimi septimi diei mensis. Gen. 8. 4. 5. 14. Unde constat annum tum temporis, uti nunc 12. menses habuisse, & menses fuisse plurima dierum, quales nunc sunt. Cerrum igitur est annos solares esse intelligendos 365. dierum, & sex horarum, quibus olim Hebræi, Chaldæi, & Ægyptii usi sunt.

Porrò quæritur, cur homines primo ævo tam diu vixerint?

Quadruplex ejus rei potest dari causa;

I. Ratione Dei, quæ est quasi causa finalis; ut propagaretur genus humanum: ut artes invenirentur, & posteris tradi possint.

II. Ratione temperamentis, quæ est causa naturalis efficiens, quia tum terra

nondum diluvio erat corrupta, ac proinde omnia vivida, & florida erant. Deinde corpora vigidiora erant.

III. Ratione scientiæ, quia tum homines intellecta pollebant, ideoque melius per naturalem cognitionem scire poterant, quid utile, & inutile quid salubrius, & magis noxium valetudini esset.

IV. Causa est Ethica, & moralis, quia tum homines magis sobrie vivebant, solis plantis victitantes, nã nulla mentio fit esus carnis, & potus vini ante diluviũ. Excepto uno, quod in sacrificiis, extraordinarie, usus edendæ carnis obtinuisse videtur.

*De Altero Intervallo.*

**A**lterum intervallum à vocatione Abrahami ex Mesopotamia, usque ad Christum natum complectitur annos 1927. Hoc tempus memoriæ juvādæ gratia, iterũ dispesci potest in quinque spatia.

I. A vocatione Abrahæ usque ad exitum Israelitarum ex Ægypto, quod annorum est 430.

Hic numerus exacte invenitur in sacris expressus Exod. xii. 40. Gal. 3. 17. Hoc spatium bimembre est; quippe Hebræi in terra Canaan peregrini fuerunt 215 annis. Item sub Ægyptiis ab ingressu usque ad exitum ex Ægypto duce Mose 215 annis.

430

II. Ad



## II. Ad exitu ex Ægypto, usque ad conditum templum Salomonis 480.

Hic numerus annorum invenitur 1. Reg. 6. 1. & per partes hac ratione probari potest. Moses post egressū ex Ægypto vixit 40. annos in deserto. Successor Mosis Josua præfuit populo 17. annos. Post Josuā succedere iudices, quorum primus fuit Othoniel, ultimus Heli. Ab Othoniele usque ad Heli excurrunt anni 299. Post Heli successit Samuel, qui imperavit 40 annis, annumeratis decem annis, quibus cum Saule regnavit. Post Samuelem successit quidem Saul, at quia impius fuit Rex, ideo illius anni, quibus Rex fuit, cum annis Regis Davidis in unum computantur, suntque 40 anni, quibus David regnavit. 1 Reg. 2. 11. Post mortem Davidis quarto anno Regni, coepit Salomon ædificare templum Domini Hierosolymis. 1. Reg. 6. 1.

<i>Post egressum Sub Mose</i>	40
<i>Sub Josua</i>	17
<i>Sub Iudicibus</i>	299
<i>Sub Heli</i>	40
<i>Sub Samuele</i>	40
<i>Sub Davide</i>	40
<i>Ad extruct. templi sub Salomone</i>	4
	<hr/> 480

Memoriæ causa, hac ratione, hic numerus annorū colligi potest. Sumatur primo maximus numerus, qui est 299. addatur unus



34 GER. JOAN. VOSSI  
 fiat numerus rotundus 300. Deinde sume quater quadringentos annos, qui computati faciunt 160. Adde his trecentos illos annos, habebis 460. Adde itē 17. annos quibus Iosua imperavit, habebis 477. Huic numero jã subtrahatur, quod supra additum est, & relinquetur æqualis numerus.

Adde his quatuor imperii Salomonis annos, habebis 480.

$$\begin{array}{r}
 300 \\
 40 \\
 40 \\
 40 \\
 40 \\
 \hline
 460 \\
 17. \text{ subtracto uno} \\
 \text{manet} \text{-----} 16 \\
 4 \\
 \hline
 480
 \end{array}$$

III. A condito templo usque ad destructum à Nabuchodonosore, Rege Babyloniae, sunt anni 430.

Sumitur rotundus numerus, memoriae ergo, alioquin tantum sunt 428 anni. Sunt itaque 430 anni, duobus minus.

Salomon post conditum templum vixit annos 36.

Post

Post Salomonem, ultimus Rex Judæorum fuit Zedechias, quo usq; sunt anni 392

---

428

IV. A destructione templi, usque ad Aristobulum, Regni instauratorem sunt anni

480

---

Exacte loquendo sunt anni 485. sed memoriæ gratia sumitur rotundus numerus. Hoc spatium temporis, hunc in modum potest probari. A destructione templi, quæ accidit sub Zedechia, quocum reliquus populus Babylona est traductus (cum magna pars decemio ante, sub Jechonia, Babylona in captivitatem abducta foret) usque ad Cyrum Regem Persarum qui captivitatem solvit, & liberam Iudæis, urbem, & templum instaurandi potestatem dedit, sunt anni 60. A Cyro Persarum Rege usque ad pugnam ad Arbela commissam, qua Alexander Magnus Persas vicit, & imperium in se transtulit, sunt anni 200. Ab Alexandro Magno, & ejus ducibus, sub quibus aliquamdiu fuerunt, usque ad Iudam Maccabæum sunt anni 163. A Iuda Maccabæo, usque ad Aristobulum sunt anni 62. Breviter hoc pacto colligantur anni.

36	GER. JOAN. VOSSII	
	<i>Sub Chaldaeis</i>	60
	<i>Sub Persis</i>	200
	<i>Sub Gracis seu sub Syro-Macedonibus</i>	163
	<i>Sub suis ducibus</i>	62

---

485

V. Ab Aristobulo usque ad Christum  
natum, sunt anni 100.

Hic etiam memoriae ergo sumitur ro-  
tundus numerus, nam exacte computan-  
do sunt anni 104. Atque ita Christus in  
terris natus, secundum vulgarem calcu-  
lum, anno mundi 3950. Secundum Scha-  
ligerum, & doctiores, natus est duobus  
annis ante, sub finem Septembris Anno  
mundi 3948.

Computus annorum à vocatione  
Abrahami, usque ad Christum natum per  
partes.

	430	{	Num. exactus.
	480		
	430	428	{
Nu. Rotund.	480	485	
	100	104	{

---

1927

*De Tertio Intervallo.*

**T**ertium intervallum à nativitate Chri-  
sti incipiens, & excurrens in hæc us-  
que

DE RAT. STUDIOR. 37  
que tempora, complectitur annos 1658.  
Hoc spatium bipartitum est.

A Christo nato usque ad  
Carolus Magnus sunt anni 800

A Carolo Magno, usque in  
hunc annum currentem  
sunt anni 858

Prius membrum, hoc pacto rursus  
subdividi potest. A Christo nato, usque  
ad Honorium ( qui post mortem patris  
Theodosii, cum fratre Arcadio divisit im-  
perium, hoc in Oriente, illo in Occidente,  
regnante ) sunt anni 395. Rursus ab Ho-  
norio, usque ad Momyllum Augustulum,  
in quo imperium Occidentis desinit, sunt  
anni 80. Denique à Momyllo Augustulo,  
usque ad Carolus Magnus, Imperii in  
Occidente instauratorem, sunt anni 325.  
Qui simul cum præcedent collecti effi-  
ciunt 800 annos. His si addantur 858.  
anni posterioris membri, habetur præsens  
annis. 1658.

---

TABELL



## TABELLA CHRONOLOGICA.

	Rorun- dus inter vallorū numers	Anni mundi exacti	Anni fluentes	
Amundo con- dito usque ad ad diluvium.	1656.		1657	
A diluvio us- que ad voca- tionem Abra- hami.	367	2023	2024	
A vocatione usque ad exi- tum ex Ægyp- to exacte nu- merando sunt tantum 428. anni. A ro- tundus nume- rus in Sacris est expressus.	430	2452	2453	
Ab exitu Is- raelitarum , usque ad tem- plum conditū.	480	2932	2932	In hoc nume- ro convenit Vossio cum
A condito us- que ad de- struct. templi, exacte loquen- do sunt tan- tum 428.	430	3360	3360	Vbbone Em- mio, quia hæc duo tempora in medium anni incide- runt.
A delero usque ad Aristobulū. exacte loquen- do sunt 485.	480	3845	3846	
Ab Aristobulo usq; ad Christ. narum, exacte numerando sunt 104.	100	3949	3950	
A Christo na- to usque ad Carolū Ma- gnū.	800			
A Carol. Mag. usque ad hæc temp.	353		1653	

Qui porro, in hoc studio, cum fructu versari cupit, adeat  
præter ceteros Vbbonem Emmium, in Chronologia Clarif-  
Vossio commendatissimum, AP.

## APPENDIX

## DE IMPERIIS,

Quæ potissimum in Historiis celebrantur eodem Authore.



Antiquissima & celeberrima olim fuerunt Chaldæorum, & Assyriorum imperia. Chaldæorum, seu Babylonicum imperium, caput habuit Babylona, cujus primus conditor fuit Nimrod. Assyriorum vero caput Ninive fuit, condita ab Assyre filio Semi, Noachi nepote. Hæc imperia sæpe inter se concurrerunt; at tandem summa imperii pervenit ad Assyrios, quorum ultimus Rex fuit Sardana- palus; duravitque hoc imperium 1300. annis.

Post Assyrium successit imperium Mediæ, cujus primus Rex fuit Arbaces, vel ut alii Arbactus; ultimus vero Astyages, avus Cyri. Habuit hic filiam Mandanem, quæ nepfit cuidam ignobili Persæ, ex quo connubio natus est Cyrus.

Post hoc, successit imperium Persicum, quod cœpit a Cyro, & desiit in Dario Codomanno, quem devicit Alexander Magnus.

Post

Post Persicum, incepit imperium Græcorum quod ab Alexandro Magno initium duxit, & aliquamdiu ab ejus ducibus administratum est, donec imperium Alexandri à ducibus divideretur.

Atque hæc sunt quatuor illa historiis celebrata Orientis imperia.

Postea, defuncto Alexandro M. Imperium Alexandri à ducibus in quatuor regna divisum est; In Macedonicum, Syriacum, Ægyptiacum, & Pergamenum.

*Macedonicum* cœpit ab Antipatro, & in Perse desiit.

*Syriacum*, à Selenco Nicanore cœpit, & in Tigrane desiit; quem Pompeus devicit.

*Ægyptiacum*, à Ptolomæo lagi filio cœpit, & in Cleopatra Antonii amasia desiit: quam Augustus Cæsar apud Actium vicit.

*Pergamenum*, vel ut alii, Attalicum, vel Mithridaticum, ab Eumene cœpit, & in Attalo desiit. Alii malunt hanc laudem Ponticis regionibus tribuere, & dicunt fuisse imperium Ponticarum Regionum. Cœpit à Lycimacho, & in Attallo, seu Chirhadate desiit; qui à Pompeio etiam devictus fuit.

Post hæc, successit Imperium Romanorum: quod dividitur in pueritiam, adolescentiam,

lescentiam, ἀνὴρ sive virilem ætatem, & senectutem.

*Pueritia* sub septem regibus fuit, usque ad Reges exactos. Tum Imperium Romanorum tantum patebat ad 15 vel 17 miliaria Italica.

*Adolescentia* cœpit à regibus exactis, & duravit usque ad primum bellum Punicum. Tum temporis tota Italia cesserat Romanis.

*Αἰὴν sive virilis ætas* cœpit à primo bello Punico, & duravit usque ad ultima tempora Augusti.

*Senectus* cœpit à morte Augusti, & duravit usque ad Momyllum Augustulum. Quo devicto ab Odoacro, finis Imperii fuit in Occidente, neque amplius Cæsares fuerunt dicti Imperii Romani moderatores, usque ad Carolum Magnum, qui tandem hoc nomen resumit post 324 annos. Manetque adhuc hodie ad Ferdinandum usque.



# DISSERTATIO PARTICULARIS.

DE

Ratione, & ordine, universam  
legendi Historiam.



UI animum ad Historiam appellere volet, optimè auspicabitur à generali notitia omnium locorum, ac temporum. Ac propterea primum è generali aliquà totius orbis tabulâ addiscet præcipuas mundi partes, & quibus limitibus hæc distinguantur. Hinc seorsim generales. Europæ, Asiæ, Africæ, atque Americæ, tabulas contuebitur, ut inde cognoscat præcipuarum regionum situm. Adde his typum veteris imperii Romani. Ab hisce veniendum ab tabulas particulares regionum de quibus præcipuæ tractant historiæ: ut Palæstinæ & vicinarum regionum, ob historiam sacram. Item Italiæ, Græciæ, Galliæ, Germaniæ, Hispaniæ.

Verus situs optime cognoscetur ex tabulis Ptolemaicis à Mercatore concinnatis. Utile etiam est ad manum semper esse Onomasticon, sive ut ipse inscripsit, The-

san-



ſaurum Geographicum Ortelii. Breviter ex antiquis orbem deſcripſere Mela, Plinius, Solinus, Dionyſius. E junioribus Glareanus, & Cluverius.

Fuſè, & graviter de omnibus olim Strabo, quatenus quidem orbis tunc cognitus erat: ſed partim ut recens ſimul ſitus addiſcatur, partim quod ſuperiori ſeculo, novis terris inventis, Geographiæ acceſſit, operæ ſit addere, Geographica Bertii, & Ortelii Theſaurum orbis terrarum; aut Atlantem Mercatoris.

Ubi quis ex ſex, ſeprem tabulis, & compendio aliquo Geographico mediocrem ſibi notitiam paravit, nobilium terrarum, & præcipuarum in iis urbium, pari ratione ex canone aliquo Geographico addiſcere opus erit generalem ævi omnis deſcriptionem. Ubi conducent duo canones illi Chronologici Ubbonis Emmii, quos compendioſos, & ſuccinctos appellat, ac pleniori, fuſioriſque ſuæ Chronologiæ præmiſit.

Multum tamen lucis acceſſerit, ſi diſtincte omnia tempora quatuor tabulis proponantur. Quarum *Prima* continet res Hebræorum ab orbe condito, uſque ad excidium Hieroſolymitanum. *Altera* complectitur res Aſſyriorum, Medorum, Perſarum, & Græcorum. Ex quibus Aſſyriæ in-

incipiunt à Nino. Medicæ ab Arbace, Persicæ à Cyro, & Græcæ, prout hic considerantur, ab Alexandro Magno: desinunt autem in Cleopatrá ab Augusto devictâ. *Tertia* tabula continet res Romanas ab Romulo; usque ad divisum imperium inter filios Theodosii, vel usque ad Romam, ab Odoacro captam. *Quarta* proponit Orientis imperium, usque ad captam Constantinopolin: inde imperium Occidentis, usque ad nostra temporâ. Plenius hæc representabunt Zonaræ, & Eusebii chronicon, cum appendicibus Hieronymi, Prosperi, Marcellini, & utriusque Palmerii. Item chronologia Bucholceri, & Calvisii. Et chronicon à tribus illis, Carione, Melanchtone, & Peucero conscriptum. Sed in annorum ratione sequendi potius juniores, præsertim in annis mundi.

Vidimus de generali notitiâ omnium locorum, & temporum: deinde veniendum ad particularem; ac prout historia erit, ita ei præmitti debet notitia regionis, de qua historia ea tractat.

Non dubium autem quin in historiâ particulari incipiendum sit à sacra: sive rebus Hebræorum, V. T. præscriptis: & vita Christi, ac Apostolorum, de quibus in N. T. Hæc summatim comprehendit Sulpitius Severus, ac penè historiam sacram per-

perducit ad annum à Christo nato cccc. Cui addi non inutile est historiam ecclesiasticam Pappi, & historiolas, quas in Chronologia sua habet Abrahamus Bucholcerus. Hæc initiis sufficient.

Postea verò utramque perficient hanc partem Josephus, Eusebius, Socrates, Theodoretus, Evagrius. Item Anastasius, Leurbrandus, Abbo, & Platina de vitis Pontificum. Sed fusissime omnium Centuriatores Magdenburgenses, & Baronius, cujus gemina extrat epitome. Judicio vero non exiguo opus in Centuriatoribus. In Baronio etiam majori: quem interea negare non possumus, præclare meritum esse de antiquitate Ecclesiasticâ.

Post cognitam Ecclesiæ historiam, quid turpius ignoremus, quam quæ vel nostris, vel parentum, aut avorum, vel proavorum temporibus, partim terris contigerunt nostris, partim vicinis? Hæc enim cum vulgo etiam cognita sint, & in conviviis, ac circulis narrari soleant, omninò turpiter se homo dederit literatus, si ista nesciat, quæ sunt quasi ante pedes. Batavo igitur necesse sit scire, quo pacto comitatus Hollandiæ ad Burgundos, inde ad Austriacos, atque Hispanos provenerit. Item gesta Caroli V. initia tumultuum Belgicorum. Bellum quod tot annis  
du.



46 GER. JOAN. VOSSI I  
duravit, & quæ interea temporis memoratu digniora, in Germaniâ, Galliâ, Britannîâ, & vicinis terris.

Nec nosse ea magni erit laboris, qui à pueris etiam pleraque eorum à parentibus, & senibus audimus. Operæ nihilominus fuerit legere etiam historicum unum, alterum, qui breviter ista sint complexi, uti à nonnullis chronologis factum. Postea autem hæc fusius discere licebit è Sleidano, Thuano, Cambdeno, Meterano, Borrio, & aliis.

Postquam res maximè memorabiles temporum nostrorum, & seculi quod proximè antecessit, animo inscripserimus, accingemus nos ad gentium scriptores antiquos. Atque ex his primi legendi, qui res tractant Romanas: cujus rei ratio satis est aperta. Nam auspicari studia solemus à Cicerone, & aliis scriptoribus Latinis, qui absque mediocri intelligentia historiæ Romanæ intelligi minimè possunt: ut in quibus passim Romuli, Numæ, Tarquinii, Camilli, & aliorum ducum Romanorum mentio fiat.

Summatim autem res eas cognoscere licebit ex Floro, cum commentariis Stadii, Vellejo, Eutropio, Sex. Aurelio Victore, Rufo, Pomponio Læto, & Baptista Egnatio de principibus Romanis. Condu-  
cer

cet & Zonaras. Sed accuratius de istis quidem Livius, Sallustius, Cæsar, Suetonius, Tacitus, Spartianus cum annexis historiæ Augustæ scriptoribus; item Ammianus. E Græcis Dionysius, Polybius, Plutarchus, Appianus, Herodianus, Dio, Xiphilinus, Procopius. Ex Iunioribus plurimum juvabunt Annales Steph. Pyghii.

A rebus Romanis veniendum ad res externas, h. e. Assyrias, Medicas, Persicas, Græcas. De quibus summatim Iustinus, Corn. Nepos, & nonnihil etiam Vellejus, atque Orosius, & ubi hi desinunt Zonaras. Plenius autem de omnibus Herodotus, Thucydides, Xenophon, Polybius, Diodorus Siculus, Plutarchus, Arrianus: & è Latinis Curtius in Alexandri gestis.

Postremus locus est historiæ (ut cum Romanis loquar) Barbaricæ, h. e. gentium earum, partem quæ obtinent veteris imperii Romani, aut nunquam sub eorum fuerunt ditione.

Hic primò quisque ordietur ab antiquitatibus suæ gentis; ut Batavus à Batavis, de quibus Grotius; item Douza in annalibus: etiam Joannes de Leidis, & Beka: brevissimè autem Barlandus.

Inde ad gentes alias se conferet, aut eas primum, quibuscum nobis ut fœdus, aut bellum utile autem in quâvis gente erit  
unum



48 GER. JOAN. VOSSII  
unum aliquem seligere, qui potissimas in  
ejus gentis historia obtinere videatur. Ut  
in Gothicis Jornandem, in Longobardicis  
Paulum Diaconum: in Slævicis Helmoldum,  
Francicis Paulum Æmilium: in Hispanicis  
Marianam: in Scoticis Buchananum: in  
Flandricis Mejerum: in Burgundicis  
Heuterum: in Austriacis Lazium: in  
Saxonicis Crantzium: in Danicis  
Saxonem Grammaticum: in Boicis  
Aventinum: in Hungaricis Bonfinium: in  
Polonicis Cromerum: atque ita in aliis.

---

GERAR. JOAN. VOSSII  
De I M I T A T I O N E,  
Cum Oratoria, tum præcipue  
Poëtica, Liber;

DE QUE RECITATIONE  
VETERUM.

C A P. I.

Argumentum operis: quid sit imitatio,  
& an ea sit necessaria.

I. §.



OMPLURIBUS  
libris, tum de facultatis  
Oratoria, tum de artis  
Poëtica natura, ac præcep-  
tis, antehac vidimus. Sed  
inutilis omnis hic labor fuerit, nisi etiam

*accesserit ille de usu, sive exercitatione eâ, cui animus, postquam præcepta hausimus, applicari solet, ac debet. Hac potissimum in imitatione consistit: per quam intelligo conformationem nostri ad alterius exemplum, ut ejus similes fiamus.*

Magnus in eo veterum est consensus \*, tribus esse opus ad comparandam eloquentiam; sive eam, quæ est Oratorum, sive illam Poëtarum. Eorum primum statuunt naturam, quæ incipit; alterum artem, quæ dirigit; tertium verò usum, qui perficit. Unde solum hunc artifices facere ait poëtarum ingeniosissimus †. Usus verò nomine hic intelligitur omnis illa exercitatio, quæ artis præcepta consequitur; quaque dicendi, vel carminis pangendi, firma quædam facilitas comparatur. Sic enim Fabius Latinè reddit, quod Græci ἔξι vocant, ac vulgò in scholis, non quidem ex usu veterum, attramen verbo ad verbum non incommodè expresso, habitum appellant. Verba ejus sunt lib. x c. i. *Sed hæc eloquendi præcepta, cognitione sunt necessaria, ita non satis ad vim dicendi valent; nisi illis firma quadam facilitas, quæ apud Græcos ἔξι nominatur, accesserit.* Paulò

C

pòst

\* Aristoteles lib. 3. Rhetoric. c. 12. & apud Laert. in vita Aristot. item Plutarch. de lib. educand.

† Lib. 2. de Arte Amandi.

pòst vocat optimam, ac facillimam, faciendi aliquid rationem. Sic enim loquitur : *Eum*, qui res invenire, & disponere sciat; verba quoque & eligendi, & collocandi, rationem perceperit; instruamus, quâ ratione, quâ didicit, facere quàm optimè, & quàm facillimè, possit. Ubi causam ab eo afferri videmus, cur, cum novem prioribus libris artis Rhetoricæ præcepta esset complexus; decimo aggrediatur ea, quæ ad usum pertinerent. Qualis exercitatio styli; quem Cicero quoque pro Rabirio vocat *magistrum optimum*: clareque primo de Oratore inquit, *magistrorum omnium præcepta superare*. Atque eâdem mente *stylus dicendi epifex* eidem vocatur lib. i i. epist. xxv. ad Fabium Gallum. Plurâque de eo afferrem, nisi hoc alibi \* fecissem.

\* Fabii igitur exemplum sequar: ac uti ille in Oratoria, ita in hac ipsâ quidem, sed magis tamen in Poëtica, postquam de natura, ac constitutione, tum facultatis Oratoricæ, tum Poëticæ artis, utriusque etiam præceptis, variis † egi libris: nunc ea persequar, quæ pertinent ad usum: quo nomine complector, tum imitationem e-

mi-

\* Libro de Natura, ac Constitutione Rhetorica cap. 8.

† Vno de Natura Rhetoricæ, quinque Partitionum Oratoriarum. sex Institutionum Oratoriarum, uno de Natura Poëticæ, ac tribus Institutionum Poëticarum libris.



minentium virorum; tum etiam conatum meliorum, si consequi liceat.

Imitationem appello operam, quâ nos componimus ad exemplum alterius, quod similes reddamur. Ubi duo in imitatore distinguimus; officium, ac finem. Officium est, effingere se ad alterius naturam. Finis est, similitudo ejus. Convenit verò Cornificius in primo ad Herennium; ubi imitatio esse dicitur, *quâ impellimur cum diligentiratione, ut aliquorum similes in dicendo velimus esse.*

2. §. De hac operâ, quâ alium exprimere, ejusque similes fieri studemus, quatuor ista veniunt in considerationem: an imitandi sint priores; qui legendi sint ad imitandum; quomodo iidem legendi: ac denique quomodo imitandi. De primo ita quorundam sententia fert; nullius nos amulos esse oportere: sed suam cuique indolem sequendam esse. Quam sententiam fortasse probaremus, si tam feliciter ageretur cum omnibus, ut nullo indigerent doctore, ductorêque: nunc postquam vel duos, vel neminem, tam beatè nasci videmus; ut, nullo praeunte, per se satis conspiciat, quid in quovis argumento, quavis etiam parte ejus, tum rerum, tum ordinis, tum dictionis ratione, optimum fuerit: neutiquam est dubitandum, quin tutius, certiusque, ad Poëtica

*facundia arcem perveniamus, si eos nobis proponamus duces, quorum nomina consensus seculorum Æternitati consecravit.*

Disparis sententiæ fuisse videtur Angelus Politianus: sicut ostendit epistola ejus ad Paullum Cortesium; quam legere est libro VIII. Sed enim abunde illi sequenti epistolâ Cortesius occurrit. Ajebat Politianus, malle se hominem esse, quam simiam: de qua Ennii illud notum:

*Simia quàm similis turpissima bestia nobis.*

Credo equidem: sed enim non loquimur de ridicula illa, ac deformi imitatione: verùm nativâ, qualis est liberorum, qui referunt parentes: unde, Hesiodum \*, Theocritum, & alios, secutus, poëta Venufinus † ait:

*Laudantur simili prole puerpera.*

Ac Senecæ est epist. LXXXIV. ubi de stylo loquitur: *Similem esse te volo, quomodo filium, non quomodo imaginem.* Nec majoris est momenti, quòd multi ajunt, animum, viresque ejus dejici, imò abjici, si assiduè alterius esse similes studeamus. Utrùm existimem, alienis semper vestigiis esse insistendum, sic ut nihil ipsi ausimus, postea rectiùs exponam. Nunc illud dixe-

RO,

\* In *Æglogis* † In *Encomia Ptolemai*, ‡ Lib. 4. ed. 4.



ro, admiratione, & imitatione eorum, quos  
 ois stupet, non dejici mentes nostras;  
 sed inflammari ad virtutem, & gloriam!  
 quomodo Themistoclem Miltiadis tro-  
 phæa quiescere non sinebant: &, ut Sal-  
 lustius \* ait, *Q. Maximus, P. Scipio, prate-  
 rea civitatis Romana præclari viri, soliti ita di-  
 cere, cum maiorum imagines intuerentur, ve-  
 hementissimè sibi animum ad virtutem accen-  
 di.* Verùm quid multis opus? Nonne Pla-  
 to † putabat, nihil sine exemplo, rectè, cer-  
 tò, aptèque fieri posse: ac propterea Deum  
 ipsum in mundo hoc condendo mētris  
 suæ ideam expressisse? Nonne & omnis ars  
 est imitatrix naturæ? Unde Fabius lib. x.  
 cap. 11. *Ut invenire primum fuit, estque præ-  
 cipuum: sic ea, quæ bene inventa sunt, utile se-  
 qui.* Atque omnis vitæ ratio sic constat, ut quæ  
 probamus in aliis, facere ipsi velimus. Sic lite-  
 rarum ductus, ut scribendi fiat usus, pueri se-  
 quuntur. Sic Musici docentium, pictores opera  
 priorum, rustici probatam experientia cultu-  
 ram, in exemplum intuentur. Omnis denique  
 disciplina initia ad propositum sibi præscriptum  
 formari videmus. Ubi cernimus mentio-  
 nem etiam picturæ. At cui poësis similior  
 est, quàm picturæ? At qui Appelles, picto-  
 rumque alii, priores sequebantur: benèque

\* *Traf. belli Jugurthini.* † *In Timeo: ubi & Proclu-  
 madi.*

secum agi putabant, siquid addere possent magistrorum inventis. Qua de re abunde diximus libro de quatuor disciplinis popularibus : ubi de Graphice, & pictorum historia, egimus. Sed ipsos etiam poëtas cogitemus. Homerus, etsi aliter Vellejo traditum sit, habuit non paucos, quorum vestigiis insisteret: ut libro primo de Poëris Græcis docemus. Homerum secuti non Epici solùm; sed etiam Tragici; imò & Lyrici. Latini quoque hunc ducem sectabantur: ut de Ennio constat, Homero altero, sicut Horatius\* vocat: quique somniavit semper florentis Homeri speciem, ex Acheronte venientem, sibi narrasse, ut anima sua se insinuasset prius pavoni, ac deinde ex pavone transierit in Ennii corpus: quemadmodum est apud Lucretium lib. 1: ac Persius quoque indicat hisce versibus.

*Cor jubet hoc Enni, postquam destertuit  
esse*

*Maonides, Quinctus pavone ex Pythagoreo.*

Videlicet, sicut Cicero ait in Somnio Scipionis: *Fit ferè, ut cogitationes, sermonesque nostri, pariant aliquid in somno tale, quale de Homero scribit Ennius: de quo videlicet sapissime vigilans solebat cogitare, & loqui.*

Nec

† Lib. 1.

\* Lib. 2. epist. ad Augustum.

Nec Homerum tantummodo æmulatus;  
sed etiam Nævium; quippe pauxillo anti-  
quiorem. Unde Cicero in Bruto sic En-  
nium alloquitur: *Nec verò tibi aliter videri  
debet qui à Navio vel sumfisti multa, si fate-  
ris; vel, si negas, surripuisti.* Plautus verò  
æmulatus Epicharmum: unde Horatio †  
dicitur

*Plautus ad exemplar Siculi properare  
Epicharmi.*

Terentius expressit cùm Apollodorum,  
& Diphilum, rum inprimis Menandrum:  
unde eum *dimidiatum Menandrum* C. Jul.  
Cæsar appellat in epigrammate. De Hora-  
tio ait Cæsar Scaliger, \* in odis eum ma-  
ximam partem à Lyricis Græcis esse suffu-  
ratum. Mallem *sumfisse* dixisset. Sane ali-  
ter de Marone loqui veritus esset. Qui ta-  
men in Bucolicis secutus Theocritum, in  
Georgicis Hesiodum, in Æneide Home-  
rum, in quarto ejus operis Apollonium:  
passim item Ennium, Lucretium, Latino-  
rumque alios; ut ostendit Macrobius in  
Saturnaliū quinto, sextoque. Parque  
ratio in facultate Oratoria. Cicero De-  
mosthenem sibi inprimis proposuit: unde  
& *Romanus Demosthenes* dictus fuit; ut  
Plato philosophorum *Homerus*; Philo, alter

C 4

Plato

† Lib. 2. epist. ad August. \* Lib. 5. de re Poëtica  
cap. 7.

*Plato.* Demosthenes Thucydidem octies manu suâ descripsit, ut dicendo meliùs exprimeret, teste Luciano\*, & Procopio. Eant nunc, qui divinis hisce ingeniis se perspicaciores putant. Neque ignoro, eos se rueri Plutarcho; qui imitatore Timæum culpar in Nicæ, ac Dionis vitâ. Sed magnus ille vir, causam suam egit; ut qui, vastâ rerum cognitione contentus, proprium sectaretur scribendi genus. Et quem ille Timæum culpar, hunc valde extollit Cicero in Bruto, & libro de Oratore.

\* *Lib. αὐτὸς ἀπαίδευτον. Vide plura de eo in Oratorijs nostris Institut. lib. 6. cap. 6. sect. 2.*

## C A P. II.

Ad imitandum legi oportere eminentissimum, & aliquandiu solum; postea simillimum quemque; tandem etiam dissimiles, sed laude aliquâ conspicuos. Nec semper in se optimum nobis diligendum ducem; sed aliquando inferiorem, attamen ingenio nostro magis convenientem.

1. §. **Q**UOD si aliorum requiritur imitatio, consequitur, eos esse legendos, vel audiendos nobis. Sed quæri video, utrum audire, an legere, satius sit. Quæ quæstio plus adfert utilitatis in dramaticis, præcipuè



cipue comædiis, vel tragœdiis, quàm reli-  
quâ pœsi.; quia mos recitandi carmina, ut  
postea dicitur, prope exolevit. In dramatis  
verò combaratum fere est, uti in dicendo.  
Vbi & lectio, & auditio, proprias habent  
laudes. Magis enim excuat viva vox: sed  
certius judicat, qui legit.

Sic censet quoque Fabius Quintilianus.  
lib. x. c. i: *Alia, inquit, legentes, alia audien-  
tes magis adjuvant. Excitat, qui dicit, spiritu  
ipso; nec imagine & ambitu rerum, sed rebus  
intendit. Vivunt enim, & moventur: exci-  
pimus quæ nova illa, velut nascentia, cum favore,  
ac sollicitudine. Addit quædam alia in hanc  
mentem. Postea subjungit: In lectione cer-  
tius judicium, quod audienti frequenter, aut  
suis cuiusque favor, aut ille laudantium clamor,  
extorquet. Præterea, ut mox sequitur, Lectio  
libera est, nec actionis impetu transcurrit: sed  
repetere sapius licet, siue dubites, siue memoriâ  
affigere penitus velis. Quod bonum lectionis  
præ auditu non in utràque modò elo-  
quentia obtinet; sed in studiis universis.*

2. §. *Nec satis est scire, esse aliquos legendos  
nobis. Nôsse ultrâ oportet, & qui legendi  
sint, & quomodo legendi. De priori hæte-  
nus convenit, non debere nos pro exemplo  
nobis proponere, nisi eminentissimum quem-  
que, Stulti enim est, ubi aliter possis, malle  
deteriorum esse similem, quàm meliorum.*

De Oratoria testem habemus Plinium  
 l. i. epist. v: *Est mihi cum Cicerone æmulatio;  
 nec sum contentus eloquentiâ seculi nostri.  
 Nam stultissimum credo, ad imitandum non  
 optima quæque proponere.* Orator igitur qui  
 fieri voler, Ciceronem adsumat ducem:  
 de quo notum illud Fabii lib. x. cap. 1: *Ille  
 se profecisse sciat, cui Cicero valde placebit.*  
 Imò etiam T. Livius Patavinus, ut ibidem  
 Fabius auctor est, in epistola ad filium  
 scripserat, *legendos Demosthenem, atque Ci-  
 ceronem: tum ita ut quisque esset Demostheni,  
 & Ciceroni, simillimus.* Quorum Demost-  
 henes (iterum cum Fabio loquar) *ex ma-  
 gna parte Ciceronem, quantus est, fecit.* Ci-  
 cerone autem haut meliorem linguæ La-  
 tinæ censorem, dicet quispiam. Absque  
 hoc foret, Terentius Varro, & Julius Cæ-  
 sar (ille Romanorum omnium doctissi-  
 mus, hic non inferiore eo futurus, nisi ma-  
 lisset suæ gentis esse fortissimus) non eum  
 arbitrum elegissent, cum uterque de Lin-  
 gua scriberet Latina; prior de Etymolo-  
 gia, de Analogia alter. Et quàm præcla-  
 rum de cælestissimo hoc ore, ut de eo Vel-  
 lejus loquitur, elogium habemus apud  
 Plin. lib. vi. cap. xxx! Cujusmodi antiqui-  
 tatis totius judicia si velim congerere,  
 quanta seges fiat! Et tamen nec seculo  
 nostro quædam allatrare eum desinunt ca-  
 ni-

niculæ. Præ eo commendant juventuti illos, qui aliquo loco fuere, postquam multum jam degeneraverat sermo Romanus: & quod non paullo indignius, quosdam nostri temporis, qui sæpe ne Latinè quidem loquantur. Ab his scilicet sapere discet adolescentia. Quæ potiùs fidem habere debet consilio, quod dixi, T. Livii. Nec enim aurea Augusti ætas, qua vixit; vel tersa adeò dictio, qua scripsit; & prædicata omnibus retro seculis magnitudo ejus viri, ac virtus; dubium relinquunt, quin & potuerit, & voluerit, optimè consultum ire filio, pignori carissimo.

Similiter in Poëtica imitabimur optimos: imò optima in optimis. In Epico igitur carmine exemplum in primis capiemus de Homero, vel Marone: in Lyrico, de Pindaro, vel Horatio: in comoedia imitabimur Aristophanem, Plautum, Terentium: in tragœdiâ Latinâ vestigiis insistemus Senecæ: in Græcâ, Æschyli, Sophoclis, Euripidis. Omnino autem Græcos potiùs æmulabimur, quàm Latinos: atque è Græcis non tam Æschylum, quàm Sophoclem, & Euripidem: quorum ille sublimior dictione, hic affectus magis ciet. Fortasse haberent Latini, quos opponerent, si Vari Thyestes, aut Ovidii Medea exstarent: de quibus veterum judicia at-

60 GER. JOAN. VOSSII  
tulimus Poëticarum Institutionum lib. 11.  
cap. XIV. §. 20. Nunc nihil superest eo-  
rum, quæ aureâ Augusti ætate scripta sint;  
sed solùm habemus, quæ facta jam decli-  
nante simplici candore sermonis Roma-  
ni. Ut mirum non sit, si redoleant, paucis  
exceptis, declamatorum ambitionem.  
Nam quid sanè Hercules OËteus ad So-  
phoclis Trachinias, etsi idem sit argu-  
mentum? Imò in plerisque aliis etiam  
poëmatum generibus potiùs nobis propo-  
nemus Græcos Latinorum enim vita ferè  
severior erat; eòque & sermo incultior.  
Græci magis voluptates sectabantur; ex  
quibus nascuntur sermonis deliciae.

3. §. Sed non exiguus eorum numerus est,  
qui in dicendo, vel carmine, insignem sibi  
laudem peperunt. Porro igitur disceptatio  
est, utrùm unus, an pauci, vel multi, aut  
etiam permulti, imò omnes, qui in al. quo  
sint honore, emulandi sint nobis. A multis  
exordium capere velle, (ac magis permul-  
tis, vel omnibus) certa est omnis eloquentie  
pestis. Hoc enim pacto manifestum incurri-  
mus periculum exprimendi neminem:  
quando vaga illa, & instabilis multorum  
lectio, non sinit nos scriptorem quemquam  
reddere nobis familiarem, ejusque virtutes  
penitiùs introspicere.

Ut



Ut hîc quoque locum habeat illud L. Senecæ epist. 11: *Certis ingeniis immorari, & innutrirî oportet, si velit aliquid trahere, quod in animo fideliter sedeat. Nusquam est qui ubique est. In peregrinatione agentibus hoc evenit, ut multa hospitîa habeant, nullas amicitias. Idem accidat necesse est iis, qui nullius se ingenio familiariter applicant; sed omniâ cursim, & properantes transmittunt.*

Quæ deinceps non una similitudine pluribus illustrat. Vide & initium epistolæ XLV.

4. §. Præterea si initio. stylo, judicioque necdum firmato, promiscuè tam multos, ac indolis planè diversa, nobis imitandos proponimus; alter fieri non possit, quin, ubi ad descriptionem deventum erit, nunc uberi utamur oratione, nunc jesunâ, atque aridâ; nunc item cultâ, ac politâ; nunc horridâ, squalidâque; ut cæteras dicendi formas præteream.

Proinde tot, & tam varia ingenia in unum conflando, quomodo non exsurgat prodigiosum aliquid monstrum, vide licet, quale initio Artis suæ depingit Horatius.

4. §. Consequitur egitur, ut vel unus sit imitandus, vel pauci. Summos viros, qui hac parte discrepare videntur, censeo facile conciliari. Primò enim delegendus est unus; isque optimus, & eminentissimus.

Vbi

*Vbi verò aliquamdiu eum versavimus, alios etiam reddemus nobis per familiares; sed conceptibus, ac diétione, quàm simillimos: & sic, ut non eo principem illum depōnamus de manibus; sed pergamus eum vèrtere in sanguinem, & succum.*

*Quintilianus lib. x. cap. i: Ac diu optimus quisque, & qui credentem sibi minimè fallat, legendus est.*

*6. § Postquam verò, & principis illius, & ei simillimorum lectione, subactius erit judicium nostrum; utiliter etiam sociabimur eos, qui, si non in primis, vel etiam secundis, saltem in tertiis, vel ulterius etiam, consistant. Vicumque enim illi inter eos, qui laudem meruere, majoribus, ac pluribus, vincantur à primis, & proximis; habent tamen illi quoque aliquid, quo principes exsuperent. Quid igitur impedit, quò minùs horum etiam laudes studeamus superaddere? Sic enim propius aberimus ab ea perfectione, ad quam adspiramus.*

*Nec enim adeò feliciter agitur cum rebus humanis, ut uni omnia indulserit natura. Verè M. Seneca præfat. lib. i v. epitom. Magna, & varia res est, tum doctrina, tum eloquentia: nec alterutra adhuc ulli se totam induisit. Satis felix est, qui in aliquam ejus partem est receptus. Exemplum igitur aliud est perpetuum; ut Oratori Cicero,*

& huic similimus quisque : aliud arcessi-  
rum : quando idem opem petit ab histori-  
cis, interdum & poëtis.

7. S. *Qua hactenus diximus, de iis intelligi  
volo, qui pares sint futuri, si cum summis  
contendunt. Sed enim quis ignorat, dispa-  
ribus adèd ingeniis, non omnia omnes posse,  
utcumque par fuerit industria?*

Nam ut non quævis calciamenta cuius  
conveniunt pedi; ita non cuius datum est  
quidvis imitari.

8. S. *Quare primò videndum, quò ingenium  
trahat vel ducat.*

Siquidem, ut poëta ait Sulmonensis,  
*Natura sequimur femina quisque sua.*

Unde est, quòd ferè sic fieri videmus,  
ut, qui naturâ sunt lenes, & moderati,  
quodvis argumentum leniter tractent;  
alii, naturâ graves, ac sublimes, etiam hu-  
milia, contrâ rei naturam, magnificè expo-  
nant: alii denique, ingenio humili, ne qui-  
dem se attollant, si de rebus sublimibus sit  
sermo. At quanto aliter Cicero, Maro, cæ-  
teri, qui rebus dictionem accommodant!  
Quare videndum cuique, quid naturæ  
congruat: ut etiam monitum Apollonio,  
epistolâ ad Scopelianum Rhetorem.

9. S. *Quòd si primò id nescivimus nos, ten-  
tando saltem discamus, quid ingenium va-  
leat. Et si nec nobis, nec sapientibus satisfa-*

*cimus, excusso onere suscepto, in argum-  
to alio, quam querimus laudem, pruden-  
tius sectemur.*

Videlicet, sicut plurimum conducibi-  
lius est, suæ ducere sortis uxorem, ex illo  
Pittaci præcepto \*, *τὴν κτ' σωτὸν ἔλα* † ;  
quàm conjugem adsciscere vel opulentio-  
rem, vel majori genere prognatam: sic non  
rarò præstat, honore esse eo contentum,  
quem assequi valemus, quàm & minori  
hoc excidere, & frustrari majori illo, quem  
stultè sperabamus.

10 §. *Neque hoc sic accipi velim, quasi facile  
desperare oporteat de summis. Aliquam  
multienim, qui primò sibi impares vide-  
bantur, ubi tentando magis vires suas di-  
dicerunt, eò pervenere, quò nunquam pu-  
tassent.*

Ut igitur aliqui sunt commonendi imbe-  
cillitatis suæ: sic alii, suas ut discant vi-  
res. Pindarus, nimio fortasse ejus admira-  
tori Horatio † usus est *ἀμίμητος* \*. Non ille  
quidem *ἀμίμητος* ‡: sed satis fuerat di-  
cere *δυσμίμητον*, \*\*. Cur enim natura non  
potuerit postea producere, quod affecuta  
est in Pindaro? Itaque illis, qui humiliter  
nimis de se sentiunt, in animo esse velim  
istoc

\* Callimachus in Epigrammatis apud Laërtium in  
Pittaco. † Tu tibi sum parem. ‡ Lib. 4. ed. 2.

\* Inimitabilis. ‡ Imitatu facilis. \*\* Difficilis  
imitatu.



istoc Cæsar's apud Sallustium. , † : *Quocunque intenderis ingenium, valet.* Suffenis verò, & nimis ingenii sui admiratoribus, dictū velim, quod olim in re aliā monuit amandi magister †, fore, ut victores stent in arce Jovis; sed si prudenter ament. Quod non fit ab iis, qui se semper nesciunt.

II. S. *Summa igitur eò redit; cum non res ingenio, sed ingenium rebus, debeat accommodari optimum quidem in se, & laudatissimum, pro exemplo esse deligendum, quoties imitaturi ingenium congruit cum ingenio ejus, quem velit imitari. Sin hoc sit impar, ac dissimile: alium potius assumendum, cujus vestigiis insistamus: non quasi in se is optimus sit; sed quia contenti esse debeamus eorum optimis, quibus convenit ingenium nostrum.*

Videlicet alius dicitur *optimus absolute*; qualem animo magis concipere, quàm monstrare darur: alius *optimus comparative*; puta eorum, quos habemus. Inque his ipsis alius *in se optimus*; ut inter Poëtas Homerus, aut Maro: alius ratione virium nostrarum: qui huic ille, alius alii, pro cuiusque indole.

Idcirco, cujus animus non in tantum assurgit, ut epopœjæ vel tragœdiæ, sufficiat: videat, an non par esse possit comedix,

† In bello Catilinario. † Lib. 2. de Arte. amandi.

diæ, vel elegiæ, vel epigrammatis. Quippe in horum etiam singulis non desunt boni duces. Hoc sui examen etiam locum habet in soluta oratione. Nec enim qui idonei sunt epistolis scribendis, vel dialogis, iidem pares sint texendæ historiæ, vel condendis orationibus forensibus, vel ducum concionibus ad exercitum. Ubi plurimum requiritur vehemens, atque ardens dicendi genus. Ut contrà historia ferè gaudet mediocri charactere: epistolæ familiares, & dialogi philosophici, tersâ quidem dictione, sed tenui stylo, ac conciso. Hoc non cogitant illi, qui ingenio, genioque suo argumentum quodvis metiuntur: in quo interdum quidem ab iis peccatur, qui, magnum aliquid semper spirantes, nesciunt animum etiam demittere in minutis: sed sæpius ab illis, qui, ob animum demissum, nunquam se attollentes, etiam in magnis sunt humiles. Ut omnino conducatur, prius experimentum capere leviorum; ne objici possit, quod Sylla \* dicebat Mario, septimum consulis filio: Εἰς τὴν δεινὴν πᾶν γενέσθαι, πρὶν πηδάλίοις ἐπιχειρεῖν. *Remigem prius esse oportet, quàm clavo admoveas manum.* Cui adsidet senarius iste Appulei, in deperdiro opere de Republica †:

*Qui celocem regere nequit, onerariam petit.*

C A P

\* Plutarchus. † Apud Fulgentium Plantiadem in exposit. serm. antiq. ad Chalcid.

## CAP. III.

Quo pacto sint legendi, quos  
volumus imitari.

1. S. **E**XPOSUIMUS, qui legendi  
sint, atque imitandi. Sequitur, quos  
modo legere eos oporteat scriptores; quos  
scribendo exprimere optamus. Tria hęc re-  
quirimus; amorem ejus, quem legimus;  
laboris in legendo constantiam; & eorum  
qua legimus, meditationem.

Primum antecedit lectionem, alterum  
comitatur, tertium consequitur.

2. S. Amor excitatur, si sciamus, quis, &  
quāntus ille sit, qui exemplo est futurus. Ex  
amore eo nascitur desiderium, quo similes  
evadere cupimus. Hoc desiderio accendi-  
mur ad eos legendum.

Videlicet hęc se ratio habet ut in scēta  
corporis forma; quæ conspecta amorem  
ciet. Unde illud, ἐκ τῆς ὁρατῆς τοῦ ἐρατῆς\*: &  
hoc Propertii†:

—— Oculi sunt in amore lūces.

Ut verò amor iste est desiderium fruitio-  
nis: ita hic amor, & æstimatio scriptoris,  
alterum ex se gignit desiderium, quò vel si-  
miles fiamus, vel saltem non longè abea-  
mus.

3. S. Le-

\* Ex Conspectu nascitur amor. † Lib. 2. cap. 15.



3 §. Legendi laborem non sape, ac multum, intermittere : sed in eo constare nobis, debemus.

Quæ duo etiam junxit Cicero de perdita oratione pro Scauro \* : *Posse Virtutem sine praesidio Fortuna, quò contendisset, LABORE, ET CONSTANTIA, pervenire.* Unde & Christophorus Plantinus, vir typographiâ suâ præclarè de studiis meritis, notissimum illud symbolum suum desum sit.

4. §. *Ad hujus laboris constantiam requiritur, ut non contenti simus, semel legisse, sed, sicut agricola, laborem cum iteremus, ac tertiemus.*

Quintilianus lib. x. cap. i: *Repetamus, & tractemus; & ut cibos mansos, ac prope liquefactos, demittimus, quò facilius digerantur; ita lectio non cruda, sed multâ iteratione molita, & velut confecta, memoria, imitationique, tradatur.* Ac mox. *Diu non nisi optimus quisque, & qui credentem sibi minime fallat, legendus est; sed diligenter, ac penè ad scribendi sollicitudinem: nec per partes modò scrutanda omnia: sed perlectus liber utique ex integro resumendus.*

5. §. Imò ne illud quidem sufficit, ut saepius aliquid legatur. Serio, & attentiè, hoc fieri oportet: sic ut pedem figamus, ubi ambigimus; donec meditatione assequimur, quæ  
mens

\* Apud Ascon. Pedian.



*mens fuerit auctoris, & quomodo ad usum  
quidque debeat transferri, Et sane sine  
istiusmodi meditatione tam lectio est arida,  
quàm meditatio circa lectionem est er-  
roneæ.*

Omnino igitur lectio, & meditatio, ar-  
tissimo societatis vinculo colligari de-  
bent. Mera enim lectio non penetrat in  
animum. Siquidem attentione opus est in  
legendo; & ubi legeris, meditatione, cur  
quidque dicatur, cur sic potiùs, quàm ali-  
ter, & quomodo lecta ad res similes possi-  
mus transferre. Sine istis, quod legitur,  
non satis intelligitur, & minutum illud,  
quod cûpitur, eò quòd radice careat, non  
feret fructum. Imò facilè ejus subibit ob-  
livio: quomodo, quæ non altè inhærent  
solo, ferè vento auferuntur. Ut mirandum  
non sit, si sæpe lectionis multi jugæ ho-  
mines exigui sint judicii, ac penè nullius.  
Nimirum hoc inde est, quia memoriam  
onerant: judicium non acuunt, vel exer-  
cent. Sed ut hac parte delinquant com-  
plures librorum helluones; qui multa vo-  
rant, nulla concoquunt: ita in contra-  
rium peccant, qui, alienis laboribus con-  
temtis, assidui sunt in meditando; & quia  
aliena nesciunt, quæ multis plurimùm  
partibus sunt veriora, melioraque; sua to-  
ties somnia amplectuntur pro oraculis.

6. §. *Ad hujusmodi vellectionem, vel meditationem, sunt inepti; qui non prius vocum proprietatem tum simplicium, tum conjunctarum, didicerunt.*

Quomodo enim hæc præstabit, qui scriptoris mentem non intelligit? Quem qui non capit, quo pacto eum possit imitari? Quamorbem de eorum studiis desperandum, qui, priusquam tincti sint literis, unde eruditi appellamur, ad eloquentiam, vel solutã, vel vinctam, animum applicarint.

7. §. *Cùmque meditatio non ad verba solum se extendat; sed ad conceptus scriptoris universos: quid manifestius, quàm versandum esse animum, tum per ea, quæ inventionis sunt, tum quæ dispositionis, tum etiam elocutionis.*

In inventione attendimus ad argumentum fabulæ; inque eo tractando λόγος, ἡθός, πῶς. \* In dispositione, utrùm naturæ, vel temporis ordo serveretur, an artis: & cur ordo unus alteri præferatur. In elocutione potissimum spectamus sermonis characterem; qui quodammodo ipsius hominis est character.

8. §. *Ubique verò consideramus, à quo, quæ in re, quo loco, quo tempore, quâ occasione, unumquodque promatur. Multa quippe loco, & tempore suo, belle dicuntur; quæ vitiosa sint, si alium in usum detorsoris.*

\* Argumenta, mores, affectus.

Hoc

Hoc non intelligunt, qui quidvis oblatum imitantur: quasi satis sit, aliquid inveniri apud scriptorem, qui omni exceptione sit major; nec simul sit considerandum, an non in usûs ratione latum sit discrimen.

9. §. *Postremo loco duo de lectione adjungam.*

*Prius est, plurimum referre in legendo, ut quàm emendatissimis codicibus utamur.*

*Nec enim aliter fieri potest, quin si vitiosos sequamur libros, vitiosa etiam sit imitatio nostra.*

Ut cum Petrus Bembus usurpat *multissimus*; deceptus editione Ascensianâ, quæ ad Atticum lib. xi. epist. ii, *multissimus* habet pro *multiis meis*. Quàm multi etiam se cum Cicerone loqui putant, cum dicunt *fidem adhibere*, pro *credere*! Atqui in optimis quibusque Ciceronis libris pro eo semper est *fidem habere*. At *fidem habere* longè aliâ significatione usurpat: nempe quomodo dicimus *adhibere industriam*. Sic fuere, qui Plautina crederent *mansisterna*, & *procerritus*. At pro priori nunc in bonis omnibus libris est *nasisterna*. Nec *procerrito*, sed duabus vocibus pro *cerrito*. Multa ejus generis adduximus in libris de Vitiis Sermonis.

10. §. *Alterum est, etsi juniores suâ laude non sint privandi; in imitando tamen longè præferri veteres oportere; partim quia*

*ju-*

- *juniores non accedant ad laudem antiquorum : partim quia , ut pares essent , tamen tutius insistatur veterum vestigiis. Nam horum dictio ed recta est , quod ita fuerint locuti : juniorum autem tum demum probatur , quando cum antiquis consentiunt : vitiosa contrà est , si temere abeant.*

Qui recentiorum lectione sic gaudent , in ore habere solent illud Taciti , vel alterius , libro de causis corruptæ eloquentiæ , *Vitio malignitatis humane vetera esse in laude , presentia in fastidio.* Laudant quoque illud Martialis lib. v. epigr. x.

*Esse quid hoc dicā , vivis quod fama negatur ,  
Et sua quod rarus secula lector amet ?*

*Hi sunt invidia nimirum , Regula , mores ;  
Præferat antiquos semper ut illa novis.*

*Sis veterē ingrati Pompeji quarimus umbram :  
Et laudant Catuli vilia templa senes.*

*Ennius est lectus , salvo tibi , Roma , Maronē :  
Et sua riserunt sacula Maonidem.*

*Rara coronato plausere theatra Menandro.*

*Nôrat Nasonem sola Corinna suum.*

*Quæ cū lego , planè cogito illud poëtæ :  
Qui volet ingenio cedere , rarus erit.*

Quamquam nunc non tam de ingeniis nobis est sermo , quàm utriusque eloquentiæ studiis. Quibuscum sic comparatum est , ut de se Laberius \* dicebat ; ubi quid

ad

\* *Apud Macrobiū lib. 2. Saturnal. cap. 7.*



ad summum venerit claritatis gradum, ægrè consistere, ac potius decidere, quam descendat. Imò, ut daremus, cunctis artibus, ac scientiis, eos plurimum vinci; nihil sanè id mirandum foret; quando optimos annos tanto cum labore cogimur impendere addiscendæ linguæ Latinæ, ac Græcæ; quarum alterutram saltem illi cum lacte imbibebant. Et, ut rem in pauca conferam, in primis nunc agimus de dictione, quæ purior numquam, quam Julii, & Augusti ætate fuit. At Taciti, ac Martialis ævo, quos obrendunt, paullum jam deflexerat sermo Romanus. Jam quàm dispar ratio est ævi nostri! quo is Romæ, torâque desit Italia; ut non aliam habeamus scribendi normam, quàm veteres illos, præcipuè classici scriptores.

## CAP. IV.

## De Modo imitandi alios.

1. S. **A** Lectione transeo ad scriptionem: quæ cum maximam partem in recta præstantium scriptorum imitatione consistat; ante omnia videndum nobis, quomodo, & quousque, imitari alios conveniat. Modus imitationis est duplex: puerilis, & virilis. Priori solum proponimus nobis exemplum in verbis, siue simpli-

*plicibus, sive conjunctis. Sed longè ulterius se virilis imitatio extendit. Nimirum corpus ipsum effingere oportet. Eòque assumendus est alterius spiritus, moresque induendi. Quomodo futurum, ut similes sint conceptus; nec ab simili locutionis forma eos exprimamus.*

Atque hæc ipsa non in Oratoriâ minùs, quàm Poëtica, locum habent. Scitâ hoc similitudine illustrat Dionysius Longinus *Σὺν ὕψος*: † ubi ait, sicut vates ex antro Phœbi concipit spiritum, quo adflata vaticinatur: sic qui præstantes legunt scriptores, concipere spiritum ad similiter scribendum. Ac video hac etiam similitudine usum esse Car. Sigonium orat. de Eloquentia, atque alios.

2. §. *Præterea imitandi modus alius est servilis, alius verò ingenuus. Servilis ille anxius, & morosus, cùm quasi superstitione quadam ab eo, quem imitandum nobis proposuimus, ne transversum quidem digitum discedere audeamus.*

Talibus dicere cum Horatio \* licet:

*O imitatores, servum pecus! Ut mihi sæpe Bilem, sæpe jocum vestri movere tumultus!*

Imò similes videntur corniculæ Horatia-

† De sublimi charactere. \* Lib. 1. epist. 19. ad Mæcenatem.

tianæ. risum moventis, postquam grex  
avium venerat suas repetitum plumas.

3. S. *Ingenuam imitationem appello, quando  
non verbum verbo reddimus; sed sic alie-  
na tractamus, ut non in alierius possessio-  
nem irruisse, sed jure nostro venisse creda-  
mur: quæque aliena sunt, ob dissimilem  
faciem, non pro alienis habeantur, sed  
agnoscantur pro nostris.*

Uade Horatius in Arte:

*Publica materies privati juris erit, si  
Nec circa vilon, patulùmq; moraberis orbē;  
Nec verbum verbo curabis reddere fidus  
Interpres.*

Quo loco non hoc negat, fidi esse inter-  
pretis verbum verbo reddere: sed negat,  
poëtæ esse sic imitari, ut verbum verbo  
reddat. Quippe sicuti hoc in interprete  
laudatur; ita in oratore, vel poëtâ, nullam  
mereatur laudem. Ut omnino officia illo-  
rum plurimum discrepent. De hac immu-  
tatione eorum, quæ imitari proposuimus,  
sic Seneca scribit epistola LXXXV. *Apes de-  
bemus imitari, & quæcunque ex diversa le-  
ctione congeffimus, separare. Melius enim di-  
stincta servantur. Deinde adhibuit ingenii  
nostri cura, & facultate, in unum saporem  
varia illa libamenta confundere: ut etiam si  
apparuerit unde sit, aliud tamen esse, quàm  
unde summum est, appareat. Quod in corpore*

76 GER. JOAN. VOSSII  
nostro videmus, sine ullâ operâ nostrâ, facere naturam. Alimenta, quæ accepimus, quamdiu in suâ qualitate perdurant, & solida innatant stomacho, onera sunt. At cum ex eo, quod erant, mutata sunt, tunc demum in vires, & in sanguinem transeunt. Idem in his, quibus aluntur ingenia, præstemus: ut, quæcunque hæsimus, non patiamur integra esse, ne aliena sint. Ac paullo post: Hoc faciat animus noster. Omnia, quibus est adjunctus, abscondat. Ipsum tandem ostendat, quod effecit. Etiam si alicujus in te comparebit similitudo; similem te esse volo, quomodo filium; non quomodo imaginem. Quæ & chori postea similitudine illustrat, ubi singulorum latent voces, omnium apparent.

4. §. Est verò difficilis satis ratio faciendi sua ex alienis, quoties ex uno aliquo illustri scriptore omnia petuntur. Periculum enim est, ne conspicua nimium sit imitatio; imò non tam imitatio, quàm plagium videatur. Quare hîc imprimis est opus, ut illis, quæ quis tractârit prior, alia addamus; alia demamus; quadam mutemus; plerisque alium ordinem, colorem, aut habitum, inducamus.

Nuspiam igitur, minùs suffecerit puerilis illa immutatio, verba solùm varians. Quâ nihil facilius verborum copiam adsecuto, sive ex eodem poëta, sive ex variarum poë-



poëtarum συνησίου†. Proinde, opus illâ masculâ, ut dixi, imitatione; quâ & res mutamus, & aliter disponimus; & quandoque etiam alium assumimus dicendi characterem: ut si unus scribat abundanter alter pressè: magnificè unus, alter subtiliter; graviter unus, ac severè, alter late, ac urbanè; concitatè unus, alter moderatè. Etiam quæ alter simplicius tractârit, splendidius reponere licet; dummodo non splendori operam demus, instar sophistarum, omnia flosculis conspergentium. Quod sæpe non tam rem illustrat, quàm obscurat; nec tam laudem, quàm odium parit: præsertim si tractemus ἡθικὰ, ἢ Διαιονήσια\*. In amatoriis enim, ac similibus, plusculum licet deliciis illis indulgere.

§. §. Facilius proinde ex alienis nostra faciemus, si non unum sequimur: sed plures. Quod simile erit, ac si quis, ex fontibus multis, rivum quempiam in animum detiveret suum.

Quemadmodum optimè monet Dionysius Halicarnassensis\*. Idem hanc rem illustrat pulcherrimo Zeuxidose exemplo: quod à Tullio quoque refertur initio lib. 11. de Inventione. Atque, ut ex Senecæ

D 3

epi-

† Collatione. \* Moralia, vel ad contemplationem mentis pertinentia. \* Lib. de præcipuis scriptoribus Græcis.

78 GER. JOAN. VOSSII  
 epistolis paullo antè dicebamus, exemplum etiam capere licet, non ex apibus modò, sed etiam naturâ nostrâ, tam varios cibos in sanguinem, & succum convertere. Abunde hæc ex Marone, Horatio, atque aliis dilucent: qui & æmulati sunt priores, & æmulos suæ laudis nacti sunt posteros. Nec ea in poëtica solùm habent locum, sed etiam Oratoriâ facultate: ubi exemplo nobis fuerit Cicero. Qui, ut de eo refert Quintilianus lib. x. cap. 1. *cùm se totum ad imitationem Græcorum contulisset, videtur effinxisse vim Demosthenis, copiam Platonis, jucunditatem Isocratis.*

6. §. Interim non omnia in summis etiam poëtis æmulari oportet. Quemadmodum enim Orator nunquam fuit, velerit, quin perfectius aliquid animo concipi possit: ita nec Poëta ullus exstitit, qui non humanitus aliquid patiatur: ut multis alibi† ostendimus. Quare ea solùm imitari oportet, quæ à præstantissimis hominibus laudi ducuntur:

Idem præcipit Quintilianus lib. x. c. 1. *Exactissimo judicio examinandum in ipsis, quos elegerimus, quid sit, ad quod efficiendum nos comparemus. Nam in magnis quoque auctoribus incidant aliqua vitiosa, & à doctis, inter ipsos etiam, mutuò reprehensa.* Præcedenti etiam capite idem dixerat: Neque id  
 sta-

† Lib. 1. Institut. Poët. c. 3.

statim legenti persuasum sit, omnia, quæ magni auctores dixerint, utique esse perfectæ. Nam & labuntur aliquando, & oneri cedunt, & indulgent ingeniorum suorum voluptati: nec semper intendunt animum, & nonnunquam fatigantur; cum Ciceroni dormire interim Demosthenes, Horatio verò etiam Homerus ipse, videatur. Summi enim sunt, homines tamen: acciditque iis, qui quicquid apud illos repererunt, dicendi legem putant, ut deteriora imitentur, (id enim est facilius) ac se abunde similes putent, si vitia magnorum consequantur. Nec præteriero, quod continuo subjungit: Modestè tamen, & circumspecto judicio, de tantis viris pronunciandum est; ne, quod plerisque accidit, damnent, quæ non intelligunt: ac, si necesse est in alterutram errare partem; omnia eorum legentibus placere, quam multa displicere, maluerim. Operæ me facturum puto, si hæc, de vitiis præstantium etiam scriptorum fugiendis, aliquanto plenius exponam. Audivimus paullò antè Fabium dicentem, Ciceronis judicio dormire interdum Demosthenem. Atque idem Tullius \* negat, nos in Thucydide imitari debere asperam, & confragosam dictionem: ac reprehendit eos, qui, cum id facerent, germanos se Thucydidas putarent. Et quis excelsam

\* In Oratore ad brutum.

Platonis dictionem non admiretur? Attamen accessero Dionysio Halicarnassensi: qui epistolâ ad Cn. Pompejum non pauca adfert, in quibus malim Demosthenis esse similior. Ac ne illud quidem laudo, quod in dialogis suis diversæ ætatis homines inducat loquentes: in quo malè præeuntem Platona malè secutus est Macrobius; manifesto argumento, multum referre, ut, qui imitari voler, virtutes à vitiis sciat distinguere.

Ad poëtas etiam veniamus; Horum errores plurimos memoravimus libro primo Institutionum Poëticarum cap. III. In quibus quis eos esse imitandos dicat, nisi cui sic auctorum magnitudo præstinxerit oculorum aciem, ut errores esse non videat? Quis enim temere nunc Homeri sic vestigiis insistere parer, ut Deos inducat cum hominibus pugnantes, ac ab illis vulneratos: vel foedæ etiam libidini mancipatos tantopere, ut siqui hominum ita vitam componant suam, non sues potius, quàm homines, imò quibusvis etiam suppliciis digni, censeantur? Quantum item nomen Euripidis, divini viri! Nec propterea in moribus effingendis eum exprimere usquequaque oportet. Sæpiusculè in isto peccat. Quid mirum, cum res adeò sit ardua? Jubent igitur in hoc potius



tiùs imitari Sophoclem. Non refragor. Sed tamen cùm cogito, quàm multas Euripidis tragœdias habeamus præ Sophocleis; non injuria aliquis dixerit, nihil mirandum esse, si in pluribus sæpius, quàm paucioribus, fuerit peccatum. Atque hæc de Græcis. Deinceps pauca etiam de Latinis dicam. Peccet in comoediâ, qui æmulari voler frigidos Plauri sales, & τὸ ἀνοήτωςον \*, quod in eo frequens. Nec in epigrammatis amem hiatus, vel crebras synalœphas Catulli. Neque in carmine epico ipsum sequar Maronem, imperfecta relinquentem hemistichia. Hoc quoque imitandum sibi existimavit Aonius Palearius in lib. de Immortalitate Animorum. Sed non sic præiverat hac parte Maro, quasi id in laude poneret. Inde id potiùs profectum, quòd, morte præventus, non poterit Æneida ex sententia perficere. Et si non valde repugnem, utcunque vita longè diuturnior obtigisset, interdum nihil fuisse mutaturum. Ut quando, in medio quasi cursu, sic deserit lectorem, ac si velit eum interquiescere pauxillum, quò plenius illud consideret, quod in animum descendere altiùs veller. Ut cùm VI Æn. Anchises ad Cæsarem, ex posteris suis nasciturum, ait:

D 5.

Tu-

\* Vitiosam æconomiam, sive dispositionem.

*Tuque prior , tu parce , genus qui ducis  
Olympo ,*

*Projice tela manu , sanguis meus.*

7. §. In iis, quæ non conveniat imitari, etiam reponimus obscena; non ignari tamen, vix aliud esse, in quo multi veterum aquè se tueantur hac parte, quàm priorum exemplo.

Sic Martialis utitur variorum exemplis præfat. lib. I: item exemplo Cæsaris Augusti lib. XI. epigr. XXI:

*Cæsaris Augusti lascivos, livide, versus  
Sex lege, qui tristis verba Latina legis.*

Ubi verba Latina sunt obscena, & prætextata: similiterque loquitur scriptor Ithyphallicus\*. Etiam multorum se exemplo defendit Ovidius lib. II. Tristium. Item Plinius lib. V. epist. III: Facio nonnunquam vericulos severos parum. Nec molestè fero, hunc esse de moribus meis estimationem; ut, qui nesciunt talia doctissimos, gravissimos, sanctissimos homines scripserint, me scribere mirentur. Ac postea: An ego verear (neminem viventium, nequam in speciem adulationis incidam, nominabo) ne me non satis deceat, quod decuit M. Tullium, Cajum Calvum, Asinium Pollionem, Marcum Messalam, Quintum Hortensium, Marcum Brutum, Lucium Syllam, Quintum Catulum.

Quin-

\* Turnebus lib. 24. Advers. cap. 5.

*Quintum Scaevolam, Servium Sulpicium, Varronem, Torquatum, (imò Torquatos) C. Memmium, Lentulum Gatulicum, Anneum Senecam, Luccejum, & proxime Virginium Rufum, & si non sufficiunt exempla privata divum Iuliam, divum Augustum, divum Nervam, Titum Casarem. Neronem enim transeo, quamvis sciam non corrumpi in deterius, quæ aliquando etiam à malis; sed honesta manere, quæ sapius à bonis fiunt: inter quos vel præcipue numerandus P. Virgilius, Cornelius Nepos, & prius Ennius, Attiusque. Non quidem hi Senatores. Sed sanctitas morum non distat ordinibus. Vides, quàm multos congegesserit, ut se tueatur exemplo. Quo & se defendit lib. i v. epist. xiv. Itidem multos advocant Appulejus in Apologia, & Aufonius in præfatione Centonis. Sed malè præeuntes malè aliquis sequatur. Si, ut Christus docet\*, de otioso etiam verbo reddenda est ratio: quanto magis de obsceno, ac moribus noxio! Obscena verò, quamcunque bellè dicantur, quid sunt, nisi *mella venenum tegentia*? ut vocat Lactantius lib. v. Divin. Institut. Bellè Augustinus lib. i. Confess. cap. xvi: *Non accuso verba, quasi vasa electa, atque preciosa; sed vinum erroris, quod in eis nobis propinabatur ab ebriis doctoribus; & nisi bibe-**

\* Matth. 12. 36.

remus, cadebatur; nec appellare ad aliquem  
*judicem sobrium* licebat. Imò gentiles quo-  
 que ejusmodi scriptores spurcos damna-  
 runt. Sic, ut Valerius Maximus refert lib.  
 vi. cap. iv: *Lacedamonii libros Archilochi à*  
*civitate sua exportari jusserunt, quòd eorum*  
*parùm verecundam, ac pudicam lectionem ar-*  
*bitrabantur. Noluerunt enim ea liberorum*  
*suorum animos imbui, ne plus moribus noc-*  
*ret, quàm ingeniis prodesset.* Quantopere  
 item Ovidius ipse poëtarum istiusmodi le-  
 ctionem improbat in secundo de Remedio  
 Amoris, ut adversus se causam pro-  
 nunciet, quando sic queritur de exilio.  
 Nam libri de Arre amandi altera erant  
 causa, cur ab Augusto in Pontum fuerit  
 relegatus. Plautus etiam laudat Captivos  
 suos, quod abessent spurcissimi versus. Et  
 poteram longè plurima id genus congre-  
 re. Malim adiri ea, quæ de legendis poë-  
 tis Plutarchus, & Basilus tradiderunt.  
 Nec ignoro, quid scripserit Catullus †:

*Nam castum esse decet pium poëtam*

*Ipsum; versiculos nihil necesse est:*

*Qui tum denique habent salem, ac leporem,*

*Si sint molliculi, ac parùm pudici.*

Scilicet pietatem Catulli singularem co-  
 gnoscimus ex amoribus Lesbiæ, sive Clo-  
 diæ potiùs; quæ P. Clodii soror erat, ini-  
 mici



mici; Ciceronis; ac maritum habuit Q. Cæcilium Merellum Celerem, quem veneno necavit. De hoc etiam Ovidius in secundo Tristium:

*Sic sua lascivo tantata est sepe Catullo*

*Femina, cui falsum Lesbia nomen erat.*

*Nec contentus ea, multos vulgavit amores;*

*In quibus ipse suum fassus adulteriū est.*

Nec moror illud Ovidii\*:

*Vita verecunda est, Musa jecosa mea.*

Vel hoc apud Martialē in primo Epigrā.

*Lasciva est nobis pagina, vita proba est.*

Aur hoc Voconii tumulo adscriptum:

*Lascivus versu, mente pudicus erat.*

Solonem potiùs audio, qui apud Laërtium ait, τὸ λόγον εἰδῶλον εἶναι τῷ ἔργῳ. orationem factorum esse simulacrum. Græcorum etiam parœmia erat; οἱ δὲ τὸ ἔργον τοῖς ᾄτον εἶναι καὶ τὸ λόγον καὶ πάλιν τὸ ἔτερον ὡσαύτως. Cujusmodi sunt mores, ejusmodi quoque oratio. Ac rursum, qualis oratio, tales mores. Refert Aristides in secunda Rhetorices adversus Platonem defensione. Ac, ut parœmiam Græcorum, idem refert L. Seneca in xx ad Lucilium. Ut aliquem è junioribus quoque advocem Muretus verè in Juven.

*Rarò moribus exprimit Catonem,*

*Quisquis versibus exprimit Catullum.*

8. §. Præterea cavendum, ne imitemur loquendi modos, qui sapiant impias opinio-

\*Lib. 2. Trist. aliquanto ante ea, qua diximus. nes

nes. Quò refero etiam juramenti formulas, hercle, medius fidius. & similes. Item cùm animas nostras dicunt de Deo, vel sempiternis ignibus decerptas. Cujusmodi elegantioribus ingeniis facile abblandiuntur: sed periculum est, ne cum melle hauriatur venenum.

Imitari se ajunt Tullium, non uno loco sic loquentem: item Horarium †, qui mentem appellat *divina particulam aure*. Sed ea proferuntur ex mente Platonis: cui, ut Plutarchus etiam testatur in Quæstionibus Platoniciis, anima & Dei est opus, quia est à Deo: & pars, quia etiam fecerit ex εἰσῆ \* suâ. Christiana verò religio non agnoscit ulla Dei ἀπαράσχετα \*\* ἢ τμήματα, ἢ μόρια † τῆ παντὸς ψυχῆς. Multos tamen viros egregios videas hodie sic loqui: non quia sic sentiant omnes; sed sæpius, quia non satis considerent, quid legant, vel scribant.

9. §. Etiam, cùm priscos imitamur, obsoleta commutabimus usitatis.

Obsoletis verò quī sic gaudent, meritò comparantur feminis malaciâ, sive picâ laborantibus: quales, cùm supperant cibi boni, ac salubres, malunt ramen carbones, aliâ que edu la absurdissima.

10. §.

† Lib. 2. Sat. \* Essentia. \*\* Delibramenta, siveamenta, segmenta & particulas anima Universi.

10. §. Quandoque tamen tempora incidunt, quibus etiam sit locus obsolescis. Ut si inducamus Deos loquentes, vel prisca temporis senes. Vel alias, si inde orationi accedat majestas. Adhuc in oratione austerâ.

Quâ de re abunde diximus lib. IV. Institutionum Oratoriarum cap. I. sect. VII.

11. §. Nec solum vitiosa est imitatio, si vitia sectemur: sed etiam male imitando non male dicta: ut si frequentemus, quæ raro usurpata, vel probantur, vel feruntur.

In utroque vitii genere peccabat. L. Arruntius: de quo sic L. Seneca epist. CXIV: *Quæ apud Sallustium rara fuerunt, apud hunc crebra sunt, & pene continua, nec sine causa. ille enim in hac incidebat, ac hic illa querebat. Vides autem quid sequatur, ubi alicui vitium pro exemplo est. Dixit Sallustius: Aquis hiemantibus. Arruntius in primo libro belli Punici ait, Repente hiemavit tempestas. Et alio loco: cum dicere vellet, frigidum annum fuisse, ait, Totus hiemavit annus. Et alio loco, Inde sexaginta onerarias, leves præter militem, & necessarios nautarum, hiemante Aquilone misit. Non desinit omnibus locis hoc verbum infulcire. Quodam loco Sallustius dicit: Inter arma civilia æqui boni famas petit. Arruntius non temperavit, quo minus primo statim libro poneret: Ingentes esse famas de Regulo. Videant quidam Ciceronis imita-*

88 GER. JOAN. VOSSII  
tores, ne aliquando similis possint crimi-  
nis argui. Nam & aliqua sunt apud Tul-  
lium rara. De quibus constaret magis, si  
exstaret Charisio bis \* memoratus Statilii  
Maximi liber de singularibus apud Cice-  
ronem.

12. §. *Virumque vitium Græci* \* κακὸς ἡλίαν  
vocant; *Latini* † malam affectationem.

Qualem imitationem comparare licet  
isti, quam de simia narrat Ælianus lib. vii.  
de Animalibus cap. xxi. Ea, postquam  
viderat, quomodo nutrix pusionem fasciis  
evolveret, aquâ etiam in pelvi ablueret;  
conspicata recessisse nutricem, ac cæteros,  
per fenestellam fortè apertam descendit ad  
infantulum, è cunis arripuit, fasciisque ex-  
plicitis, è cacabo igni appposito tenerum  
corpusculum persudit aquâ; sed ferventi.  
Quod non imitari erat, sed occidere. Pos-  
sis & κακὸς ἡλὺς † illos conferre cum disci-  
pulis vel Platonis, κυρτίτητι \* ejus amu-  
lantibus; vel Aristotelis, τραυλότητι † ma-  
gistri sequentibus; ut de utriusque auctor  
est Plutarchus lib. de audiendis poetis: vel  
illis Porcii Latronis, cuminum edentibus,  
quod referrent præceptoris pallorem: ut ex  
Plinio cognoscimus lib. xx. cap. xiv. De

La-

\* Lib. 2. c. de Adverbio ex Commianiano. \* Deme-  
trius Phaler. de Elocutione, & Lucianus de Sal-  
tatione. † Quintilianus l. 8, c. 3. † Imitatores  
males. \* Curvitatem. † Balbutiem,



Latronis verò pallore, restis etiam familiaris ejus M. Seneca Præf. lib. 1. Controv.

13. S. Atque ex his cognoscere fuit, non solum, quomodo imitari conveniat; sed ex parte etiam, quousque id agendum. Nempe, ut de posteriori nunc pauca superaddam, sic imitationem commendo, ut nec ab omnibus, nec ubique, nec semper requiram. Ac præsertim laxiores dederò habenas iis, quibus ingenium obtrigit excellentius, & ætas, atque usus, judicium firmavit. Quilibet audendum aliquid de suo. Nec enim strenuè satis sequitur, qui perpetuò aliena premit vestigia. Et segnis est ingenii, duce semper indigere. Quanto pulchrius, cum iis, quos prius sequebamur duces, tandem contendere, bonæ spe, posse eos à nobis vinci, vel inveniendi acumine, vel dictionis felicitate, vel verborum elegantia, aut sententiarum gravitate! Quomodo & priores exsuperabimus, & posteros demerebimur, bona propria addendo priorum inventis.

Exemplo fuerit Maro, qui multa felicius expressit, quàm illi, quos est secutus. Et, putò, idem diceremus de Horatio, si existarent tot Lyrici veteres. Item de Propertio, si haberemus Phileæ, & Callimachi elegias. Sallustius quoque Thucydideæ æmulus brevitatis, eum in suis cecidit castris.

stris. Ac Marco Ciceroni similem tribuit gloriam Quinctilianus lib. x. cap. i. Ubi cum dixisset, eum effinxisse vim Demosthenis, copiam Platonis, jucunditatem Isocratis; postea subdit: *Nec verò, quod in quoque optimum fuit, studio consecutus est tantum; sed plurimas, vel potius omnes ex se ipso virtutes extulit immortalis ingenii beatissima ubertate.* Quare rectè idem Fabius cap. sequenti: *Imitatio ipsa per se non sufficit, vel quia pigri est ingenii contentum esse iis, quæ sunt ab aliis inventa. Quid enim futurum erat temporibus illis, quæ sine exemplo fuerunt, si homines nihil, nisi quod jam cognovissent, faciendum sibi, aut cogitandum, putassent? Nempe nihil fuisset inventum. Cur igitur nefas est reperiri aliquid à nobis, quod ante non fuerit? Et post pauca: Turpe illud est contentum esse id consequi, quod imiteris. Nam quid erat futurum, si nemo plus effecisset eo, quem sequebatur. Nihil in pœtis supra Livium Andronicum, nihil in historiis supra Pontificum annales haberemus; ratibus adhuc navigaremus; non esset pictura, nisi quæ lineas modò extremas umbra, quam corpora in Sole fecissent, circumscriberet. Ac, si omnia percontas, nulla sit ars, qualis inventa est, nec intra initium stetit. Nihil enim crescit solâ imitatione.* Scire postea subdit: *Etiâ, qui summa non appetunt, contendere potius, quam se-*  
qui,

qui, debent. Nam qui agit, ut prior sit; forsitan etiam, si non transierit, aequabit. Eum vero nemo potest aquare, cujus vestigiis sibi utique insistendum putat. Necesse est enim semper sit posterior, qui sequitur. Fateri interea cogimur, perdifficile esse, etiam ingeniiis felicibus, sed modestis, persuadere, se, modo contenderint, exsuperare posse Homerum, Sophoclem, Demosthenem; vel Ciceronem, Maronem, Horatium, atque alios, quos in fastigio alterutrius eloquentiæ constituit vetustas. Vident enim, (ut Vellejus ait) *eminentissima cujusque professionis ingenia in idem artari temporis congruens spatium*. Quomodo, ut postea subjungit, *Vna, neque multorum annorum spatio divisa etas, per divini spiritus viros, Æschylum, Sophoclem, Euripidem, illustravit tragedias: una priscam illam, & veterem, sub Cratino, Aristophane, & Eupolide, comædiam*. Atque idem postea de novis Comicis refert, deque philosophis, nec non oratoribus, quos *adèd ait artari angustius temporum, ut memoria dignus alter ab altero videri nemo quiverit*. Sed enim diceret Fabius, non ingeniorum culpâ factum esse, quod posterior ætas non tulerit prioribus pares, vel superiores, sed, ut omnia nostra sunt instabilia, ita cum hominibus mutarum studia, ac conatus. Præterea clarum

92 GER. JOAN. VOSSII  
rum est, nec Fabium omnia ab omnibus  
exigere: cùm ibidem præcipiat, ut quis-  
que in imitando consideret, quid humeri  
valeant sufferre. Nempe hujusmodi ab iis  
solùm requirit, quos\*, ut sic dicam, Apol-  
lo, sive Mercurius, aut Musæ, benevolis,  
atque amicis oculis adspexerint nascentes:  
ab eximilis videlicet ingenii dotibus instru-  
ctis, non ex animis vulgaribus. Denique  
sufficere illud debet, quòd Fabius ait; pul-  
cra hac cum eminentissimis contentione  
illud proficisci, quòd, si eos non vincamus,  
minimùm æquemus; vel si hoc etiam ex-  
ciderimus, saltem non tanto absimus in-  
tervallo, quàm si, desperatione quâdam,  
contenti fuissetus semper sequi.

#### C A P. V.

DE MEDITATIONE futuri operis,  
antequam scribere aggrediamur; inque  
scribendo curâ, atque industriâ.

1. §. *E*Xposuimus, quomodo, & quatenus sit  
insistendum vestigiis eorum, quos ele-  
gimus nobis verborum, & conceptuum  
duces. Post hujus rei notitiam cogitare li-  
cebit de opere, quod molimur, Priusquam  
tamen animum ad scribendum appella-  
mus; sedulò meditari oportet de forma, ac  
conspectu operis futuri.

Pra-



*Præmeditationem* hoc vocare possumus ; quia naturâ , ac tempore , prævertat tum meditationem illam in scribendo , tum alteram in corrigendo. Ut triplex hic tempus in considerationem veniat : unum ante scriptionem , quando delineamus quæ scribemus : alterum in scribendo , cùm particulatim singula commentando exsequimur : tertium post scriptionem , quod emendationi insumitur. Quam vero *Præmeditationem* dicebamus , ea Xenophonri , initio Κύβη παιδείας, ἔννοια ; Aristoteli in Ethicis ἐννόησις vocatur. Eidem clarè sic describitur , μελέτη τῷ νοῦ ὡς τοῦ ζητήματος. Quasi dicas , meditatio , sive accurata ejus cogitatio , de quo quæritur , sive de quo acturi sumus. Joannes Sturmius lib. de Imitatione appellat *commentationem*. Sed ea vox ambigua videtur , cùm nunc notet excogitare , invenire : nunc scribendo componere : quomodo & paullò antè capiebam. Interim prior significatio est nativa : cùm à μένω , sint *mens* , *reminiscor* , *commemiscor* , *commentor* , atque alia.

2. §. Hanc *præmeditationem* esse necessariam , satis ex eo cognoscitur , quòd nec omnes , nec semper , felices adeò simus , ut optima nobis primò veniant in mentem. Quare ne postea , multum jam opere prorecto , nihil egerimus , ac , unâ omnibus liturâ deletis ,  
desi-

*desistere ab instituto, vel novum ordire laborem, cogamur: initio per omnia versandus est animus, donec statueri liceat, quomodo totum operis corpus formari, ac construi, oporteat.*

Similiter igitur hîc comparatum est, ac cum pictura: ubi, si in extimis corporis lineamentis fuerit peccatum; quicquid interiorius pingitur, vitiosum esse, necesse est. Ac par ratio est prudenter volentis ædificare. Primò enim animo concipit optimam ædificii formam. Subinde etiam ex argilla, aliâve rudi materiâ, quaecumque specimen format; ut inde certiùs, exiguâque impensâ, de fabricâ, sumtûs sæpe ingentis, futurâ, possit judicare. Tum demum, pro ratione operis concepti, ligna, lapides, cæterâque convehit materiem. Ac tandem fundamenta jacit, columnas erigit, cæterâque exsequitur. Hæc nisi ratio ineatur, quantæ postea & molestiæ erit, & sumtûs, corrigere, quod fuerat peccatum! Optimè hoc perspexit Quintillianus, lib. x. cap. iiii. Verba adscribi merentur: *Diversum est huic eorum vitium, qui primo decurrere per materiam stylo quàm velocissimo volunt; & sequentes calorem, atque imperium, ex tempore scribunt (hanc SYLVAM vocant) repetunt deinde, & componunt, quæ effuderunt. Sed verba emendantur,*

tur, & numeri; manet in rebus temere congestis, qua fuit, levitas. Protinus ergo adhibere curam rectius erit, atque ab initio sic opus ducere, ut calandum, non ex integro fabricandum sit.

3. §. Præmeditationem hanc operis universi excipit singularum partium cura. Qui labor non subitus, ac præceps; sed tardus, ac cautus esse debet.

Quod & ipsum non in Oratoriâ minùs, quàm Poëticâ, locum habet. Uti apud Ciceronem docet Crassus lib. I. de Oratore: Si, inquit, subitam, & fortuitam orationem, commentatio, & cogitatio facile vincit; hanc ipsam profectò assidua ac diligens scriptura superabit. Ac similiter ibidem: Etsi, inquit, utile est, etiam subito sepe dicere: tamen illud utilius, sumto spatio ad cogitandum, paratius, atque accuratius, dicere.

4. §. Inprimis verò longior hac meditatio in initiis requiritur. Nam tarde scribendo consequimur, at & bene, & citò scribamus. Sed citò scribendo multi bene scribendi facultatem perdiderunt.

Hoc etiam in utrâque facundiâ habet locum Fabius lib. x. cap. III.

5. §. Interea, seu prosa, seu carmine, aliquid molimur; utile est, ut scribendi laborem lectione aliorum, imprimis ejus, cujus volumus esse similes, diffundamus. Sic enim  
lassi



*lassi scribendo, recreabimur legendo: & nova pasti alimonia novum hauriemus spiritum de alieno.*

Seneca epist. LXXXIV: *Sunt lectiones, ut existimo, necessaria; primum, ne sim me uno contentus: deinde, ut cum ab aliis quæ sita cognovero, tum & de inventis judicem, & cogitem de inveniendis. Alit lectio ingenium, & studio fatigatum, non sine studio tamen, reficit. Nec scribere tamen, nec tantum legere debemus. altera res contristabit, & vires exhauriet, de stilo dico: altera solvet, ac diluet. Invicem hoc illo commutandum est, & alterum altero temperandum: ut, quicquid lectione collectum est, stilus redigat in corpus.*

## C A P. VI.

## DE EMENDATIONE.

1. § **A**B imitatione nunc ad eorum: quæ scripsimus, limam, atque emendationem, accedo. Quâ nihil utilius.

Unde Fabius lib. x. cap. ix: *Emendatio, pars studiorum longe utilissima. Neque enim sine causâ creditum est, stylum non minus agere, cum delet.*

2. §. *Atque hoc dictum volo, tum de iis, quæ solutâ, tum quæ vinctâ, scribimus oratione.*

Isocrates etiam decennium Panegyrico impendit; Plato non desuit decus, ac venusta--



statem, addere dialogis suis ad annum usque octogesimum. De utroque, præter alios, auctor nobis Dionysius Halicarnassensis lib. de Collocatione verborum. An tam anxîa curâ sit opus, postea exponam. Sufficit nunc videre, quàm emendationi studuerint veteres, etiam Oratores, ac philosophi. Nec minùs exemplum capere est è poëtis, etiam Latinis, Auctor est Donatus, Virgilio hunc morem fuisse, ut horis matutinis plurimos scriberet versus: horis verò pomeridianis, ubi calor ille defebuisset, eosdè incudi redderet, ac limaret: ac sæpe ex centenis vix quaternos, aut senos reliquisse non aliqua ex parte immutatos: ac propterea dicere solere, se, ursæ in modum, fortus edere informes, quos deinde lambendo informaret. Itaque septennium corrigendis tribuisse Georgicis creditur. Ex eodem Donato cognoscimus, propositum fuisse Maroni, proficisci Athenas, ut ibi triennium limandæ Æneidi impenderet. Nondum sibi satisfaciebat divinus animus; eoque, ubi mortem videri imminere, comburi Æneida poscebat. Nec Ovidio Metamorphosis sua satis visa est emendata: quo nomine queritur in Tristium lib. 1. & 11. Itaque, in exilium iturus, eam decrêrat incendere: uti aliquot aliis libris factum; quemadmodum refert

98 GER. JOAN. VOSSII  
ipse lib. iv. Trist. el. x. Sed de metamor-  
phosi frustra ita cogitabar, quia jam descri-  
pserant amici.

3. § Valde igitur eos ratio fugit, qui existi-  
mant, satis esse, subito multos effudisse ver-  
sus; atque hanc facilitatem appellant inge-  
nii ubertatem.

Abunde eos refellit Horatius lib. i. Sat. iv:

———— Neque enim concludere versum  
Dixeris esse satis: neque si quis scribat, uti  
mos,

Sermoni propiora, putes hunc esse poetam.  
Ingenium cui sit, cui mens divinior, atque os  
Magna sonaturum, des nominis hujus hono-  
rem.

Peccabat hac in parte Lucilius: de quo sic  
idem Horatius \*:

Nam fuit hoc vitiosus, in hora saepe ducentos.  
Ut magnum, versus: dictabat stans pede in  
uno.

Cum fueret lutulentus, erat quod tollere  
velles:

Garrulus, atque piger scribendi ferre labo-  
rem;

Scribendi recte: nam ut multum, nil moror

Quotquot vero solā scribendi facilitate  
spiritus sumunt; similes videntur Agatha-  
rho pictori, de celeritate suā in pingendo  
glorianti: cui Zeuxis ajebat, dū se pingere,  
quia pingeret aternitati: ut est apud Vale-  
rium.

Ibidem.

rum. Ac alteri itidem se jactanti apud Apellem de tabulâ cirissimè depicta: respondit nobilissimus pictor, opus ipsum monstrare, eum verum dicere. Potius igitur imitandus Aristides †; qui Marco Imperatori roganti, quando eum esset auditurus, unum sibi diem meditandi poposcit; ac rationem hanc addidit: Οὐ γὰρ ἑσόμεθα τῶν ἰμεντων, ἀλλὰ τῶν ἀκρεβέντων; non sumus e numero vomentum, sed cum cura aliquid elaborantium. Rectè Plutarchus in Pericle: Ἡ γὰρ ἐν τῷ ποιεῖν ὀχύρεια, καὶ ταχύτης; ὅτε ἐντίησι βάρος ἔργῳ μόνιμον, ἐδὲ κάλλος ἀκρεβέων. ὅδ' εἰς τὴν γένεσιν τῷ πόνῳ προσδανιδεῖς χεῖρας ἐν τῇ σωτηρίᾳ τῷ γλυόμενῳ τὴν ἰσχὺν ἀποδίδουσιν. Nam facilitas operis, ac celeritas, non addit illi solidum pondus, neque accuratam elegantiam. At si labor tempus longum quasi sceneratō accesserit, robur nascenti additur operi.

Memini me illorum commonere commonere gloriosulum quendam, eâ parte peccantem, quòd, quæ subito scripsisset, continuò sineret in manus doctissimorum hominum venire. Ob oculos etiam ponebam, in quibus peccâisset: Ille, magnâ sui fiduciâ, unum hoc respondere, Quotusque videbit hæc melius dici posse? Quid tum ego aliud facerem quàm ut responde-

E 2

rem

† Eunapius in proaeresio.

rem illi versibus Horatii \* , qui fortè tum animo occurrebant.

*Non quivis videt immodulata poemata ju-  
dex.*

*Et data Romanis venia est indigna poetis :  
Iccircòne vager , scribámque licenter ? an  
omnes*

*Visuros peccata putem mea ? tutus. & intra  
Spem venia cautus : vitavi denique culpam  
Non laudem merui.*

Dixeris , multum laudis meruisse Lucilium ; qui , ut antea ex Horatio vidimus , multos subito calore versus , bonos , malos , effundebat ; nec eos revocabat ad incudem. Sed hac parte etiam pro me respondet idem Horatius † .

—— Fueris Lucilius , inquam ,  
Comis , & urbanus , fuerit limatior idem ,  
Quam \*\* rudis , & Græcis intacti carminis  
auctor ,

*Quamq; poetarum seniorum turba. Sed ille ,  
Si foret hoc nostrum fato delapsus in avum ,  
Detereret sibi multa ; recideret omne , quod  
ultra*

*Perfectum traheretur ; & in versu faciendo  
Sæpe caput scaberet , vivos & roderet un-  
gues.*

Ali-

\* In Arte Poëtica. † Lib. 1. Sat. 10. \*\* Casaub.  
Quam Rudius Græcis i. c. a. Nam satis constat ,  
Ennium fuisse Rudium.



Aliter animati pueris scribunt, & vulgo ;  
non quæ iterum legi mereantur , vel vive-  
re deinceps possint. Hoc quoque firme-  
mus illo Horatii Sat. ult. libri primi.

*Sape stilum vertas , iterum quæ digna legi  
sunt*

*Scripturus ; neque te ut miretur turba , la-  
bores ,*

*Contentus paucis lectoribus. an tua demens  
Vilibus in ludis dictari carmina malis ?*

Concludam hoc ejusdem monito, sic Pi-  
sones compellantis :

*Pompilius sanguis , carmen reprehendite ,  
quod non*

*Multa dies , & multa litura cœrcuit , atque  
Perfectum decies non castigavit ad unguem.*

4. §. Quemadmodum verò emendatione nihil  
utilius : ita nec eadem difficilius quic-  
quam.

Polycletus pulchrè de arte suâ ajebat ,  
*καλεπώτατον εἶναι τὸ ἔργον , ὅταν ἐν ὀνυχί ὁ  
πηλὸς γένηται* : difficillimum esse opus , cum in  
unguibus est lutum.

Idem de poësi dixeris. Unde Horatius :

*Nec virtute foret , clarisve potentius armis ,  
Quàm lingua Læium , si non ostenderet u-  
num*

*Quemque poetarum lima labor , & mora.*

Item Ovidius:

*Corrigere ac tanto res est magis ardua  
quanto*

*Magnus Aristarcho major Homerus erat.*

Uol mirum est, poetam ingeniosissimum usque adeò pugnaciter dicere. Notum enim est, ab Aristarcho emendatos Homeri versus: eoque si corrigere sit majus, quàm scribere; majus sanè videatur esse, quod Aristarchus egit, quàm quod Homerus, at ipse id negat Ovidius. Quare de Aristarcho rectiùs siluisset. Reprehendit hoc nomine Ovidium Cæsar Scaliger in Hypercritico. Nec tamen deest prorsus, quod pro Nasone respondeam. Distinguere enim oportet emendationem poetæ, suâ ad incudem revocaris; & illam Critici corrigentis, quæ librarii peccarunt. De priori loquitur Ovidius.

*§. §. Cùmque emendatione vel addamus, vel  
detrahimus, vel immutemus; tertium ho-  
rum est omnium operosissimum.*

Vocant Græci *πρόθεσιν*, *ἐφαίρεσιν*, & *ἀλλοίωσιν*, sive *κατέμειξιν*. Primæ est locus, si quid deficiat: alteri, si supersit: tertiæ, variis de causis: ut si prior præster *μετεφορικόν*, quia sit *ἐμφαπλώτερον*\*: vel siquid immutemus, ob *ποικιλίαν*†, quia voce aliquâ paullò etiam antè usi simus:  
vel

\* Significantius. † Varietatem.

vel propter *ὑπερβολὴν* \* quia dictio sic jucundius accidat ad aures. Præter quas aliæ etiam sunt commutandi causæ. De his sic.

Fabius lib. x. cap. xv. de emendatione :  
*Hujus est adicere, detrachere, mutare. Sed facilius in his, simplicius quæ judicium, quæ replenda, vel deicienda sunt : premere verò cuncta ; humilia extollere, luxuriantia adstringere, inordinata digerere, soluta componere, exultantia coercere, duplicis opera. Nam quæ demenda sunt, quæ placuerant ; & invenienda, quæ fugerant. Rationem eam corrigendi Horatius docet his verbis † :*

*Vir bonus, & prudens, versus reprehendet inertes.*

*Culpabit duros, incompertis allinet atrum  
 Tran, verso calamo signum, ambigua recidet  
 Ornamenta, parum claris lucem dare coget,  
 Arguet ambigua dictum, mutanda notabit.*

6. §. *Quod siquid non satisfaciat, nec melius occurrat : omittere illud satius est, & aliud cogitare, quod facilius expolire valeamus.*

Horat. de Quintilio Varo, nobili poëta † :  
*Quintilio siquid recitares, Corrige sodes  
 Hoc, agebat, & hoc : melius te posse negares,  
 Bis terque expertum frustra : delere jubibat,  
 Et male tornatos iucudi reddere versus.*

D 4

7. §

\* Sonum suaviores † In Poët. Arte Amandi

† In Arte Poët.

7. §. *Ut verò rectius conspiciamus, quæ emendari oporteat: aggrediemur nostra, velut aliena, atque id per intervalla.*

Fabius lib. x. cap. ii. *Nec dubium est optimum esse emendandi genus, si scripta in aliquod tempus reponantur, ut ad ea post intervallum, velut nova, atque aliena, redeamus, ne nobis scripta nostra, tanquam recentes fortius blandiantur.*

8. §. *Et tamen modum etiam in corrigendo tenere oportet. Modus is tum in rebus, tum in tempore, consideratur. Ratione rerum exigitur, ne, dum nunquam nobis satisfacimus, & posterius quidque magis placet, recta etiam depravemus.*

De hoc ira Fabius lib. x. cap. iv. *Et ipsa emendatio finem habet. Sunt enim, qui ad omnia scripta, tanquam vitiosa, redeant: & quasi nihil f. us sit rectum esse, quod primum est; melius existiment, quicquid est aliud: idque faciunt, quoties librum in manus resumerint; similes medicis etiam integra secantibus. Accidit itaque, ut cicatrosa sint, & exanguia, & curâ pejora. Sit igitur aliquando quod placeat; ut opus poliat lima, non exerat.*

9. §. *Etiam temporis ratione peccatur: ut ab iis, qui nunquam sciunt manum de tabula tollere, ac limam protrahunt in annum decimum, vel vitam universam.*

Qua



Qua de re sic ibidem statuit Fabius Quintilianus : *Temporis quoque esse debet modus. Nam quod Cinna Smyrnam novem annis accepimus scriptam, & Panegyricum Isocratis, qui parcissimè, decem annis dicunt elaboratum; ad Oratorem nihil pertinet: cujus nulum erit, si tam tardum fuerit, auxilium.* Ubi quod de Oratore ait, aliquam multum restringere oportet. Nec enim Cicero, optimus omnium patronus, claudicare auxilium suum sinebat, si post habitam orationem eam corrigeret, priusquam in manus hominum veniret. Primò quippe commentarios conficiebat; tum causas agebat; hinc magnâ curâ orationes scribebat, & limabat. Quâ de re plura dicerem, nisi abunde hoc fecissem in Oratoriis Institutionibus lib. iv. cap. x. sect. vi. Ad illud verò, quod Cinnæ Smyrnam annis ait novenis elaboratam, respexit quoque Horatius, quando ait \*,

———— *Nonâmque prematur in annum.*  
 Multóque antè Catullus; cujus illud †:  
*Smyrna mei Cinna nonam post denique  
 messem  
 Quàm cœpta est, nonâmque edita post  
 hyemen.*

Sed magis id opus Grammaticis placuit, quàm poëtis. Curâ enim nimis anxia

E 5                      fecit

\* In Arte Poetica, † Carm. 96.

106 GER. JOAN. VOSSI I  
fecit obscurum. Sed eruditis olim com-  
mentariis illustravit L. Crassitius. Mar-  
tialis \* verò negat, se velle sic scribere: at-  
que optat sua ut carmina

*Grammaticis placeant, & sine grammati-  
cis.*

\* Lib. 10. epig. 21.

---

## C A P. VII. DE RECITATIONE.

1. §. **Q**UÆ hætenus de emendatione attu-  
limus, pertinent universa proprii ad  
judicii limam. Sed nulli secare licet con-  
quiescere in judicio suo: quando, ut pro-  
verbio dicitur, alia aliis placent; sed  
suum cuique pulcrum: scruta etiam scru-  
tarius laudat; ac inimici sua amant  
sine rivali.

Quod & indicat hoc Catulli:

— Suus cuique attributus est error.

Sed non videmus, mantica quod in tergo est.

Ubi ad notissimam Æsopi fabulam al-  
lusit

2. §. Atque istiusmodi φιλαυτία\* locum ha-  
bet in omni genere scribendi sive trāstemus  
divina, sive humana. Inque humanis non  
illa modò scientia naturalis, quæ pertinet  
quoque Medicina; sed etiam scientia mo-

ra.

\* Nimius amor sui.

valis, ac civilis; ad quam refertur Iurisper-  
 dentia. Verum nunc imprimis consideramus  
 Eloquentiam; quatenus in hijsce omnibus  
 imò & iis, quæ ad vocabula attinent, tra-  
 ctandis elucet. Cum verò gemina sit Elo-  
 quentia; quarum una in prosâ oratione,  
 altera verò in vindicta consistat: omnino in  
 utraque exigitur, ut ne opinioni nostra ni-  
 mium fideamus.

Φιλωνίαν illam etiam habere locum in  
 iis, qui sibi Oratores, vel Historici videntur,  
 testis est Lucianus libro de scribendâ Hi-  
 storiâ: ubi narrat, ut postquam bellum  
 adversus Armenios geri cœpit, quasi è ter-  
 râ subito enata sit maxima historicorum  
 seges, quorum nemo non sibi inter histo-  
 riæ principes locum suum tueri posse vi-  
 deretur. Οὐδεὶς ὅσους ἐχ' ἰσθρίαν συγγραφε-  
 μάχοι δὲ Θερυδίδαι, καὶ Ἡρόδοτοι, καὶ Ξενο-  
 φῶντες ἡμῖν ἅπαντες, καὶ αἷς ἔαικεν, ἀληθὲς ἂρ  
 ὡς ἐκεῖνο τὸ πόλεμος ἀπάντων πατὴρ. εἴη καὶ  
 συγγραφέας ποσῆτες ἀνέφυσεν, ὑπὸ μιᾷ τῇ  
 πληγῇ. Nullus nunc est qui non historiam  
 scribat. Quin cuncti nobis facti sunt Thucy-  
 dides, Herodoti, ac Xenophonies: atque, ut  
 apparet, verum est, quod vulgò dicitur, Bellum  
 est omnium pater; quandoquidem tot nobis hi-  
 storiarum scriptores procreavit, idque una  
 hac plaga.

3. §. Imprimis autem in carmine innumeros



*invastit facer ille morbus ( nisi is furor potius dici debet ) ut se poëtas, & quidem optimos, putarent, qui in poëtarum hortis adhuc, quod dicitur, inter apia consisterent.*

De isthoc audiamus Ciceronem lib. v. Tuscul. Quæst. *Adhuc neminem cognovi poëtam ( & mihi fuit cum Aquino amicitia ) qui sibi non optimus videretur.* Aquini istius etiam meminit Catullus epigr. ad Calvum: ubi Cæsium ei jungit, & Susenum: ac tales vocat.

*Secli incommoda, pessimos poëtas.*

Nec relatu indignum, quod Lucianus narrat initio ejus libri, cujus proximè meminimus. Ait, sub Lysimacho rege contigisse Abderæ, (quæ Traciæ est civitas, Democriti patria) ut postquam Archelaus tragicædus in magno æstu egisset Euripidis Andromedam; multi è theatro redierint febricitantes; mox urbs plena fuerit pallidis, & macilentis, qui versus ex ea fabula recitarent, omnesque ad agendam tragicædiam impellerentur; durasseque hunc animi morbum, donec, superveniente hieme, frigus deliria, ac nugas istas sedaret. Subdit deinde, ut tum omnes sibi videbantur poëtæ: sic nunc omnes sibi videri historicos; de quo antè dicebamus.

4. §. *Optima igitur ea veterum consuetudo erat; quâ, licet sibi scribendo, & emendo,*

*scribendo, & emendo, jam*



*jam satisfacerent ; non propterea sinerent  
sua in omnium manus venire ; sed ea peri-  
tis , atque intelligentibus recitarent ; quò  
prius corrigerent , quàm his jure displicuissent.*

Hunc recitandi finem fuisse , indicat Pli-  
nius lib. v. epist. 111. ubi cùm de Arrio, &  
Ennio, esset locurus, subjungit : *Recito ta-  
men , quod illi an fecerint , nescio etiam : sed  
illi suo judicio poterant esse contenti : mihi mo-  
destior constantia est , quàm ut satis absolu-  
tum putem , quod à me probetur.* Varia dein-  
de recitationis commoda recenset. Itaque,  
inquit , *has recitationis causas sequor.* Pri-  
mùm quòd ipse , qui recitat , aliquanto acrius  
scriptis suis auditorum reverentia intendit.  
Deinde quòd , de quibus dubitat , quasi ex con-  
siliis sententia statuit. Multa etiam à multis  
admonetur : & si non admoneatur , quid quis-  
que sentias , perspicit ex vultu , oculis , nutu ,  
manuum motu , murmure , silentio : quæ satis  
apertis notis judicium ab humanitate discer-  
nunt. Atque adèd , sicui forè eorum , qui inter-  
fuerunt , cura fuerit eadem illa legere ; intelli-  
get , me quadam aut commutasse , aut præterisse ;  
fortasse etiam ex suo judicio , quamvis ipse  
nihil dixerit mihi.

§. §. *Ambitiosuli verò alio fine recitabant :  
videlicet non tam emendandi gratiâ ; quàm  
ut captarent inanem gloriam.*

Tales damnat Tacitus, five quisquis auctor ille dialogi de caussis corruptæ eloquentiæ, ubi de Saleio Basso: *Et ut beatissimus recitationem ejus eventus prosequatur; omnis illa laus intra unum, aut alterum diem, velut in herba, & flore præcepta, ad nullam certam, & solidam pervenit frugem: nec aut amicitiam inde refert, aut clientelam aut mansurum in animo cujusquam beneficium, sed clamorem vagum: & voces inanes, & gaudium volucre.* Hujusmodi vanæ gloriæ aucupes nihil proficiunt, quia non sustinent audire verum; instar illius, qui Martialem semper rogaret, ut sibi verum diceret de libellis, quos recitâssent. Scitè ei responder poëta\*:

*Durum est me tibi, quod petis, negare.*

*Vero verius ergo quid sit audi.*

*Verum, Gallice, non libenter audis.*

6. §. *Quemadmodum autem erant, quis recitarent, ut laudarentur: ita & fuere, qui recitantes laudarent sportula, vel cœnæ ergo.*

Unde Petronius in Satirico: *Mulro me turpior es tu hercule, qui, ut foris cœnares, poëtam laudasti.* Martialis lib. vi. in Pomponium:

*Quod tam grande σφῶς clamat tibi turbæ  
rogata;*

*Non tu Pomponi; cœna disertæ tua est.*

\* Lib. 8. ep. 76.

Vide

Vide & lib. 11. epigr. xxvii. Et præcipuè, quæ cap. viii. de discernendis auditorum judiciis dicam. Hujusmodi auditores, qui conducerentur, ut illud σοφῶς † acclamarent, & alterius laudes dicerent, scitè olim vocarunt tum σοφικλεῖς, allusione ad poëtæ tragici nomen; tum laudisenos, allusione ad urbem Laodiceæ. quæ & *Laudicea*, ut *laotomia*, *lautumia*. Vide Plinium lib. vi. epist. xiv.

7. S. Sapiientis igitur non est advocare alios, quàm rei intelligentes, & verè candidos. Ac primùm quidem suffecerint duo, tres. Postea plures sunt. Et, ut cuncta complectar, non videtur melior ratio, quàm quâ Plinius minor prævit.

Pleniùs de hoc loquar cap. viii. Nunc solùm audiamus Plinium lib. vii. epist. xvi: Nullum emendandi genus omitto: ac primùm, quæ scripsi, mecum ipse petrecto: deinde duobus, aut tribus, lego: mox aliis trado annotanda; notâsque eorum, si dubito, cum uno rursus, aut altero, pensito: novissimè pluribus recito; ac, siquit mihi credis, tunc acerrimè emendo: nam tanto diligentius, quanto sollicitius, intendo. Optime attem reverentia, pudor, metus, judicant. Et aliquantò post, cùm de tragico, Pomponico, ad populum provocante, esset locutus, ista subjungit: *Tantum ille populo dabat. Rectè, an secus, ni-*

† Sapienter.

*hil ad me. Ego enim non populum advocare ; sed certos, electosque , soleo, quos intuear, quibus credam, quos denique & tanquam singulos observam, & tanquam non singulos timeam.*

8 S: *Recitatio hæc tam in soluta oratione, quàm vineta, obtinebat.*

De prosa videmus ex Catullo: cui, ad cœnam vocato, Sextius orationem suam legit adversus Attium competitorum. Atque hæcenus ex more Sextius fecit. Sed malè illud, quòd oratio, quàm prælegit, tam frigida erat, ut, eâ auditâ, Catullus magno frigore sit correptus; imò, si poëtæ \* ludenti credimus, necesse habuerit se recipere in villam suam, seu Sabinam, seu Tiburtem, saltem in confinio utriusque constitutam, quo istic calorem, ac valetudinem pristinam recuperaret. Audiamus etiam Plin. lib. v 11. epist. xvi 11. *Miror. quod scribis, fuisse quosdam, qui reprehenderent, quòd orationes omnino recitarem, nisi verò has solas non putant emendandas. A quibus libenter requisierim, cur concedant ( si concedunt tamen ) historiam debere recitari; quæ non ostentationi, sed fidei, veritatique componitur.*

Sed de poëtis potius loquamur. Quanti & ingenii & nominis Ovidius fuit! Et ille tamen ex eorum sententia, quibus recitasset,

\* Epigr. 45. ad fundum.



fer, si non continuò (subinde enim sibi etiam in vitiis placebat) postea saltem, ubi meliùs pensiculâisset, sua corripiebat. Unde est, quod cùm prius in libris de Arte amandi scripssisset;

*Egelidum Borean, egelidumque Notum:*

nunc tamen, ex emendatione ipsius poëtæ, legatur;

Eriam plinius de hac consuetudine sic scribit lib. 1. epist. xiiii. quæ ad Sositum Senecionem: *Magnum proventum poëtarum annus hic attulit. Toto mense Aprili nullus fere dies, quo non recitaret aliquis. Estque rota hoc de more epistola, & multorum simul desidia ad audiendum. Idem l. vii. epist. xvi. ait, Pomponium Secundum, poëtam tragicum, recitare sua aliis solere. Ibidem etiam adversus eos disserit, qui nollent orationes recitari; ac quærit, quare id magis probent in poëmatibus. Cur, inquit, concedunt debere recitari tragicæ, quæ non auditorium, sed scenam, & auditores; cur lyrica, quæ non lectorem, sed chorum, & lyram, poscunt. At horum recitatio usu jam recepta est. num ergo culpandus est illè, qui coepit? Videmus hic de tragicis, & lyricis. At de comicis etiam, & elegis, & satyris, cognoscere est ex juvenale Sat. 1.*

*Semper ego auditor tantum? nunquam ne  
reponam,*

*Vexatus toties rauci Theſeide Codri?*

*Impune ergo mihi recitaverit ille togatas,*

*Hic elegos? impune diem conſumſerit ingens*

*Telephus? aut ſummi plena jã margine libri,*

*Scriptus & in tergo, necdum finitus Oreſtes?*

Ubi Elegos aperte nominat: de Togatis pertinet ad Comicos: de Telepho & Oreſte, ad Tragicos: de Theſeide ad eodem, vel ad Epicos: ad Satyricos verò, quod ait, ſi alii tam varila poëmatis moleſtiam ſibi crearint, velle ſe nunc talionis poenã eos afficere, &, ſatyraſ ſuas recitando, viciffim iis moleſtiam afferre.

9. §. Multum verò diſtat, utrum ipſe recitet auctor, an alius. Virumque obtinuit: ſed poſteriùs ſolùm in viris principibus.

Nihil igitur mirum, ſi ipſe recitãrit Terentius; quem è ſervo libertum fecit Terentius Lucanus, Senator Romanus. Unde Donatus, ut vulgò creditur, ſed potiùs Suetonius, in Comici ejus vita: *Andriam cùm primùm Ædilibus daret, juffus ante Cario recitare; ad coenantem cùm veniſſet, dictus eſt, initium quidem fabulæ, quòd erat conſemtiore veſtitu, ſubſellio juxta lectulum reſidens legiſſe: poſt paucos verò verſus invitatus, ut accumberet, coenãſſe unã; deinde cætera percurriſſe, non ſine magnã Carii admi-*

*ratione.* Vix tamen exemplum istoc est hujus loci: quia Terentius non sponte recitavit; ut aliorum judicium cognosceret: sed jussus ab *Ædilibus* recitare; ne ageretur publicè fabula, priusquam constaret, an esset digna agi. Aptius exemplum, verum non in fabulæ recitatione, sed præcipue historiæ, habemus in Claudio Cæsare: qui nunquam in adolescentia per alium legebat: sed demùm in principatu. Suetonius in ejus Vita cap. xli. *Historiam in adolescentia, hortante T. Livio, Sulpitio verò Flavo etiam adjutante, scribere aggressus est. Et cum primùm frequenti auditorio is commisisset, agre perlegit. Nam cum initio recitationis, defractis compluribus subselliis obessetate cujusdam, risus exortus esset; ne sedato quidam tumultu temperare potuit, quin ex intervallo subinde falli reminisceretur, cachinnosque revocaret.* Continuo deinde subjungit: *Alia multa recitavit in principatu, non ipse, sed per lectorem.*

Sed duplices sunt principum per alios recitationes; quæ confundi non debent. Hic loquimur, solùm de iis, quibus aliorum explorarent judicia de suis, ingenii, doctrinæque monumentis. At præterea, si quid publicè decerni vellent, orationem suam de eo jubebant in Senatu recitari per quæstorem. De hoc vide Barnabam Brisso-

116 GER. JOAN. VOSSII  
sonium Selectarum ex Jure Civili Anti-  
quitarum lib. 1. cap. XVII.

10. §. *Locus, ubi recitarent, vel publicus  
fuit, vel privatus. Publicus Romæ erat,  
quem Cæsar Hadrianus huc rei extru-  
xit, & Athenæum appellavit.*

Aurelius Victor in Adriano: *Gymnasia,  
doctoresque curare occæpit, ut etiam ludum  
ingenuarum artium, quod Athenæum vo-  
cant, constituerent.* Quibus verbis eos infe-  
riùs refellam, qui, jam Horatii ætate, hoc  
fuisse Athenæum, inque eo Poëtarum ju-  
dices convenire solitos, arbitrantur. No-  
minis causam indicat Dio, sive Xiphili-  
nus, in extremo eorum, quæ retulit de Di-  
dio Juliano. Nempe ait, sic vocatum *ὡς  
τὸ ἐν αὐτῷ παιδαστομένων ἀσχέσεως.* ab eru-  
ditorum hominum in eo exercitatione. Unde  
liquet, decipi eos, qui putant fuisse sic di-  
ctum, quia esset templum Minervæ. At  
longè spissiùs errat Theodorus Marsilius  
(quem & sequitur Raderus ad Marria-  
lem\*) cùm putat, per Athenæum intelli-  
gi ædem Apollinis Capitolini, vel potius  
Palatini. Nam Athenæum Romanum, ut  
ex Victore vidimus, ab Hadriani demum  
temporibus fuit. Itaq; nec ullus ante eum  
meminit. Hic autem poëtas, ac rhetores  
recitasse, indicat illud Iulii Capitolini in  
Pertinace: *Cùm Pertinax eo die proc. sionem,*

\* Lib 10. epiz 70.

quam



quam ad Athenæum paraverat, ut audiret  
poëtam, ob sacrificii præsagium distulisset. Fir-  
mar quoq; Lampridius in Alexandro: Ad  
Athenæum, audiendorum & Græcorum, &  
Latinorum rhetorum, vel poëtarum causâ fre-  
quenter processit. Adhæc Iul. Capitolinus in  
Gordianis: Postea, ubi adolevit, controversiis  
declamavit, audientibus etiam imperatoribus  
suis. Et B. Hieronymus de obitu Paullinæ  
ad Pammachium: Quando omne Athenæum  
scholasticorum vocibus personabat. Post  
Athenæum videtur Romæ exstructum  
esse auditorium Capitolinum: cujus  
Impp. Theodosius, & Valentinianus, me-  
minerunt in utroque Codice <sup>a</sup>. Athenis  
publicum auditorium erat Agrippæum in  
Ceramico: de quo Philostratus in Alexan-  
dro Sophista. Præterea in publicis recita-  
tionis locis fuere theatra magnarum civi-  
tatum <sup>b</sup>, non Ἑλληνικά <sup>c</sup> modò; de quibus  
Themistus <sup>d</sup>: sed etiam Ἰταλικά, καὶ Ἀσιανὰ <sup>e</sup>;  
de quibus Synesius <sup>f</sup>. Nec tamen per Ἱεράροι  
semper intelligi opus ea, in quibus ludi  
spectari solerent. Nam & Ἱεράροι dixere ad  
horum similitudinem facta, & plurimo-  
rum hominū capacia, non ludis sed recita-  
tionibus destinata. Erant verò vel δημόσια,

sive

<sup>a</sup> Theodos. & Justin. tit. de studiis liberal. Rom. &  
Constantinop. <sup>b</sup> Appulejus Flor. lib. 4. & Themist.  
orat. 16. <sup>c</sup> Græci <sup>d</sup> Orat. 7. <sup>e</sup> Italica & Gra-  
ca, <sup>f</sup> in Dione.

sive publica: vel ἰδιωτικὰ, sive privata. Amborum meminit in Juliano Eunapius. Ac quandoque videas, *theatra*, & *auditoria*, conjungi. Philo de quærend. erudit. Τὰ δὲ ἀκροθίσια. πᾶσι ᾗ θεατρὰ πλεῖσται. *Plena sunt auditoria, & theatra.* Tacitus, sive Fabius in Dialogo: *Te ab auditoriis, & theatris, in forum, & ad causas, & ad vera praelia voco.* Prior horum sub Claudio, alter sub Domitiano dixit. Petronius, qui claruit sub Nerone, meminit poetæ recitantis in porticu, ac lapidibus inde exacti. Verba adferam cap. x. §. 2. Sub Antonius florere Aristides, & Appulejus: quorum ille orationem de concordia habuit in βουλευτήριον, sive curia: hic disseruit in basilicâ; ut refert ipse in Apologia. Atque ex his liquet, quantopere passim auditoriâ variarint. Sed ad Romanos revertor.

11. §. *Ante Athenæum, ab Hadriano Roma exstructum, non pauci privatis potius usi locis videntur. Ut Domitiani temporibus domo Stella, hortis Frontonis, ac similibus.* Martialis lib. 14. epigr. vi: *In Stella recitat demo libellos.*

Juvenal. sat. 1:

*Frontonis platani, convulsâq; marmora clamant  
Semper, & assiduo rupta lectore columna.*

Plinius lib. viii epist. xii: *Titinius Capito domum suam recitantibus præbet.* Arianus

nus Epicteti lib. i i i cap. xxi i i : Ἀκροῖν  
 μὲς σήμερον ἀλεγεμένον ἐν τῇ οἰκίᾳ τῷ Κο-  
 δρῶντι. *Audi me hodie differentem in adibus*  
*Quadrati.*

12. §. Sape etiam, & rhetoribus, & poëtis,  
 conducenda erat domus, in quam audi-  
 tores convenirent.

De Rhetoribus, siue Scholasticis, est il-  
 lud Taciti, vel alterius in dialogo de causis  
 corruptæ eloquentiæ: *Domum mutuatur,*  
*& auditorium exstruit. & subsellia conducit.*  
*ut beatissimus recitationem ejus eventus con-*  
*sequatur.* De poëtis verò est hoc Juvenalis  
 Sat vi i i :

———— Cum jam celebres, notique poëta,  
 Balneolum Gabius, Romæ conducere furnos  
 Tentarent. Et paullo post :

*Ipse facit versus, atque uni cedit Homero*  
*Propter mille annos : & si dulcedine fama*  
*Succensus recites, Maculonis commodat ades.*

13. §. Conductâ domo etiam necesse habebant  
 suis sumtibus exstruere celsam sedem, unde  
 legerent : item subsellia, in quibus audito-  
 res considerent.

Pers. Sat. i. *Sede leges celsâ.* ———

Juvenal. Sat. vi i i :

*Nemo dabit regum quanti subsellia constent,*  
*Et quæ conducto pendunt anabathra tigillo,*  
*Quæque reportantis posita est orchestra ca-*  
*-thedris.*

Sen-



Sententia est, regum neminem tantum daturum, quanti tria hæc constant in auditoriis: primum subsellia in media planicie, quasi auditorum plebi disposita: deinde anabathra, quæ Platoni in Protagora, & Epicterio apud Arrianum \*, βάτρε, Eunapio in Proæresio σαινίδες: videlicet cuneata, & adsurgentia illa subsellia, quæ ad latera in orbem erant, ac gradibus quibusdam adscendebantur; unde & ἀναβάθρων nomen: ac deniq; in fronte orchestra, siue cathedræ conductitiæ primariis viris constitutæ ante recitantis pulpitam, quod ἱρόνον, δῖφρον, βῆμα ὑψηλὸν dixere: uri & sedem celsam Persius †. Hujusmodi tamen confessus quidam sophi, tanquam soli ostentationi forent, penitus aspernabantur: ut Menedæmus apud Laërtium. Etiam Socrates, Plutarcho recte, contempsit.

14 §. *Post hæc indicebant diem: videlicet posterum, aut perendinum. Fiebat hoc voce, codicillis, libello.*

De die est hoc Iuvenalis Sat. VII.

—— *Letam fecit cūm Statius urbem,  
Promisitque diem.*

Sermo est Statio Papinio. Quandoque autem recitaturi circuībant, atque ipsi audituros voce invitabant: quod Synesius in Dione dicit ἡγενοπιῶν fores pultare. Interdum

\* Lib. 3. cap. 23. † Sat. 1.



dum codicillos mittebant, qui pro literis erant. Quandoque & in publico sparsim libellos proponebant. Utrumque hunc modum adsignat Plinius junior: *Hunc librum cum amicis recitare voluissem non per codicillos, non per libellos, sed si commodum, & valde vacaret, admonui, fœdissimis insuper tempestatibus per biduum convenerunt.* De posteriori item modo Tacitus, vel quisquis scriptor dialogi de causis corruptæ eloquentiæ: *Cum toto anno ( Salejus Bassus ) per omnes dies, magna noctium parte, unum librum extudit, & elucubravit; rogare ultro, & ambire cogitur, ut sint, qui dignentur audire: & nec id quidem gratis: nam & domum muruatur: & subsellia conducit, & libellos dispergit.*

15. §. Is etiam, qui recitaturus erat, ferè ad majorem elegantiam, atque ostentationem, prodirat coma, barbaque pexa, pallio recenti, vel Roma toga, à fullone candenti, cum annulo, in quo gemma, præcipuè sardonyx, inclusa.

Iure hunc morem ridet Persius Sat. I.  
*Scilicet hac populo, pexû, que, togaque recenti.  
 Et natalitia tandem cum sardonyche albus,  
 Sede leges celsa, liquido cum plasmate guttur  
 Mobilo collueris.*

Item Arrianus Epicteti sui lib. i. i. cap. xxi. i. τὸ ἵνα γένηται, δεῖ τεθῆναι χίλια βάθρα, καὶ ὑψοῦσθαι τὰς ἀκροσμένους, καὶ ἐν κορυφῇ σολίου, ἢ τριβωνίου, ἀνακαύθαι ἐπὶ πύλβινον, ἀναχράσθαι πῶς Ἀχιλλεύς ἀπέθανε. Hoc ut fiat, nullo oportet collocare subsellia, & advocari auditores, & te eleganti tunica, aut pallio, in pulvinum adscendere, & describere, quomodo mortuus sit Achilles. Synesius item in Dione\*, cum alia de recitatore refert, tum illud quoque: Οὗ καὶ ἐλάσαστο πρὸς τὴν κυρίαν, καὶ εἰς αὐτήν, ἀπήντησεν, εἰδήτι καὶ χάριτι σοβαροῖς, ἵνα καὶ θεάμεθα καλὸν ἢ, καὶ πρὸς μελᾶ τῷ θεατρῷ, καὶ χαίρει δῆθεν. Hic verò, & lotus fuit ante praescriptum diem, & ad eum adfuit, veste, ac cultu corporis gestuque superbo, ac insolenti; ut & elegans esset spectaculum, & confidentibus in theatro ar- rideret, atque inde gauderet.

15 S. Recitantes verò in cathedra, cui impos- situs esset pulvinus, considebant: contrà quàm solent dicentes, qui stabant.

Persius, ut jam vidimus,

Sede leges celsâ. —

Plinius lib. vi. epist. vi: Dicenti mihi sol- licite assistit, assidet recitanti.

De hoc etiam dicentium, ac recitantium, discrimine, vide eundem lib. i. i. epist. xix. quæ ad Cerealem. Negat verò actionem  
cam

eam vim habere, quam dicentium. *Qui inquit, sedentes agunt, quamvis illis maxima ex parte supersint eadem illa, qua stantibus: tamen hoc quod sedent, quasi debilitentur, & deprimantur. Recitantium verò præcipua pronuntiationis adjumenta, oculi, manus, præpediuntur: quò minùs mirum est si auditorum intentio languescit, nullis extrinsecus aut blandimentis capta, aut aculeis excitata. In pulvino recitantes consedisse, indicant verba illa Arriani, quæ antè adduximus, ἀναβάντα ἐπὶ πέλβινον, adscendentem in pulvinum. Ubi pulvinum dixit pro cathedra, in qua pulvinus: ut pulvinum pro lectica, in qua pulvinus, ait Seneca Consolatione ad Marciam c. xvi. Clalìa exprobrat juvenibus nostris pulvinum adscendentibus, in ea illos urbe sic ingredi, in quâ etiam feminas equo donavimus. Πέλβινος vox, qua Arrianus utitur, accepta à Latinis: pro qua πέλβιον est apud Erotianum in lexico Hippocrat. Sed non sine mendi suspitione. Nam πέλβιον esse rescribendū, in eruditissimo suo Glossario censet ὁ μακαρίτης Joan. Meursius. Quomodo & pro eo πέλβινάειον est in vet. Glossis. Sed maximus Casaubonus, commentario in Persium, ambigit, an nō apud Arrianū pro πέλβιον legi debeat πέλπιον. Ut simile sit illi Juvenal. sat. vii:*

*Haut tamē invideas vati, quē pulpita poscunt.*

## CAP. VIII.

Quo pacto, qui recitarent, cognoscerent iudicium auditorum.

I. S. **A**Tque hac dicta sunt de recitatione. Proximum est, ut referam, quo pacto auditores iudicium suum testari soleant de eo, qui orationem, aut carmen, recitasset. Fiebat hoc trifariam; silentio, voce, gestu. Silentium potuit esse à triplici causa; contemptu, invidiâ, admiratione. Nam utcumque præclarus esset sermo recitantis; silere poterant imperiti, quia contemnerent; eoque nec acclamatione, vel plausu dignarentur. Silere poterant periti; sed superbi, atque invidi, qui inhumani esse mallent, quam testimonio suo auerere gloriam alterius. Poterant denique silere benevoli, & intelligentes; in qualibus vehemens attentio, summâque admiratio, silentium gigneret.

De silentio imperitorum satis est res aperta. Quomodo enim laudent, quod non intelligunt. De invidorum silentio est illud Plinii lib. vi. epist. xvi. i. quæ ad Restitutum: Indignationem, quam in cuiusdam amici auditorio cepi, non possum mihi temperare, quo minùs apud te, quia non contigit coram, per epistolam effundam. Recitabatur liber



ber absolutissimus: hunc duo aut tres, ut sibi, & paucis, videntur disertis, surdis, mutisque similes, audiebant. Non labra diduxerunt, non moverunt manum, non denique assurrexerunt saltem lassitudine sedendi. Quae tanta gravitas? quae tanta sapientia? quae imò pigritia, arrogantia sinisteritas, ac potius amenitia, in hoc totum diem impendere, ut offendas, ut inimicum relinquant: ad quem, tanquam amicissimus, veneris? Disertior ipse es? tanto magis ne invideris nam qui invidet, minor est. De silentio admirantium est illud Musonii philosophi apud Agellium l. v. cap. i. Magna laus non abest ab admiratione: admiratio autem quae maxima est, non parit verba, sed silentium. Atque addit ex eo, quomodo Homerus propterea, cum Ulysssem induxisset narrantem labores suos, non auditores dicat exsultasse, vel vociferatos: sed consiluisse universos, quasi attonitos, & obstupefactos. Quanto aliter fuerit animatum declamatorum vulgus, indicat Fabius lib. i v. cap. ii. Non ferunt illud intentionis silentium; nec sibi disertis videntur, nisi omnia tumultu, ac vociferatione, concusserint. Ubi intentionis silentium dixit, ut Plin. in epistolis silentium intentum. Cum, inquit, dico, vel cum recito, non minus silentio, quam clamore, delector: sit modò silentiū acre, & intentiū & cupidum ulteriora audiendi. Cum adeo

multiplex silentii sit causa, nihil necesse est, ad unam restringere illud Plinii lib. v. epist. 111: *Quid quisque sentiat, perspicit ex vultu, oculis nutu, manuum motu, murmure, silentio; qua satis apertis notis iudicium ab humanitate discernunt. De silentio ha-*ctenus.

2. S. *Alter modus cognoscendi auditorum iudicii est per vocem, sive acclamationem. Sed vox ex vel naturâ significabat, vel hominum instituto. Posterior vel unius erat vocabuli, vel orationis. Est & altera divisio, quâ acclamatio vel est secunda, qualis faventium: vel adversa, ut eorum, qui male volunt recitanti.*

Iudicium hoc, quod voce fit, Plutarchus lib. de audiendis Poëtis, vocat *κρουαὶς* sive clamores. At *ἐκβοήσεις*, sive vociferationes, appellat Themistius initio orationis primæ. Deque huiusmodi clamoribus capiendus est Tacitus, vel Fabius, dialogo de causis corruptæ eloquentiæ. cum ait: *Nec aut amicitia inde refert, aut clientelam, aut mansurum in animo cuiusquam beneficium; sed clamorem magnum, & voces inanes.* Plinius lib. 1. epist. xiii. *Memoriâ parentum Claudium Casarem ferunt, cum in palatio spatia retur, audissetque clamorem, causam requisisse cumq; dictum esset, recitare Nonianum, subitum recitanti, inopinatumq; venisse.*  
Cla-

Clamor iste vel fuit ἄσημε<sup>a</sup>, atque ἀναρθρε<sup>b</sup>, vel σημειαντικός<sup>c</sup>, & ἐναρθη<sup>d</sup>. Prior boatum magis referebat: quam verba. Posterior fuit duplex. Nam vel unâ fiebat voce, vel pluribus. Unâ, ut apud Isocratem ὑπερβαλλόντως<sup>e</sup>: apud Platonem, εὖ<sup>b</sup>, & ὑέρε<sup>c</sup>: apud Theophrastum<sup>d</sup> ὀρθῶς<sup>c</sup>: apud Arrianum<sup>f</sup> θαυμάσιως<sup>g</sup>, ὑπερφύως<sup>h</sup>, apud Plutarchum<sup>i</sup> ἰσχυρῶς<sup>i</sup>, δειμύως<sup>k</sup>, εὐφύως<sup>l</sup>: apud varios, σοφῶς<sup>m</sup>, καλῶς<sup>n</sup>, ὀρθῶς<sup>o</sup>: quandoque etiam, Plutarcho<sup>p</sup> teste, δειῶς<sup>q</sup>, & θεοφορητῶς<sup>r</sup>: imò, ut idem<sup>f</sup> ait, etiam δαιμονίως<sup>v</sup>, & μεγάλως<sup>u</sup>. Ac præterea, & εἰς, & φῶς, de quorum priori ex Dione<sup>x</sup>, & Arriano<sup>y</sup>; de alteto, ex Tertulliano<sup>z</sup>, ostendit Ludovicus Cresollus in Theatro Rhetorico<sup>a</sup>. Apud Latinos obtinebant *bene*, *præclare*, *bellè*, *festivè*, ut est apud Tul.<sup>b</sup>; apud Horatium<sup>c</sup>, *pulchrè*, *rectè*; apud Persium,

F 2

euge;

<sup>a</sup> Nihil ex instituto significans. <sup>b</sup> inarticulatus. <sup>c</sup> ex instituto significans. <sup>d</sup> articulatus. <sup>e</sup> excellenter. <sup>b</sup> bene <sup>c</sup> optime <sup>d</sup> in Characteribus. <sup>e</sup> rectè. <sup>f</sup> in Epicteto. <sup>g</sup> mirabiliter <sup>h</sup> supra modum egregiè <sup>i</sup> de auditione. <sup>i</sup> floridè <sup>k</sup> acriter <sup>l</sup> ingeniosè. <sup>m</sup> sapienter. <sup>n</sup> pulchrè. <sup>o</sup> verè. <sup>p</sup> de auditione. <sup>q</sup> divinè. <sup>r</sup> divino impetu. <sup>f</sup> Libro de se ipso laudando. <sup>t</sup> divinè. <sup>u</sup> magnificè. <sup>x</sup> In Nerone. <sup>y</sup> Lib. 3. Epicteti. <sup>z</sup> Adversus Valentinianum cap. 8. <sup>a</sup> Theatri Rhetorici lib. 3. cap. 20. sect. 5. <sup>b</sup> Lib. 2. de Orat. <sup>c</sup> Epist. ad Tisonem.



α εὐγε: apud Martialem, *Effecte, gnauiter, ciò, nequiter, euge, beatiè.*

Imò & his, Græcorum more, *sophôs* acclamatum; ut ex variis constat.

Vidimus de clamore unius vocis. Interdum verò acclamabant pluribus vocabulis. Ut cùm, Philostrato restante, Herodi Attico dictum, εἰ ὢς Δημοσθένες, *es aliter Demosthenes*. Vel cùm, ut Eunapius ait, \* dictum Præsesio, Εἰ μὲν Λογίῃ τῷ πρῶτῳ; *Mercurii, eloquentia præsidis, typus*. Similia de Nicete sophista, qui sub Nerva floruit, & Antipatro, liberorum Severi doctore, legimus apud Philostratum.

Altera clamorum divisio erat in secundos, & adversos. Secundos Seneca epist. LIX. *acclamationis secunda favorem* vocat; Fabius lib. x. cap. i. *laudantium clamorem*. Εὐφήμες βοὰς nominat Heliodorus lib. x. & apud Photium Himerius sophista; qui claruit temporibus Juliani Cæsaris, teste Suidâ.

Adversa acclamatio Plutarcho in Cæsare dicitur ὀρυβρὸς πομπής. Atque clamor istiusmodi fiebat, quia displiceret vel

is,

α Sat. i. vers. 63. c. Martial. lib. 2. epig. 27. f. Idem lib. 1. epigr. 4. & lib. 5. epigr. 93. Plin. in epist. Sidonius lib. 1. epist. 9 lib. 8. ep. 6. lib. 9. ep. 23. & semel iterumque in Carminum libris. \* In Præsesio † De vitis Sophist. lib. 1. & 9.



is, qui diceret; vel id, quod diceretur. Prioris generis erat, cùm boni obstrepent Graccho, vel Carilinæ: ut est apud eundem Plutarchum. Quemadmodum verò acclamationis favore recitantes gaudebant; ita exhorrescebant adversam: imo, populo acclamante, sæpe è suggesto descendebant ὡχρηί, καὶ τρέμοντες\*, ut ait Iulianus orat. 1. Pauegyr.

Posterioris generis exemplum est apud Ciceronem Philipp. vi. Retulerat Cicero L. Antonii impudentiam, statuæ inscribentis, *Quinque & triginta tribus patrono populi Romani*. Eo dicto, sic compellavit idem populum Romanum: *Igitur est patronus L. Antonius?* Tum concio, acclamatione obstrepens, ostendit se aversari talem patronum. Exinde Cicero subjicit: *Malam quidem illi pestem. Clamori enim vestro assenior*. Simile exemplum habemus apud B. Chrysostomum, homil. v, in epist. ad Titum. Narrârat morem Laconum: apud quos nudæ etiam virgines in conspectu virorum luctarentur. Concio, à tam obscena consuetudine abhorrens, exclamavit. Tum Chrysostamus subjecit: πολλὰ ὑμῖν γένοιτο ἀγαθὰ, ὅτι εὐδὲ τὸ ῥῆμα ἀκῶσαι φέρετε. *Multa vobis eveniant bona, qui ne quidem referri ista sustinetis.*

F 5

3.S.

\* Pallidi ac tremuli.

3. §. *Ab acclamatione tum secundâ tum adversâ, venio ad manuum plausum, qui Græcis κρότος.*

Quo pacto is fieret, indicat Philostratus junior in Icone Comi: Μιμῆται πῶς ἡ γραφὴ καὶ κρότον, ὃ μάλιστα δέεται ὁ Κῶμος. καὶ ἡδεξία τοῖς δακτύλοις ὑπερβαλμένοις, ὑποκειμένῳ τῷ ἀκροατρῶν πλήθει εἰς τὸ κοῖλον, ἵν' ᾧσιν αἱ χεῖρες ξύμφωνοι, πληττόμεναι τῶ πάῳ κυμβάλων. *Plausum etiam quemdam imitatur pictura, cujus maxime indiget Comus. Nam dextera contractis digitis subjectam sinistram ad cavum ferit; ut percussæ manus, cymbalorum more, fiant consonæ.*

4. §. *Præterea verò inter favoris indicia erat subsultatio, & circumactio totius corporis.*

Quod Chrysostomo in verba Iesaiæ homil. i. est τοῖς ποσὶν ἐφάλλεσθαι, καὶ ὅλα περικλάσθαι τῷ σώματι. Quo de sic Fabius l. ii. cap. ii. Nunc prout, & succincti ad omnem clausulam, non exsurgunt modo; verum etiam excurrunt, & cum indecora exsultatione conclamant. Atque imprimis ea in pueris improbat ibidem, his verbis: *minimè verò permittenda pueris, ut sit apud plerosque, adsurgendi, adsultandi que in laudando licentia.* Meminit & moris Hieronymus ep. lxxv. *Me dicente, ex latere subsultabas, & plaudabas manu; & applodebas pede.* Ut verò Fabium vidimus id dicere indecoram exsul-

rationem: ita & Plutarchus de auditio-  
ne \* appellat πτόησιν μετὰ χαρῆς ἀπὸ βροχάλου  
πρὸς ἐπαινον, eruptionem cum inepto gaudio ad  
laudandum. item † ἀχρημαίνειν, καὶ σολοικί-  
ζειν ὡς τιμὴν ἀκροῦσθαι, indecoros gestus edere,  
& solœcismum facere audiendo. Ibidē vocat  
φορτικὰ χήματα ‡, importunos, & odiosos ge-  
stus. Eusebius quoque Historiæ Ecclesia-  
sticæ lib. ix. cap. xxiv. ubi de Paulo Sa-  
molateno sermo, hæc duo opponit, ἀκόσ-  
μως ἀκροῦσθαι, indecore auscultare, & σεμνο-  
πρεπῶς, καὶ ὀπίκτως ἀκροῦσθαι, audire tum  
graviter, ac decore, tum composite, ac modeste.  
Observat eruditissimus Ludovicus Cre-  
sollius etiam in hisce ἐπισημασίαις \* fuisse,  
quòd vestem concuterent. De hoc, & aliis,  
videsis eum Theatri Rhetorici lib. iii.  
cap. xx. in primis sect. ii.

§. Etiam post recitationem fautores oscu-  
labantur tum poëtam, tum sophistam.

De poëta basiis excepto est hoc Martia-  
lis lib. i. epigr. lxxvi.

—— At circum pulpita nostra,

Et steriles cathedras, basia sola crepant.

De sophista exemplum habes in Proære-  
sio: de quo sic Eunapius: Καὶ τὰ σίγνα §

F 6 σσ.

\* Pag. 40. edit. Paris. an. 1624. † Pag. 45.

‡ Pag. 40. Crusenius parum commodè vertit, im-  
portunas figuras. \* animi significationibus.



3. §. *Ab acclamatione tum secundâ, tum ad-  
versâ, venio ad manuum plausum, qui  
Græcis κρότος.*

Quo pacto is fieret, indicat Philostratus junior in Icone Comi: Μιμείται πινὰ ἢ γραφὴ καὶ κρότον, ἔ μάλιστα δεῖται ὁ Κῶμος. καὶ ἡδεξία τοῖς δακτύλοις ὑπεσπλημένοις, ὑπὸ κειμένῳ τῷ ἀκραιστέραν πλήθει εἰς τὸ κοῖλον, ἵν' ᾧσιν αἱ χεῖρες ξύμφωνοι, πληττόμεναι τῶν κυμβάλων. *Plausum etiam quemdam imitatur pictura, cuius maxime indiget Comus. Nam dextera contractis digitis subjectam sinistram ad cavum ferit; ut percussæ manus, cymbalorum more, fiant consonæ.*

4. §. *Præterea verò inter favoris indicia erat subsultatio, & circumactio totius corporis.*

Quod Chrysostomo in verba Iesaiæ homil. i. εἰς τοῖς πρὸς ἐφ' ἄλλων, καὶ ὅλα πρὸς ἅπαντας τὰ σώματα. Quo de sic Fabius l. ii. cap. ii. Nunc proni, & succincti ad omnem clausulam non exsurgunt modò; verùm etiam excurrunt, & cum indecora exsultatione conclamant. Atque imprimis ea in pueris improbat ibidem, his verbis: *minimè verò permittenda pueris, ut sit apud plerosque, adsurgendi, adsultandi que in laudando licentia. Meminit & moris Hieronymus ep. lxxv. Me dicente, ex latere subsultabas, & plaudabas manu, & applodebas pede. Ut verò Fabium vidimus id dicere indecoram exsultationem.*



tationem: ita & Plutarchus de auditio-  
ne \* appellat πτήσιν μετὰ χαρῆς ἀπεργκάλει  
πρὸς ἑπαινον, eruptionem cum inepto gaudio ad  
laudandum, item † ἀχρημαίνειν, καὶ σολοικί-  
ζειν, ὡς τὴν ἀκροῦσιν, indecoros gestus edere,  
& solæcismum facere audiendo. Ibidē vocat  
φορτικὰ χήματα ‡, importunos, & odiosos ge-  
stus. Eusebius quoque Historiæ Ecclesia-  
sticæ lib. ix. cap. xxiv. ubi de Paulo Sa-  
molatreno sermo, hæc duo opponit, ἀκό-  
μως ἀκροῦσθαι, indecore auscultare, & σεμνο-  
πρεπῶς, καὶ ὀπίκτως ἀκθεῖν, audire cum  
graviter, ac decore, tum composte, ac modeste.  
Observat eruditissimus Ludovicus Cre-  
sollius etiam in hisce ἐπισημασίαις \* fuisse,  
quòd vestem concuterent. De hoc, & aliis,  
videtis eum Theatri Rhetorici lib. iii.  
cap. xx. in primis sect. 11.

§. §. Etiam post recitationem fautores oscu-  
labantur tum poëtam, tum sophistam.

De poëtâ basis excepto est hoc Martia-  
lis lib. i. epigr. LXXVI.

—— At circum pulpita nostra,

Et steriles cathedras, basis sola crepant.

De sophista exemplum habes in Proære-  
sio: de quo sic Eunapius: Καὶ τὰ στήνα &

F 6

σο-

\* Pag. 40. edit. Paris. an. 1624. † Pag. 45.

‡ Pag. 40. Crusenius parum commodè vertit, im-  
portunas figuras. \* animi significationibus.

σοφιστῶν ἐπιχρηστέμνιοι , καθάπερ ἄγχι λ-  
ματος ἐνθῆς , πάντες οἱ παρόντες , οἱ μὲν  
πόδας , οἱ δὲ καὶ χεῖρας , προσκύναν· οἱ δὲ  
θεὸν ἔφασαν , οἷδε Ἑρμῆ Λογίᾳ τύπον. *Atque  
omnes , qui aderant , circumlabendo sophista  
pectus , velut alicujus Dei , alii pedes , alii  
manus , osculabantur : ac aliqui vocabant  
Deum , nonnulli Mercurium , eloquentia pra-  
sidem.*

6. §. Præterea etiam , honoris ergo , à recita-  
tione deducebant domum .

Quod Libanio in progymnasmatibus est  
ἐκ τῆς πρυτανείας ἀπὸ τοῦ βήματος λαμπερότε-  
ρον ἀ πύλῳ , ac cathedra splendida comita-  
tu domum reduci . Exemplum apud Agel-  
lium habemus lib. xv. cap. 1. ubi , cū  
narrasset , quomodo Antonius Julianus  
delectabiliter , & feliciter declamasset , sub-  
jungit : Nos ergo , familiares ejus , circumfusi  
undique , eum prosequeremur domum . Etiam  
apud Eunapium legimus , quomodo Proæ-  
resius , proconsulis jussu , habuerit oratio-  
nem , planè admirandam . Subjungit dein-  
de Οὗ ὅ ἀνθύπατος καὶ δορυφόρων μὲν πύλ-  
ων ἢ τῶν δυνάμεων ἐκ τῆς θεῆτης παρέπεμψε .  
Sed legendum : μὲν πάντων δορυφόρων , ἢ τῶν  
δυνάμεων . Latine sonet : Proconsul verò  
cum satellitibus , ac copiis suis , honorifice do-  
mum reduxit .

7. §. Mirum verò , ex hisce laudandi , &  
signi-

significandi iudicii sui modis, acclamationem, & applausum, è scholis, & auditoriis, transmigrasse in templa Christianorum, sacræque conciones.

Cognoscere hoc est ex B. Augustino serm. XL. de Tem. Ubi, cum egregiam de concupiscentia sententiam protulisset; eaque auditâ populus acclamasset; subungere Augustinum videmus. *Vnde omnes acclamastis, nisi quia omnes agnovistis?* Superius etiam adduximus Chrysostomi verba quæ dixit, cum populus voce improbasset Lacænarum virginum morem, à S. patre memoratum.

8. S. *Verùm hanc consuetudinem. S. Si Patres ferebant quidem, è quòd signum foret, tum attentionis, tum etiam approbationis eorum, quæ dicerentur. At interea eam habebant suspectam, quia saperet levitatem popularem; magisque deceret theatra, quam sacras conciones; ubi conveniret intentum silentium cum moribus gravibus, ac modestis. Vnde & mos iste, à verbi divini præconibus sapientius reprehensus, tandem prorsus exolevit.*

Tulisse eos hunc morem, indicant illa B. Augustini serm. V. de verbis Domini: *Laudes istæ vestra gravant nos potius, & in periculum mittunt. Toleramus illas, & tremimus inter illas. Tamen, fratres mei, ista lau-*  
des

*des vestra folia sunt arborum, fructus quaritur. Quasi dicat, ut folia in arboribus delectant, sed fructus prosunt: ita placet quidem, quòd videamus verba nostra à vobis approbari: sed tum demum proderint illa vobis, si secundum ea composueritis vitam vestram. Reprehendit morem hunc B. Hieronymus præfat. lib. 111. in epist. ad Gal. iam in Ecclesiis ista quaruntur, omissâque Apostolicorum simplicitate. & puritate verborum, quasi ad Athenæum. & ad auditoria convenitur, ut plausus circumstantium suscitentur. Culpat præterea B. Chrysostomus homiliâ 11. de verbis Iesaiæ. Audiamus eum sermonibus in Act. Apost. Πολλὰ κεν ἐνόησα θεῖον νόμον ἢ καλύοντα τὰς καγὰς. Sæpenumero mecum cogitavi de lege, quâ plausus prohiberetur. Sed quòd B. Chrysostomus intermisit, fortasse ex filio impeditus; id malum episcopi, gliscente indies populi levitate, acri reprehensione, vel aliter, sustulerunt: ut argumento est, quòd prorsus exolevit. Nimirum pils, ac gravibus, non alia mens erat, quàm S. Valeriano; qui, de animi demissione differens, ait, Non studia laudis postulat, non favorem vocis expectat; odit acclamantium choros. Sed quid mirum de sanctis hisce Patribus, cùm in suis etiam auditoriis, ac theatris, multò antè improba-*



barint gentiles? Uti è philosophis L. Seneca epist. LII. & Epictetus apud Arrianum lib. III. cap. XXI. Imò damnare etiam rhetorum prudentiores: ut Porcius Latro apud M. Senecam Controvers. XIX & Hippodromus Thessalus apud Philostratum lib. II. de vitis Sophistarum.

## CAP. IX.

## DE DISCERNENDIS AUDITORUM JUDICIIS.

I. §. **E**Xposuimus, quomodo auditores vel dent, vel videri velint dare signa sensus sūt de recitantis sive oratione, sive carmine. Consequitur, ut referam, quo loco opinioniones hujusmodi, seu insite, seu simulate, concēdenda sint. Est verò questio hac tripartita. Primò videndum, quorum laudes pro nihilo sint ducenda. Dein, quorum ad judicia attendere oporteat studiose. Denique, an semper in eorum sententiam pedibus sit eundum nobis. De primo sic habet. Exiguo, imò nullo, haberi loco merentur præconia eorum, qui nobis obnoxii sunt. Ejusmodi sunt laudes discipulorum; ac eorum, qui cœnam, vel sportulam expectant; omnium denique ex pacto laudantium, ut qui pretio ad hoc fuerint conducti.

Discipulorum eò justius meminimus, quia sophistæ dicturi olim soleant eos commi-

rites assumere, ut applauderent magistro. Atque inde est, quòd, ut refert Eunapius \*, proconsul Romanus, cùm Athenis agendum esset de caussa Iuliani Rhetoris, iniurio denunciavit, μηδένα κροτῆσαι τῶν μαθητῶν τὸν λέγοντα *ne discipulorum quisquam plauderet dicenti.* Quomodo verò ab his veritatem exigas. qui obnoxii sunt doctori suo; nec alio eum fine sectantur, quàm ut *bellè euge*, vel simile, acclament? Atque idem dixere de coeniperis, vel sportulam expectantibus, vel ad laudandum pretio redemptis. Est de iis hoc Plinii l. 11. epist. xix. *Heri duo nomenclatores mei ternis denariis ad laudandum trahiebantur. Tanti constat, ut sis disertissimu.* Item hoc Aristidis orat. περὶ τῷ ἀρχιεπισκόπου, sive de perperam dicto 1: θαυμάζω δ' ὅπως ἀπυκνῶς πρὸς τὴν αἰδοιωγείν, ἔχ' ὁρᾷς τέρας τὸς ἀργυρίῳ τὸν ἔπαιον ἀνυμένους, ἔ μόνον ἐν ταῖς ἐπιδείξεσιν, ἀλλὰ καὶ ἐν τοῖς θεάτροις. *Miror, quod cùm ad alios sis docendos natus, non videas illos, qui pecuniâ laudem, non in declamationibus modò, sed etiam in theatris, redimunt.* Elegans ejus rei exemplum habemus Varum Ionicum: quod refert Philostratus in Polemonis vita. Ejusmodi laudationes, plaususque emtos Chrysostomus qui-

\* In vita Iuliani Cappadocis. † Pag. 687. editionis P. Stephani,

quidem vocat *ἑπαιτίας ὠνηταίς* : *Laudationes pretio paratas*. Themistius autem orat. iv. ἐκ παρεγγυλίας, *laudes ex pacto, siue denunciatione*: quibus opponit ἐπαίνους ἀδόλους καὶ ἀληθινούς, καὶ αὐτοκελεύτους, *laudes sinceros, veros, & sponte attributos*. Turbam verò, ad laudandum conductam, Quintilianus lib. iv. c. ii. nominat *dispositam multitudinem ad plausum*. Xiphilinus ex Dione vocat ἰδιον σύστημα, *proprium cœtum*, ubi Neroni ait fuisse talem cœtum qui laudes, plaususque, auspicaretur, ut cæteri sequerentur exemplum. Lucianus ἐν Πητέρων διδασκαλίᾳ nuncupat χορόν οἰκείον, *chorum domesticum*, ac quasi auctor est Rhetori, ut hujusmodi multitudinem sibi compareret, quò disertior habeatur, Tertullianus libro adversus Valentinianum appellat *familiam*: ubi sermo est de Scholasticis Phosphoro φῶς acclamantibus. Omnis verò turba illa conducta verè histrioniam facit. Unde Floratius negat ulli esse habendam fidem, quem munere fecerimus nostrum.

—— Clamabit enim, pulchrè bene, rectè ;  
 Palescet super his ; etiam stillabit amicis  
 Ex oculis rorem ; saliet, tundet pede terram.  
 Quod deinde scitâ similitudine illustrat:  
 Ut qui conducti plorant in funere, dicunt,  
 Et faciunt prope plura volentibus ex animo sic  
 Derisor vero plus laudatore movetur.



2. §. Alterum erat, cuiusmodi auditorum iudicium in pretio haberi debeat. Tales sunt, in quibus hæc duo concurrunt: ut bene possint iudicare, & facere id velint. Ut possint, requiritur prudentia. Ut velint, probitas, & benevolentia.

Quæ ipso in consultore requirit Aristoteles lib. 11. Rhetor. cap. 1. Τῶ μὲν ἐν αὐ-  
 τῆς εἶναι πῖστος τῆς λέγωντος, τελευτῶν τὰ ἀπαι-  
 τοῦ αὐτοῦ γὰρ ἐστὶ διὰ πεισθύνουσαν, ἔξω δὲ ἀποδεί-  
 ξειν. ἔστι δὲ ταῦτα, φρόνησις, καὶ ἀρετὴ, καὶ δό-  
 νοια. Διαψεύδον γὰρ πᾶσι ὧν λέγουσιν, ἢ συμ-  
 βεβούλευσιν, ἢ ἀλλὰ πάντα ταῦτα, ἢ ἀλλὰ τῶν π.  
 Ἡ γὰρ δὲ ἀφροσύνην ὁρῶν τῶν δόξαζουσιν. ἢ  
 δόξαζόντες ὁρῶν, ἀλλὰ μὲν ἡμεῖς ἐπὶ τὰ δοκούντα  
 λέγουσιν. ἢ φρόνιμοι μὲν, καὶ ἐπιειχεῖς εἰσιν,  
 ἀλλὰ σὺν δόνοιοι διόπερ ἐνδέχεται μὴ τὰ βέλ-  
 λιστα συμβεβούειν γνώσεσθαι. καὶ πᾶσι τοῦ-  
 τα ἔδεν. Ut verò dicenti fides habeatur, tri-  
 bus de causis fit. Tot enim sunt res, propter  
 quas credimus, præter argumentationem.  
 Sunt autem istæ: prudentia, probitas, benevo-  
 lentia. Falluntur enim homines, aut fallunt-  
 que in iis, quæ dicunt, aut consulunt, propter  
 omnia hæc, aut aliquid illorum. Aut enim ob  
 imprudentiam non rectè sentiunt: vel si rectè  
 sentiant, ob imprudentiam non rectè decla-  
 rant: aut sunt quidem prudentes, & probi  
 viri, sed non benevoli; eoque fit, ut, licet opti-  
 ma nōrint, non tamen ea suadeant. Et præter  
 hæc tria, nullum est aliud. 3. §.



3. §. Tertium erat, quatenus stare conveniat eorum iudicio, qui tum rei fuerint intelligentes; tum probi etiam, ac benevoli existimantur. De isto dixero, à talibus monitos, non debere esse pertinaces in suis tuendis. Alioqui desinent monere.

Unde Horatius epist. ad Pisones :

*Quinctilio quicquid recitares, Corrige, sodes,  
Hoc, agebat, & hoc, Ac mox :*

*Si defendere delictum, quàm vertere malles;  
Nullum ulrà verbum, aut operam sumebat  
inanem,*

*Quin, sine rivali, teque, & tua, solus ama-  
res.*

4. §. Interim, agnosco, neque nostrum, neque alienum nos iudicium debere nimis, vel admirari, vel contemnere : eoque in hoc nostri, & aliorum dissensu, nihil temere esse agendum : sed novo esse opus examine, quo excutiamus utriusque iudicii causas ; ac tum demum statuamus, utrum alienum sequi iudicium præter, an persistendum sit in nostro.

Nec enim nos solum falli possumus : sed etiam auditor, vel lector. Eoque nec ἀπο-  
σπασίως \* alienum semper iudicium præferemus : sed tum demum decretoriam feremus sententiam, ubi ad κρίσις † alterius, omnibus penficularis, accesserit ἐμμετρίσις ‡

\* Circa examen † iudicium ‡ iudicium de iis quæ prius sunt iudicata.

140 GER. JOAN. VOSSII  
 nostra. Sanè Plinius, \* narrat de Pomponio tragico, eum, si moneretur, ac sua præferret, provocâsse ad populum; ut, eo cognito, vel assentiret monitori; vel populari suffultus judicio, perseveraret in suo. Præcipuè autem fas provocare ab iudice, alioqui docto, sed in poësi habente Midæ aures. Qualis Laurentius Valla. Quàm enim ineptus fuerit poëtarum censor; argumento esse possit, quòd, ut Jovianus Pontanus † tradidit, Maroni anteferebat versus Pindari istius, Latino carmine Homeri scribentis epitomen; cujus initium:

*Iram pande mihi Pelida, Diva, superbi,  
 Tristia qui miseris ingessit funera Grajæ.*

Quanto poësius intelligentior fuit Cæsar Scaliger! qui de Latinis, cùm veteribus, tum recentibus poëtis, judicium suum retulit in Hypercritico. Et tamen de plerisque severiùs multò exercuit censuram, quàm necesse foret. Itaque eam non cæteris modò; sed neque filio Iosepho, semper potuit comprobare. Quæ omnia hoc solùm à me fine dicuntur, ut melius videamus, licere interdum ad alium iudicem provocare.

*§. Sed neque inutile est, etiam exquirere,  
 quale sit iudicium malevolorum. Nam in-*  
*vidi*

\* In epistol. † Lib de sermone.

*vidi non raro oculatiores sunt in perspicendis vitiis alienis ; quàm summi etiam fautores ; quos amor sapius cacos facit.*

Adeundus de hoc Plurarchus , libro de utilitate ex inimicis capiendâ.

## C A P. X.

## DE JUDICIO POPULARI.

1. §. **H**Actenus actum de iudiciis privatim ad audiendum adscitis. Deinceps de publico dicam iudicio. Cujus duo sunt genera. Est cùm populus ipse publico in loco convenit, audit, judicat. Est cum non tam populus iudicium fert ; quàm unus, pluresve ; qui vel summam obtineant potestatem, vel ab ea iudices recitantium sint constituti. Prius loquar de iudicio populi, in theatrum, vel porticum, ad audiendum convocati.

De populo in theatro conveniente; est illud seu Taciti, seu potiùs Fabii, dialogo de causis corruptæ eloquentiæ: Testes Augusti epistola, testis ipse populus ; qui, auditis in theatro versibus Virgilii, surrexit universus. & fortè præsentem, spectantemque Virgilium, veneratus est sic quasi Augustum. At de populo, in porticu audiente, legas apud Petronium Arbitrum, cujus verba mox adducam. Uri & aliorum de iudiciis publicis constitutis,

2. §. De populi judicio sic censeo, plurimum esse imperitum, incertum, subinde & periculosum.

Imperitum quidem, propter amentiam vulgi, sæpe non plus sapientis, quam grun-dile illud pecus, cui anima pro sale data perhibetur. Audiamus Ciceronem pro Roscio: *Ex opinione, (populus) multa; ex veritate, pauca judicat.* Item pro Plancio: *Non dilectus, aut sapientiâ ducitur ad judicandum; sed impetu, & quadam etiam temeritate.* Ac inibi: *Non est consilium in vulgo, non ratio, non discrimen, non diligentia.*

Nec imperitum modò est vulgus; sed etiam instabile. Atque hinc idem pro Muræna: *Vulgo nihil incertius.* Nempe, ut ait Sallustius in Jugurthina, *ingenio est mobili.* Unde & illud, quòd, ut ibidem legas, *sic seditiosum, atque discorsiosum, cupidum novarum rerum, quieti & otio adversum.* Ac hinc quoque liquet, quod tertio loco attuli, esse periculosum. Præsertim ex eo, quòd ferè efferis sit moribus. Usque aded, ut quandoque poëtam, seu merentem, seu immerentem, lapidibus incessat. Unde Petronius Arb. *Ex his, qui in porticibus spatiantur, lapides in recitantem Eumolpum jecerunt.* Ac ille, qui plausum ingenii sui noverat, operuit caput, extrâque templum profugit.

3. §. Nec propter ea judicium populi prorsus ha-



*habere dispertui oportet. Nec enim semper errat. Atque est, cum bonos sequitur duces.*

Scitè Sallustius epistolâ ad Cæsarem de Rep. ordinanda: *Multitudo vulgi, more magis, quàm iudicio, post alius alium, quasi prudentiorem, sequuntur. Videlicet, ut Seneca ait lib. de vitâ beata \**, *pecorum ritu sequuntur antecedentium gregem, pergentes non quâ eundum est, sed quâ itur.* Interdum tamen multitudo per se vider. Quandoque etiam bonos nanciscitur duces.

4. S. *In hoc rerum incerto videre est, quosdam, maxime poëtas dramaticos, iudicium populi magni ad eò fecisse, ut illud eorum etiam iudicio praeferrent, quos privatim advocassent. Alios contrâ, contempto populi iudicio, in suo maluisse iudicio acquiescere; vel eorum, quos elegissent.*

Utriusque exemplum dabo; prioris Pomponium tragicum, alterius Plinium junio-  
rem. De priori sic Plinius l. v. II. ep. xvii. *Pomponius Secundus, hic scriptor tragœdiarum, siquid forte familiarior amicus tollendum, ipse retinendum, arbitraretur, dicere solebat, AD POPULUM PROVOCO: atque ita ex populi vel silentio, vel assensu, aut suam, aut amici sententiam, sequebatur.* De altero autem, se ipso videlicet, idem Plinius, post verba proximè allata, hæc continuò subjungit: *Tantum ille (Pomponius) populo*

pulo dabat. Rectè, an secus, nihil ad me Ego enim non populum advocare; sed certos, ejusque, soleo. Similiter Horatius Sat. iv. lib. i.

*Nec recito cuiquam, nisi amicis.* —

Nec aliter Augustus; de quo ita, in vita ejus, Tranquillus: Nonnulla (è scriptis suis) in cœtu familiarium, velut in auditorio, recitavit. Etiam M. Senecæ est præfatione epiromes lib. iv. Controvers. Pollio Asinius nunquã, admissâ multitudine, declamavit: nec illi ambitio in studiis defuit.

## C A P. XI.

### DE JUDICIBUS RECITATIONI PRÆFECTIS.

1. §. **V**enio ad judicium eorum, qui certamini præerant poëtico. Ea certandi, & judicandi, consuetudo, Troianis fuisse temporibus antiquior, perhibetur. Quod si est, facilius fidem inveniet, quod de Homeri, & Hesiodi certamine, prodiderunt.

De antiquitate tantâ testis est nobis Plutarchus Symposiacon libro quinto, quæstione secundâ. Ubi tangit, quomodo in funebribus Patrocli ludis certatum sit, non hastam jaciendo, sed dicendo; atque ut victorem præmio Achilles ornârit. Item ut Acastus, in funere Pelix patris, insti-

rue.

tuerit certamen Poëticum, in quo vicerit Sibylla. Atque ejus rei auctores laudat Acesandrum in opere de Africa, & Polemonem de Thesauris Delphicis. Ubi etiam legi ait, ut in thesauris Sicyoniis repositus fuerit libellus aureus, ab Aristomacha poëtria dedicatus, cum Isthmia vicisset. Tangit etiam de Oelyci Thessali sepultura, & Amphidamantis Chalcidensis; quando certasse dicuntur Homerus, & Hesiodus. Ac meminit etiam ejus certaminis in VII. Sapientum Convivio.

2. S. *Quia verò nullum est tam laudabile institutum, quod non corrumpi queat: hinc sæpe etiam factum videmus, ut, penes quos publica esset judicandi potestas, deteriores præferrent melioribus. Neque id semper ab imperitia erat; sed quandoque etiam ab ambitu certantium, & judicium favore. Nec propterea abrogari ea debuit judicandi consuetudo: sed tanto majori cautione in publicorum judicium delectu opus fuit.*

Ajunt in certamine Homeri, ac Hesiodi, prælatum fuisse Hesiodum. Quod fuerit ab imperitia Pæœdis regis. Constat etiam de Pindaro victo à Corinna. Atque ut Euripides, cum quinque & centum tragœdias fecisset, in omnibus, solum quinque exceptis, victus sit, sæpe etiam à poëtis ignavissimis: ut ex Varrone prodidit Agel-

146 GER. JOAN. VOSSI I  
lius lib. xvii. cap. iv. Ubi quoque narrat  
de Menandro: ut cùm centum & novem,  
octóve, aut, ut idem Apollodorus male-  
bat, centum & quinque tragoedias compo-  
suerit; octies solùm vicerit: inque iis, qui  
eum ambitu, gratiâque, & factionibus su-  
perarint, etiam fuerit Philemon, nequa-  
quam par scriptor: unde cùm eum Menan-  
der fortè habuisset obvium, Quaso, inque-  
bat, Philemo, bonâ veniâ, dic mihi: cùm me  
vincis, non erubescis?

3. §. Nec in Macedonia modo, vel reliquâ  
Graciâ, consuetudo ea fuit; sed derivata  
etiam est in Ægyptum sub Ptolemais.

Hoc cognoscere est ex Vitruvio in præfa-  
tione libri septimi: ubi cùm de Attalicis  
regibus egisset, & narrâset, ut Ptolemæus  
æmulus eorum fuerit, subjungit ista: Ita-  
que Musis, & Apollini ludo dedicavit: &  
quemadmodum athletarum, sic communium  
scriptorum victoribus præmia & honores, con-  
stituit. His ita institutis, cùm ludi adessent,  
judices literari, qui ea probarent, erant legendi.  
Hinc addit, ut, sex iudicibus lectis, septi-  
mus sit additus Aristophanes; non ille  
Comicus, qui multò antiquior Alexandro,  
ac Ptolemæis; sed ejus nominis alius.  
Tum subdit: Primo poëtarum ordine ad cer-  
tationem inducto, cùm recitarentur scripta,  
populus cunctus significando monebat iudices,  
quid



quid probarent. Et quem maximè animad-  
 verterunt multitudini placuisse, ei primum  
 pramium, insequenti secundum, tribuerunt.  
 Operæ etiam est addere, quæ subjecit de  
 judicio dispari sex judicum, & septimi his  
 additi, Aristophanis. Hæc sic enarrat: *Ari-*  
*stophanes* verò cum ab eo sententia rogaretur,  
 eum primum pronunciari jussit, qui minimè  
 populo placuisset. Cum autem rex, & uni-  
 versi, vehementer indignarentur; surrexit &  
 rogando impetravit, ut paterentur se dicere.  
 Itaque, silentio factò docuit, unum ex his eum  
 esse poëtam; ceteros aliena recitavisse. Opor-  
 tere autem judicantes, non furtà, sed scripta  
 probare. Admirante populo, & rege dubitan-  
 te, fretus memoriâ, è certis armariis, infinita  
 volumina eduxit, & ea cum recitatis conse-  
 rendo, coegit ipsos furatos de se confiteri. Ita-  
 que rex jussit cum his agi furti; condemna-  
 tióque cum ignominia dimisit. *Aristophanem*  
 verò amplissimis muneribus ornavit, & su-  
 pra bibliothecam constituit. Atque hinc  
 etiam conspiciere est, quantum imperito  
 judici intersit peritus.

4. §. Inprimis verò meminere antiqui judi-  
 cum, qui publicè ferrent judicium de dra-  
 matis. Athenis quidem Comitorum quin-  
 que erant judices.

Unde Suidas: Εἰς πέντε καὶ τὰς ὅλας. Id  
 quinque ludicum genibus: puta καὶ τὰς, sive  
 situm

situm hoc est negotium. Addit autem, inde originem esse proverbii, quod τὸ παλαιὸν πέντε κριταὶ ἔκεινον τὰς κωμικὰς, ὡς φησὶν Εὔριπιδος. antiquius quinque iudices judicabant de Comicis; ut ait Epicharmus. Postea subdit, de genibus eò dici, quia similiter apud Homerum legeretur, — Θεῶν ἐν γένεσσι κείται. Deorum in genibus situm est. Hoc verò inde perfectum, quia in tabellis scriberent vota sua; eaque genibus statuarum, Deos representantium, affigerent, unde Juvenal. Sat. x. 55.

*Propter quæ fas est genua incutere deorum.*

Quæ verò ex Suida attuli, etiam apud Zenobium centuria 111. proverbio Lxiv. legas. Hesychii quoque est juxta certissimam Ioannis Wouwerii \* emendationem, ab Andrea etiam Schotto † comprobata; Πέντε κριταὶ (ubi vulgò, πέντε κριταὶ) τοῖς κωμικοῖς ἔκεινον, ἔμνον Ἀθηναῖσι, ἀλλὰ καὶ ἐν Σικελίᾳ. Quinque judicabant Comicos, non Athenis modò; sed in Sicilia quoque. Unde videmus, non Athenis tantummodo, sed in Sicilia quoque, obtinuisse hunc morem.

§. §. Tandem etiam à Romanis hic mos est receptus.

Argumento fuerit Sp. Metius Tarp.  
De

\* Πολυμεθίας cap. 16. † Notis ad Zenobium.

Dequo Horatius lib. 1. Sat. x.

*Quæ nec in æde sonent certantia iudice  
Tarpa.*

Ubi sic scholiastes *Metius Tarpa* fuit iudex Criticus, auditor assiduus pœmatum, & pœtarum, in æde *Apollinis*, seu *Musarum*; quò convenire solebant pœtæ, suæque scripta recitare: quæ nisi à *Tarpa*, aut alio Critico, qui numero erant quinque, probarentur, in scenam non deferbantur.

Ubi videmus in æde exponi *Apollinis*. Quomodo & verus scholiastes interpreta-  
tur hoc ejusdem pœtæ\*:

*Speſtemus vacuum Romanis vatibus ædem.*

At valde ratio fugit alium Horatii interpretem, cum in æde explicat in *Athenæo*. Iustus Lipsius, epistolâ eruditâ ad Otho-  
nem Hartium Senatorem, quæ est duode-  
quingagesima libri 111. epistolarum ad  
Belgas, negat se illud de æde *Apollinis Pa-*  
*latini* velle refellere: sed de *Athenæo* ma-  
gis sibi liquere ex *Capitolino*, & *Lampri-*  
*dio*. Hærere tamen, & quærere, an *Athe-*  
*næum* illud *Romæ* adeò sit antiquam, ut  
ejus meminisse potuerit Horatius. Non  
hoc scripsisset summus vir, si occurrissent  
illi *Sexti Aurelii Victoris* verba, allata no-  
bis c. vi 1, §. 10. Clarè enim iis dicitur, *A-*

\* Lib. 2. epist. 2.

150 GER. JOAN. VOSSII  
thenæum Romæ demum esse exstructum  
ab Cæsare Hadriano. Ejusdem Tarpæ men-  
tio quoque fit apud Horatium in Arte :

——— *Siquid tamen olim*

*Scripserit, in Metû descendat iudicis aures,*  
Ubi videmus, iridem iudicem vocari.

Cùm verò continuò subdit,

*Es patris, & nostras :*

Ostendit hujus Critici iudicio excludere  
se nolle vel suum poëtiæ, vel illud parentis  
Pisonis ; cujus voce Pisonem juvenem ad  
rectum fingi, ait alibi. Achilles Staius  
Lusitanus, in Notis ad superiorem Horatii  
locum, ait non meminisse se, alibi de Me-  
tio hoc quicquam legere. Sed mentio ejus  
quoque est Sat. x. libri i. cùm ait, *Qua nec  
in ade sonent certantia iudice Tarpâ.* Nomi-  
nat quoque Cicero epist. i. ad Marium  
lib. vii. *Nobis autem erant expetenda,  
qua scilicet P. \* Metius probavisset.* Nam  
idem est Metius, qui Tarpa ; ut ex veteri  
scholiaste discimus. Postea etiam mos ille  
duravit unde in veteri inscriptione, quam  
alibi † integram adducimus : HIC CUM  
ESSET ANNORUM XIII ROMÆ  
CERTAMINE JOVIS CAPITOLINI  
LUSTRO SEXTO CLARITATE IN-  
GENII CORONATUS EST INTER  
POËTAS LATINOS OMNIBUS SEN-  
TENTIIS JUDICUM.

\* *Al. Sp. Macius.* † *Lib. 2. c. 20. 24.*



Ut Neapoli, ubi non gymnicum modò, sed & musicum fuisse certamen, indicat Srrabo lib. v. De Comico certamine alibi \* etiam attulimus hæc verba Tranquilli in Claudio cap. xi. *Comœdiam Gracam Neapolitano certamine docuit, ac de sententia iudicum coronavit.* Solere coronari poëtas victores, indicat etiam vetus inscriptio: quam afferebamns Institutionum Poëticarum lib. i. cap. x. §. 14.

7. §. *Nec Comicorum solùm, sed & Tragico-  
rum, publici fuere iudices.*

Ut cùm primam Sophocles fabulam Athenis daret, archonte Aphepsione, Olympiadis LXXIV. anno IV. De quo Plutarchus in Cimone: Εθεντο δ' εἰς μνήμιον αὐτῷ, καὶ τὴν τῷ τραγωδῶν κρείσιν ὀνομασίῳ γλυομένῳ. πρῶτῳ γὰρ διδασκαλίαν τῷ Σοφοκλέει, ἐπὶ νεῦ. καθέντ', Αφεψίων ὁ ἄρχων, Φιλονεικίας ἕσης καὶ ὠρχεύσεως τῶν θεατῶν, κριτὰς μὲν ὅκ' ἐκλήρωσε τῷ ἀγῶνος ὡς δὲ Κίμων μετὰ τῶν συστρωτῶν παρελθὼν εἰς τὴν θεατρὸν ἐποίησεν τῷ θεῷ πῶς νενομισμένας, απον-  
δὰς, ὅκ' ἀφῆκεν αὐτῷ ἀπελθεῖν, ἀλλ' ὀρκώσας, ἠνάγκησε καθίστη, καὶ κριτὰς δέκα ὄντας, ἀπὸ φυλῆς μιᾶς ἕκατον· ὁ μὲν ἐν ἀγῶνι, καὶ τὸ τῶν κριτῶν ἀξιῶμα, τὴν φιλοπρίαν ὑπερέβαλε. Νικήσαντ' δὲ τῷ Σοφοκλέει, λέγεται τὸν Αἰχύλον περιπατῆ γλυοῦμενον, καὶ βα-

εἰς εὐεγκόντα, χρόνον δὲ πολὺν Ἀθήνησι  
 διαγαγεῖν, εἰτ' οἰκοδομᾷ δι' ὁργὴν εἰς Σικελίαν·  
 ὅπερ καὶ τελευτήσας πρὸς Γέλαν τέταπται.  
 In hujus quoque memoriam tragædorum ce-  
 lebratum judicium constituere. Nam cum pri-  
 mam fabulam Sophocles, etiamnum juvenis,  
 dedisset; contentio autem esset, & concertatio  
 spectatorum; Aphæpſion archon non erat sor-  
 titus judices certaminis. Vbi verò Cimon,  
 cum collegis ducibus theatrum ingressus, sol-  
 lemnia libamina Deo fecit: non demisit eos,  
 sed illos decem ex singulis tribubus cœgit iura-  
 tos considerare, & disceptare. Excessit autem,  
 ob dignitatem judicum, certamen ambitio-  
 nem. Victore Sophocle, Æschylum fama tenet  
 discruciatum; atque id iniquo animo feren-  
 tem, non diu Athenis hasisse; inde profectum  
 fuisse ex indignatione in Siciliam, ubi defun-  
 ctus quoque, & circa Gelam humanus est.  
 Idem, lib. ii. de Fortuna Alexandri, nar-  
 rat de certamine duorum tragædorum in  
 Cyp̄ro, Thessali, & Athenodori, præſente  
 Alexandro Magno: qui cum à judicibus,  
 nobilissimis insulæ viris, Athenodorus  
 esset victor pronunciatus; agebat, parte se  
 regni redemptum velle, ne victum conspi-  
 ceret Thessalum: nec tamen verba cum  
 judicibus propterea commutavit, eo quod  
 putaret juri cedendum. Meminit & tra-  
 gicis certaminis lib. v. Symposiacon  
 quæst.

quæst. II. Item apud Agellium lib. x. cap. xviii. legere est, ut cùm Artemisia dicaret Mausoli monumentum; ad laudes ejus decertandas venerint Theopompus, Theodectes, Naucrites; ac vicisse Theopompum, Isocratis discipulum: Theodectis autem suo etiam tempore tragœdiam exstare, quæ *Mausolus* inscriberetur.

8. §. *Hæc de judiciis publicè constitutis. Quomodo judicium quidem scitur alienum; sed scire non sine honoris dispendio, & ortâ inde animi agitudine.*

Quod cognoscere licet, cùm aliis exemplis, tum illo Æschyli à Sophocle victi: de quo ex Plutarcho antea diximus.

9. §. *Nunc quia publici judices non sunt, privata saltem metuere judicia cogimur. In Republica enim literariâ cuilibet liberum est suffragium; etsi disparis sit auctoritatis.*

Videlicet, quod de sanctitate morum Plinium dicere antea \* audivimus, id in doctrina etiam locum habet, eam non distare ordinibus.

10. §. *Qui verò natura ad Poëticen factus non est, rectius abstinere à versibus, non recitandis modo, sed etiam faciendis. Neque enim similis est poëtarum ratio, atque*

*aliorum. Nam Medicis, jurisconsultis, architectis, & similibus, carere non possumus: eoque etiam laudantur, qui mediocriter in arte suâ sunt versati. At nemo cogitur, ut carmen scribat: cum liceat cuique sensu sua effari prosâ. Propterea nec laudem meretur poëta, nisi qui excellit.*

Horatius in Arte:

————— *Hoc tibi dictum*

*Tolle memor: Certis medium & tolerabile rebus*

*Rectè concedi: consultus juris, & actor*

*Caussarum mediocris, abest virtute disert.*

*Messalla; nec scit, quantum Cassellius Aulus:*

*Sed tamen in pretio est. Mediocribus esse poetis,*

*Non homines, non Dâ, non concessere columnæ.*

Nempe similiter hîc comparatum, ac in convivio; ubi musica adhibenda non est, si careat concentu: nec unguentum potius addendum, nisi liquidius: neque cum papavere apponendum mel amarius, quale Sardum, aut Corsicum. Aut enim hujusmodi condimenta optima esse oportet, aut supervacua censentur. Quod istis versibus ibidem Horatius expressit.



*Vt gratas inter mensas symphonia discors,  
Et crassum unguentum, & Sardo cum melle  
papaver*

*Offendunt; poterat duci quia coena sine istis:  
Sic animis natum, inventumque poema ju-  
vandis,*

*Si paullum summo discessit, vergit ad imum.*

Sed, ut bene ait Aristoteles \* *φίλωνται πάντες, καὶ τὰ αὐτῶν ἀνάγκη ἡδέα εἶναι πᾶσιν*: omnes sui amantes sunt; sibi que persuadent, necesse esse, ut sua aliis omnibus placeant. Hinc densa eorum seges, qui poema iavitâ scribant Minervâ; ut ibidem legere est. Ac similiter idem Venusinus, in secundo epistolarum, ad Augustum inquit:

*Navem agere ignarus navis timet: abroso-  
num agro*

*Non audet, nisi qui didicit, dare. quod me-  
dicorum est,*

*Promittunt medici. tractant fabrilia fabri.  
Scribimus indocti, doctique poemata passim.*


Eò autem magis mali poetæ ab illa poë-  
tandi prurigne abstinere debent; quia ut  
festivè ait poeta Venusinus †, viri pru-  
dentes fugiunt tales, velut scabiosos, aut  
fanaticos: etiam vulgi fiunt fabula, pue-  
risque ipsis ridiculi sunt: quin si in aquas  
inciderent, fortasse nemo esset, qui curaret

156 G. J. VOSSII DE IMIT. POET.  
servare: crederentur enim se sponte in eas  
præcipitâsse, ut eo sibi nomen pararent.  
Quomodo Empedoclem ajunt insiluisse  
in Ætnam, ut corpore nusquam invento  
raptus à Diis crederetur. Quæ omnia, ut  
dixi, idem Horatius venustissimè expressit.  
Arque in hoc nobilis ille poëta, idemque  
poëtrices doctores egregiùs, præcipiendi fi-  
nem facit. Cujus exemplo in eodem mo-  
nitù, exitum expedio eorum, quæ post  
commentarios de natura, ac præceptis ar-  
tis poëticæ, addidi nunc de Imitatio-  
ne; universè quidem, ut eâdem consul-  
tum irem futurò Oratori; sed sic, ut la-  
borem hunc imprimis Poëticæ gratiâ sus-  
ceperim.



JUSTI

JUSTI LIPSII  
DE  
RATIONE LEGENDI  
HISTORIAM,  
AD  
NICOLAUM HACQUEVILLIUM  
EPISTOLA.

 D Historiam cum dare te coepisti, fateris hæere in primâ viâ, & confusione rerum, aut temporum, ignorantia eorum quæ & quando legenda aut eligenda sint, pedem figere, imò tædio aut desperatione poenè referre. Non fiat mi Hacquevilli. opem imploras, pro copiâ meâ dabo: & si non plenè ductor (occupatio & valetudo nunc abnuunt:) tamen director ero, & digitum intendum quò & quâ contendas. Historia nobis proposita: quæ, & cujuscmodi? nam variat: & summa ejus divisio est, *Mythistoria*, & *Historia*: Illa; quæ fabulas vero mixtas; ista quæ purum & merum verum habet.

In

In illâ poëtæ sunt, & id genus qui oblectamenta auribus animisque quærun, & floridâ istâ veste ornant & augent corpus hoc veritatis. Veteres poëtæ, & rex eorum Homerus, pulchrè & sæpè utiliter fecerunt: cùm arcanos sensus, aut altiora dogmata, hoc quasi velo obnubunt & tegunt. Sed hanc partem mittamus, non nunc ad eundam: altera est vera *Historia*: quam licet bifariam partiare. Est *Naturalis*, est *Narrativa*: sit venia sic loquenti, planè, si non purè. Illa est, quæ naturæ faciem & facta revelat, id est, rerum, stirpium, animalium ingenia, proprietates, vires tradit. Aristoteles, Theophrastus, Ælianus, Plinius fecere: & plures, quos ævum nobis subduxit. *Narrativam* dico, quæ res gestas actionesque prodit, sacras sive profanas. Ideoque à duplici hac materie iterùm duplex, *Divina* & *Humana*. Illa, quæ religionem, aut, quod adhæret, tangit: hæc, quæ res plurimùm actionesque humanas. Iterumque ea duplex, *Privata* & *Publica*. Nam aut singulorum res, vitam, virtutes, vitia recenset: & *Privata* est. aut quæ publicè, plurium usui aut noxæ, sunt gesta: & *Publicam* appello. Omnes utiles, propriè tamen & distinctè, *Naturalis* scientiam, *Divina* religionem, *Humana* prudentiam, omnes delectationem habent.

Ad



Ad quas autem te voco? velim ad omnes ire, sed in tempore. *Naturalem* nunc seponamus: *Narrativam* ingero, quam vulgò & peculiariter *Historiam* etiam appellamus. Ad hanc priusquam venias, duo præmittenda sunt, *Geographia*, & *Chronologia*. Illa, ut locorum, regionum, urbium notitiam aliquam concilies; hæc, ut temporum, quibus quæque res gestæ. Sed communem dumtaxat, & non illam exactam notitiam exigo: satis sit mundi partes, situsque distinguere; provincias, & in his flumina, montes, opida clariora novisse. In temporibus etiam, seriem eorum & ordinem tenere, & velut terminis quibusdam finire imperia, bella, eventus. Velim equidem, & tacitus sæpè opto, imò ipse meditor, esse qui breviter & compendio, & quod caput est, iudicio ad orbe conditò velut Fastos concinnet: nec aliud quàm annos, & præcipua rerum, notet ac libet. Qui hæctenus fecêre, aut confundunt nimis, aut diffundunt: & nec notabilia aut laudabilia tamen maximè excerpunt. Sed hoc dum fiat, potes Eusebio uti, & novellis quibusdam, qui heri & nuper prodierunt. Atque ista cum paravimus, age ad ipsam jam *Historiam*: & quam præmittimus? pietas vult *Divinam*. Facilis ea est, nec diu tenebit. *Judaica* verus est, è libris sa-

sacris, Iosepho, & ejus interprete Hegesippo petenda: nostra hæc nova, id est *Christiana*, olim ex Eusebio, Sozomeno, pluribus, nunc ex uno Cæsare Baronio adfatim haurietur: & quid in diligentia viri tantâ deest? Imò ut supersit, vereor: iis utique, qui ex professio Theologos non agunt, & sufficit universè initia, progressum, dissidia, capita & antistites religionis nostræ scire. Non abnuo, compendium bonum exactissimi illius laboris sit, non sit fortassè bono auctoris. Est & *Miscella* religionis historia, ut Mahumetanæ, quæ magnam orbis partem, à multis jam sæculis, obtinet; ut Sinensium, Indorum, & qui alii vanam & simulacris servam eam habent. Hæc quoque carptim quis neger viro Politico & experienti libanda esse? sed ut dixi, carptim. *Humana* superest: illa præcipua quod te voco. Præter prudentiam, & rerum peritiam,

*Hæc tibi virtutum stimulos, hæc semina laudum,*

*Hæc exempla dabit:*

Alibi uberius laudata & laudanda, nunc præeunda. Duplicem eam feci, *Privatam* & *Publicam*. Ab utrâ ordiemur? A *Publica* ego censeo: & hæc, ordinis doctrinæque causâ, quadruplex iterum cito. Valdè, Inquies, dividis. Fateor, nec animi vel argu-

guriarum causâ : sed quia usu didici, nihil ad methodum, id est viam rationemq; docendi vel discendi, aptius & efficacius esse. Itaque Socratem sequor, Divisioni amicum: & cum illo, *divinum virum habeo, qui commodè & opportunè utitur.* Sed ad rem, quadruplex hæc Historia: *Orientalis, Græca, Romana, Barbara.* Prima, quæ primi aut prisce orbis res habet; cùm nostra hæc omnia inculta, aut infrequentia, & certè obscura & ignota. Itaque in Iudæis, Ægyptiis, Æthiopibus, Syris, Persis, reliquâ Asiâ, res ferè & nobiliores eventus tunc sistunt: aut siquid amixtum, leve est nec scripture aut lectione divulgandum. Hanc primò nosci suadeam: & peti à *Iustino* breviter: uberius deinde ab *Herodoto*, *Diodoro Siculo*, & siqui Græcorum eam suis miscent. Quædam enim *Polybius*, *Plutarchus*, *Zonaras*, alii suggerent, huc apponenda. Sed *Diodorum* ego laudo & approbo, utinam plenum, & ut scripsit, absolutum. Altera est *Græca* in quâ Spartanorum, Atheniensium, Thebanorum, & præcipuè Macedonum res sunt: quos huc traho, & includo. Præter jam dictos, dabunt *Thucydides*, *Plutarchus*, *Arrianus*, & *Q. Curtius* è Latinis. Per partes colligenda est. nam qui totam & ordine scripserit, totus ad nos non venit.

Ter-



Tertia *Romana* est : in quâ ubertim rerum & eventuum, eorumque insignium : & quæ plures scriptores illustrarunt. O magnum, ô pulchrum imperium ! Et addo, diuturnum. ideoque non mirum si viris factisque brevior illa & fugacia Græcorum superavit. *Græci præceptis valent* ( ait quispiam ) *Romani exemplis*. Et hercules ita est. non fuit gens, puto non erit, quæ plura vel in militiâ vel in pace. laudis & virtutis suppeditabit. Itaque ad hanc, mi adulescens, ad hanc segetem veni, manipulos frugum collige, & in usum tuum reconde. Sed ut ordine fiat, ea ipsa dividatur trifariam : in *Veterem, Mediam, Novam*. Prima mihi est, à Regibus & urbe conditâ, ad Augustum : *Mediâ*, cùm immutato statu ad Principes ventum : *Nova*, cùm iterum mutato, sedes ipsa Principatus Byzantium est translata. In *Veteri* scriptores Græci Latinique sunt, sed præcipui isti : *Dionysius Halicarnassæus, T. Livius, Polybius, Plutarchus, Appianus* : quibus compendia adjungere liceat, *Velleii, Flori, Eutropii, Orosii*. Velleianum laudabile fuit; sed potior pars perierit. iudicio & ordine tamen scriptum, & quod exemplar pleniori Chronologiæ sit ad imitandum. Faciant huic parti *Fasti Romani* à *Carolo Sigonio* editi, & producti ad Augustum. At in *Mediâ*, noster *Tacitus*,



*Suetonius, Ammianus, Spartianus, & ad-*  
*juncti Cæsareï Scriptores: è Græcis au-*  
*tem, Dion Cassius, Ioh. Zonaras, Herodianus,*  
*legendi tum & Compendium P. Victoris,*  
*itemque Eutropii. Adde ad seriem tempo-*  
*rum, imò & rerum lucem, Onusfrii Panninii*  
*Fastos, ab augusto ad Justinianum diligen-*  
*ter & industriè consignatos. Novæ super-*  
*est, & in eâ ferè Græci isti, Zonaras, Zosi-*  
*mus, Procopius, Agathias, Nicetas Chonia-*  
*tes, Nicephorus Gregoras, Michaël Glycas,*  
*Georgius Cedrenus: etsi hic ultimus qui-*  
*dem, anilium sæpè fabellarum scriptor, &*  
*veri incuriosus vel ignarus. Judicio lega-*  
*tur tamen, dabit quod juvet. De Romanâ*  
*habes: quarta erat Barbarica: quid nisi*  
*lacinia & spolium ab illâ veste? Nam hanc*  
*appello & intelligo, cùm scisso fractoque*  
*imperio, major pars ad Gallos, Germanos,*  
*Turcas ivit, & alternatim hucusque man-*  
*sit. Nec enim Gothos, Hunnos, Vandalos,*  
*Schythas, aut illam sæcem huc icludo:*  
*quæ maneat in Mediâ & Novâ Romanâ, &*  
*illis inserta nempe legetur. Faciunt huc*  
*propriè tamen Iornandes, Procopius, Aga-*  
*thias, & siqui tales. Sed meam hanc Bar-*  
*baricam varii scripsere, atque ipsi ferè bar-*  
*bari, & addam barbarè. existantque Ger-*  
*manici, Gallici, Britannici scriptores, in*  
*unum corpus nuper decorè & utiliter-*  
 con-

condukti ac vulgari. Sunt & *Annales à Pythao* editi : & cōttidie hujusce argumēti prodeunt , judicio eligendi. Scripsit & *Carolus Sigonius* de Regno Italiae , quod huc facit, & *Ioh. Leunclavius* Turcica, utērque mihi bonus & laudatus. Quid omitto? *Laonicus Chalcondylas* se suggerit , in Turcicis Græcisque legendus , item *Gulielmus Tyrinus* , & alii in transmarinis sacrisque bellis. Hem , inquires , quanta materia , & quæ silua ? quis ingredietur sine errore , & egredietur ? qui ordine insisteret , qui industriam & curam adferet , jam dicenda. Ordine , inquam , in primis opus. & ne confusa & vaga lectio sit. aut desultoria & interrupta. Hoc plerisque evenit. & velut ex equo in equum se trajiciunt , ab hoc scriptore in alium , ab isto argumento in illud ; quo fructu ? momentaneæ voluptatis , & ut tempus suum , imò & se , fallant. Apage tales istos , & ad *Amadeum* suum , aut si aliter assurgere velint , *Heliodorum* eant. Tu ordine leges , quem ex ipsis à me dictis eris potes instituere : tamen in exemplo dabo , Ecce Romanam *Veterem* legere decrevi , ordiar ab universali aliquâ notitiâ , & *Compendium Flori* , aut *Europii* præmittam. Tum à capite , & ab ipso *Livio* : cui *Dionysium* adjungam , & *Polybium* , *Plutarchum* , aut *Appianum* : sed quemque in

con-

consimili argumento. Cum peregero, ad  
*Mediam Novamque* veniam, & constantiâ  
 eâdem peragrabo. Et de *Ordine* facile est.  
 atque animi tantum decreto opus: *Cura*  
 plus habet operæ, & in eâ omnis est le-  
 gentium fructus. Duo in hâc specto, sive  
 exigo: *Attentionem* & *Electiorem*. Cùm le-  
 gis, non suspensum aut attonitum te ha-  
 beat tantum novitas aut magnitudo even-  
 tuû: insiste, inquire, cui rei hoc facere pos-  
 sit, & ecqueni usum sui præbere. Mora hîc  
 aliqua inter legendum, & tarditas, fateor:  
 sed nimirum, dicto veteri, *Nulla res potest*  
*esse eadem, festinata simul & examinata: nec*  
*esse quidquam omnium, quod habeat laudem*  
*diligentia, simul & gratiam celeritatis*. Tar-  
 da igitur & quære. cum repperisti, tum  
 sit *Electio*: id est ut stilum capias & ex-  
 cerpas, & velut annonam in horrea quæ-  
 dam reponas. Ea distincta etiam sint,  
 & jam antè libri parati, meo iudicio,  
 quattuor; in quos quidquid eligis, confe-  
 ras, & tutò deponas. Nam memoriæ suæ  
 qui credit tantum: quid agit? non dicam  
 nihil, sed in breve, proficit: nec ulla ea tam  
 vasta, capax, tenax est, quæ varia ista cum  
 fide asseruet & reddat. Trade libris. in  
 quo labor aliquis, & iterum in legendo  
 remora: sed, mihi crede, utilis, si quid-  
 quam in omni ratione studiorum, Libri isti  
 qua-

quatuor totidem *titulos* habeant rerum,  
 quas præcipuè in Historiis notes: *Memorabilem*, *Ritualium*, *Civilium*, *Moralium*.  
 Quid *Memorabilia*? res designo magnas, & cum admiratione aut motu legendas, sive audiendas. ut est notabilis *Potentia* alicujus regis aut populi, *Opera*, vel *Opes*, *Prodigia*, & novi aut insoliti *Eventus*. uno verbo quidquid non obvium, & magnitudine vel raritate se commendat. *Ritualia* autem, quæ pertinent ad instituta ritusque veteres, sive quos in publico, sive in privato usurpabant. Alios enim istos Orientales, Græci, Romanique habuerunt: & ab eâ notitiâ, seria omnis intelligentia dependet veterum scriptorum, At *Civilia* appello, quæ ad vitam & regimen commune faciunt, & hanc hominum jure & legibus devinctam societatem. *Moralia* denique, ea quæ privatim ad nos & vitam formandam, virtutibus amicam, vitiis alienam. Ecce, quatuor hi sunt *Tituli*: quid superest? referre in eos, quidquid ad singulos illos facit, sive *Sententiarum*, sive *Exemplorum*: idque cum hac *Attentionis* curâ, & *Judicii* item norma. Dic clariùs, inquires. Nempe quisque liber alios & minores suos titulos habeat: quia Natura & Memoria ordine & partitione istâ gaudent. Ut, ille *Memorablem*, in ea quæ attigi: nec nimis sanè



sanè argumentum hoc pater. Latissimè  
*Ritualium* : ac dividamus in *Sacra* & *Profana*. *Sacra* omnia publica : continentque  
*Deos*, & eorum *Nomina*, item *Cognomina* :  
 tum *Insignia*, *Munia*, *Cultum*, & *Templa*.  
 Amplius, *Sacerdotes*, aliosque ministros :  
 tum *Sacrificia* ipsa, *Hostias*, *Ceremonias* &  
*ritus* : denique *Verba solemnia* & formulas  
*precationum*, & quidquid illos aut ista  
 spectat. Nimis partiri, tenue est, & hìc in-  
 utile : spernes. Iam *Profana* sequuntur :  
 atque ea duplicia, *Publica*, & *Privata*. Illa,  
 quæ communiter omnes aut plures tan-  
 gunt, & publicis legibus aut institutis con-  
 tinentur ; ut *Magistratus*, & singulorum  
*Munia*, aut *Ornamenta* ; ut *Senatus*, *Mili-*  
*tia*, *Provincia* : *Praefectura*, *Officia*, & quid-  
 quid istis adhæret. tum *Leges*, *Iudicia*, &  
 eorum ratio, *Supplicia*, *Tormenta*, *Pœna* :  
 lætiora denique. *Ludi* & *Spectacula*,  
*Thriumphus* & *Festi dies*. Ad *Privata* venio,  
 & iis subjungo, *Nuptias*, *Funera*, *Balnea*,  
*Convivia*, *Vestes*, *Nummos*, & quæ longum  
 sit complecti. Minuta enim etiam inter-  
 currunt : sed in sermone ostendenda po-  
 tiùs, quàm scripto adumbranda. Imò adeò  
 minuta, ut nec *Titulos* suos grandiores  
 quædam habeant : sed verbis signentur, &  
 ordine isto litterarum. Ac si me audis, in  
 plerisque eo uteris : quia non ad famam  
 aut

aut pompam ista disponuntur, sed tui  
 usum. Sequuntur & excipiunt *Civilia*:  
 utilissima pars iis, quos genus aut destina-  
 tio ad rempublicam vocant. Is liber tres  
 partes habear, antiquâ & verissimâ divi-  
 sione: status *Regum, Optimatum, Populi*. In  
 quaque parte notes, & eò referas, quæ *Fir-  
 manda* sint. aut *Vertenda*: & hæc ipsa sub-  
 tiliùs divinas, ut à me in *Politicis* factum.  
 Utar hoc exemplo cum fiduciâ, & conve-  
 niant vel qui nova adferunt, aut vetera re-  
 ferunt, non dabunt in ordine & methodo,  
 quod fortassè anteponas. Sed unum etiam  
 addi potest & debet. vel ut *Sententia* plu-  
 res uni rei cogerantur, vel ut *Exempla*.  
 Hanc postremam partem non neglexi  
 equidem, & habeo se positam imò paratam  
 in scriniis, & avidam exire. Sed tu aut a-  
 lius, non idèò remitte: & quisque sibi, vel  
 firmitus, vel jucundius certè, tale aliquid  
 struit. Postrema sunt *Moralia* quorum duæ  
 partes, *Virtutum* & *Vitiorum*. Velim & hæc  
 disponi ordine litterarum: sed ita, ut *Vir-  
 tute* præeunte cuique bina sua *Vitia* sint  
 subjuncta. Traho eòdem etiam non vitia  
 propriè, sed *Affectus*: & *Cupidinum* stirpes,  
*Spem, Metum, Gaudium, Dolorem* adnecto:  
 tum etiam de *Beatâ vitâ*, & quidquid in  
 Ethicis sedem suam haber. Sed satis hæc  
 communia in scripto præivi: in sermone

JUST. LIPS. AD NIC. HACQ. 169  
alia. illud in fine te sedulò moneo, ut ne  
molè hac, quæ videtur, absterreare. Quid  
enim? tam varia, tam multà? inquires. Ni-  
hil est: imò incredibile, quàm citò hæc  
suscipiantur, & fiant, si tenor & constan-  
tia sit, & quisque dies opus suum prober.  
Triennii res, non diu te differo: mihi si  
olim talis monitor, vel citiùs absolvissem.  
Cogitare in ipso flore ævi, & corpus la-  
bori, añimum intentioni ferendæ esse:  
quid cessamus,

*Dum res, & ætas, & sororum*

*Fila trium patiuntur atra?*

Non fac, mi adolescens: cui ego factum  
consultumque tuâ causâ volo, tum &  
Cm V. Legati regii: qui etsi connubio  
tantùm tibi parens, tamen vel naturalem  
affectu & curâ præstat. Tu agnosce, illum  
cole, me & bona ama. Lovanii, 111. Non.  
Decemb. 60. loc.

## J U S T I L I P S I I

D E

Recitatione in conventu pu-  
blico & privato,

A D

O T H O N E M H A R T I U M

E P I S T O L A.



Uave nuper fuit, mi Harti, sermonibus vestris, sed & epulis pasci; cur negem? & hilaris illa ac libera per Liberi pocilla diffusio, est vegetandæ nostræ menti. Scis quàm adfiduè in tristibus aut seriis curis simus, scis quàm sæpè, in languore & caliginosâ illâ bile: age, vel ex Senecæ præcepto, non solum consilio, potiuncula interponatur, *non tamen ut mergat nos, sed ut curas deprimat*: quia & Caro ipse

*Explicuit vino contracta seria frontis.*

Sed in sermonibus, sedulò tunc agitarum de *Recitatione* veterum: quam ego laudatum ibam, & pro meo voto revocatum. Certè si quis mos hodie utilis, in hac copiâ scribentium, aut scripturientium; ille sit, vel sistendis quibusdam ingentis, vel dirigendis. O quàm optabile, eruditorum



rum & benevolentium, id est, vestri simi-  
 lium iudiciis sensibusque, scripta & publi-  
 canda recensere! quod Recitatio illa da-  
 bar, licebatque per eam

*Egregio insparfos abstergere corpore navos.*

Ut videas, cujusmodi olim fuerit, di-  
 stinctè dicam: & notâ eâ, non dubito quin  
 in partes & vota mea cum Oudarto nostro  
 ibis. Vetus ea Romæ, saltem inter Poëtas:  
 quod unum aut præcipuum tunc genus  
 scriptorum: & reperio apud Valerium,  
*Collegium Poëtarum* jam liberâ Republicâ  
 fuisse, quid nisi ut recitarent inter se, judi-  
 carentur & judicarent? & mansit etiam  
 postea *Schola Poëtarum*: quam Martialis  
 nominat bis ter, & agnoscit. Ovidius hoc  
 amplius, etiam diem fuisse quo convivia  
 annua agitent, ipsis Liberalibus: & do-  
 let ac queritur exsuli sibi hoc solatii ere-  
 ptum. Scio nos in Batavis olim usurpasse;  
 & cum delectatione dico & fructu, usur-  
 passe. Ab hoc exemplo, nisi fallor, propa-  
 gata ad alios scriptores Recitatio; sive e-  
 tiam à Græcis, quos causas & testimonia  
 habeo, quibus inducor habuisse. Sed un-  
 de unde origo, duplex tamen Recitatio:  
 Privata, & Publica. Dico illam, quæ domi  
 & inter amicos tantum notosque usurpa-  
 ta: istam, quæ publicè inter plures, &  
 ignotis etiam advocatis. Hæc plus speciei

aut ambitionis habuit ; illa prior plus fructus , & hæc est quam mihi votum usurpari. Fecit Horatius : qui de sese ,

*Nec recito cuiquam, nisi amicis.*

Fecit & Augustus , de quo Suetonius : *Nonnulli ( è scriptis suis ) incoetu familiarium, velut in auditorio, recitavit.* Sed Auditoria igitur Publicæ Recitationi erant. cui primus auctor A sinius Pollio, sub Augusto. cum ingenia scilicet florent , & se efferrerent , ac passim proferrent varios & suaves illos fructus. Is ( ut Senecæ : patris verba sunt ) *PRIMUS omnium Romanorum, advocatis hominibus, scripta sua recitavit.* Nota advocari homines. nam ita solebat : atque ii voce, codicillis , libellis invitabantur. De voce , ridet ambitionem istam Epictetus Arriani , & verba quoque exprimit : *Ἄχριστόν μὲς σήμερον Μαλεζομένους ἐν τῇ δικίᾳ τῇ Κοδράτης.* *Audi, sodes, me hodie differentem, in domo Quadrati :* Atque hoc quidem apud familiares & obvios fiebat ; alii monebantur per scripta. Plinius in Epistolis : *Nunc otiosissimus quisque, multo ante rogatus , & identidem admonitus , aut non venit ; aut si venit, quaritur se diem, quia non perdiderit , perdidisse.* Et clariùs alibi : *Hunc librum cum amicis recitare voluissem, non per Codicillos , non per libellos , sed si commodum & valdè vacaret admoniti ;* *scdissi-*  
*mis*

*mis insuper tempestatibus per biduum, con-  
 nerunt. Distinguit autem inibi Codicil-  
 los à Libellis, quia illi mitti ad amicos aur-  
 noros solent, vice epistolæ; isti, sparsim  
 & in publico proponi. Tacitus, sive Fa-  
 bius, Dialogo de Caussis corruptæ elo-  
 quentiæ: Bassus cùm toto anno unum librum  
 extudit & elucubravit, rogare ultidè & ambi-  
 re cogitur, ut sint, qui dignentur audire: &  
 nec id quidem gratis. nam & domum mu-  
 tuatur, & subsellia conducit, & Libellos disper-  
 git. Id fiebat, die edicto. Iuvenalis:*

—— *latam fecit cùm Statius urbem,  
 Promisitque diem.*

Vides breviter totam scænam ambitio-  
 nis; quam fatendum est, largiter rei initio  
 optimè supervenisse. Itaque invitabant  
 audituros; sed & inducebant & allicie-  
 bant, principiis operum publicatis, velut  
 ad gustum. Plinii verbis dici hoc videtur  
 libro 11. Epist. *Nec aliâ ex causâ principia  
 Librorum circumferantur, quàm quia existi-  
 matur pars aliqua etiam sine cæteris esse perse-  
 cta* Domum etiam, ut dixit Fabius, mu-  
 tuabantur. nempe tenuiores, & quibus à se  
 laxa & magna atria non erant. Nam in iis  
 scilicet recitabant. Iuvenalis:

*Fr ontonis platani convulsaque marmora cla-  
 mant*

*Semper, & assiduo rupta lectore columna.*



Platanones juxta atria, & in istis columnæ: quas *rumpi* dicit à recitante, ob vim pronunciantis, vel plausum strepitumque auditorum. Ita idem de Statio, placente:

—— *fregit subsellia versis.*

Et Sidonius de quodam: *Hunc olim perorantem, & rhetorica sedilia plausibili oratione frangentem.* Pores & ad diurnitatem referre, & homines, imò columnas, audiendo fatigatos & fractos. Sed de Domo, idem Iuvenalis alibi:

—— *at si dulcedine fama*

*Succensus recites, Maculonus commodat ades,*

*Ac longè ferrata domus servire jubetur,*  
*In quâ sollicitas imitatur janua portas.*

Ubi etiam Satyricè ridet & naso agit excubias, dispositis ad portam, quasi in bello, qui admittant venientes aut excludant. Addit autem Fabius, & *subsellia concedi*, nimirum quæ in atrio disponderentur sessui, orbe quodam & ordine, ac theatri-co exemplo. Iuvenalis iterùm:

*Nemo dabit regum, quanti subsellia constant,*  
*Et quæ conducto pendent anabathra tigillo,*  
*Quaque reportandis posita est orchestra cathedris.*

Tria ostendit in his Auditoriis fuisse, Subsellia, Anabathra, Orchestram. Subsellia, in medio ac planicie, atque, ita ut  
di.



dicam, æquore atrii : Anabathra ad latera,  
 quæ adsurgerent gradatim & per scalas,  
 theatrâli more : denique Orchestra, è ca-  
 thedriis, quæ ante ipsum Suggestum posita  
 recitantis. De Anabathris : quæ sic in or-  
 bem, aliquid innuere & juvare Diogenes  
 Laërtius videtur in Menedemo. quem di-  
 cit fuisse ἐκκλίτιον, καὶ τῆς σχολῆς ἀδελ-  
 φόν. ἔτε γέν, inquit, ἔξιν πινάκιον παρ' αὐτοῦ  
 βλέπον, ἔτε βάρβαρον κυκλῶ δίδεικον, ἀλλ' ἔάν  
 ἕκαστος ἔτυχε περὶ πατῶν ἢ κατ' ἡμῶν, ἤκεε καὶ  
 αὐτῷ τὸ τὸν τὸν χρόνον ἀφαικνύμενον : simplici ne-  
 glegentiâ, & eorum quæ ad Scholam pertine-  
 rent indifferenter. Neq; enim erat ordinē ali-  
 quem apud eum videre, neque sedilia aut gra-  
 dus in orbem dispositi erant : sed ubi quisque  
 ambulans aut sedens foris erat, ibi & eum sic  
 affectum audiebat. Sed & Suetonius in  
 Claudio : quem refrigeratum dicit, cum  
 in'itio Recitationis, compluribus subselliis obe-  
 sitate cujusdam defractis risus exoritur esset.  
 Si plura subsellia ab uno defracta ; nonne  
 consequens est, exstructa alia super alia  
 fuisse ? Et planè ita decorum aptumque ad  
 audiendum ; & cur non vel in Scholis pu-  
 blicis hodie imitantur ? Sicut & illa par-  
 va Orchestra in theatris fuit : in quâ, pri-  
 more scilicet partē ; honestiores sederent  
 & velut Senatores. Apertè etiam t. Arria-

nus, in hos ambitiosos recitatores : τὸ  
 ἵνα γένηται, δεῖ τεθῆναι \* χίλια βᾶθρα, καὶ  
 παρακληθῆναι τοὺς ἀκουσμένους, καὶ σε ἐν  
 κομψῷ τολίῳ ἢ τελευτώνῳ ἀναβάντα ἐπὶ πέλβι-  
 νοι, Ἀλλ' ὅγε φεῖν πῶς ἀχιλλεύς ἀπέθαε : Hæc  
 ut fiant, oportet collocare mille subsellia, &  
 vocare audituros, & te ipsum in nitidâ togulâ  
 aut palliolo pulvinum conscendere, & describe-  
 re morientem Achillem. Qui præter Anaba-  
 thra sive gradus, hominem ipsum descri-  
 bit recitaturum.

———— pexumque, togâque recenti,  
 Ut Persius & ascendentem in Pulvinum,  
 sive ut idem poëta,

———— sede legentem Celsâ

In quâ tamen pulvinus, molliori sessui.  
 In Orchestrâ eum sedisse, Scholiastes vetus  
 ad Iuvenalis hunc locum scribit : Orche-  
 stra, inquit, spâcium in theatro dicitur, quod  
 Pantomimo saltanti vacat. ejusmodi autem  
 & Poëta eligit, in quo stans recitet ante tabu-  
 lata. Ita hæc emendamus, etsi non ap-  
 probamus. & sedit profectò, non stetit  
 poëta, atque adeò, ut diximus, in pulvi-  
 no. Iuvenalis autem mentem arbitror,  
 Subsellia, Anabathra, & in fronte ante  
 ipsum recitorem. Orchestrâ fuisse, pla-  
 nè ut in theatris : ubi inferiore & primore  
 illâ parte, primores & Senatores sedebant.

Ita-

\* Suspectum.

Itaque hinc cathedræ aliquæ dispositæ honestioribus, extra auditorum plebem. Plinius se recitaturus: *Positis ante lectos cathedris amicos collocavi* Martialis universè:

— *circum pulpita nostra*

*Et steriles cathedras basia sola crepant.*

In nostris auditionibus poetarum, nihil ferium aut ad quæstum, amores, & basia tantum. *Reportandus* autem cathedras eas Satyricus dixit: vel quia usurariæ, vel quia conductæ: vel denique ab suis locis huc collatæ. Atque hæc igitur in Domibus recitatio: fuit etiam in publico loco. quo? Apollinis templum alii volunt, ex Horatio:

— *hæc ego ludo*

*Quæ nec in æde sonent resonantia, iudice  
Tarpæ*

Ubi Apollinis Palatini ædem Scholia etiam vetera interpretantur, sicut & hoc ejus loco:

— *Æ vacuum Romanis vatibus ædem.*

Nec refellam: etsi de Athenæo, magis mihi liquet. Imò & Horatianus quidam Scholiastes: *In æde, in Athenæo*, interpretatur. Hæreo tantum & quæro, an Athenæum sive Minervium illud, sic Romæ antiquum. Postea tamen fuit, & huic usui frequens Capitolinus in Pertinace: *Processionem, quam ad Athenæum destinaverat, ut audiret Poëtam, distulit.* Lampridius.

Alexandro: *Ad Athenæum, audiendorum Græcorum & Latinorum rhetorum vel Poëtarum causâ, frequenter processit.* Ac noto etiam ibi theatricam illam posituram graduum fuisse. Ita enim Sidonius \* *Athenai cuneos dixit, & alibi †: Quo recitante, crepitantes Athenai subsellia cuneata quærentur.* Nota *cuneata*, nota & *quassa*, à plausu & strepitu, ut dixi. Nam huic mirè captabant. Adfurgebant igitur, clamabant, plaudabant. De primo, Martialis:

*Sapius adfurgam recitanti carmina? tu stas.  
Et pariter geminas tendis in astra manus.*

Quod est hominum scilicet admirantium, & nec sede suâ se tenentium. De clamoribus autem, & qui fuerint, idem poëta:

*Effæte, graviter, ciîð, nequiter, euge, beatè.*

Et sæpissimè, καλῶς, σοφῶς. De plausu autem, passim. Sed pulchrum, quòd concederent etiam id genus operas, aut jam antè præpararent. Juvenalis:

*Scit dare libertos extremâ in parte sedentes  
Ordinis, & magnas comitum disponere voces.*

Nempe isti *Sophos* illud acclamabant, & modularè laudabant sportulis invitati & cænis. Sæpè Martialis tangit, & Plinius junior: qui etiam \*\* *Sophocles*, & *Laudicanos* fa-

\* Lib. 11. epist. 9. † Lib. 9. \*\* Quia *Sophos* illud clamarent; & laudarent, *cana* causâ



facetè appellat. Addit autem, quod rideant vel severi; *Heri*, inquit, *duo nomenclatores mei* ( *habent sanè aetatem eorum, qui nuper togas sumplerunt* ) ternis denariis ad laudandum trahebantur. tanti constat, ut sis disertissimus. Hoc pretio quamlibet numerosa subsellia complentur, hoc ingens corona colligitur, hoc infiniti clamores commoventur, cum *mesochoros* dedit signum. Opus est enim signo apud non intelligentes. Lepidè, & vel exscribens rideo. Sed de *Mesochoris* & *Signo*, Scholiastes Juvenalis illustrat in Sat. xi. ad verba *Testarum crepitus*. *Testis nam anticà* ( inquit ) *percutiebant saltantibus Pantomimis, quidam huc non erat ut mesocori percuterent manus*. Legendum: quia adhuc non erat, ut *Mesocori*. Ergo novitium hoc inventum, ut ille in medio quasi laudantium & cantantium choro consisteret, & manu percussâ signum daret concinendi. Hæc igitur Publica Recitatio, & sæpè vitiosa: in quâ laudes, non iudicia captabant. Sed utebantur etiam vulgò ut Ovidius ille:

*Carmina cùm primùm populo juvenilia lêgi.*

Ut Silius, de quo Plinius, *Nonnunquam iudicia hominum Recitationibus experiebatur*. Ipse Domitianus Princeps, cùm studium Poëtices adsimularet, *recitavit etiam publicè*, ut Suetonius scripsit. Sed & Claudius Imperator, *Historiam in adolescentiâ*,

*hortante T. Livio, scribere aggressus, frequenti auditorio commisit. Quid, quòd Principes ipsi audirent? magnus studiorum honos, aut calcar. Augustus certè (in Suetonio) Recitantes & benignè & patienter audiuit, nec tantùm Carmina & Historias, sed & orationes & Dialogos. Legi alibi, & Claudium Imperatorem vel inopinatò recitantibus quibusdam supervenisse. An non studia atque ingenia tali auditorio excitarentur? Sed ex Suetonii illà de Augusto notà, apparet rarò Orationes legi solere; plurimùm Carmina, Historiasque. Quod etiam Plinius ostendit, & damnat, epistolà xvi. 1. libri vii. Poëmata autem, ob suavitatem, recitata & audita creberrimè. Idque Iulio mense maximè vel Augusto, Plinius: Iulio mense, quo lites maximè interquiescunt, positis ante lectos cathedris, amicos collocavi. Et addit, se versus suos recitasse. Iuvenalis autem quasi ex more notat*

— *Augusto recitantes mense poëtas.*

At Plinius iterùm *Aprilem*, ut sollemnem, ingerit libro 11. Epist. *Magnum proventum poëtarum hic annus attulit, toto mense Aprili nullus ferè dies, quo non aliquis recitaret. An quia prævenerunt, & grave iis expectare Iulium vel Augustum? an toto anno licebat, & solebat. Hæc Recitatio, & usus ejus vel abusus. Sed usus in bonâ eâ*

pro-

perfectò magnus fuit : ac verè Theophrastus. Αὐτὸ ἀγνώσκει ποιεῖν ἐπανορθώσκει. *Recitationes pariunt emendationes* : quod scitum & breve dictum, Laërtius ei adscribit. Optima autem ratio, quam Plinius se usitatum esse refert, lib. vii. Nullum, inquit, emendandi genus omitto. ac primum, quæ scripsi, mecum ipse pertracto ; deinde duobus aut tribus lego ; mox aliis trado adnotanda, notasque eorum, si dubito, cum uno rursus aut altero pensito : novissimè pluribus recito. Maecte Plini ! hi gradus ad limam sunt, hi ad vitam : atque utinam nobis facultas ( voluntas esset ) imitari ! Sed claudio hoc totum de Recitatione, recitatiunculis sive fabellis. Seneca narrat comiter de quodam : Recitator historiam ingentem attulit, minutissimè scriptam, arctissimè plicatam. Et magnâ parte perlectâ, Desinam, inquit, si vultis. Acclamatur, Recita, Recita, ab his qui illum obmutescere illico cupiant. Magis lepidè, pater ejus in Suasoriâ pro Cicerone : Sexsilius Enna fuit, homo ingeniosus magis, quam eruditus, Et poëta inaequalis. Is hanc ipsam proscriptionem Ciceronis recitaturus in domo Messalla Corvini, Pollionem Asinium advocaverat, Et in principio hunc versum, non sine assensu, recitavit :

Deslendus Cicero est, Latiaque silentia  
lingua:

Pollio Asinius non aequo animo tulit & ait :  
 Messalla, tu quid tibi liberum sit in domo tuâ,  
 videris ; ego istum auditurus non sum, cui mu-  
 tus videor. atque ita consurrexit, ne interfuis-  
 set recitationi eorum. quod Cornelium scio :  
 cui non aequè displicuisse hunc versum quàm  
 Pollioni, apparet, quod meliorem quidem sed  
 non dissimilem composuit. Intellegit hunc  
 versum :

*Conticuit Latia tristis facundia lingua.*

Sed quod ad verba de Cornelio atti-  
 net corrupta sunt ; mihi sic emendanda :  
 consurrexit. Huic interfuisse recitationi Seve-  
 rum quoque Cornelium scio : & sic cohæreat  
 narratio, aliàs soluta aut inconcinna. Fa-  
 bellam tertiam Plinius porrigit. Passienus  
 Paulus, inquit, splendidus eques Romanus,  
 & imprimis eruditus scribit Elegos. Is cum re-  
 citaret, ita cœpit dicere, PRISCE IUBES.  
 Ad hoc labolenus Priscus ( aderat enim, ut  
 Paullo amicissimus ) Ego verò non jubeo. Co-  
 gita, qui risus hominum, qui joci. quòd est om-  
 nino Priscus dubiæ sanitatis Concludit, &  
 subjicit : Tam sollicitè recitaturis providen-  
 dum est, non solum ut sint ipsi sani, sed etiam  
 ut sanos adhibeant. Habes, quæ de more  
 hoc præcipua occurrerunt, satis ad eum  
 noscendum : quid juvabit ? urinam ad re-  
 ducendum. Nam mihi crede, hoc nostro  
 ævo ( iterum dico ) utile ; cum Typogra-  
 phia



AD LEONARD. LESSIUM 183  
phia statim nos protrahit & diffundit, nec  
vel locum poenitentiae aut emendationi  
relinquit. O si igitur Recitatio! sed cum  
Plinianâ exceptione, *ut sani advocent, &  
advocentur.* Tu diu inter eos mi Harti, &  
mei amantes esto. Lovanii, xvi. Kalen.  
Mart. co. Id xcix.

---

J U S T I L I P S I I  
D E  
Notis, & Notariis veterum,  
A D  
LEONARDUM LESSIUM.  
E P I S T O L A.



N variis & pæne cottidia-  
nis sermonibus nostris, de  
N O T I S fabulari sumus:  
quarum usum crebrum vel  
assiduum veteribus, uterque  
consentiebamus cum fructu & bono pu-  
blico revocandum. Sed quâ fieri? exole-  
verunt illæ, & fuisse magis, quàm quid &  
quâ facile fuerint, scimus. Ostendebas te  
non nolle ut aliquid huic rei colligerem,  
collectum ad te deferrem, melius sic cer-  
tiusque arbitrandum, an tanti tora res  
esset. Facio igitur: & cuius causâ magis  
ve-

184 JUSTI LIPSI EPIST.  
velim, aut debeam? Tuum est, ut Home-  
rico versu dicam,

\* — ὅσον μὲν ἐγὼ δυνάμει χερσὶν  
τε ποσὶν τε

Καὶ δένει.

Notas hic appellamus, scripturæ quæ-  
dam compendia, cùm verba non perscri-  
bimus sed signamus: celeritati, & excer-  
ptioni repertas. Ipse qui hoc facit, *Nota-*  
*rius* dictus Glossæ: *Notarius* ταχυγράφος:  
*velox scriptor*: à fine. Suidas *Νοτίριος*,  
*ὑπογράφους*: quasi dicas *Exceptorem*, ab  
usu. Iterum Glossæ: *Notarius*, σημειογρά-  
φος: *qui per signa scribit*, à modo. Hinc  
Ausonii quædam Epigraphe: *Ad Nota-*  
*rium, velocissimè scribentem*, Augustinus, de  
Doct, Christ. † Ex eo genere sunt etiam *No-*  
*te*, quas qui didicerunt, propriè jam *Notarii*  
appellantur. Itaque duplex apud veteres  
scribendi ratio, *Scriptura* & *Notaria*: illam  
*καλλιγραφίαν*, hanc *ταχυγραφίαν* dicebant.  
Scriptor aliquis, apud Suidam, de Origi-  
ne illo, Græciæ stellâ, utinam non cadu-  
câ: *Αμβρόσιος* inquit, πολλὰ ἱκετεύσας καὶ  
παραβιασάμενος, καὶ ταχυγράφος αὐτῷ  
παραστήσας ἐκτα, καλλιγράφους δὲ πλείους, ἐρ-  
μηνεύσας αὐτὸν πῶς θείας γραφάς πεποίηκε:  
*Ambrosius* (quidam interpotentes) multa  
eum

\* quantum equidem possum manibus pedibusque  
& Robere-tonniti. † Lib. 11. cap 26.

eum orans & adigens, & septem ei Notarios, plures scriptores alios apponens, commentarium sacros libros curavit. Fulgentius † & has intellexit: In omnibus artibus sunt primæ artes, sunt secundæ. ut in puerilibus litteris prima est Abecedaria, secunda \* Notaria. Rationem scribendi per litteras, ut faciliorem, primam discebant; tum istam. In Suetonio † huic sensui jam olim emendavimus; Nepotes & litteras, & notare (sive Notariam) aliaque rudimenta per se plerumque docuit: ac nihil æque laboravit, quàm ut imitarentur chiographum suum. Vulgò quidem notare scribitur, & defendunt alii, sed rem & textum Suetonii qui attender, nisi pravi pervicax est, ad me ibit. Sed Notarum istarum quis primus auctor? Ego libenter Græcis gloriæ dederim, & nominatim Xenophōti, philosopho & historico. de quo Diogenes, ὁ πρῶτος ὁ ὑποσημειώσας τὰ γεγραμμένα, εἰς ἀνδράπας ἤγαγεν, Primus notis excipiens dicta (Socratis) in lucem homine, q̄ protulit. At Latini ad se trahunt \* de quibus ita Isidorus. Vulgares Notas Ennius primus mille & centū invenit. Appellat vulgares, ut à Iuridicis & Militaribus, de quibus subicit, distinguat, & quia hæ in cōmunissimo usu. Sed itāne auctor Ennius?

nuf.

† III. Mythol. in Orpheo. \* Sic legimus vulgò corrupt. 1. † Aug cap. 44. \* Lib. 1, ca. 21.



nusquā lectū, & ipse Isidorus mox abnuir:  
*Roma primus Tullius Tiro Ciceronis libertus*  
*commentus est Notas sed tantum prepositio-*  
*num. Post eum Tertius Persannius Philargy-*  
*rus, & Aquila Macenatis libertus alius alias*  
*addiderunt deinde Seneca (patrem puto in-*  
*relligi) contracto omnium digestoque numero,*  
*& aucto, opus effecit in quinque millia. Quis*  
*hic ille Tertius? nullus in libris scriptis,*  
*quos ego vidi: & vox abest. Itaque legam,*  
*Post eum Persannius: & idem nomen supra*  
*reponere ausim: Vulgares Notas Persannius*  
*primus: non autem Ennius. Ita dicat istum*  
*repperisse primum tali numero Notas:*  
*etsi paucas ante à Tiro Tullius, & ut addit*  
*(si ea quoque verba sincera) prepositionum*  
*tantum neque enim commodè hinc ingero*  
*aut digero prepositiones: tui juvabis, si po-*  
*tes. At plutarchus Ennium quoque rejicit,*  
*& magis pro Tirone est. nam scribit in Ca-*  
*tone Uticensi, unam eius orationem proflare,*  
*exceptam Ciceronis operâ, qui in curiâ celerri-*  
*mos scribas disposuerat, prae doctos Notis &*  
*signis uti. Addit deinde: ἔπερ δ' ἦσαν, ἐδ'*  
*ἐκείνῳ τὰς καλεσμένοις σημεῖα φέρε:*  
*nondum enim instituerant, neque habebant,*  
*Notarios dictos. Sed magis hoc clarè Euse-*  
*bius, M. Tullius Tiro, Ciceronis libertus, pri-*  
*mus Notas commentus est. Dionem Cassium*  
*mente refragari istis non arbitror, etsi pæ-*  
nè



nè verbis. nam scribit, & laudat inter alia  
 Mæcenatem : ὅτι πρῶτον σμυσιὰ πρὸς  
 γογγυμάτων ἀπὸ τῶν ἰδίων : quod pri-  
 mus *Notas quasdam ad celeritatem scribendi*  
*invenit.* \* Non herclè primus omnes, sed  
*quasdam* ex iis, & auxit. Imò reverà nec  
 Cicero, nec ipse; sed liberti eorum, ut ex  
 Isidoro clarum; etsi Plutarchus & Dio  
 patrouis attribuerunt. Seneca noster ma-  
 gis ingenuè : † *Quid loquar verborum No-*  
*tas, quibus quamvis citata excipiat oratio?*  
*vilissimorum mancipiorum ista commenta*  
*sunt:* Tironis, Persanii, Aquilæ, liberto-  
 rum aut servorum. Hæc inventio, propa-  
 gatio, auctio: quis usus? duplex, publi-  
 cus & privatus. Isidorus suggerit: *Nota-*  
*rum usus erat, ut quicquid pro concione, aut in*  
*judiciis diceretur, librarii scriberent complures*  
*simul adstantes, divisim inter se partibus, quot*  
*quisque verba, & quo ordine exciperet.* Ait  
 fuisse complures simul: quod necessum, ubi  
 citata & longa oratio, neque unius mens  
 aut manus suffecisset, Ait, *adstantes:* at liber  
 scriptus, *addentes:* ex quo possis, \*\* *audien-*  
*tes,* Ait denique, *divisisse partes, & verba:*  
 id est, ut primus sex prima verba (pro  
 exemplo) secundus sex altera, tertius ter-  
 tia: aut tali divisione. & postea simul jun-  
 cti

\* In Chron. † Lib. lv. Actis anni dccxxi.

\*\* Epist. xl.

Et i & conferentes, membris infitis, orationem explerent. Ac plurimum ita fuerit, certiusque ita fuerit: arte tamen adauctâ, nihil ambigam vel unum suffecisse. Igitur publicè hîc usus, orationes & dicta excipere, ac provulgare. Ita Asconius tradidit, orationem Ciceronis pro Milone, ipsam quam dixerat (nam hodierna hæc scripta modò est) *exceptam fuisse, qua suo tempore exstaret.* Et Fabius † queritur, *orationes aliquot suas circumferri, negligentia excipientium in quæstum Notariorum corruptas.* Culpar non de facultate, sed de intentione: & quòd tantùm in quæstum, non fidem, excepissent. Factum idem in Actis judicialibus. & documento hodieque aliquot Christi martyrum: in quibus omnia verba ultro citroque dicta referuntur. \* Ulpianus hac occasione censet: *eos qui Notis scribunt Acta iudicum, reip. causâ videri abesse.* Ammianus, *Iudici assistentes hinc inde Notarios facit.* Manilius de Jurisprudente:

*Hic etiam legum tabulas, & condita verba  
Noverit, atque Notis levibus pendentia  
verba.*

Quia crebro scilicet earum ibi usus. quod tamen Justiniano displicuit, ob causas: † vetuitque *per sgnorum capitones & compen-*

† Nec damnamus tamen *Adstantes.* \* Lib 7 cap. 3.

† Lib. 14. ep. 4.

*pendiosa enigmata Codicis sui textum conscribi. Publicè igitur hic usus: at privatim, plurimus. sive in epistolis, orationibus, scriptis aliis subitò dictandis; sive in excipiendo statim, & sine iacturâ magna lectionis, adnotando. † Plinius minor, de majore: Semper ei, etiam, in itinere, Notarium ad latus fuisse, cum libro & pugillari- bus, Idem de se alibi: Notarium voco, & die admissò, quæ formaveram, dicto Quis neget grande in eo commodum? & quod calor vel intentio dictantis morâ non tepescit aut frangitur? Hodie si in lectionibus publicis, ubi Dictatura regnat, usurperur: quanto bono, & quò temporis scœnore fiat? Nam mira hîc in excipiendo celeritas: quæ finis & fructus propriè hujus inventi. Celeritas inquam tanta, ut quamvis citata \* (verba Senecæ) excipiat oratio, & celeritatem linguæ manus sequatur. Quid sequatur? imò præveniat: & ita Martialis in lemmate, Notarius:*

*Currant verba licet, manus est velocior illis.  
Nondum lingua, suam dextra peregit opus.*

† Manilius, de eodem:

*Quique notis linguam superet, cursumque loquentis.*

Au-

† Cod. de utroque jure enucl. \* Lib. 3. † Epist. 90.



Aufonius ad suum Notarium ,

*Tu sensa nostri pectoris*

*Vix dicta, jam ceris tenes ,*

*Tu me loquentem praevenis.*

Et addit pulchrè :

*Quis, quaeso, quis me prodidit ?*

*Quis ista jam dixit tibi,*

*Qua cogitabam dicere?*

Ideo *Furta verborum* Hieronymus dixit :

\* *Extemporalis est dictatio, & tanta ad lumen lucernula facilitate profusa, ut Notariorum manus lingua praecurreret, & signa ac furta verborum volubilitas sermonis obrueret.*

*Furta*, inquam, vel quia eripiunt & prae-  
piunt verba : vel etiã, quia tegunt, & com-  
pendio quasi clepunt. Sed quid aut quales  
fuere igitur? inquires. Communiter possum  
dicere, videri duplices fuisse, *Litteras*, & *Si-  
gna*. *Litteras*, ut cùm una aliqua hoc aut il-  
lud verbi notat, P. *Publius*: eadem, *Pupillus*:  
eadem inversa, *Pupilla*. Item C. *Cajus* : con-  
versa O. *Caja* : & quæ talia passim in li-  
bris aut monumentis. Sed cùm ex paucæ  
essent, *Signa* reperta, plerisque verbis no-  
randis : quidni plerisque? cum ad quinque  
*millia* fuisse à Senecã, suprã dictum? Ea  
autem aliã quadam & minutã facie, ut ja-  
re à *litteris* distinguantur. Jurisconsultus : †  
*Notis scripta tabula non continentur edicto,*

\* De Vitando susp. contub. † L. 6. de bon. quia  
poss. Lib. 9. ep. 9.



quia Notas litteras non esse Pedius scribit. Sidonius: Tribuit & quoddam dictare celebranti scribarum sequacitas saltuosa compendium, qui comprehendebant signis, quod litteris non tenebant. Signa igitur, & parva, atque ita Plutarchus notificat: \* σημεία ἐν μικροῖς καὶ βραχείσιν τύποις πολλῶν γραμμάτων δυνάμειν ἔχοντα: Signa in parvis & brevibus figuris, multarum litterarum vim includentia. Ausonius Puncta appellat:

*Punctis peracta singulis*

*Ut una vox absolvitur.*

Et benè Singulis: uude & sic appellarunt. † Iustinianus in Constitutione Græcâ: Σημείοις ἐν τῇ γραφῇ, ἅπερ Σίγγλας καλεῖται: \*\* Notis in scripturâ, quas Singulas appellant. Sed de Punctis, Etiam Prudentius, de Cassiano martyre, doctore ejusce artis:

*Præfuerat studiis puerilibus, & grege multo*

*Septus, magister litterarum sederat,*

*Verba notis brevibus comprehendere multa peritus,*

*Raptimque punctis dicta præpetibus sequi.*

Et addit eum damnatum, & adjudicatum ipsis pueris, qui stilis foderent & conficerent, imitatione illius artis. Itaque clamant:

*Red-*

\* In Catone. † Cod de utroque jure enucl.

\*\* Περὶ σιφ. Hymn. 9.

192 JUS. LIP. EP. AD LEON. LESS.  
*Reddimus ecce tibi tam* MILLIA MUL-  
TA notarum,

*Quàm stando, flendo, te docente, excepimus.  
Pangere puncta libet, sulcisq; intexere sulces.  
Flexas catenis impedire virgulas.*

Ex quibus videas & *Puncta* fuisse, & *Lineas*, & *Flexuras* ac *Catenationes*. Nec plura reperi, ajunt libros alibi in bibliothecis exstare harum Notarum: cur non edunt? quanto utilius, quàm nugas quasdam hodie atque heri naras? Enim verò periisse utilissimam (ita censeo) artem, dolendum est, & reparabilem tamen, si libeat adniti. Sinenses hodieque characteres habent, quibus tota verba signant: sed operosos fere aut implexos. Expeditius aliquid oporteat. & credam à sagacibus viris, in paucis diebus repertum iri, si jubeantur. Finivi mi Pater, tu judicabis, & tabellam dimittes, me animo tuo & precibus includes. In Musæo nostro, hodie horis matutinis.

JUSTI

# JUSTI LIPSII EPISTOLICA INSTITUTIO.

## C A P U T I.

*De nominibus variis Epistolæ: & de  
forma Apud veteres.*



**EPISTOLA** qui rectè & laudabiliter scribatur, præire mihi propositum juvenuri, sed compendio: ad usum, non ad speciem: nec ut omnia quæ ad rem, sed quæ in rem maximè, dicam.

**EPISTOLÆ** Græcanicum nomen est, ἐπιστολή, quasi *Missoriam* dicas: (\* Isidorus interpretatur *Missam*) sed in veteri tamen Latinorum usu: & Plautus aliquoties usurpat, & Afranius comœdiam etiam quampiam, *Epistolam* inscripsit. Vt mediâ Politianus & nonnemo hodie scribunt, freti auctoritate librorum & lapidum, in quibus crebrò sic reperas: sed, nisi fallor, nunquam ante Vespasiani ævum. Et per, O sanè rectiùs scripseris magisque ἀναλόγως. Aliis etiam nominibus

I

pris-

\* Lib. 7. Orig.

prisci appellavêre, *Litteras, Tabulas, Codicillos*. *Litteras* (poëtæ etiam *Litteram*, ) ob eminentiam, & quia hoc genus creberrimi inter litteras omnes usus: *Tabulas, Tabellas, Codicillos* à materie; quia ante chartæ & membranarum usum (\* Iûdori verba cito) in dolatis ex ligno codicillis epistolarum colloquia scribebantur. Unde & portatores earum *Tabellarios* vocaverunt.) Quæ transcripta moneo ex Hieronymi epist. xl. i. Festus eidem rei: [ *Tabellis*, inquit, pro chartis utebantur antiqui, quibus ultrò citroque certiores absentes faciebant: unde adhuc *Tabellarii* dicuntur, & *Tabellæ missæ* ab imperatoribus. ] Inde Plautus Epistolam circumscribens *Pseudolo*:

*Per ceram & lignum, inquit, litterasque interpretes.*

Et paullo post:

*Pro lignea salute vis argentam remittere illi?*

Ejusmodi *Tabulæ* Homero etiam notæ: apud quem Prætus litteras Bellerophonti tradit scriptas *ἐν πίνακι πλυτῶς* in tabella *† plicata*. Fieri solitæ inducta cera, è fago, abiete, buxo, tilia sive phylira, agere, citro, ebore, quæ omnia exemplis firmare non hîc locus. Usi tamen & charta ad

hanc

\* Lib. 7. Orig. † Iliad ζ vers. 169. Sive, duplico. L 16.



INSTITUTIO EPISTOLICA. 195  
hanc rem, idque ex Martialis lemmare  
facile colligas, *Charta epistolares*. quod no-  
men hodiequē Epistolæ tribuunt Hispani.  
Sed sive Tabella, sive Charta, paullò alia  
tamen ejus quam hodie forma. Pageillæ  
enim erant, & species minuti libelli. Hinc  
Ciceronis illa capies: (\* Extrema pagella  
pupugit me tuo chirographo. † Et, Alte-  
ra jam pagella procedit.) Excipio, quòd  
publicas litteras ad S.P.Q. grandiore for-  
ma, & transversa charta scribebant, scilicet  
quasi Historias. Suetonii hæc mens in †  
Iulio, ( Primus epistolas ad Senatum, ad  
paginas & formam memorialis libelli con-  
vertisse fertur, cùm antea Coss. ac Duces  
non nisi transversa charta mitterent,) Cui  
Isidorus dat lucem: (Quædam nomina li-  
brorum apud gentiles certis modulis con-  
ficiebantur, brevior forma, Carmina ar-  
que epistolæ,.) at verò Historiæ majore  
modulo scribebantur. (Et hinc \* Senecam  
explico: Epistola non debet sinistram  
manum legentis implere) quod scilicet re-  
ferendum ad angustias & minutam libelli  
formam.

\* Lib. 11. ad Cælium epi. 13. † Lib. 11. ad Brutum  
epi. 25. † Cap. 45. \* Epist. 45.

## C A P U T II.

*Quid sit epistola, & quæ ejus partes.*

**D**Efinio autem Epistolam, *SCRIPTUM ANIMI NUNTIVM AD ABSENTES, AUT QUASI ABSENTES.* Animi nuntium dixi, quia finis Epistolæ duplex; aut affectu testando, aut rei significandæ. Illum, ingerit Ambrosius ad Sabinum, *Epistolarum usus est (inquit) ut disjuncti locorum intervallis, affectu adhæreamus*: Hunc alterum, Cicero ad \* Curionem, (*Hæc causa inventa res ipsa est, ut certiores faceremus abentes. siquid esset quod eos scire, aut nostra aut ipsorum interesset.* Et ante eum \* Turpillius: *Sola res est † quæ homines abentes, præsentis facit.*

Recte igitur dixi, *abentes*: sed addidi etiam *quasi abentes*: quòd interdum ea usurpata ad præsentis. Ita Augustus \* *sermões graviores cum Livia sua non nisi in scriptis & è libello habebat.* Et idem Juliam suam in Amphitheatro \* *admonuit scripto.* Quin mos ille sub Tiberio principe \* *etiam præsentem scripto adire.* quem originem sumpsisse à Julio Cæsare ex Plutarcho colligas, qui (primus inquit) rationem repperit

\* Lib 2. \* Apud Hieron. epist. 42. † Velim transponi ut fiat Trochaicus: homines abentes. quæ præf.

\* Sueton cap. 84. \* Macro. 2. \* Tac 4. Annal.

INSTITUTIO EPISTOLICA. 197  
rit amicos per literas conveniendi , cū  
coram agendi nec occupationes nec ma-  
gnitudo verbis semper occasionem daret. )  
Atque id genus propriè Codicillos appel-  
labant. Senecæ ea mens epist. lvi. *Video*  
*te mi Lucili cū maximè : audio ad eū tecum*  
*sum, ut dubitem an incipiam non epistolas, sed*  
*codicillos tibi scribere.* Hæc definitio Epi-  
stolæ ; ex quâ partes præcipuas ejus duas  
facio : Materiam & sermonem.

---

### C A P U T III.

*Materies definita, divisa, & de præmissis*  
*Epistole.*

**M**A TER I E M D I C O R E M Q U Æ S U B-  
J E C T A S C R I P T I O N I. Ea duplex.  
Solennis & Varians. Solennis, Q U Æ I N  
O M N I E P I S T O L A, E A D E M, A U T P Æ-  
N E E A D E M, E T Q U A S I E X F O R M U-  
L A R E C U R R I T. Qualia sunt , Prælo-  
quium , & Clausula. Præloquium intelle-  
go, Q U O D E X R I T U P R Æ M I T T I T U R :  
ut Nomina & Salus. In Nominibus olim  
receptum , ut in ipsa fronte epistolæ bina  
semper ponerent , Suum & Alienum : illo  
præposito, etiam ad digniorem. Cum caus-  
sa. quoniâ prima legentis cogitatio & de-  
siderium , est scire à quo missa. Etiam hoc  
servarum , ut nomina nuda , nec blandien-



ria aut laudantia verba, sibi alterive tribuerent, excipio, si quis in imperio aut magistratu. Tum enim verbo additum (P. Servilius Rullus Trib. pl. x. vir Cnel. Pompejo proconsul. At Epitheta nulla: nisi ad unicè caros aut domesticos, quos interdum (Humanissimos, Optimos, Suavissimos, Suas animas) appellabant, & receptissimo verbo *Suos*. Quod postremum interdum etiam ad leviter notos usurpabant, ut apud Livium (Prætores Syracusani Marcello Suo.) Prisci interdum: sed labens ætas passim & omnibus dedit. adeò ut Imperatorem ipsum sane quàm familiariter *Suum* saluter Plinius in magni operis præfatione. Ab hac mente Martialis:

*Seu leviter noto, seu caro missa sodali,*

*Omnes ista solet charta vocare Suos.*

Et in Plinii Junioris epistolis vix aliter legas: sicut & Pandectarum aliquot locis. Olim ista: Ego hodie temperem ad usum nostri ævi, & alieno ingenio interdum serviam potius, quàm meo. Ad doctos, probos, simplices simplicia hæc servem: ad magnates aliter, nec temerè nomen meum præposuerim, & appellandi formulâ potius scripserim, *Maximè Rex, Illustrissime Princeps, Amplissime Domine*, &c. Misera ostentatio scientiæ, quæ risum aut offensam debet, utique in epistola, quæ tum de-



demum rectè scripta, cùm videtur illi cui scripta. At de Salute, clarum est olim eam post ipso Nomina adjectam: haud dubiè ex colloquiorum more, quo in occursum statim salutamus \* Græcis simile, quibus *χαίρειν* præcari in usu fuit, aut *ὦ χαίρειν*: quæ Epicuri salutatio, aut *Ἐπείχεται*: quod disputatiunculâ quâdam præfert Plato ad Dionysium. Horatius non præter solitum Græcus, expressit ista:

*Celso gaudere & bene rem genere Albino-  
vano.*

*Musa rogata refert.*

Omittebant hæc interdum, & præsertim Reges, quasi per majestatem. Plutarchus notat. († Alexandrum, victo Dario, abstulisse ab epistolis, τὸ χαίρειν,) illud Saluere (exceptis quas Phocioni scribebat, quem unum, sicut Antipatrum, compellabat, post Salutem dictam.) Pertinere etiam ad Præloquium videbatur vetus ordiendi formula. S. V. B. E. E. V. quæ in privatis litteris frequens, in publicis perpetua, etiam posteriore ævo. Concipi solet. & his notis, S. V. G. E. V. id est, *Si vales gaudeo, ego valeo.* Quæ apud Oppium de bello Hispaniensi lectæ, frustra turbant & ad mutandum impellunt eruditos.

\* Vide Diogen. Laërtium in Plat. Epist. 111.

† In Phocione,

## C A P U T I V.

*De iis quæ ad finem epistolæ, itemque  
de Signo.*

**A**D Clausulam venio : quam appello  
T E R M I N U M E P I S T O L A E  
E T F I N E M. In eâ hæc quinque so-  
lemnia ferè insunt : 1. *Valedictio*, quæ in-  
serta pariter ex sermonis ritu, quo abeun-  
tes alter alteri bene precamur. Expressa  
antiquis simplici verbo *Vale*. Ovidius\* :

*Accepe, quo semper finitur epistola verbo,*

*Atque meis dislent ut tua fata. Vale.*

Interdum *Have*, *Salve* : nec indecorè  
cum adjectiuncula *mi anime, mi suavissime*,  
Aut alio verbo, ad argumentum apto :  
*Vale & veni, Vince & valde*. Interdum &  
voto concepto : *Deum precor ut te servet,*  
*consilia tua fortunet, &c.* Quæ omnia cum  
judicio imitanda, aut immutanda pro re  
persona. II. *Loci adjectio*, quæ necessaria  
inter absentes : nisi de eo planè constet.  
Itaque Ciceroni crebro omiſſa : & in pari  
cauſſa omittenda nobis. III. *Temporis*,  
in quo dies semper ; annos plurimùm,  
horas interdum notatas invenies. IV.  
*Subscriptio*, quæ priscis ignota : nisi fortè  
in literis ad Imperatores : quibus sub-  
scriptum per speciem honoris & obsequii,

\* De-

\* *Devotos se esse.* Nos tamen usurpamus, nec damno apud grandes aut ignotos : apud familiares vacuum videatur, imò vile. v. èst *Subscriptio*, quæ nobis inter legitima, vereribus raro fortasse usurpata.

Dabant enim plerumq; & mittebant per Pueros suos aut Tabellarios notos : nec aliud in exteriori epistola quàm Signum & Linum. Illud plerumque erat † Imago propria, aut alicujus è majoribus, impressa ceræ sive cretæ. De cera notum est : de creta, venisse in hunc usum Cicero ostendit iv. in Verrem : *Signum iste animadvertit in cretula.* Et pro Flacco *Asiaticam cretam* in hac re appellat. Linum fuit, vinculum quo epistola obligata, & cui signum ipsum impositum impressumque. Plautus;

*Cedo tu ceram ac linum : age, obliga, obfigna curo.*

Nec aperire epistolâ fuit nisi illo soluto, Inde apud Curtium : *At Parmenio vinculum epistola solvit.* Apud Ciceronem : *Incidere linnum.* & passivâ, vulgataque phrasi, *Solvere epistolam.* Ferè autem signum cum eo fractum, ideoque jubebant semper ante

I 5

aper-

\* Ex Dione 57. Suet. in Tib. 32. Et prisci lapidd. D. N. M. Q. E. id est, Devotus Numini Majestatique ejus. † Sive alia aliqua. ut Augustus Sphinge signare solebat, postea imagine Alexandri, postremum sua:

apertionem Signa agnosci, fidei causa, in Plautinis :

*Accipe, hem cognosco signum.*

*Iterum :*

*Cape signum nosce.*

Cicero in Catil. Ostendi tabellas Lentulo, & quæsiui cognosceretne signum ? Annuir : Est verò inquam imago avi tui clarissimi viri.) Sallustius. (Pellectis litteris, cum prius omnes signa sua cognovissent. Hoc curiosè idèd : quia signo corrupto facile & tutum negare à se scriptam utique cum dictassent (ut sæpe) & alienâ manu esset. Ita olim, nec tamen rigidè abnuò, quin aliquando super scriptum. Plutarchus in Dione, inter plures epistolas quæ adlatæ *μία δ' ἦν*, inquit, *ἔξωθεν ἐπιγεγραμμένη τῷ πατρὶ παρ' Ἰππάρχου* : Vna erat exterius inscripta, Patri ab Hipparchino. Quod pro eorum opinione sit, qui volunt ea quæ in capite ac fronte epistolarum veterum semper legimus, fuisse Tabellarii causâ in earum dorso. Sed quidquid hujus sit, nobis superscriptio usurpanda: siue ob ignotos ignorantésque Tabellarios, siue magis ob receptissimum morem, cum quo frustrâ pugnemus. Quin & Titulis, eodem auctore, uti suadeam : sine ambitione tamen aut professâ nimis adulatione. Hæc Solemnis Materies epistolæ, in quam licet



INSTITUTIO EPISTOLICA. 203.  
cer advocem Epistolas totas, quas *Formales* \* Suetonius appellat. Ea de unâ aliquâ  
re, unâ ac simili formâ, ad plures scribun-  
tur: in negotiis publicis, inque aulis Prin-  
cipum etiam hodie usitatæ. quas ipsas  
*Canonicas* ( nisi fallor ) \* Cassiodorus ap-  
pellat.

\* *In Domit. ca. 13.* \* *Lib. II. Var. Epist. 23.*

## C A P U T V.

*De Materie varia, ejusque sectione.*

**A**T Variantem Materiem appello,  
QUÆ DIVERSA IN QUÆQUE  
EPISTOLA EST: IPSA OCCASIO  
SCRIBENDI ET CAUSSA. Ea multi-  
plex: nec minùs latè patet quàm hæc vi-  
ta. Quid enim rei divinæ aut humanæ est,  
quod non sermone communicamus? ergo  
& Litteris, quæ alter sermo. Sed tamen  
diffusam coercere his terminis posse. vi-  
deor, ut omnis ea sit triplex; ( *Seria, Do-  
cta, Familiaris.* *SERIAM* dico, quæ ad  
publica aut privata pertinet, sed uberius  
ea tractat, & cum cura. ) Id genus inter  
publica sunt. Narrationes, Dissertationes,  
Deliberationes, de statu rerum, de mili-  
tia, de pace, & his talibus. Inter privata,  
( *Consolationes, Admonitiones, Petitio-  
nes, Objurgationes, Excusationes, Sua-*

siones, Laudationes, ) & uno verbo, quicquid paullo magis seriò scribimus, & una in re velut figentes pedem. Quod genus sæpe incurrit, & plerumque necessariò, interdum animi causâ, usurpatur. DOCTAM dico (quæ ea quæ ad scientiam aut sapientiam, continet, & res non epistolæ, epistolæ veste velat. ) Talis triplex : aut enim *Philologica* est, & in amœnioribus studiis occupatur, ut olim Varronis Quæstiones Epistolicae, Valgii Ruffi Quæsitæ per Epistolam. Aut *Philosophica*, & de Natura vei Moribus agit : ut Senecæ nostri epistolæ, sed & Platonis. At denique *Theologo*, quæ in sacris rebus dedita, ut sunt Augustini, Hieronymi, Cypriani, Basilii, Gregorii utriusque. Denique FAMILIAREM dico, quæ res tangit nostras aut circa nos, quæque in assidua vita. ) Ea propria & creberrima Epistolæ materies : & si verum fateri volumus, germanæ illius una. Cui priora illa duo. *Seria*, inquam, & *Docta* sæpe admixta, sed admixta ; variumque ei temper nec simplex argumentum.

## C A P U T VI.

### *De Inventione pauca & ordine.*

Satis de universa Materie dictum : de Inventione & Ordine addendum aliquid

quid est. sed breviter. Nam ad Inventio-  
nem uberibus præceptis quid opus? Cùm  
semper ea prompta, nec ad epistolam scri-  
bendam veniatur, nisi argumento conce-  
pto, & mente (ut ita dicam) rumente.  
Quod in *Familiaribus* verisque Epistolis  
perpetuum est. In *Seriis* aut *Doctis* paullò  
aliter, quibus quomodo aggerenda aut am-  
plificanda Materies sit, nihil hìc ego, sed  
Rhetorum te libri docebunt. Nec in *Ordine*  
quidem admodum laboro, qui optimus  
in Epistola neglectus aut nullus. Ut in  
colloquiis incuriosum quiddam & incom-  
positum amamus, ita hic. A deò ut nec in  
Responsionibus ordine & distinctè ad ca-  
pita semper respondeamus: sed ut visum,  
atq; ut hoc illudque in mentem aut cala-  
mum venit. Omnino decòra est hæc incu-  
ria: & magnus \* Magister rectè monuit,  
*Epistolas debere interdum hallucinari*. Itaq;  
ille ipse hæsitat, revocat, turbat, miscet, nec  
quicquam magis curasse videtur, quàm ne  
quid curæ præferret. Tamen in *Seriis*, non  
nego de Ordine paullò magis satagendum,  
sed ita, ut semper infra Oratoriam illam  
diligentiam consistas, & imitere eam, non  
æques. Præceptis cur te alliges? Ut impe-  
ratori in acie certus aliquis ordo est, nec  
tamen unus: sic tibi in omni materie, quam  
pro re, pro judicio dispone.

\* *Cicero ad Attic.*



## C A P U T VII.

*De Sermone. quæ de eo dicenda: & primum  
de Brevitate.*

VENIO ad Sermonem: cujus causa, fa-  
teor, Institutio hæc suscepta. Nam de  
Materie, totum mediocres cujusdam pru-  
dentia est: & vix peccatur. at in Sermo-  
ne, Labor & Error est, nec corpus illud  
hodie crebrò cultum vidimus (liberè effe-  
ro) decenti hac vesta. Sermonem appello,  
ELOCUTIONEM ET STILI MO-  
DUM EPISTOLÆ APTUM. Is ut ta-  
lis fiat, dupliciter eum considerabo: *Uni-  
versè & Distinctè*. Universè, in toto Habitu  
& conformatione epistolæ: Distinctæ, in  
partibus, id est *Phrasi & Verbis*. De habitu  
igitur sermonis epistolici, præcipio ut  
quinque ista serves: *Brevitatem, Perspicui-  
tatem, Simpliciter, Venustatem, Docen-  
tiam*. Prima illa, prima mihi sermonis vir-  
tus est: adeoque epistolæ propria, ut si  
longior, (cum Demetrio sentio) Libri jam  
nomen assumat, Epistolæ amittat. Cùm  
tam multa ea nuntiet, qui debet multis?  
Addo, quòd ut in sermone aut fabulis sic  
in epistolis odiosa garrulitas. Quam ta-  
men, quod observes, imperitissimus quis-  
que affectat, & loquentes ferè plurimum,  
qui minimum eloquentes. Ut corpore te-  
nues,



nues, veste se dilatant, sic qui ingenii aut sapientiæ inopes, diffundunt se verbis. At Brevitas mihi amata, & iis qui sapiunt: si ramen cum judicio ea usurpata & modo. Peccari enim & hic posse scio & ut in sagittâ mittendâ, non minus aberrat qui citra scopum, quam qui ultra jaculatur, sic in scribendo, quisquis pauciora quam pro re, aut plura dicit. Modum autem à materie specto. si *Seria* Epistola aut *Sapiens*, diffundi paullò magis velim, & rei per se gravi addi verborum aliquod pondus. Si *Familiaris* contrahi: nec res tenues ac multas ornari laciniâ sermonis. Scilicet ut vela pro magnitudine navium: sic verba debent esse, pro rerum. Judicium porrò fumo à personis: idque dupliciter: A *Qualitate*. à *capitu*. Ab illa: ut si ad Ignotos aut Magnates scribitur, uberior & floridior paullò epistola sit. quia stricta illa brevitās apud hos tales, non abest à contemptu. Ali- ter, si ad amicos, aut æquales. A *Capitu*: ut si ad leviter doctum aut acutum, si ad juvenem. extendam tunc profectò; nec tenebras ingeniis offundam per se parum clavis. Atque id mihi in omni personâ val- dè notâ: ut illi, inquam, te stilumque tuum attemperes. quoniam caput artis, scribere accommodatè. Qui fiet igitur *Sermo brevis*? observatione triplici, *Re-*

*rum, Compositionis, Verborum. rerum, ut supervacuum nihil admisceas, nil repetas, imprimis non capita ad quæ respondes. Compositionis, ut structuram & periodum longiorem omnem fugias: membris utare, & asyndetis sæpe. Verborum, ut lætior omnis phrasis, allegoria, imago abdicetur: parca. & pura oratio sit, necessariâ supellectile verborum contenta.*

Habes de Brevitate; quæ viris mihi dicta, non juventuti, sunt. adeò enim hanc ad eam non voco, ut etiam absterream: sive quia tutò adsumere vix potest, & Brevitatis imitatio facillimè ætatem hanc decipit. sive quia nec utiliter potest, & juvenili illo brevitatis studio (sæpe vidimus) aridus plerumq; & exsuccus stilus evadit. nec facilè ad laudatam illâ temperiem venit, nisi initio ubertas quædam & luxuries sit, quam ætas paullatim depascatur.

## C A P U T VIII.

*De Perspicuitate, quæ peccetur in eam, qui paretur.*

**V**irtus altera, *Perspicuitas*, de industriâ à me Brevitati subtexta, quia periculum magnum huic ab illâ. Quàm ardua, quàm rara illa Brevitas, quæ non prætervolet aures aut defraudet? in quâ legentis sensus non opus sit intendi? At-  
qui

qui semel hoc imbibe : summum in sermone vitium esse, non solum non capi, sed etiam ægrè capi. In quo peccant quidam Naturâ, qui ipsi obscuri & reconditi talia efferunt : plures, studio, qui nihil doctum aut laudabile putant, nisi reconditum, & quod fugiat vulgares mentes. Stulti ! quia malè ingeniosus ille, ad quem capiendum opus est ingenio : præsertim in Epistola, quæ arbitrum aut interpretem non quærit. Clarè ergo scribito, si potes, & breviter. sed ita, ut hoc laudis esse scias, illud necessitatis. Clarus autem sermo erit, præcepto triplici : Si verba in eo propria : si usitata, si collocata.

## CAPUT IX.

*De Simplicitate duplici, & ad hanc monita.*

**T**ertiam virtutem posui simplicitatem : intellectu duplici, quia & in stilo eam exigo, & in Mente. De stilo : certum, & veterum exemplo testatum est, simplicem eum esse debere, sine cura, sine cultu, simillimum quotidiano sermoni. Itaque Demetrius, ut Dialogum, Epistolam scribi vult : & ipse Cicero, (texti eam quotidianis verbis.) Seneca appositè : (Qualis sermo meus esset, si una sederemus aut ambulare mus,

mus, illaboratus & facilis, tales volo esse epistolas meas.) Quod feminas ornare dicitur, non ornari, hoc epistolam, quam sequi decor debet, non ab ea aut in ea affectari. At de mente: ita intellego, ut simplex quiddam & ingenuum in tota descriptione eluceat, & aperiat candorem quendam liberæ mentis. Nulla enim ex re magis natura cujusque & certa indoles elucet (Demetrio verè scriptum) quàm ex epistola. Itaque optima ea tibi repræsentanda, & imprimis illi ad quem scribis amica; ut inquam lenium affectuum, & benevolentia illud, ut sic dicam, saccharum, inspergatur, fiatque delectabilis, & ad legentis gustum. Quo in genere Cicero unicus, & unicè imitandus. Præceptis enim aliis res non continetur. Cautionem addo sive exceptionem: pro re interdum epistolam assurgere, & paullo studiosius scribi (ut in seriis:) sed tamen ita, ut simplicitatem totam non exuat, & ornamenta interdum habeat, lenocinia nunquam. Nam illæ quæ ad pompam & ostentationem ingenii scriptæ (quales Philostrati & Phalaridis, item Synesii & Plinii nonnullæ) nescio an tueri nomen veræ epistolæ apud judices veros possint.



## CAPUT X.

*Iunctim de Venustate & Decentia.*

**R**eliquæ mihi duæ virtutes *Venustas* & *Decentia*; etsi vix reliquæ. Utraque enim ejusmodi, ut admonere de ea breviter possim, non docere. Illa ab Ingenio tora est: hæc à Judicio: quorum utrumque spernit ligari præceptorum his vinculis. (Venustatem appello, cum sermo totus alacer, vivus, erectus est, & allicientem quandam gratiam Veneremque præfert.) Quod natura ferè dat, non nihil tamen & duplex hæc monitio. Primùm, ut Adagia Allusionesque ad dicta aut facta vetera, versiculos aut argutas sententias utriusque linguæ interdum immisceas. Secundùm, ut jocis salibusque opportunè condias: quos animam & vitam epistolæ esse, non fugiam dicere.

At *Decentiam* intelligo, id quod Græci τὸ πρέπον, quæ tum in epistola, cum omnia aptè & convenienter scripta. Quod fiet aspectu duplici: *Personæ* & *Rei*. *Personæ* dupliciter: si tuam respicis, & ejus ad quem scribis: *Rei* autem, simpliciter: ut omnia pro argumento: & sententiarum phrasiumque vestis apta sit corpori rerum. Magna hæc, sed oculta virtus: \* nec immeritò

Ci-

\* In Ora. ad Brutum.

\* Cicero monuit, (ut in vita, sic in oratione, nihil difficilius esse, quàm quid deceat, videre.) Nec verba hîc perdam: quia scio Judicii rotam hanc rem esse; quod à natura pete, non ab Arte.

\* In Orat. ad Brutum.

## C A P U T X I.

*Ad Sermone[m] distinctè transitum, eum parari Imitatione: ad hanc tria præcepta.*

*& primum de iis qui, & quando, legendi.*

**D**ixi universè de Sermone; magis distinctè ad partes ejus transeo, *Phrasim & Verba*. Illam appello, **VOCES DUAS AUT PLURES IN SENTENTIA JUNCTAS: HÆC, VOCES IPSAS SINGULAS.** In illis *Elegantia & Nitor* requiritur: in his *Latinitas & Proprietas*. Ea omnia hodie, vel ex *Auditu* haurienda sunt: vel ex *Lectiōe*. Ex illo leviter: quia nec adhærent audita animis, æquè ac lecta: nec est ferè ut optima audiantur, quia & rarus Latinus sermo, & pauci ea cura loquuntur qua scribunt. Itaque doctissimi ac disertissimi, sæpe in sermone alii: nec temerè exemplum vidimus, aut videbimus eloquentiæ, quam formavit Auditio sola. Lectio igitur magis ruta, magis utilis, sic tamen, ut *Imitatio* ei adjuncta sit: sine qua languida hæc, imo

vana. *Imitationem* dico, SERMONIS NO-  
 STRI AD SERMONEM VETEREM,  
 APTAM CONFORMATIONEM, ET  
 STILO EXPRESSAM. A qua (uno verbo  
 dicā) spes omnis crescēdi huic segeti Phra-  
 sium & Verborum. Nam Ars alia, quicquid  
 conentur, non magis disertos fecerit, quā  
 vates somnium in Parnasso. De illa igitur  
 cum cura & ad usum dicam: & quidem  
 hæc tria, (Quos & Quando legas: Quid  
 & è quibus feligas: Quid exprimas & quid  
 vites.) In primo: utinam ea copia scripto-  
 rum hodie, ut jure ambigua haberi hæc iis  
 possit! Pauci relictī veteres: quis contro-  
 verter, quin ii legendi omnes sint? nisi for-  
 tē nuper aliquot Itali, qui in arctum re-  
 ductam eloquentiam concluderunt finibus  
 tantum Tullianæ lectionis. O vani & fa-  
 stidiosī! non solum præter mentem ma-  
 gistrorum veterum, sed præter rationem  
 præterque usum. Quos nunc non re-  
 fello, & adhæsisse olim me scio paullo  
 juvenilius, donec repressit & revocavit  
 maturioris judicī frænum. Tu mecum,  
 omnes legendos imitandōsque tibi certō  
 statue: non simul tamen aut omni ævo.  
 Discrimen aliquod temporum est, quod  
 utiliter enotabo. Est *Puerilis* quædam &  
 prima, *Imitatio*: est *Crescens*, est *Adulta*.  
 In illa prima, Italorum hæresis mihi pla-  
 ceat:

ceat: & aliquamdiu Cicero non præcipuus solum legatur, sed solus. Cui fini? ut corpus scilicet illud & contextus orationis primum serio formetur uno quodam habitu, & æquabili sermonis filo. Nescio an idem censerem, si Calvus, Cælius, Brutus, Cæsar, & alii è classe Oratorum extarent. Sed, ut hodie res est, quis præter Tullium periodos, membra, numeros, & continuatam illam orationis seriem nobis suggererit? Aqua, me quidem iudice, necessarium initium faciendum juventuti. Ut pictor cum tabulam incepit, primum hominem totum delineat, colores mox aptos quærit, & addit cuique parti: sic mens Imitator, corpus eloquentiæ suæ former, pigmenta deinde variè conquirit. Nisi facit, (crede juvenis, aut serò credes) hiulca semper, incompressa, & è variis varia quædam stili forma gignetur, nec satis sibi constans, quotidie video, & peccati causam non ignoro, Cicero igitur primus primas teneat: & teneat solus. Sed quamdiu? pro ingeniis tempus definiam; in molliore aliquo, annum; in duriori, alterum etiam annum. Et addo non inutiliter, sub hanc ipsam curam, Manutii epistolas, Sadoleti, Bembi, Bunelli, atque in primis Longolli nostri, legi posse. non quia ipsi (liberè dicam) valdè probi, sed quia puerili



rili quodam affectu Ciceronis illam orbiam anxio pede presserunt, ideoque per eorum vestigia tutior & facilior tibi cursus. At in *Crescentem* & *Iuvenilem* Imitationem alios admitto: sed successu tamen, nec ut saltu pergas, sed per quosdam velut gradus. Itaque meo consilio, eos hanc primum ad eas qui à Cicerone minimum abeunt, & qui copiâ, suavitatem, fluxu dictionis, referant beatam illam facilémque naturam. Qualis Fabius in primis, & non nihil Q. Curtius, Vellejus, Livius, Cæsar: similiores futuri, nisi retinisset & sterisset alia species argumenti. Hos igitur tunc lege, sed leviter: at cum omni studio Plautum & Terentium, qui semel corpore illo Sermonis & tanquam ædificii formâ constitutâ, utilissimè adhibebuntur ad poliendas omnes partes. Verborum proprietas à quibus petatur melius? à quibus Phrasium ille nitor Atticus? Jam venus, & lepor & comitas à quibus uberius hauriatur, quàm à meo comico? Plautum enim hic solum intelligo, & præpono (nec impono: quia ex animo ita sentio) omnibus, qui in Latine aut Græciâ imbuerunt chartaceum hoc æquor. Hi ad Epistolam (de Orationibus enim aliter censeo) & familiarem scriptiorem imprimis apti; quia reverâ epistola quid aliud, quam cottidiana dissertio? ut  
 non

non errarit Artemo apud Demetrium, qui censer eodem modo Dialogum & Epistolam scribi. Et Plinius ab eâdem causâ, epistolas marronæ cujusdam dilaudans, cum Plauto & Terentio metro solutis eas componit. Quin ipsum Plinium, in secundâ hac classè jure colloco, tersum; acutum, nitidum; sed non sine deliciis molliculum interdum, & parùm virum. Cui comitem novum do, sed majorem novis, Etruscum illum Angelum, qui (nisi quod affectatæ interdum & quæsitæ in eo argutiæ) cum illis ipsis priscis pari passu decurrere posse videatur Epistolarum hunc campum.

Hoc velut tirocinii biennium sit: quo manus hæc stili coërcenda nonnihil intra puram rogam. cui jam deinceps, in *Adulla* Imitatione, liberè permittam exerat se & vagetur per scriptorum omne genus. Legat, videat, & flores ex omni prato carpat ad Eloquentiæ hanc corollam. Sed in primis suadeam Sallustium, Senecam, Tacitum, & id genus brevium subtiliumque scriptorum jam legi; quorum acuta quasi face luxuries illa paulisper recidatur, fiatque oratio stricta, fortis, & verè viriliis.

Finii de parte prima: nisi quod leviter addo: perutile futurum eundem illum Ciceronem legi quotidie & relegi, vespertinis præsertim horis, &, si oportunitas feret, sub-

sub ipsum somni tempus. Mens tunc nescio quomodo melius arripit, retinet & concoquit per quietem. Tenta, reperies in levi monito non leve momentum.

## CAPUT XII.

*De Excerptis, quo ordine ea restituenda, & à quibus singula carpenda.*

**Q**uid seligas & à quibus, partem feci alteram, de qua etsi exemplis dicere facilius possem, quàm scriptis, tamen breviter hæc habe. Lectionem ipsam non sufficere, ne repititã quidem, imò nec in felicissima memoria: sed opus esse *Excerptis* quibusdam & *Notis* rerum verborumque singularium, quas imitemur: quæ excerpta Memorialibus libellis, tam quam ærario, contineri velim, unde sermonis illæ opes, per tempus, & ad usum promantur. Fieri autem libellos triplices: unum quem *Formula*rum dixerim; alterum, quem *Ornamentorum*; tertium, quem *Dictionis*. Duo illi ad sermonem universum magis pertineant, tertius ad distinctum. In primo, *Formula*æ mihi duplices: Ad contextum istæ, *Ordiendi, Narrandi, Continuandi, Trans-eundi, Abrumpendi, Claudendi*: Ad Materiam, istæ: *Rogandi, Gratiâs agendi, Operam offerendi, Laudandi, Vituperandi, Asseverandi*:  
K & quic-



& quicquid litterarum rerum communium est, quæ in epistolam creberrimè incurrunr. Secundus, *Ornamentorum* liber est, in quo distinctè & per capita collocaverim hæc : *Similitudines*, *Allegorias*, *Imagines*, *Acutiora dicta*, *Sententias*, & si qua ejusmodi illustria lumina sermonis. Tertius, *Phrasionis*, quam divido in duas partes, *Phrasium* & *Verborum*. Phrases quidem enotari velim, quæcunque insigniores aut nitidiores occurrent : Verba, quæcunque rara, nova, novo sensu sive flexu usurpata. In Phrasibus dispositionem non viderè ; nisi quòd seorsim eas poni velim, pro discrimine scriptorum : Tullii solas, Plauti & Terentii solas, Historicorum solas : quod quisque pro judicio suo aut industria facito. In verbis ordinem solùm servem Alphabeti. Hæc sunt quæ selegi velim. Sed à quibus ? non enim promiscuè ab omnibus : sed ad judicium paucis tibi sic præibo. *Formularum* liber à Cicerone maximè compleatur : addo Plinium ; Politianum, aut si quid aliunde transferre aut haurire poteris opportunè. *Ornamentorum*, à Cicerone, Eabio, Plinio, Historicis, Seneca, etiam à Græcis, & imprimis à Plutarcho. *Phrasium* exempla à Cicerone maximè, & Comicis petantur : nonnihil ab Historicis, atque etiam ab aliis, quos non attigi, Var-



INSTITUTIO EPISTOLICA 219  
rone, Agellio, Suetonio, Jurisconsultis,  
imò & interdum Appulejo.

*Verbrum*, uno verbo, ab omnibus: nec  
inutiliter etiam à Grammaticis & Glossa-  
riis antiquis.

---

### C A P U T XIII.

*De expressione & formatione Stili, per tria  
genera Imitationum.*

**T**ertium illud utilissimum sequitur,  
Quid exprimas, & quid vites. Frustra  
enim priora illa duo, si non istud: nec le-  
ctio aut selectio adjuverint, sine proba ex-  
pressionem. Ea ut talis sit, per triplicem  
Imitationem distinctè te ducam, & quid  
sequare in unaquaque dicam, & quid vi-  
tes. In *Puerili*, duo hæc tibi propono.  
Primò, ut formulas imprimis & communia  
illa contextus totius imitare: secundò, ut  
ductum, numèros, lineamenta & faciem  
Tullianæ orationis. Et imitare, non indu-  
striè solùm sed pænè adfectatè & cupide:  
sic inquam, ut color quæsitus & fucus  
appareat, imò & furtum. Ut pueros nihil  
pudet, cum scribere discunt, per singulos  
litterarum apices aliena manu duci: non  
item hîc tu Clausulas, membra, & periodi  
cujuspiam partem cum venia sæpe inferes,  
& Centonem è Tullii purpura contexes,

paullo post daturus tuam. Exercitii genus quod olim in Germania huic rei proposui, dicere operæ pietum habeo, e si non distare. Fuit tale. Hæc sequere : quid fugies? nihil, nisi ea quæ Grammatici vitant. At in *Crescente*, crescat mihi paulisper iudicium, & servari præcipiam hæc tria. Primum, ut in furtis jam verecundior sis; non enim ultrà decet. Secundum, ut in Formulis exprimendis remissior; non enim ultrà opus. Sicut digiti in citharâ ægrè & cum intentione initio ponuntur, iidem postea ad chordas & numeros spontè veniunt : sic mens istis paulum assuefacta. Tertium, ut Phrases & Verba meliora undique assumas : & formes, ut sic dicam, cutem illam orationis tuæ externam. Atque hæc sanè præcipua hîc cura. quid vitandum? vitium agnatum Verborum delectui, nimia asperitas, aut antiquitas. Quod in Comicis imitandis præcipuè mihi cave, & ne quid aut sordidum ab iis dictio tua trahat, aut obsoletum. Nam ut imperiti pictores in facie exprimenda, rugam, narvum, verrucam facilè imitantur, indolem negligunt, & ipsam vultum : sic sæpe adolescentes rara aut exstantia verba excerpunt, ingenium omittunt & genium dictionis. Quæ autem verba sordida? quæ jacent, repunt, à face vulgi & è triviis sum-

sumpta, nec nisi iudicio discernenda. Quæ obsoleta? noræ duplicis: Natura & Opinione. Illa dixerim; quæ revera talia sunt: hic, quæ sensu dumtaxat vulgi. Nam hodie ira invaluit, ut quicquid ignotum, nec tritum auribus imperitorum, obsoletum censeatur, quamquàm ab optimis auctoribus petitum, & ab optimo illo ævo. Priora igitur aut planè vitabis, aut non nisi cum excusatione & interfatiuncula utâris: ista etiam appetes & intexes sermoni tuo tamquam gemmas. De quo toto genere, opportunius monebo & instruam per exempla. Superest Imitatio ultima, sive *Virilis*: in qua hoc præcidio, non tam exteriorem illum ornatum spectari debere. quàm virtutes & cultum internum: id est, Figuras, Imagines, Acumina, & ea quæ appellavi Ornamenta. In quo una cautio, ut cum oratio perfici jam incipiat & summa illi manus imponi *ἡγεμονία* viretur. Ea est, nimium cultus studium, & sine modo. Quod per te ægrè videas aut vires: felix cui doctor hic aliquis aut monitor amicus.

Hæc dictanda mihi nunc super Epistolis censeui: cum fructu nonnullo eorum, spero, qui audierunt; vereor ut exiguo, qui tantum legent.

*mus, suspendimus, aut deponimus sermonem.* Comma sustinet, Colon suspendit, Periodus deponit, *Hac virtus Distinguendi* (ait Fabius) *fertasse sit parva, sine quâ tamen esse alia nulla in agendo potest.* En momentum, quod in Sermone habet: quid si majus etiam in Scripto dicam? Nam hercules confusa tota lectio & intellectio, nisi notæ suæ dividant & quasi manuducant. Quid igitur ea est? *Notandi certa ratio, quâ secamus & partimur, scriptionem.* Ea quæ veteribus fuerit, quærunt: ego amplius, an fuerit, quæro. Nam prisca omnia monumenta, lapides, tabulæ, æta legum aut orationum: in quibus omnimoda adhiberi ea potuit: nullam præferunt aut habent. Nisi hanc tamen, quâ singula verba punctis suis disparant & secernunt: sed punctis uniusmodi semper & pari formâ, Quæ res, ut verum fatear, turbet magis & sistat lectorem, quàm transferat & adjuter. Quod de lapidibus dico, ad libros etiam priscos traho: nec in iis Distinctionum illæ variantes notæ. Ut alios omittam, exstant nobiles illæ Pandectæ Etruscæ, à Justiniani ævo: quære, non dabunt. Quid ergo? ante Justiniani ævum non fuerunt? mox videbo: sed tamen antiquitûs omnino, haud puto. Atqui Cicero & alii videntur agnovisse. ut Crassus apud



eum loquens inducitur: \* *Non librariorum notis, sed verborum & sententiarum modo, interpunctas clausulas in orationibus veteres esse voluerunt.* En notas à librariis, & quidem in clausulis, & gratiâ interpungendi. Idem pro Murænâ, in Jurisconsultos illudens: *eos in singulis litteris, & interpunctionibus verborum occupari.* Significat sensum mutari, & cautionem vel cavillum esse, ex interpunctis. Quid Seneca, nōne clarè? Nos, inquit, *etiam cum scribimus, interpungere solemus.* Ecce *interpuncta*, & quidem *sollemnia in scribendo.* Hæc sistant, aut viâ illâ sententiæ ejiciant: sed nescio an providum & sagacem. Nam prior Tullii locus possit planissimè altroversum duci, quasi dicat, Veteres ideò non usurpasse in clausulis interpuncta, ne ea potiùs, quàm modum & modulum, in verbis, considerarent. Locus alter, dicat Juris interpretes in minutis occupari, scrutari in contractibus apices litterarum, & puncta verborum: quia nempe ambigua sæpe hæc ista, & ad anteriora aut sequentia ducenda. Id enim eveniebat in illis solitariis punctis, quæ verba, ut dixi, singula, non membra aut sensus secernebant. In Senecâ hæc reò. & an dicit, spiritum stilumque hominis naturaliter etiam pausare in scribendo, & interquiescere cum sententiâ: non rapidè

semper, & torrentis vicem, ferri? Profectò dicit: vide. Nam tota ejus dissertatio est contra præcipites illos & effusos in loquendo, & cursu verba convolventes. Quando igitur origo? nam res tam utilis, &, quod caput, tam obvia, ad quam Natura ipsa ducit, non debuit, non potuit diu quæri. Dicat aliquis sub Hadriano cœpisse. quia in Suidâ \* lego de Nicanore quodam Grammarico ejus ævi, scripsisse *ᾧ ἐὶ σὺ-  
μης ἔ κηθόλιν βιβλία ἑξ*: De Interpunctione in genere libros sex: itemquæ partitè, *ᾧ ἐὶ σὺ-  
μης ἔ παρ ὁμήρω κὶ ἔ ᾧ ἐὶ κηθιμάχῳ*: De interpunctione apud Homerum, & apud Callimachum: neque aliud egit aut scripsit, ita ut per jocum *συμμετίας*, Interpunctus, aut *Compuunctus* (servile convicium est) vocaretur. Potuit igitur tunc agitari de inducendâ, etsi nondum vulgò inductâ. Certissima, quam reperio, mentio est in Diomedæ Grammatico †: qui appositionem puncti (ita loquitur) in triplici differentiâ agnoscit. Differentia est, quæ clariùs apud Cassiodorum ‡ sic expressa: *Sed ut his omnibus addere videaris ornatum, Posituras quas Greci θείας vocant, id est puncta brevissima pariter & rotunda, & planissima, singulis quibusq; pone Capitibus, præter translationē sancti*

K 5

Hie-

\* In Νικάνωρ. † Lib. 11. cap. \*De Pronunciat.

‡ Lib. 1. Instit. Divinar. Lect.

Hieronymi, quæ colis & commatibus ornata consistit. quoniam illustrem faciunt orationem, quando suis locis aptata resplendent. Nam si corpus nostrum indiget per membra cognosci, cur lectio, cum suis partibus videatur esse distincta, confusa relinquitur? Iste quidem Positura seu Puncta, quasi quædam via sunt sensuum, & lumina dictionum, quæ sic lectores dociles faciunt, tanquam si clarissimis expositoribus imbuantur. Prima est Media; secunda, Subdistinctio; tertia, Plena. Quas à maioribus nostris idè constat inventas, ut spiritus longâ dictione fatigatus, vires suas, per spatia decreta (sive discreta) resumeret. Quas si magis cupidus lector agnoscere, Donatum lege, qui te possit de hac re, brevi compendio instruere. Pleraque omnia hîc habes: Nomen, Usus, Discrimen. Nam veteres Posituras vocarunt: atque ita Isidorus \* Positura, inquit, est figura ad distinguendos sensus per Cola, & Commata, & Periodos dicta, vel quia punctis positis annotantur; vel quia ibi vox, pro intervallo distinctionis, deponitur. Ex nomine novitio (hoc quidem sensu) vides rem non esse perantiquam. Addit Usus, qui liquet. Discrimen deinde, triplicem eam esse, Mediam, Subdistinctionem, Plenam. Isidorus autem ita: Sunt tres Positurae. Prima Subdistinctio dicitur: eadem & Comma. Media distinctio sequens

\* Lib. 1. cap. 19.

est : ipsa & Colon. Ultima distinctio, quæ totam sententiam claudit; ipsa est Periodus. Talia Diomedes : & consentiunt etiam in Notis, quæ, Isidori verbis, sunt istæ. Vbi in initio pronuntiationis necdum plena pars sensus est, fit Comma : Punctusque ad imam litteram ponitur. & vocatur Subdistinctio, ab eo quod Punctum subius, id est ad imam litteram accipit. Vbi autem in sequentibus jam sententia sensum præstat, sed adhuc aliquid superest, fit Colon, mediamque litteram puncto notamus : & Mediam distinctionem vocamus, quia Punctum ad mediam litteram ponimus. Vbi verò jam per gradus plenam sententia clausulam facimus, fit Periodus : Punctumque ad caput litteræ ponimus, & vocatur Distinctio. Ubi vides aliam à nostrâ Distinctionem fuisse, quod ad notandi posituram aut signum. Nam idem Punctum manebat, sed locis variabat. In fine Cassiodorus remittit ad Donatum : & sunt eadem ista etiam hodie in illo mutilo & fracto. quid opus verba reddere ? Nos variasse isto ævo, non ignoras. & viros doctos plenius paulò distinctinxisse, in Comma, Semicolon, Colon, Periodum. Comma, ubi minima respiratio est, & semicirculo notamus, Semicolon, ubi paullo major, nec ad Colon tamen accedis, notamusque : quod locum sæpe habet in Contrariis, aut Disjunctis, aut variâ Partitione.



Colon autem, sententiâ in parte perfectâ,  
 sed etiam crescente, & signamus duo pun-  
 cta: At *Periodi* nota est punctum, longæ  
 sive brevis. Nam & breves *Periodi* sunt  
 (in epistolis creberrimè) quasi membra:  
 & hæc ipsa Punctus signet: sed cum dis-  
 crimine, ut grandiore capitali litterâ non  
 excipiantur. Ista de Distinctione vereri, &  
 nostrâ, sed in unâ *Periodo* aut sensu. Est  
 alia, quæ veterum fuit, nunc desit, meo  
 voto revocanda. Perversus libros divide-  
 bant, & curiosè librarii subnotabant: quod  
 vetus esse, & ab Asconii, id est Claudii  
 ævo, apparet. Nam is in *Commentariis*,  
 verba Ciceronis cùm citat & advocat:  
*Versu*, inquit, à primo DCCCL. Item: *Versu*  
*circiter* ̄. XI. iterumque: *Circa versum* à  
 primo LXXX. *Versus* appellat. ut & Græci  
 ὁμοιοσ. Nam ita Diogenes de Aristotele:  
 Libros ejus omnes continere μυριάδας σικων  
 τέτραρες, καὶ τετρακοντα, ἀπὸ τοῖς πεντακί-  
 λους καὶ Ἀλκοκίοις ἐβδόμηκοντα quadringen-  
 ta quadragintaquinque millia versuum, item-  
 que ducentos septuaginta. Item de Chrysi-  
 po, qui πολυγραφώτατος fuit, in diem scrip-  
 sisse versus quingentos. Plinius de Zoroa-  
 stre: vicies centum ab eo millia versuum con-  
 dita. Galenus, Lyci cujusdam commenta-  
 rium se legisse, adeò prolixum, ut quinque mil-  
 lia versuum contineret, In Divo Hierony-  
 mo,

mo, epistolâ ad Magnum, oratorem Rom. Scripserunt contra nos Celsus atque Porphyrius: priori Origines, alteri Methodius responderunt. Quorum Origines octo scripsit libros, Methodius usque ad decem millia procedit versuum: Iterum ad Damasum, Episcopum Rom. Quos mihi jam pridem dederas Lactantii libros, idè non libenter lego, quia & plurima epistola in eis usque ad mille spatia versum tenduntur. Denique Justinianus in Pandeſtis suis quindecim myriales versuum esse. Ex quibus omnibus liqueat, certam & perpetuam distinctionem in Versus fuisse, in omni volumine & descriptione reperiendam, Sed fueruntne igitur veri Versus, sive lineæ? Hæremus. si fuissent; quomodo in membranâ aliâ atq; aliâ sic caderent? quomodo in litterâ majore aut minore, ut solet? Nisi quis putat aut variasse per libros: aut certos modulos cuique volumini tributos, quos velut lege servarent. Tale aliquid Isidorus: *Quadam nomina librorum apud antiquos certis modulis conficiebantur breviorè formâ Carmina atque Epistola: at verò Historia majore modulo scribebantur.* An satis huc faciat aut firmet, nescio: possit tamen aliquis & Versus explicare membra minuta, & sectiones sic institutas. Hieronymum auctorem habeat: qui alibi \* *Prophetas versibus descriptos*

\* Lib 6. \* *Trafat. Isai.*



à se fatetur : & communiter de libris Sacris, \* *Silvam nominum, sensuumque barbariem per cola versuum digessisse*. Neque aliud sanè vult, quàm quod Cassiodorus : *Primum D. Hieronymum, propter simplicitatem fratrum, colis & commatibus ordinasse translationem suam*. Et idem alibi † : *Translatio sancti Hieronymi colis & commatibus ornata consistit*. Ergo idem isti *Versus* (Hieronymo quidem) quod *Cola & Commata* : & quid autem ista ? nil nisi *Membra*, & *Sectiones*. Nam sic hodieque *Biblia* illa *Sacra* utiliter legimus distincta, & ipsi *Versus* appellamus. Notat autem idem sanctus scriptor, \* exemplo prisco se hoc fecisse : *quia idem*, inquit, *in Demosthene & Tullio fieri solet, ut per cola scribantur & commata*. Cave accipetis de Interpunctis, eo nomine : fallêris. quod dixi intelligunt : & ita Demetrius definit, *Colon, aut simplicem periodum, aut composita periodi partem*. Ita Cicero † *Commata* sententias accisas & breviores, sed plenas : ita & Hermogenes genus tale sermonis, *περματικὸν καὶ ἀγαντικὸν* appellat. Hæc igitur fuisse videntur. si non ; ut nunc sint, & exemplum illud Hieronymianum usurpetur, consilium meum sit & votum. Valdè ex usu lectorum, & eorum

\* Proleg. in Paralip. † Lib. I. Instit. div. Lect.

\* In Esai. † In Orat. ad Brutum.

AD HUBERT. AUDEANT. 231  
rum qui excerptum aut subnotatum aliquid volunt, hoc esset. cùm ecce Livium, Ciceronem, tales, non nisi per libros, aut orationes divisos habemus: & longum nec promptum in totis iis aliquid quærere; facile & obvium, si Versus designarent. Industrius aliquis vir facere debeat, & Typographi imitari. Vale, & ad nos quàm maturrimè veni.

---

J U S T I L I P S I I  
D E  
B I B L I O T H E C I S  
S Y N T A G M A.

C A P U T I.

*Bibliotheca, & Libraria, quid? Reges  
veteres habuisse, atque illos Ægypti.*



BIBLIOTHECA tria significat, *Locum, Armarium, Libros*, Græca vox Latinis in usum etiam venit, & quamquam *Librariam* dicunt, tamen verisimile magis est eâ voce tabernam capi, in quâ venales libri exstant. Sed Bibliothecarum res verus, & nisi fallor, cum ipsis litteris adinventæ. Nam simul



mul ac scire & sapere natum est, mox etiam scribere; & istud esse cum fructu non potuit, nisi ut libri adservarentur & disponerentur, & ad præsentium & posteriorum usum. Privata primùm ea cura, & quisque sibi suisque struebat: postmodum Reges & Dynastæ usurparunt. nec in usum solùm, sed ambitionem aut splendorem. Sanè multos congerere, vix fuit privati hominis aut census: cùm tarda & impendiosa descriptio esset: donec utilissima hæc Typographia rem in compendium misit. Qui primus Regum illustrem habuit (quod memoria server) is fuit Olymanduas, Ægypti. qui inter alia operum præclara, *Sacram Bibliothecam struxit, & in ejus fronte præscripsit, Ψυχῆς ἰατρειῶν:*

## ANIMI MEDICA OFFICINA.

Ita Diodorus \*. & quamquam ille inter veteres Regum fuerit, non tamen dubito exemplum, si non ipsam rem, mansisse, & in Ægypto Bibliothecas semper aliquas exinde exstitisse: idque in templis præcipuè, & sacerdotum curâ. Multa argumento, tum & illud de Homero: quem Naucrates † quidem plagii accusat, & in Ægyptum cùm venisset, libros repperisse *Phantasia* sæminæ, quæ Iliadem atque Ulysseam scripserit, & *Memphi in templo deposuerit Vulcani*. Homerum igitur vidisse,

\* Lib. 1. † Eustat. Præfat. Odyss.

sibi adscripsisse, & edidisse. Quæ in viro, opinor, falsa, rem tamen & morem firman-  
t.

## CAPUT II.

*Alexandrina Bibliotheca, cui Philadelphus primus & precipuus auctor. Varietas & numerus ibi librorum. Combusta, & iterum instaurata.*

**S**ed reliquæ ibi in obscuro sunt, Ptolomei Philadelphi Regis in magnâ luce & laude fuit. Is Ptolomei Lagi filius, secundus eo nomine & stirpe Ægypti regum: artium & ingeniorum cultor, & quod adhæret, librorum. Itaque Alexandriæ ingentem Bibliothecam composuit: instructione & exemplo Aristotelis adjutus, imo & ipsius ejus libris. Nam Aristoteles, ut post dicam, copiâ & dilectu insignem Bibliothecam adornaverat. de quâ Strabo \* :

Ἀριστοτέλης πρῶτος, ὡνίστην, συναγαγὼν βιβλία, καὶ διδάξας τὰς ἐν Αἰγύπτῳ βασιλείας βιβλιοθηκῆς σύνταξιν: Aristoteles, primus, quos norimus, collector librorum fuit, & reges in Ægypto docuit Bibliotheca structuram. Quæ tamen cautè & cum suâ interpretatione legenda: nec enim vel primus omnino fuit: & certè ævo anterior, docere Philadelphum hunc non potuit, nisi  
ut

ut dixi exemplo. Hoc fortasse verum, quod Athenæo scriptum † *Aristotelem*, *Theophrasto* libros reliquisse, huic *Neleo*. à quo eos mercatus *Ptolomæus*, cum iis quos *Athenis* & *Rhodi* cœmerat, omnes in pulchram *Alexandriam* transferri curavit. Et si alii tamen dissentiunt, ut in loco dicam. Sed bibliothecam igitur ille undique, & omne genus libris, instruxit: etiam sacris, & è *Judæâ* petitis. Nam cum aures ejus fama tetigisset *Hebrææ* sapientiæ, misit qui libros deposcerent, & idoneos simul homines conduxit, qui in *Græcam* linguam verterent, communi omnium usui. Ea interpretatio est, quam *Septuaginta*, à numero scilicet qui operam dederunt, dicunt. Id evenisse anno ejus regni xvii. *Epiphanius* \* tradidit, Olympiade cxxvi. Præerat Bibliothecæ, vir scriptis & factis illustris, *Demetrius Phalereus*, exul à suis *Athenis*: & quem rex benignè habitum adhæc & majora ministeria admovit. Idemque à *Chaldæis*, *Ægyptiis*, *Romanis* etiam libros petivit, & pariter in linguam *Græcam* transfundi curavit. De quibus *Georgium Cedrenum* † capio: *Philadelphus* libros *Sacros*, *Chaldaicos*, *Ægyptios*, & *Romanos*, aliosque diversilingues in *Græcam* omnes converti curavit, in universum ad centum

† Lib. 1. \* De ponder. & mensur. † Lib. 2.



*tum millia voluminum. quæ omnia in bibliothecis suis Alexandria reposuit : Duo noto, & curam peregrinos libros vertendi, utilem meo animo, & vobis PRINCIPIBUS etiam nunc usurpandam : & numerum librorum, grandem satis, sed non pro vero, si de universis capiamus. Quod abnuo, & Cedrenni mentem de conversis tantum esse arbitror : atque ipsos primogenios Græcos, longè superasse. Hoc alii scriptores dixerint, qui valdè adaugent. ut Seneca noster.\* : *Quadringenta millia librorum Alexandria arserunt, pulcherrimum regie opulentie monumentum. Sanè pulcherrimum, & supra gemmas omnes vel aurum: sed quantò pulchrius, si uberiùs? Nam nec is Senecæ numerus ex vero satis, & ad Septingenta millia redigendus. Josephus † doceat, qui tradit Demetrium (illum Præfectum, de quo dixi) aliquando interrogatum à Philadelpho, quot millia librorum jam haberet? respondisse, ducenta millia admodum, sed sperare brevi ad quingenta. Vides, quàm auxerit: sed quantò magis postea, atque etiam alii Reges? Profectò ad Septingenta millia venerunt, Agellio disertim scribente ‡: *Ingens numerus librorum in Ægypto à Ptolomais regibus vel conquistus***

(em-

\* De Tranq. cap. 9. † 12. Antiq. cap. 11. & Eusebius de prepar. lib. 8. ex Aristea. ‡ Lib. 6. cap. ult.



(emptione) vel confectus (descriptione) est, ad millia ferme voluminum septingenta. Idem Ammianus, verbis statim dandis: idem Isidorus, sed emendandus: *Septuaginta millia librorum Alexandria, Philadelphi temporibus, inventa sunt.* Scribendum, inquam, *septingenta.* O thesaurum, sed in re æternâ non æternum! Nam totum hoc quidquid fuit librorum, bello civili Pompejano perit, cum Cæsar in ipsâ urbe Alexandriâ bellum cum incolis gereret, & tuitionis suæ causâ ignem in naves misisset; qui & vicina navalibus, ipsamque Bibliothecam comprehendit & absumsit. Triste fatum, & Cæsari (etsi absque destinatâ culpâ) pudendum! itaque nec ipse in tertio Civilium, nec Hirtius deinde meminere: alii tamen; ut Plutarchus, Dio, etiam Livius, uti ex Senecâ facile est haurire. Nam post superiora illa verba, addit: *Alius laudaverit, ut Livius, qui elegantia regum curaque egregium id opus ait fuisse.* Sunt ipsa Livii verba, ubi de hoc incendio: & justo elogio in rem & Reges. Sed de hoc tristi igne etiam Ammianus\*: *Inter templa eminet Serapeum, in quo Bibliotheca fuerunt inestimabiles? & loquitur monumentorum veterum concinens fides, septingenta volumina millia, Ptolomais regibus vigiliis intentis composita, bello Alexandrino, dum diripitur*

\* Lib. 22.

*civitas , sub Dictatore Casare conflagrasset. Ipse in direptione evenisse vult : itemque Agellius\*. Ea omnia volumina, inquit, bello priore Alexandrino (ad discrimen ejus, quod sub Antonio) dum diripitur civitas non sponte neque operâ consultâ, sed à militibus forte auxiliariis incensa sunt. Excusat verò ipse non Cæsarem tantum (quo quid librorum aut ingeniorum amantius?) sed Romanos milites, & culpam hanc ad externos auxiliares ablegat. Ceterum de direptione, non ita Plutarchus aut Dio: quos est videre. Hic igitur finis nobilis Bibliothecæ, Olympiade CLXXXIII. cum vix CCXXIV. annos fuisset. Et si revixit tamen, non eadem (qui id potuit?) sed consimilis, & eodem loci, id est in Serapéo, collocanda. Auctor reparandi Cleopatra, illa amoribus Antonii famosa: quæ ab eo in auspiciis & velut fundamentum operis impetravit Bibliothecam *Attalicam* sive Pergamenam. Itaque totam cum dono cepisset, & transferri curasset, iterum adornata auctaque est, & Christianorum etiam temporibus, in vitâ & famâ fuit. Tertullianus†: *Hodie apud Serapéum, Ptolomæi Bibliotheca, cum ipsis Hebraicis, litteris, exhibentur.* Nota, apud Serapéum iterum fuisse, id est in ejus porticibus: atque id vicinum portui & nâvalibus, ex*

\* Lib. 6, † Apolog. cap. 18.

Srabone aliisque discas. Nota, & *Ptolomæ Bibliothecas* dici: etsi reverà non illæ jam essent sed consimiles, & primogenii illi Hebraici libri, unaque LXX. interpretatio, flammâ periissent. Tamen ecce, tanta auctoritas & fides ab antiquo ejus Bibliothecæ, ut Tertullianus gentiles eò advocet aut amandet. Credo steterisse, quamdiu ipsum Serapæum, immensæ molis & stupendi artificii templum. quod Christiani denique, Theodosii majoris imperio, ut arcem superstitionis, demoliti à fundo sunt, \* Ecclesiasticis scriptoribus traditum & laudatum.

\* *Ruffin. 2 cap. 23. itemque Socrates. & Sozomen. alii.*

## C A P U T III.

*Græca Bibliotheca. Pisistrati & Aristotelis præcipuè, itemque Byzantina.*

**A**Tque ista de Ægypti Bibliothecis repperi, pauca & parva fortasse de multis & magnis. Sed ævum scilicet absorpsit: quod & in Græcæ Bibliothecis liceat accusare. De quibus nobilioribus, strictim Athenæus †: ubi *Laurentium* suum ita in hoc studio parandorum librorum dilaudat, ut dicat eum, *Polycratem Samium, Pisistratum tyrannum, Euclydem Atheniensem, Nicocratem Cyprium, Euripidem*

† Lib. 1.

dem

dem poëtam, Aristotelem philosophum super-  
 asse. Et de omnibus istis singillatim non  
 habeo dicere: nisi de *Pisistrato*, cui & lau-  
 dem primi auctoris in hoc studio Agellius  
 adscripsit. Et sanè *Polycrates* ævo ferè con-  
 currit. Sed Agellii verba\*: *Libros Athenis*  
*disciplinarum liberalium, publicè ad legen-*  
*dum prabendos, primus posuisse dicitur Pis-*  
*istratus tyrannus.* Magnus vir (odiosum hoc  
 modò cognomen tolle) & cui Homerum  
 etiam digestum & correctum nunquam  
 soluturi debemus. Adeò Critica hæc cura  
 olim Principum, imò Regum, fuit. Ea Bi-  
 bliotheca ab ipsis deinde Atheniensibus  
 variè aucta, donec spoliavit & avexit Xer-  
 xes, Athenarum potitus. Sed eosdè, t  
 multis post annis, Seleucus Nicanor, Sy-  
 riæ rex, liberaliter remittendos Athenas  
 curavit, donavitque. Et mansisse deinde  
 ad Sullæ tempora, qui & ipse Athenas ce-  
 pit, diripuit, afflixit, postea ramen in-  
 stauratam, justè opinor. quomodo enim  
 mater artium, sine instrumento hoc libro-  
 rum? Imo plures ibi Bibliothecæ postea:  
 & *Hadrianus Imp. Iovis Panellenii* eadem  
*Athenis struxit, & in eâ Bibiiothecam, Pau-*  
*saniæ scriptum.* Sed de *Euclide*, quod ait  
 Athenæus: hunc Archontem fuisse, inter  
 primos ejus magistratus comperior: nec  
 ul-

\* *Lib. 6. t Olymp. 17.*



ultrà. De *Aristotele* autem, Strabo magnificè in verbis, quæ suprâ dedi: & addidi ex *Athenæo*, Bibliothecam ejus tandem ad *Ptolomæos* Reges venisse; etsi Strabo atque alii videantur negare. Nam ille ita\*; *Libros Aristotelis, qui ad Neleum venissent, ad posteros deinde transmissos, ineruditos homines; & qui sub clavibus eos, sine usu ullo habuissent. Denique sub terram conditos, à blattis & tineis vitiatos, tandem Apelliconi Teio magnâ pecuniâ addictos fuisse. Qui erosos lacerosque, describi, vulgari, etsi parum bonâ fide aut judicio curasset. Eo autem mortuo. Sullam Athenis potitum eosdem libros suos fecisse, Romam misisse, ibique Tyrannionem Grammaticum iis usum, atque (ut fama est) intercidisse, aut invertisse. Quibus similia aut eadem Plutarchus, in Sullâ. Quæ si vera, quomodo ad Philadelphum à Neleo venerint, Athenæo supra assertum? Nisi fortè (atque ego arbitror) ipsos quidem Aristotelis libros, ab illo, in quam, scriptos Neleus tenuerit, posterisque transmisserit, ut peculiarem thesaurum; at reliquam vim alienorum scriptorum, vendiderit Philadelpho. Neque memoratu digna alia de Græciæ Bibliothecis legere memini: & Romani haud dubiè pleraque talia ad se transduxerunt, Græcia jam potiti: nisi*

pla-

\* *Lib. 42.*

placet Byzantinam his accensere, quæ Principum ævo fuit. Nam Zonaras & Cedrenus tradunt, Basilisci imperio, Bibliothecam ibi conflagrasse, in quâ centum viginti millia librorum essent recondita: inter ea Draconis intestinum, cxx. pedes longum, cui aureis litteris Homeri Ilias atque Odyssea, fuerint inscripta. Et si hæc Thraciæ propriè, non Græciæ attribuenda.

## CAPUT IV.

*Attalica Bibliotheca, cui Eumenes auctor. Plinii & Vitruvii aliqua hic forè inconsiderantia. Quanta, & quàm diu fuerit.*

Sicut, & Attalica sive Pergamena, Asia; quæ proxima claritate ab illâ Alexandrinâ fuit. Nam Attalici Reges, è parvis progressi, cùm societate opibusque Romanis crevisserent: sedem regni Pergamum variè, tum & Bibliothecis, exornarunt. Eumenum, Attali Regis filium, auctorem huic rei Strabo prodidit\*: Eumenes, inquit, urbem instruxit, & donariis ac Bibliothecis, uti nunc est, elegantius excoluit. Et Plinius †, qui scribit, emulatione circa Bibliothecas Regum, Ptolomæi & Eumenis, supprimebat chartas Ptolomæo, membranas Pergami, ut Varro

L

au;

\* Lib. 13. † Lib. 13. cap. 11.

*auſtor eſt, reuertas. Cui paria Hieronymus, in Epistolâ ad Chromatium, itemque Ælianus tradiderunt: ſed Attalum, pro Eumene, nominantes. Enimverò de neutro horum ſatis convenit, ſi tempora examinas: quoniam iſti poſteriores Philadelpho, toto ferè ſæculo, fuerunt. Quomodo igitur, quod Plinius ait, æmulatio inter eos? Niſi hoc ſubvenit, Ptolomeum ſimpliciter nominari: qui alius à Philadelpho eſſe poſuit, & Ptolomeus Quintus, cognomento Epiphanes, cum Eumene vixit. Atque ille fortaſſe (quamquam de inſigni ejus ſtudio in Bibliothecas nihil præditum) chartam ſuppreſſit invidiâ, ne alter veterem illam novâ ſuâ æquaret. Sed error ſive inconſpectio clarior in Vitruvio \*, qui his verbis inſcripſit: Reges Attalici, magnis Philologia dulcedinibus induc̃ti, cùm egregiam Pergami Bibliothecam, ad communem delectationem, inſtituiſſent: tunc item Ptolomeus, infinito zelo cupiditatisque ſtudio incitatus, non minoribus induſtriis, ad eundem modum, contenderat Alexandria comparare. Quid? ut Attalici reges ante Alexandrinos in hoc ſtudio? ut exemplum ardoremque iſti ab iis ſumpſerint? Imò verò contrâ fuit, & peregerant jam, cùm nec illi cogitarent. Niſi & hîc placet de poſteriore aliquo Ptolomeo*

ad.

\* Lib. 7. initio.

adducere & velare, sed velare. Ceterum  
 Bibliotheca hæc nec copiâ, nec ævo Ale-  
 xandrinam æquavit. Nam de utroque isto  
 Plutarchus † scribit, Antonium III. vi-  
 rum, fascinatum amoribus Cleopatæ,  
 χαρίσασθαι μὲν αὐτῇ τὰς ἐν Περγῇ βιβλιο-  
 θήκας, ἐν αἷς ἑκοσι μυριάδες βιβλίων ἀπλῶν  
 ἦσαν: *gratificatum ei Bibliothecam Pergami,*  
*in qua essent ducenta millia singularium li-*  
*brorum*, id est voluminum. Hoc enim opi-  
 nor ἀπλὰ βιβλία dici, cùm in uno volu-  
 mine plures sæpè libri, quos non vult in  
 numerum hunc venire. Ergo ea ipsa sta-  
 tim post Alexandrinam periit, sed in eâ vi-  
 xit: an & in loco suo revixit? Certè Stra-  
 bonis suprâ verba si attendis, significant:  
 cum ait, *Vix nunc est*, excoluit. Quando  
*nunc?* Strabonis scribentis, id est Tiberii  
 ævo. Ut appareat aut reiectam ab Augu-  
 sto victore esse, qui pleraque irrita Anto-  
 nii fecit: aut certè exscriptam iterum, &  
 instauratam. De quo, præter suspicari,  
 non equidem dicam.

† In M. Antonio:

## C A P U T V.

*Romana Bibliotheca, privata: & prima  
 publica Asinii Pollionis.*

**A**Tque hæ Bibliothecæ, quas memo-  
 ratu dignas apud exteros reperi: ve-



niamus ad Romanas, situ & ævo magis propinquas. Satis enim tarda ibi hæc cura aut studium, apud Martis non Musarum proles: etsi, cum bono Deo, hîc quoque cultus & elegantia denique invaluit, parvis primò initiis, ut solet. Isidori notatio est: *Romam primus librorum copiam advexit Æmilius Paullus, Per se Macedonum rege devicto, deinde Lucullus è Pontica prada.* Duos nominat, qui libros advexere, sed publici usus aut juris non profus fecere. Et de Æmilio, haud ultrà legi: de Lucullo Plutarchus ubertim. *Laudanda ejus impensa, inquit, & studium in libris. Nam & multos, & eleganter scriptos, conquisiuit: eosque ut liberaliter paravit, ita etiam utendos dedit.* Patebant enim omnibus Bibliotheca, & in porticus adjectas atque exedras Græci præsertim recipiebantur: qui velut ad Musarium adem eò ventitabant, tempusque inter se jucundè traducebant, ab aliis curis liberi. Sæpè & ipse cum iis versabatur, & philologis se immiscebat, ad has porticus & ambulationes veniens. Ex quibus vides, ILLUSTRIS-  
SIME PRINCEPS, velut publicas fuisse has Bibliothecas, & quamquam jus mancipiumque sibi retineret, usum tamen eruditis concessisse: quod & benignè vos facere soletis. At verò tertium etiam his duobus licebat addere, Cornelium Sullam, postea Dictatorem: qui è Græciâ

Athenisque magnam librorum vim traduxit, & Romæ deposuit ac disposuit: quod præter Plutarchum, \*Lucianus etiam scripsit. Tamen his omnibus verè Publica Bibliotheca nondum structa: quam cogitationem primus magnanimus & magnificus ille Julius Cæsar concepit, ac, nisi fata interpellassent, effecisset: Suetonius de eo: *Destinabat Bibliothecas Græcas & Latinas, quàm maximas posset, publicare, data Varro- ni cura comparandarum ac dirigendarum.* O rem magni animi, atque item consilii! Nam quis in orbe terrarum huic curæ aptior M. illo Varrone, doctissimo inter Græcos Latinosq;? Sed destinavit Cæsar, non perfecit: Augustus, adoptione filius, inter alia ornamenta urbis & imperii, hoc quoque plurifariam adjunxit. Nam eo invitante atq; incitante, Asinius Pollio, orator & Senator nobilis (Suetonio narrante) *Atrium libertatis exstruxit*, atque in eo Bibliothecam duplicavit. Isidorus: *Primus Romæ Bibliothecas publicavit Pollio Græcas, Latinasque, additis auctorum imaginibus in Atrio, quod de manubiis magnificentissimum instruxerat.* De manubiis, inquit: nempe Dalmatarum, quos vicit. Item Plinius: *Asinius Pollio, primus Bibliothecam dicando, ingenia hominum rem publicam fecit.*

L 3

In

\* *Adversus indoctum, 1 Lib, 34, cap. 2.*

In Atrio Libertatis fuisse, id est in monte Aventino, ex istis constat: quod tamen instructum aut reparatum ab eo magis dixerim, quàm exstructum. Nam jamdiu antè id fuisse. & quidem à Tib. Graccho, patre Gracchorum, Plutarchus atque alii scriptores dicunt. Itaque ipse refecit, & ad hunc usum splendide conclinauit. De eo Ovidius capiendus\*:

*Nec me, qua doctis patuerunt prima libellis,  
Atria Libertas tangere passa sua est.*

Non enim viros doctos audio, qui hæc ad λέξις, sive conventum poëtarum, ducunt. Palàm libellus conqueritur, non receptum se in Bibliothecam Asinii quæ *prima patuit*, sive publicata est, *doctis libris*.

\* 3. Trist. eleg. 1.

## C A P U T VI.

*Augusti, Octavia; itemque Palatina.  
Præfeti & custodes iis.*

**A**Tque hæc igitur sub Augusto prima Publica fuit: duæ mox aliæ, ab ipso. Prior, *Octavia*, quàm sororis suæ memoriæ & nomini dedicavit. De eâ Dio Cassius, in ætatis anni dccxxi †. *Augustus Porticus & Bibliothecas, à sororis nomine Octavias dictas, exstruxit.* Et si Plurarchus\* tamen in ipsam

† Lib 49. \* In Marcello.

ipsam Octaviam transcribere hoc opus viderur. Εἰς ἃ μὲν αὐτῆς (Μαρκελλῆς) καὶ μνήμῃς Ὀκταβία μὲν ἡ μήτηρ τὴν βιβλιοθήκην ἀνέθηκεν, Καίσαρ δὲ θέατρον, ἀναγράψας Μαρκελλῆς : In honorem ac memoriam defuncti Marcelli mater Octavia Bibliothecam dedicavit, Caesar Augustus Theatrum, Marcelli nomine inscriptum. Falli Plutarchum opinor: quia Dionis quidem notario totis decem annis citior est Marcelli morte. Atque addit, ex *Dalmatarum manubiis* opera ea structa: miro concursu, ut prima atque altera Bibliotheca genti Barbaræ debeantur. De hac & Suetonius in *Melisso Grammatico*: Citò manumissus, Augusto etiam insinuatus est, quod eleganter curam ordinandarum Bibliothecarum in Octavia porticu suscepit. Nota, in ipsâ Porticu fuisse: quomodo? superiore ejus parte, uti arbitror, tutò & decorè: cùm inferior ambulationi modò esset, De hac Ovidius \* item sensit;

*Alterâ templâ peto, vicino junctâ theatro:*

*Hæc quoq; erant pedibus non adeunda meis.*

Nam & ab hac Bibliothecâ sperum se libellus queritur: & locum ubi fuerit, designat. Quem? vicinum Theatro Marcelli. *Templa* autem dicit, quia in hac Porticu *Iunonis ades* fuit, & nobiles in eâ statux:

L 4

quod

\* 3 Trist. eleg. 1.



quod Plinius dicit. Altera porro ab eodem Augusto Bibliotheca est, *Palatina*, à loco dicta: quia in ipso Palatio, Suetonius †: *Templum Apollinis in ea parte Palatina domus excitavit, quam fulmine ictam desideraria à Deo haruspices responderant. Additæ Porticus, cum Bibliotheca Latina Græcæque.* Id factum anno Urbis DCXXVI. ut ex Dionis LIII. initio discas. Itaque temporum ordinem in Bibliothecis recensendis Ovidius secutus est, cum primò *Asiniam*, tum *Octaviam*, denique istam *Palatinam* sic adnumerat:

*Inde timore pari gradibus sublimia celsis  
Ducor ad intonsi candida templa Dei.  
Signa peregrinis ubi sunt alterna columnis,  
Belides, & stricto barbarus ense pater.  
Quæque viri docto veteres fecere novique  
Pectore, lecturis inspicienda patent.  
Quarebam fratres, exceptis scilicet illis,  
Quos suus optaret non genuisse pater:  
Quarentem frustra, custos, & sedibus illis  
Præpositus, sancto jussit abire loco.*

Præter alia, ostendit & *Præpositum* sive *Custodem* huic loco fuisse: quem Suetonius facit *C. Iulium Higinum*. Is in Grammaticis celebris, præfuit, ut inquit, *Palatina Bibliotheca*, nec eò secius plurimos docuit. Imò seorsim *Græcæ* custodem suum habuit,

&amp;

& *Latina*. In marmore prisco : ANTIOCHUS. TI. CLAUDI. CÆSARIS. A. BIBLIOTHECA. LATINA. APOLLINIS. In alio : C. JULIUS. FALYX. A. BIBLIOTHECA. GRÆCA. PALAT. Et similes alibi inscriptiones. Hujus Bibliothecæ meminit & Plinius\* : *Videmus Apollinem in Bibliothecâ templi Augusti Tuscanicum*, quinquaginta pedum à pollice. Et si possis referre etiam ad Vespasiani Augusti Bibliothecam, quæ in Pacis templo fuit. Apertiùs de Palatinâ, idem Plinius alibi † : *Veteres Græcas litteras fuisse easdem panè, quæ nunc sunt Latina, judicio erit Delphica tabula antiquariis, quæ est hodie in Palatio, dono Principum Minervæ dicata in Bibliothecâ.* Hanc diutissimè Romæ mansisse, inducor credere verbis Io. Sarisberienſis, qui scribit ‡ : *Doctorem sanctissimum illum Gregorium, non modò Marcesim pepulisse ab Aula, sed ut traditur à majoribus, incendio dedisse probata lectionis.*

*Scripta, Palatinus quacunque recepit Apollo. In quibus erant præcipua, quæ celestium mentem, & superiorum oracula hominibus videbantur revelare. Notandum.*

L 5

CA;

\* Lib. 34 c. 7. † Lib. 7. c. 58. ‡ Lib. 2. De nug. Cur.

## C A P U T V I I.

*Tiberli, Trajani, Vespasiani, item Capitolina:  
alia ignota.*

**A**B Augusto igitur, artium ingenio-  
rumq; amantissimo Principe, duæ istæ  
fuerunt. quid ab aliis? aliæ. Videtur enim  
cetamen in hac re Principum fuisse, & ve-  
lut contendisse de palmâ. Ecce *Tiberius*  
statim ab Augusto, in ipso Palatio etiam  
struxit, eâ parte quâ Viam Sacram spectat.  
Nam illuc Tiberii domum fuisse, curiosi  
taliū hodie autumant: & in domo ejus  
hæc locatur. Ab Agellio: \* *Cùm in domus  
Tiberiana Bibliothecâ sederemus, ego & Apol-  
linaris. A Vopisco* \* *item: qui usum se scri-  
bit libris è Bibliothecâ Vlpia, item ex domo  
Tiberiana* Videtur & *Vespasianus* deinde  
struxisse, & adjunxisse templo Pacis. de  
quâ Agellius: † *Commentarium L. Ælii, qui  
Varronis magister fuit, studiosè quasi vivimus,  
eumque in Pacis Bibliothecâ repertum legimus.*  
Meminitque & Galenus \* *De Compositis  
medicamentorum.* Fuit item à *Trajano* alia  
de quâ etiam Agellius: \* *Sedentibus fortè  
nobis en Bibliothecâ templi Trajani.* Atque  
est eadem, quæ à gentili Principis ejus no-  
mine *Vlpia* passim nominatur. Vopiscus †:

*Hæc*

\* *Lib. 13. c. 18.* \* *In Trobo.* † *Lib. 16. cap. 8.*

\* *Lib. 1.* \* *Lib. 2, cap. 27.* † *In Aureliano.*

*Hæc ego à gravibus viris comperi, & in Vlpia Bibliotheca libris relegi. Iterumque : Et si his contentus non fueris, lectites Græcos, linteos etiam libros requiras, quos Vlpia tibi Bibliotheca, cum volueris, ministrabit. Hanc in foro Trajani initidè fuisse, ubi Principis ejus alia opera, facilè persuadeor : sed ævo mutasse, & translatam in collem Viminalem, ad ornandas Diocletiani Thermas, (an ab ipso Diocletiano?) Vopiscus inducit. *Vsus sum, inquit, præcipuè libris ex Bibliothecâ Vlpia, atate meâ Thermis Diocletianis.* Cum disertè de sua dicit, ostendit igitur, aliâ atate aliter fuisse. Reperio & Capitolinam, in urbe. de quâ Eusebius, in rebus Commodi Imperatoris : *In Capitolium fulmen ruit, & magnæ inflammatione factæ, Bibliothecam, & vicinas quasque ades, concremavit.* Uberiùs hoc ipsum ita Orosius : \* *Flagitia regis poena urbis insequitur. Nam fulmine Capitolium ictum, ex quo facta inflammatio Bibliothecam illam, majorum studio cura-que compositam, adesque alias juxta sitas, rapaci turbine concremavit.* Quis tamen ejus auctor? adserere haud liceat, divinare libeat, Domitianum fuisse. Nam ille, servatus olim in Capitolio, templum ibi Princeps struxit, quid si & hanc Bibliothecam? Et si nemo tradit, qui nunc exstant : † Sue-*

\* Lib. 7. cap. 16. † Cap. 20.



tonius hoc tantum de eo universè: *Bibliothecas incendio absumptas impensissime reparavit, exemplaribus undique petitis, missisque. Alexandriam, qui describerent emendarentque.* Ubi observes, etiamtum illam *Alexandrinam* velut originem & matricem aliarum habitam, & has corruptas ex eâ iterum resecas & adornatas. Amplius, Principum studio ab interitu vindicatas: quod nisi fuisset, quomodo tam multæ illæ ad P. Victoris, id est Constantini ævum, venissent? Nam ille sic inter singularia urbis notat: *Bibliotheca publica, undetriginta. ex iis præcipue duæ, Palatina, & Vlpia.* Heu quàm etiam à memoriâ perierunt! nam ex illis XXI. vix septem industria nostra indagare potuit, & nomina saltem ab oblivione vindicare.

---

### C A P U T VIII.

*Tiburina, & quedam etiam Privatorum uberiores. Habebant in Balneis, atque item in agris.*

**P**Lures, inquam, Publicas non eruo: non quidem in urbe. juxta eam, Tiburi, etiam unam. De quâ Agellius: \* *Memimus in Tiburti Bibliotheca invenire nos in eodem Claudii libro scriptum.* Iterumque †: Pro-

\* Lib. 9, cap. 45. † Lib. 19, cap. 5.

*Promit è Bibliotheca Tiburti, qua tunc in Herculis templo instructa satis commodè erat. Hic & alibi de Templis adnores, & ferè juxta ea aut in illis fuisse. Quidni, sacra illa ingeniorum opera, in locis sacris? For-  
 tassis autem Hadrianus Imp. illam Tibure instruxit, quem eo loco & secessu impensè delectatum constat, variaque & ampla inædificasse. Etsi mihi certum, aliis municipiis coloniisque Bibliothecas sparsas fuisse, æquè atque artium istum cultum. Sed & privatim viri divites, usus & famæ causâ, sibi pararunt: & nobiles ex iis quasdam. Sicut Tyrannio Grammaticus, Sulis temporibus: qui *trix millia librorum* possedit. Sicut *Ephroditus Charonæus*, item Grammaticus professione. quem Suidas tradit, *sub Nerone ad Nervam Romæ vixisse: & assidue librose mentem, usque ad triginta millia collegisse, optimorum quidem & selectorum.* Laudo hoc ultimum: nec tam copiam quæri, quam bonitatem, cum dilectum. Optarim hunc fuisse, qui Epictetum, apicem veræ Philosophiæ, in servis habuerit: & ævum consentit: sed titulus & munus vitæ dissentit, cum iste *Grammaticus* fuerit, alter è *custodibus corporum Neronis*, eodem Suidâ prodente. Sed quisquis iste, superavit eum *Sammonicus Serenus* in*

in hoc studio : qui Bibliothecam habuit, in  
*quâ sexaginta duo millia librorum censeban-*  
*tar.* Is moriens eam reliquit Gordiano mi-  
 nori, qui gustavit Imperium : Capitolino  
 traditum, cum hoc elogio : *Quod Gordia-*  
*num quidem AD CÆLUM TULIT.* siqui-  
 dem tanta Bibliotheca copiâ & splendore do-  
 natus, in famam\* hominum litteratorum de-  
 corè pervenit. Vide ILLUSTRIS-  
 SIME PRINCEPS. quàm hæc cura gratiam fa-  
 mamque pariat, vobis magnis insatiabiliter  
 parandam. Atque hi, aut pauci alii, pro-  
 diti sunt insigniores Bibliothecas habuisse.  
 plures tamen fuere : & Seneca † commu-  
 ne hoc studium jam tunc suo ævo osten-  
 dit, & damnat. Damnat. quare ? Non enim  
 in studium, inquit, sed in spectaculum com-  
 parabant. sicut plerisque ignavis etiam ser-  
 vilium litterarum, libri non studiorum in-  
 strumenta, sed canationum ornamenta sunt.  
 Ex mox addit : Apud desidiosissimos ergo  
 videbis, quidquid orationum, historiarum-  
 que est, & recto tenus exstructa loculamenta.  
 Iam enim inter balnearia & thermas, Bi-  
 bliotheca quoque, ut necessarium domus  
 instrumentum, expolitur. Malè, fateor :  
 & utinam tamen nostri divites sic lasci-  
 viant ! semper cùm alieno aliquo, si non  
 suo,

\* Legi malim : hominum, litteratorum ore per-  
 venit. † De Tranquill. cap. 9.



suo, usu & bono. Observare autem hîc est de *Balneis & Thermis* etiam : sicut suprâ notavimus , illam *Vlpian* in Diocleriani Thermis dicatam : Cur autem ibi ? credo, quia corpori curando otiosè tunc vacabant : & igitur occasio erat legendi aliquid, hominibus aliàs occupatis vel audiendi. Enimverò etiam in Villis & Prætoriiis passim habebant : ab eâdem hac, orii & vacationis ibi, causâ. Ad quem morem Pauli J. Cti. responsum dirigitur : *Fundo legato libros quoque & Bibliothecas, qua in eodem fundo sunt, legato contineri.* Plinius de suâ villâ : \* *Parieti, in Bibliotheca speciem, armarium inseritur.* Martialis, alterius cujusdam Julii Martialis, villaticam Bibliothecam commendat † :

*Ruris Bibliotheca delicati,  
Vicinam videt unde lector urbem,  
Inter carmina sanctiora siquis  
Lasciva fuerit locus Thalia,  
Hos nido licet inferas vel imo,  
Septem quos tibi misimus libellos.*

\* Lib 2. epist 17. † Lib. 7.

## CAPUT IX.

*Ornatus Bibliothecarum, ebore & vitro. Armaria, & Foruli, & Plutei, & Canai.*

**P**eregi de Bibliothecis ; & produxi, quas ævum quidem non subduxit. Ut  
rem



rem dicam, paucas è multis : & *stillicidium de situla*, veteri verbo : tamen vel hæc satis ad stimulum, & exemplum. An & ad dam aliquid de ornatu earum sive instructo ? fiat. In Isidoro lego : *Peritiores architectos neque aurea lacunaria ponenda in Bibliothecis putasse : neque pavimenta alia, quàm è Carystii marmore : quod auri fulgor hebetet, & Carystii viriditas reficiat oculos*. Bono hoc judicio iste, sive à quo hausit. Nam de fulgore, certum est & mihi compertum, intentioni & stilo officere : sicut de virore, liquet oculis recreandis esse. Boëtius hoc amplius in Consolatione suggerit : *comptos ebore & vitro parietes fuisse*. Quid, parietes laterales ? non ergo Armaria aut Plutei ad parietes (neque enim conspicuus sic ille ornatus fuisset) sed in medio disposita, ut hodie quoque publicæ ferè Bibliothecæ usurpant. Sanè Vitra olim in quadras orbes, ova, aut rhombos distincta parietes ornabant, non aliter quàm marmoreæ crustæ : sæpiùs tamen cameras, & lacunar. Ita enim Plinius, libro xxxvi. *Pulsa ex humo pavimenta in cameras transiere è vitro, novitium & hoc inventum*. Novitium ita, ut tamen esset Neronis & Senecæ ævo. Nam ut de re vulgatâ Seneca, epist. lxxxvi. de Balneis : *Nisi vitro absconditur camera : atque ibi me vide*. Tamen in pa-

rie.

ietibus etiam fuisse, præter Boëtium, Vopiscus ostendit, in Firmo: *Nam & vitreis quadraturis, bitumine aliisque medicamentis insertis, domum induxisse perhibetur.* Bitumen autem hîc ad committendum necessariumque parieti accipio insertum, non ad ipsas quadras jungendas: quas decorè magis ebur (ut in Boëtio) distinxit. Atque etiam in Armariis ipsis fuit; unde *Ebores Bibliotheca* in Pandeëtis legum: & in Senecâ \*, *Armariæ cedro atque ebore aptantur.* Armariæ autem fuisse in Bibliothecis, res & hodierna usûs demonstrant: sed addo, numeris suis distincta. Ita Vopiscus: *Habet Bibliotheca Vlpia in Armario sexto librarium elephantinum.* Elephantinum an ex Ebore, an in corio elephanti perscriptum? Vetus Scholiastes Iuvenalis, in illud: *Hic libros dabit & forulos.* Armariæ, inquit, Bibliothecam. Etsi propriè, opinor, *Foruli*, ipsi nidi, ut cum Martiale dicam, librorum, sive cum Senecâ, distincta *loculamenta*. Sidonius & hæc & alia in Bibliothecis collocat †: *Hic libri affatim in promptu. videre te credere aut Grammaticales Pluteos. aut Athenæi Cuneos, aut Armariæ exstructa Bibliopolarum. Pluteos*, id est tabulas inclinatas transversim, quibus libri legendi imponerentur: *Cuneos* scamnorum seriem,

\* De Tranq. cap. 9. † Lib. 2. epist. 9.

258 J U S T I L I P S I I  
riem, ut in Athenæo, sic digestam : *Arma-*  
*ria* autem plena & alta, quæ dixi. Ea *Peg-*  
*mata* Cicero ad Atticum † videtur appel-  
lasse.

† *Lib. i.*

---

C A P U T X.

*Imagines in iis doctorum, laudabili more :*  
*cui origo, ab Asinio.*

Sed vel præcipuus ornatus, & imitan-  
dus, meo iudicio, nondum hodie imi-  
tatus, sunt *Imagines* sive & *Statuæ* docto-  
rum, quas unâ cum libris disponebant.  
Nónne pulchrum, & suave oculis ac co-  
gitationi fuit? Naturâ trahimur ad simu-  
lacro & effigies magnorum virorum no-  
scendas, & illa corpora, sive hospitia, qui-  
bus cælestis se animus inclusit: ecce hîc  
erat. Homeri, Hippocratis, Aristotelis,  
Pindari, Virgilii, Ciceronis, & alia scripta  
videres aut libares oculis: unâ etiam ima-  
ginem scriptoris adjunctam. Iterùm repe-  
to, pulchrum: &, re ILLUSTRISSE  
præeunte, cur non usurpamus? Roma-  
num hoc inventum videtur: ne omnia  
bella ad Græciam referantur: & Plinius  
inclinat\*. *Nullum majus (inquit pulcher-*  
*rimâ gnomâ) felicitatis specimen arbitror.*  
*quàm semper omnes scire cupere, qualis fuerit*  
*ali-*

\* *Lib. 35. cap. 2.*

*aliquis. Asinii Pollionis hoc Roma inventum, qui primus Bibliothecam dicando, ingenia hominum rem publicam fecit. An priores ceperint Alexandria & Pergami Reges, qui Bibliothecas magno certamine instituere, non facile dixerim. Itaque Asinius videtur auctor, qui etiam (eodem Plinio prodente) \* M. Varronis, in Bibliothecâ, quæ prima in urbe (absurde in orbe alii) publicata est, unius viventis posuit imaginem. Quod tamen & aliis postea, indulgentiâ aut judicio, datum video: & nominatim Martiali poetæ, qui gloriatur †, quod Stertinius imaginem ejus ponere in Bibliothecâ suâ voluerit. Sed plerumquæ mortuorum, & quos famæ consensus jam sacrasset, Plinius ‡: Non est prætereundum & novitium inventum. siquidem non solum ex auro argentiſſimæ, aut terretæ ex ære, in Bibliothecis dicantur illi, quorum IMMORTALES ANIMÆ in iisdem locis loquuntur; quinimò etiam quæ non sunt, finguntur, pariuntque desideria non traditi vultus. Appellat novitium, id est Pollionis, inventum, ostendit mortuorum & è metallo plurimum fuisse: sed addo etiam è gypso, in privatis (pro cujusque scilicet copiâ) Bibliothecis. Juvenalis:*

— *quamquam plena omnia gypso  
Chrysippi invenias.*

Imo

\* Lib. 7. cap. 30. † Præfat. l. 9. ‡ Lib. 31 cap. 2.



Imò & in tabulis, opinor, imagines fue-  
 re : & fortasse in librorum fronte picturâ e-  
 riam expressâ. Seneca \* : *Ista exquisita, &  
 cum imaginibus suis descripta sacrorum opera  
 ingeniorum.* Suetonius in Tiberio : † *Scripta  
 eorum & imagines, publicis Bibliothecis, inter  
 veteres & receptos auctores, dedicavit.* Pli-  
 nius in Epistolis: *Herennius Severus, vir do-  
 ctissimus, magni aestimat in Bibliotheca sua  
 ponere imagines Cornelii Nepotis, & Titi At-  
 tici.* Itaque utrumque, & Statuæ & Ima-  
 gines fuere. Plinius idem, de Silio Italico :  
*Plures iisdem in locis villas possidebat. mul-  
 tum ubique librorum. multum statuarum,  
 multum imaginum : quas non habebat modò,  
 verum etiam venerabatur. Virgilii ante omnes.*  
 Vopiscus, de Numeriano : *Hujus oratio tan-  
 tum habuisse fertur eloquentia, ut illi statua,  
 non quasi Cæsari, sed quasi Rhetori decerne-  
 retur, ponenda in Bibliotheca Vlpia, cui sub-  
 scriptum est : NUMERIANO. CÆSARI.  
 ORATORI. TEMPORIBUS SUIS.  
 POTENTISSIMO.* Sed & Sidonius si-  
 bi ibidem positam, jure gloriatur :

*Cum meis poni statuam perennem  
 Nerva Trajanus titulis videret,  
 Inter auctores utriusque fixam  
 Bibliotheca.*

Si-

\* De Tranquill. † Cap. 73.

Significat, & in Græcâ & Latinâ Bibliothecâ, statuas se habuisse. Ceterum minores illæ imagines sive statuæ Pluteis plerumque impositæ videntur, ante suos quæque libros. Iuvenalis:

*Et jubet archetypos Pluteum servare Cleanthas.*

Veteris distichi ea mens, quod *Imagini* tali *Virgiligna subscriptum* fuit:

*Læcis damna nihil tanto nocuere poëta,*

*Quem præsentat honos carminis & Plutei.*

Significat, videri vivere, qui in libris & imagine vivit. Inde & *Sigilla Plutealia* apud Ciceronem, ad Atticum. Nam jam tunc Bibliothecas exornabant Deorum, si non auctorum sigillis.

## C A P U T X I.

*In occasione de Muséo Alexandrino. docti viri ibi habiti atque aliti, in publicum bonum. Reges aut Imperatores ei curabant.*

ET plura equidem super Bibliothecis, quæ \* ἀξιόλογα sint, non habeo: unum etiam, quod ad earum fructum. Nam si solæ eæ, aut rarus adventor, si homines, inquam, non sunt qui frequentent & evolvant: quò ista congeries? & quid nisi *studiosa quadam luxuria* sint, ut Seneca

\* digna dici.

appellat? Providerunt hoc quoque Alexandrini Reges: & unà cum illis *Musæum* (ita dixerunt, quasi *Musarum adem*) extruxerunt, in quo fas esset Musis operari, à ceteris rebus seriatos. Imò & à vitæ victuque curis vacuos: cùm alimenta iis hîc è publico darentur. Præclarum institutum! quod unus Strabo optimè describit\*:  $\pi$  βασιλείων μέγεθος ἐστὶ καὶ τὸ Μουσεῖον, ἔχον πλείπαιον καὶ ἐξέδραν, καὶ οἶκον μέγαν, ἐν ᾧ τὸ συσσίτιον τῶν μετεχόντων τῶν Μουσείων φιλολόγων ἀνδρῶν. Ἔστι δὲ τῇ σωφροσύνῃ καὶ χρηματικῇ κοινὰ, καὶ ἱερὸς ὁ ἐπὶ τῶν Μουσείων πεπεσμένον, τότε μὲν ὑπὸ τῶν βασιλέων, νυνὶ δ' ὑπὸ Καίσαρος: Pars etiam Regia est Musæum, quod ambulationi & sessui loca habet, & magnam unā domum, in quā convivunt & comedunt unā, qui Musæi consortes sunt litterati viri. Habet autē hoc collegium & pecuniam sive vectigalia in commune, & Sacerdotem item, qui Musæo præst, olim à Regibus, nunc à Casare constituendum. Primū ait, Regia sive Aula partem fuisse. Scilicet adnecti sibi & jungi voluerunt Reges, ut in propinquo & promptu essent eruditi isti, cum quibus differerent cū libitum, animo docendo, & pascendo Habuit Porticus & Exedras; illas exercitio corporis magis; has animi, & ubi confidentes al-

ter-

tercarentur & conferrent. Fuit & *Domus*, ubi communis iis victus & mensa: quod sic etiam Philostratus expressit, de Dionysio †: quem in *Muséum receptum* scribit, additque: Τὸ δὲ μεσσεῖον τρεῖς Αἰγυπτία ἐυκαλεῖσθαι τὰς ἐν πάσῃ γῇ ἐκδογίμους: *Muséum autem est Ægyptia mensa* qua convocant omnes in universa terra litteratos. Verba pensitari cupio, omnes ex omni terrâ: & videmus numerum; nec rem tenuem & parvi impendii fuisse? Quod & Timon Sillographus indicat, etsi more & instituto suo carpens.

Πολλοὶ μὲν βόσκονται ἐν Αἰγύπτῳ πολυφύλῳ

Βιβλιακοὶ χαρρικεῖται, ἀπείρειται δὲ λαόν.  
τες,

Μεστέων ἐν τελαράῳ.

*Permulti pascuntur in Ægypto populosa  
Pugnantes libris, ac semper digladiantes  
Musarium in cavea.*

Nam, explicante Athenæo, \* τὸ μεσσεῖον τελαράν πρ φησιν, ἐπισκώπτων τὰς ἐν αὐτῷ τρεφομένους φιλοσόφους, ὅτι ὡσπερ ἐν παναγρῷ πνὶ σιτοῦνται, καθάπερ οἱ πολυέλιμοι ὄρνιθες. *Muséum dixit Caveum*, irridens Philosophos qui in eo aliebantur, velut pretiose quadam aves. Iste Philosophos nominat, sed Strabo universè ἐκδογίμους ἀνδρας dixit, littera-

tos



tos doctosque viros: & omne genus haud du-  
 biè receptum. Sed viros ait: non ergo pue-  
 ros aut juvenes, & qui velut in spem stu-  
 diorum (hodie solitum) educarentur. Non  
 quin istud velut præmium eruditis, &  
 quies quædam honesta fuit: haud aliter  
 quàm Athenis benè de rep. meritis victus  
 erat Prutaneo. Ubi estis PRINCIPES? &  
 quos urit aut excirat honestus æmulandi  
 ignis? Sed pergit Strabo, & *Sacerdotem*  
*præficit, Regum aut Caesarum dilectum.*  
 Magna igitur dignitas, & quæ ab ipso Cæ-  
 sare conferenda. Sed quid, quòd ipsa ibi lo-  
 ca idem Cæsar, adsignaret? Ita enim Phi-  
 lostratus, de Dionysio Sophistâ: Ἀδρια-  
 νὸς Κατέλεξε ἢ αὐτὸν ἀπέφηνεν ὅσα ὀλίγων ἑθ-  
 νῶν, Κατέλεξε ἢ τοῖς δημοσίᾳ ἰπποδύσσι, καὶ  
 τοῖς ἐν τῷ μυσείῳ σιτευμένοις: *Hadrianus*  
*Imp. Satrapam sive præfectum eum constituit*  
*non exiguarum gentium: & adscripsit inter*  
*eos, qui publicè equo veherentur: itemque qui*  
*in Muséo alerentur.* Iterùm, de Polemone:  
 Κατέλεξε ἢ αὐτὸν καὶ τῷ τῷ μυσείῳ κύκλῳ ἐς  
 τὴν Αἰγυπτίαν στήσιν: *Allegit eum (Hadria-*  
*nus) & Muséi conventui, ad Ægyptiam men-*  
*sam.* Sed notem ibi vocem κύκλῳ, circulo  
 (etsi ego *Conventui* reddidi) quâ significari  
 arbitror, in orbem rem ivisse, & quosdam  
 allectos tempestivè, & in antecessum: id  
 est, priusquam locus vacuus etiam esset.

Sed

Sed spes sustentabat, & ordine succedebant, qui sic adscripi: ut hodie in beneficiorum collatione Principes quidam usurpant. Athenæus denique hujus donationis à Principe etiam meminit: ubi ait \* *Pancratem quemdam poetam, ingeniosè Hadriano adulatum de Antinoo suo: atque ille, inquit, ἡδεῖς τῇ ὀψείᾳ, τὴν ἐν προσέῳ στήσιν αὐτῷ ἔχοντα χαρίσατο, delectatus inuncticulâ, cibum in Muséo illi gratificatus est.* Atque hæc Strabo aliiq; super loco & Instituto; licet addere, non vacuum omnino aut otiosam ibi vitam vixisse (qui possent viri bono publico nati?) sed aut scripsisse, aut differuisse; & recitasse. Ita Spartianus tradit, *Hadrianum Alexandria in Muséo multas quæstiones Professoribus proposuisse, aut propositas dissoluisse.* Adde Suetonium, in Claudio †: qui & Muséum hoc, altero addito, adauxit: ut certi libri ibi quorannis recitarentur. Desino. DUX ILLUSTRISSIME. & te è magnis, ad omnia magna natum, hortor viam hanc veræ laudis porro insistere, & libris litterisque propagandis æternitati tuum nomen consecrare.

\* Lib. 15. † cap. 42.

HERMANNI VULTEJI  
DE  
STUDIO JURIS  
DISSERTATIO.



U<sup>EN</sup>EMADMODUM omnium  
scientiarum & disciplina-  
rum , ita & jurisprudentiæ  
vis omnis atque studium in  
duobus illis positum est , in  
cognitione nimirum , ejusdemque usu : de  
quibus illa ingenii potissimum est , hic ju-  
dicii : tametsi utrumque illud simul & in-  
genium & judicium , suo tamen quodque  
modo desideret. Cognitionis autem cum sit  
contemplationis, in generalibus, atque ut  
ita dicam , in abstracto h. e. in rebus à ge-  
rendo remotis , artiumque , quæ tractan-  
tur , præceptis occupata est : Usus vero  
cum efficientiæ alicujus sit , in specialibus  
atque , ut ita dicam , in concreto, hoc est ,  
id rebus gerendis maxime spectatur. At-  
que illa cum sola sit , usus is est , qui res in  
cognitione positas rebus in actione ver-  
santibus accommodat , & conjungendo  
istas quomodo illæ ad has affectæ sint , de-  
monstrat Cui consequens illud est , ut si  
cognitio & usus conjuncta sint , is qui  
utrum-



utrumque habet, scientiæ istius sive disciplinæ sit & dicatur artifex. Cognitio enim ut sine usu aliqua esse possit, vix tamen est, ut cuiquam nisi illi, qui rei cognitionem habet, utilis sit: at usus sine cognitione incertus, dixerim ferè etiam nullus. Sed cognitio quidem, ut habeatur, prior est; usus verò cognitionem illam excipit, at in applicando cognitio est usu posterior. Quò respexerunt Jurisconsulti, cum dixerunt ex facto jus sumi\*, hoc est, tum deum, quid juris sit, aut de jure Jurisconsultum respondere, si de eo, quod factum esse dicitur, & de cujus jure quæritur, legitime appareat. Tum enim id, quod in generali juris cognitione sive idea est, ad speciem accommodatur, & jus quod cognitione & natura sua est generale, in usu & ex accidenri fit speciale. Quod cum in omnibus scientiis disciplinis, ut ab initio dictum est, illas docentibus & discipulis sit obvium, tum verò in ea arte quæ est de jure & æquitate, est manifestissimum. Ut enim finem jurisprudentiæ propositum sine cognitione quis assequatur fieri nequit; ut vero quis jurisprudentiæ cognitionem habeat, nec tamen istam ad finem

\* 1. Si ex plagis. § 2. §. in clivo. D. Ad leg. Aquil.



arti illi propositum accomodet, vix est ut is Iurisconsulti nomen mereatur\*. Natura ubi finem suum affecuta est, perfecta esse dicitur: ita jurisprudentia tum demum perfecta fuerit in eo, si quæ in illius cognitione sunt posita ad communem Reipubl. utilitatem, sive publice id fiat sive privatim, referat. Jurisprudentiæ enim finis est æquitas, & justitiæ in communi vitæ societate conservatio, quem illi, qui solis sibi sapiunt, non attingunt. Atque hæc jurisprudentiam revera nobis constituunt unicam; tamen si ex eo, quod essent, atque etiamnum sint, qui usu neglecto cognitionem præferant, & vicissim qui cognitione postposita usum sectentur (neutri sane felices satis, aut jurisconsultorum nomine digni) factum sit, ut jurisprudentia illorum theórica, cujus studiosi Theorici dicuntur horum practica, ex qua practicum & pragmaticum appellatio, (quamvis illa magis sit eorum, qui cognitionem & usum simul conjunxerunt) appellata fuerit. Verum illi sibi solis forlasse profuerint, quamvis ne hoc quidem

\* Cic. 1. de Orat jurisconsultum his verbis in persona Antonii definit: Si quæreretur, inquit quisnam jurisconsultus vere nominaretur, cum dicerem qui Legum & consuetudinis ejus, quæ privati in civitate uterentur, & ad respondendum & ad agendum & ad cavendum peritus esset.

dem satis plenè; hi non sibi sed aliis, atque aliis etiam illis casu magis, quam iudicio. Quorum autem studium in utraq; illa est, hi demum sunt & dicantur revera Iuriconsulti. Theoricorum an pragmaticorum qualiratem illis addas, nihil interest. Tam enim æquitas & iustitia, ex earum rerum numero sunt, quæ referuntur ad aliud, ut eleganter docuit Aristoteles <sup>a</sup>, & post eum Ulpianus noster <sup>b</sup>, Ulpinumque secutus Justinianus imperator <sup>c</sup>, jurisprudentiam non sola iusti atq; iniusti scientia definiens, sed præterea ei notitiam rerum divinarum atque humanarum tribuens; multoq; accuratius Ulpianus idem alibi <sup>d</sup> affirmans, Jurisconsultos non solum boni & æqui notitiam profiteri, verum etiam licitum ab illicito discernere, æquum ab iniquo separare, veramque philosophiam, id est, quæ cum publicè tum privatim humanæ societati commoda afferat, non simulatam, hoc est, quæ in nuda & sola contemplatione consistat, atque rerum inanum & subrilium magis, quam utilium disputationes persequatur, affectare. Hanc ob causam Ars juris sive æqui, non tam juris scientiæ, quæ rerum est universalium

M 3

&amp; in

<sup>a</sup> Lib. 5. Eth. ad Nicomach. c. 1. <sup>b</sup> in l. iustitia 10.  
<sup>c</sup> D. de iustis & iur. c. in princ. Instit. de iustit. &

& in contemplatione posita, quam jurisprudentiæ, quæ rerum est singularium, & in usu agendoque consistens, nomen sortita est, utpote quod actiones magis singulares respiciat, quam rerum universalium cognitionem, quæ in se quidem hominis, in quo est animum perficiat, aliis vero sit inutilis. Atque inde etiam illud est, ut qui artem illam profitentur, præterquam quod appellantur juris auctores <sup>a</sup>, juris conditores <sup>b</sup>, juris interpretes, juris interpretatos <sup>d</sup>, jurisperiti <sup>c</sup>, in quibus tamen adpellationibus usus etiam aliquis, quamvis non ille, quem nos desideramus, id est ) dicantur etiam jurisconsulti <sup>f</sup>, jurisprudentes, & viri prudentes <sup>h</sup>, & absolute prudentes. <sup>i</sup> Unde tam à cognitione, quam ab usu juris recte definimus jurisconsultum virum bonum legum atque morum ad respondendum atque interpretan-

<sup>a</sup> (l. 2. § post originem, D. de origine jur. l. 3. D. Si pars heredit. petat. l. 38. D. de act. emt. l. 17. D. de jure patron. item simpliciter. Auctores l. 1 §. 2. D. de usufr. acoci. l. 138. D. de V. O. b ) l. 2 C. de commun. servo manum. <sup>c</sup> l. fin. C. de curat. furios. <sup>d</sup> §. 3. const. de Iustinian. C. confirm. <sup>e</sup> d. § post origin. f l. 10, D de grad. & affin. g §. Resp. inst. de jur. nat. gen. & civili, <sup>h</sup> l. D. de legib, <sup>i</sup> §. 4. const. de concept. D. & in rub. D. de orig. jur. & in l. 2, §. His legib. D. eo § 1. inst. de Cod. l. 31. D. de vulg. & pupil. substit. Cujas. 7. cbs. 25.

tandum peritum \*. Interpretari enim cognitionis magis est, respondere usus: quibus duobus capitibus omne omnino juris consulti officium absolvitur. ita duæ nobis studii juris partes constituuntur, quarum prior ad juris cognitionem pertinet, posterior ad ejusdem usum: ex qua utraque simul conjuncta studium illud totum conflatur, ut si alterutra illa sola sit, studium de quo agimus, imperfectum esse exinde liquido appareat. Porro juris cognitio ea juris historia repetenda est, historia autem illa bona sui parte arte est comprehensa: ars vero præcepta comices, de cujus difficultate conquestio verus quidem est, sed si artem ipsam intuearis, minus vera, si homines, qui artem illam tractarunt non artificiose, verissima. Quod enim natura sua erat facile, id victo hominum factum est difficile, qua de re dicendi locus erit alius. Præcepta artis juris scripta partim sunt, partim non scripta. Scripta illis libris continentur, quos vulgo Corpus juris vocamus, & quod in libros illos multa atque varia relata sint, quæ si per se considerentur, sint tanquam membra, si conjunctim, corpus constituent ex diversis illis membris tanquam compositum. His additæ sunt postea Constitutiones Imper. Ro-

\* Cujas, in para D. de orig. ne juru.



man. in Comitibus pro occasione, necessitate ita postulante promulgata. Atque hæc præcepta ita artis sunt proprie. Non scripta in consuetudinibus & æquitate consistunt, quæ minus proprie, & non nisi significatione latiori artis nomine comprehenduntur. *Libri juris* non fuerunt omni tempore uniusmodi. Fuerunt enim alii ante Justiniani. Imper. tempora, alii à Justiniano compositi, alii denique post eos vel ab Imperatoribus Justiniano posterioribus, vel à pontificibus Romanis confecti. In hoc tamen priores illi omnes ab Imperatoribus facti conveniunt, ut sint de jure civili, posteriores verò à Pontificibus facti de jure Canonico. Ex quo duplices juris libri profecti sunt, juris nimirum Civilis, & juris Canonici, de quibus utrisque sigillatim nunc dicendum est. *Libris juris Civilis* continetur jus Civile, id est, jus illud, quo civitas Romana vel aliquando usa est, vel etiamnum utitur\*. Cujus capita multa sunt, partim ab ipso populo Romano primum inventa & introducta, partim à natura dictata, à Romanis autem approbata, informata, & ad usum Reipub. Romanæ accommodata. Intelligitur autem civitas Romana, non, quæ mœnibus, sed quia ejus imperio con-

ti-

\* S. Sed jus quidem. *Inst. de jur. rat. gen. & civil.*

tineatur, quæ ab initio fuit angustior \*,  
 mox & successu temporis, Deo ita ordi-  
 nante, amplior, ut universum fere terra-  
 rum orbem, atq; in hoc etiam Germaniam,  
 complecteretur. Ejus juris originē & pro-  
 gressum Pomponius †, vel, ut nonnullis  
 videtur. Tribonianus sub nomine Pompo-  
 nii attingit magis, quam exposuit. Quod o-  
 mne ex triplici illo Imperii Romani sta-  
 tu, qui dum illud stetit, fuit, dijudicandum  
 esse arbitror, quorum primus fuit regius,  
 alter popularis, & tertius Cæsareus sive  
 Imperatorius. REGIUS status annis du-  
 ravit CCXLIV. † sub regibus septem, de cu-  
 jus jure etsi nihil in libris nostris extet, hoc  
 tamen ex princip. leg. 2. ff. de orig. juris  
 apparet, initio ad arbitrium Romuli regis  
 primi, à quo urbs ortum suum habuit,  
 omnia gubernata, & postmodum tam ab  
 ipso Romulo, quam ipsum insequentibus  
 regibus leges latas fuisse, quas Sext. Papi-  
 rius in librum quendam rerulerit, ex quo  
 jus illud jus civile PAPIRIANUM, nimirum  
 non ab autore ejus, sed à collectore di-  
 ctum fuerit. Cum regibus exactis exactæ  
 etiam sunt leges ipsorum, annisque viginti  
 Romani iterum incerto & non scripto jure

M 5

usi

\* S. Halic. Livius & alii rerum Romanorum scrip-  
 tores. † 2. in sapè dicta, 2. ff. de origine jur. † alii  
 scribunt annis CCXLV.

usi sunt, quæ res cum similitates & discor-  
 dias maximas, attestante id Dionysio Ha-  
 licarnasseo, ceterisque antiquitatum Ro-  
 manarum scriptoribus, excitaret, decre-  
 rum factum est, de Decemviris in Græ-  
 ciam ablegandis, inde & maxime Athenis  
 atque Lacedæmone \*, quarum urbium  
 Respublicæ omnium opinione virorum &  
 prudentia & fortitudine, eo tempore erant  
 florentissimæ, petitum jura atque leges,  
 quæ statui rei Romanæ viderentur esse  
 convenientissimæ. Hæc jura atque has le-  
 ges inde allatas Decemviri decem tabulis  
 conciuserunt, quibus de isto jure, quod  
 Romani ipsi constituissent, additæ sunt  
 duæ aliæ, atque ita facta XII, quæ *secun-*  
*dum* quidem jus civile post Papirianum il-  
 lud constituunt, verum ex numero illo,  
 atque adeo ex accidenti peculiari voce di-  
 cebantur LEGES XII. TABULARUM,  
 & distinctionis causa interpretationes &  
 disputationes jurisconsultorum ad tabulas  
 illas factæ speciali nomine jus CIVILE  
 appellabantur †, quod ita videtur fuisse  
 quasi *Tertium*. ACCESSERUNT ad eas  
 temporis successu Senatusconsulta, plebi-  
 scita & Magistratuum edicta, quibus quod  
 legi XII. tabul. decret. supplebatur, aut  
 quid-

\* S. Et non ineleganter Inst. de jure natur, gent, &  
 civili, † d. l. 2, §. Deinde,

DE STUD. JUR. DISSERTAT. 275  
 quid emendabatur, ad æquitatem flectebatur, quæ & ipsa omnia juris civilis appellatione generaliori continebantur. Ex his pleraque pro occasione nascebantur & rursus interibant: Edicta autem Magistratum, prout ipsi erant annui, ita annua erant\*. Qua in re cùm multum libidini partim invidiæ hominum tribueretur, lege Cornelia facta illa sunt perpetua, quæ Hadriani Imp. qui imperare cepit Anno Christi CXIX. jussu & Senatus autoritate à Salvio Juliano Jurisconsult. in ordinem digesta & composita sunt †, unde Edicti perpetui nomen non ad annum, ut antè, sed perpetuò valituri, quod postea interpretati sunt, & Commentariis suis, quos elegantissimos fuisse reliquiæ illæ in Digesta sua à Justiniano relatæ satis arguunt, illustrarunt Papinianus, Ulpianus, Paulus, Gajus, Scævola, aliique qui post ea tempora vixerunt Jurisconsulti. *Fuerunt* autem ante tempora illa, & quidem mox circa initium status popularis in Imperatorium commutati, inter juris Interpretes ingentes de quibusdam juris articulis contro-

M 6

ver-

\* In prin. inst. de perpet. & tempor. act. Bud. in l. 2. D. de statu homin. Alciat 3 disjunct. 17. in Verri legem vocat annuam † l. 2 § Sed quia divina l. de veter. jure enucl. l. pen. C. de condict. indeb. Eutrop in vita Adriani, Nicol. Bellon. 1. Supp. ut. 9 in fine.



276 HERMANNI VULTEJI  
versæ, quarum vestigia etiamnum in li-  
bris juris extant. Controversiis illis, ex  
quibus sectæ postea enatæ sunt \*, occa-  
sionem dedit, & à ceteris Iurisconsultis  
quasi divortium fecit Antistius Labeo,  
cùm eousque præceptorum suorum vesti-  
giis discipuli institissent, Labeo enim ille  
ingenio & doctrina fretus multa innovare  
cepit, Capito autem ipsius coætaneus in  
iis quæ à præceptoribus didicerat, persti-  
rit, uterque autem Offilii fuit discipulus.  
Capitoni successit Masurius Sabinus, huic  
C. Cassius Longinus, à quo Cassiani no-  
men habent, atque huic iterum Cœlius Sa-  
binus, à quo Sabiniani: Labeoni verò à  
quo Labeoniani dicuntur, successit Nerva  
pater, qui C. Iulio Cæsari familiaris fuit,  
huic Proculus, à quo Proculiani, & Pro-  
culo Pegasus, à quo Pegasiani appellan-  
tur. Hæ sectæ, etsi ad Iurisc. posteriores,  
ex quorum Commentariis Digesta nostra  
compilata sunt, propogatæ sint, videntur  
tamen plerique ex illis, & præsertim quò  
fuerunt ab autorib. sectarum remotiores,  
neutri ex professo adhæsisse, sed veritatem  
potius, quantum ejus fieri potuit, secta-  
ri, sive ea à partibus esset Sabinianorum,  
sive à partib. Proculianorum, de contro-  
versis accuratissimè, ut ex reliquiis ipso-  
rum

\* de quibus in fine d. l. 2. Ant. Cent. 1. Le. §. 12.

rum apparet, disputantes. Ex quo factum est, ut cùm antiquiores illi de jure libros complures scripsissent, recentiores etiam non paucos, ut numerus librorum tempore Justiniani ad duo millia, & versuum trecenties decem millia excreverit\*, ut cùm Jurisprudentia mole sua ruina minitati videretur, Justinianus inde occasionem acceperit perficiendi istud quod Pompejus, M. & C. Julius Cæsar sibi de jure in artem redigendo proposuisse scribuntur†, & jus universum, cujus sua ætate usus esset, in corpus quoddam certum redegerit, quod Digesta seu Pandectas appellari voluit, quarum Epirome sunt illæ, quæ vocantur Juris Institutiones, quibus accessit Codex, & demum Novellæ. Ita jus civile à Justiniano Imp. compositum, hodie cõstat voluminib. quatuor. JUSTINIANUS in consortium imperii ab avunculo suo Justino seniore adoptatus Cal. April. anno post natum Christum D. XXVII. cum eo Imperat mensibus quatuor. Iustinus enim quarto mense post exacto, nimirum Calend. Aug. diem suum oblit, & imperium soli Justiniano reliquit. *Sequenti* anno qui fuit annus Christi D. XXVIII.

Idib.

\* § 1. *constit. Omnem*, & §. *in piissimas*, *Constit. Dedit.* † Cicero in *Oratore*. Balduin. in *prologo Inst § Cornelium*.

Idib. Febr. Codicem fieri mandavit, non quidem illum, quo nunc utimur, sed alium quem ipſus poſtea abolevit. Duplex enim à Juſtiniano Codex factus eſt: Unus & ille prior confirmatus VI. Idus April. anno D. XXIX. \* alter & ille poſterior XVII. Calend. Decembr. Anno D. XXXIV. occaſionem tam huic quam illi conficiendo dederunt res illi Codices ante Juſtinianum facti, in quibus Imperatorum anteriorum Conſtitutiones, quæ tum erant in uſu, deſcriptæ erant, nimirum Gregorianus; Hermogenianus & Theodoſianus. Et Gregorianus quidem ita a nomine ſtudioſi, qui eas collegerat, ut quibuſdam videtur, dictus: continebat Conſtitutiones Imperatorum ab Adriano ad Valerianum & Gallienum: Hermogenianus vero itidem ab ejuſdem editionis autore complectebatur conſtitutiones Claudii, Aureliani, Probi, Cari, Carini, & innumeras Diocletiani & Maximiani; & denique Theodoſianus à ſublimiori videlicet Theodoſio Imperat. ipſo, cujuſ autoritate conditus erat, appellatus, habebat Conſtitutiones inde à Conſtantino M. uſque ad Theodoſium latas, † De his tribus Codicibus Theodoſianus

ex-

\* Quidam putant hoc factum eſſe an. D. XXXI. niſi error ſit in tranſpoſitione nota numeri. † Cuj. in proleg. parat. Codic.

extat integer \*, Gregoriani & Hermogeniani fragmenta quædam, illius tamen quàm hujus plura, tametsi quantum ad usum forensẽ attinet jactura illorum Codicum, meo quidem judicio, tanti facienda non fuerat, cùm Iustinianus ex tribus illis unum Codicem componi curaverit, in quem non istæ tantum Constitutiones, quæ illis libris continebantur, atque tum adhuc usurpabantur, verum etiam aliæ tam à Theodosio ipso post editionem sui Codicis, quàm aliis ipsum sequentibus imperatoribus usque ad Iustinianum latæ referrentur, de quo Codice accipiendæ sunt duæ illæ Constitutiones, quæ sine judicio aliquo, ut arbitror, in Codice nostro extant, quarum una est, *De novo Codice faciendo*, & altera, *de Iustiniano Codice confirmando*, cujus Codicis usus fuit non admodum longævus, nimirum ex xv. die Calend. Maji, Anni D. xxix. usque ad iv. diem Calend. Januar. Anni D. xxxiiii. quo tempore Codex posterior editus est, de quo mox dicam, ubi de institutionibus & Digestis pauca prius attigero. Tamen enim institutionum, quam Digestorum editio præcessit editionem Codicis illius posterior-

\* Quem in lucem primus protulit, Ioan. Sichard. anno 1528. auxit. Ioan. Tilius anno 1549, elegantiorẽ fecit Cujac, anno 1566.



rioris, quod ad Antinomiarum quarundam conciliationem cum primis diligenter observandum est. Inter eos igitur juris libros Iustinianeos, quibus utimur, primo loco collocandæ sunt *Institutionis* juris. Institutiones illas, an instituta appelles nihil interest, & est illa disputatio hominum curiosè ociosorum. Iustinianus sane utraq; appellatione usus est. Instituta enim dixit in Constitutione sua ad Senatum magnum, De Confirmat. D. §. Sed cum oportebat, atque eodem modo Theophilus. Institutiones idem Iustinianus appellavit in Const. Omnem in pr. & §. 1. & in §. Sepius, & in const. tanta. §. omnem, quæ appellatio etiam in usu quam illa est frequentior, Iustinian. illas recte descripsit, quod nihil sint aliud, quam mediocris quædam introductio in jura<sup>a</sup>, & juris initie<sup>b</sup>, & prima legum cunabula<sup>c</sup>, & prima legum fundamenta aut elementa<sup>d</sup>, Mandatum quidem de componendis Digestis eo quod fuit de institutionibus conscribendis, prius fuit, & in institutionibus aliquibus locis Digestorum fit mentio, ita ut illæ sese ad latiores Digestorum libros referant; verùm cùm institutiones

in

<sup>a</sup> d §. Sed cum oportebat. <sup>b</sup> §. His igitur Institut. de justit. & jure. <sup>c</sup> § Sed non usque Institut. de legat. <sup>d</sup> Constitut. Tanta §. 11.

STUD. JUR. DISSERTAT, 181  
in publicum sint editæ xi. Calend. De-  
cemb. anno à nato Christo <sup>a</sup> D. XXXIII. &  
Digesta xvii. Calend. Ianuar. anni ejus-  
dem, atque ita illæ prius, hæc posterius  
facta sint publica, primo loco rectissime  
illæ collocabuntur, præsertim quod pri-  
mo etiam loco tyronibus juris proponen-  
dæ & ediscendæ sint. Est tamen utro-  
rumque dies, ex quo valeant, idem, nimi-  
rum dies iii. Calend. Ianuar. anni prædi-  
cti D. XXXIII. Utra autem priori loco  
composita sint, non videtur usquequaque  
esse expeditum. Referunt se quidem in-  
stitutiones interdum ad Digesta <sup>a</sup>, ut  
exinde videantur institutiones compo-  
sitione esse posteriores. Sed ex eo id ne-  
cessariò non consequitur, cum absurdum  
non sit, relationem etiam fieri ad id,  
quod nondum exat quidem, existurum  
tamen est, & speratur: quod hic fortasse  
non ineptè quis dixerit, cum relatio-  
nes illæ fiant in genere, quæ in specie  
fortè factæ fuissent, si Digesta jam tum  
descripta existissent. Justinianus sanè u-  
no loco <sup>t</sup> disertè affirmasse videtur, In-  
stitutiones post Digesta esse compositas  
quod

\* *Ut in §. Etque Instit. de actio §. Alioqui.  
Inst. de except. §. si Inst. de pub. judiciis.  
† §. Cumque hoc DEO in constit. Institutioni-  
bus, præfixa.*

quod cujufmodi fit, pluribus explicare opere prædium est, Cæterum Institutiones quatuor libris absolvuntur, quorum singuli suos habent titulos sive capita, tituli verò suos paragraphos. Est autem titulus nihil aliud, nisi index rei subjectæ: idem & Rubrica dicitur <sup>a</sup>, quod titulus plerumque cocco aut minio scriptus ruberet <sup>b</sup>, quem scribendi morem antiquum esse ex aliis etiam autoribus <sup>c</sup> didicimus. Rubro opponitur nigrum. Nigrum autem dicimus id ipsum, quod titulo subjectum, plenius id quod titulus promittit, exponit. Paragraphum Græci intellexerunt notam quandam margini adscriptam, qua sententia præcedens distinguatur à subsequenti, cujus signum hujusmodi §. Iurisconsultis usitatum est, à nonnullis paucioribus tamen, etiam *θέρμα* vocatur, ex cujus vocabuli litera initiali θ Signum illud §. profectum esse valde est verosimile, dixerim fermè certum: & quamvis trecenties decem millia versuum apud Iustinianum quidam <sup>d</sup> interpretentur de lineis: lectius tamen versus ibi accipiendos esse: quos pa-

<sup>a</sup> l. 2. §. fin. D. de interditt. <sup>b</sup> Cujac. in para. D. de Instit. & jur. <sup>c</sup> Ovid. sæpe in libris Tristium. Iuvenal. Satyr. 10. Pers. Satyr. 5. Quintil. lib. 12. c. 3. Servius in 10. Eclog. Virg. d. Ant. Continus 1. Lætion. 8.

paragraphos dicimus, existimaverim<sup>a</sup>. Post Institutiones sequuntur *Digesta* seu *Pandectæ*, uno mense post institutiones editæ, & post easdem proximè discendæ, quæ *Digesta* quidem Latino & Iurisconsultis usitato vocabulo dicta sunt, quod ad ea collectum & digestum sit undique, quod in jus pertineat. Sunt enim leges in ea relatæ ex Iurisconsultorum non antiquissimorum illorum, sed eorum potissimum qui ad Edictum perpetuum scripserunt, & alia ingenii sui monumenta de jure literis prodiderunt, copiosissimis Commentariis variis decerpta, & suo quæque loco pro arbitrio & judicio compilatorum collocata: *Pandectæ* autem vocabulo græco, quod in se receperint omnes decisiones ac disputationes legitimas, nomine fortassis ampliori quàm vero: hæc vulgò duplici f. minusc. hoc modo ff. notari solent, vel ob eam causam, ut Alciatus b existimavit, eumque secutus Cor-  
sus<sup>c</sup> quod Græci qui hoc corpus collegerunt *Pandectas* græca Π, quæ est initialis vocis *Pandectarum*, notarent, eique circumflexum seu virgulam supra ponerent, forma π, quæ apud Latinos postea ob similitudinem in ff. transierit, vel, ut Catel-

lia-

<sup>a</sup> quod & Duaren. sentire videtur 2. Disputat. an-  
nu 6. <sup>b</sup> 1. Disputat. 16. <sup>c</sup> 5. Indegat. 85. num. 6.



lianus Contra scribit\*, quod literæ istæ geminatae denotent, illas factas, id est, perfectas esse, vel quod duplici pp. aut dd. scribi solitæ fuerint, quod per imperitos amanuenses in duplex ff. depravatum fuerit †, vel ex aliis causis, quas refert Ferrand. Adduensis\*\*. Hodie pro cujusque arbitrio vel græca litera  $\pi$ , vel latina majuscula D. quarum scripturarum utraque mihi rectior videtur, vel duplici ff. notantur, & quocumque illud modo fiat, ad rem nihil interest. Sunt autem Digesta divisa à Justiniano in partes septem, & libros quinquaginta, libri etiam plerique omnes distincti suis titulis, tituli legibus, leges denique paragraphis atque hi etiam interdum, si sint prolixiores, suis versiculis. Tempore Bulgari & Azonis, ut videtur, cœpta sunt dividi in partes tres, in Digestum verus, in Digestum infortiatum, & in Digestum novum. Et verus quidem inde ab initio derivatur usque ad titulos. Digestorum 3. libr. 34. qui est *Solutio matrimonii*: inde Infortiatum dicitur, usque ad titulos. 1. libr. 39. qui est *de Operis novi nuntiatione*: atque hinc Novum usque ad finem, distinctione ut vocabulis ita re ipsa etiam nova atque barbara.

Qui-

\* In memorabil. suis in verb. Pandectas. † VValther, 8. Miscella. 4. \*\* lib. 1. Explicat. cap. 1.

Quidam \* usus causa distinctionem hanc factam arbitrantur sed rationem usus non exprimunt, & cur ita potius, quam aliter, & cur hæc illo, illa hoc nomine potius appelleretur. Ex ratione docendi Digesta istis temporibus in Italiæ Gymnasiis eam distinctionem originem sumsisse facile crediderim: at verò cujusmodi illa fuerit, non est tam expeditum, præsertim cum ab antiqua illa docendi ratione hodie in ipsa etiam Italia recesserint. Verus autem prius dici, quod cæteras præcedat, novum quod sequatur, infortiatum, quod inter verus & novum sit intermedium, & utrique quasi infercitum probabile est. Pandect. tertio loco sequitur **CODEX** Justinæus novus editus 16. Cal. Dec. an. Christi D. xxxiv. † qui ex die 14. Cal. Janu. ejusdē anni auctoritatem accepit priori illo Codice Justinæo sublato, qui in scribendo litera majuscula C. notari solet. Is libros habet xii. ad exemplum, Harmenopulo videtur, legis xii. tabul. singuli suos habent titulos, tituli leges, leges paragraphos. Leges autem illæ non sunt ut in Digestis ex interpretum Commentariis collectæ, sed ex Imperatorum constitutionibus, qui cum multo sint interpretibus digniores, volumen etiam hoc specialiter & κατ' ἐξοχὴν Codex appellat-

\* VValther. à Miscell. 5. † alii D. xxxvi.

latur. Postremo dum novæ indies contro-  
 versæ, ut fit, ex negotiorum varietate  
 emergerent, neque earum decisio ex volu-  
 minibus superioribus satis commode fieri  
 posset, post Institutionum, Digestorum &  
 Codicis volumina composita Iustinianus  
 constitutiones quasdam novas emisit, non  
 tamen omnes uno eodemque tempore, sed  
 successive, necessitate ita postulante omni  
 isto tempore, quo imperavit, annis nimi-  
 rum xxxvi i i, quæ & ipsæ postea in volu-  
 men unum collectæ sunt, illas solas, non  
 ut Codex diversorum Imperatorum, com-  
 plectens, quod appellationem τῶν νεαρῶν,  
 sive NOVELLARUM, nimirum constitu-  
 tionum sortitum est, eo quod constitutio-  
 nes in illud relatæ novissime post Cod.  
 Iustiniani repetitæ prælectionis essent  
 promulgatæ, & notam habet volumen il-  
 lud literæ majusculæ N. vel Nov. Latini  
 id in partes novem diverserunt, partesque  
 Collationes appellarunt. Quod autem  
 sint Novellæ istæ numero, non est omni-  
 no certum atque de eo neque Græcis ne-  
 que Latinis satis liquidò constituisse existi-  
 mo. Antiquiores xcvi i i. duntaxat agno-  
 visse videntur, posteriorum quidam 165.  
 alii 168. Discrepantiam illam capitulo-  
 rum diversitas fecisse videtur. Eiusdem  
 enim constitutionis capitula sæpe plura  
 sunt,



sunt, quæ à recentioribus postea in peculi-  
 ares constitutiones divulgæ esse videntur.  
 Novellis conjunguntur *xiii. Edicta* Iu-  
 stiniani, quæ non ad certum aliquem po-  
 pulum aut gentem scripta sunt, sed in ge-  
 nere promulgata. Sed & alias duas consti-  
 tutiones Iulianus Antecessor retulit ab eo-  
 dem Iustiniano compositas, quarum prior  
 sanctio est *pragmatica*, varia continens  
 capitula, posterior est de *adscriptitiis & co-*  
*lonis*. Atque Iustinianus ejusque de jure li-  
 bri hæctenus. Sane Imperatores Iustinia-  
 num sequentes etiam ipse Constitutiones  
 fecerunt, quarum ut illis temporibus qui-  
 bus fiebant, aliqua fuerit autoritas, hodie  
 tamen in foro est nulla, in scholis per-  
 quam exigua, ut earum cognitio non vi-  
 deatur tantopere esse necessaria. Has ex  
 parte collegit doctiss. Enimundus Bonæ-  
 fidius in lib. i. qui est de jure. Orient. ele-  
 gantia, prudentia & gravitate cum consti-  
 tutionibus Iustiniani & Imperatorum  
 anteriorum nequaquam conferendas.  
 Scholæ. n. in Græcia à Iustiniano consti-  
 tutæ Corpus illud juris Iustiniani cole-  
 re cœperant, magnaue voce profiteri, un-  
 de elegantissima Græcorum interpretum  
 scripta prodibant, de quibus hodie fere ni-  
 hil, nisi quod posteriores quasi ex naufra-  
 gio conservarunt, extare reperitur. Verum  
 mox



288 HERMANNI VULTEJI  
 mox & annis vix quadraginta à Iustiani  
 morte elapsis cum dignitate imperii  
 Rom. deficientib. videlicet Germanis,  
 Hispanis, Gallis, aliisque Occidentis po-  
 culis legum etiam studium atque discipli-  
 na labi cœpit, ut in Occidente quidem  
 nulla earum amplius haberetur ratio, in  
 Oriente etiam non admodum magna.  
 Hinc cum tempore *Leonis* Imper. cogno-  
 mento Philosophi, libri juris Iustiniani  
 vix dum essent noti, exemplo Iustiniani  
 ipse Pandeſtas collegit novas voluminibus  
 sex, & libris sexaginta distinctas, quas mox  
 inſecutæ sunt ejusdem Constitutiones No-  
 vellæ c. xiiii. quæ etſi de jure Iustinia-  
 neo nonnulla corrigant, eo uſque tamen  
 earum autoritas non proceſſit, ut jus Iu-  
 ſtinianeum abolerent, adeo ut ne ipſius  
 quidem Leonis tempore cuſtoditæ fue-  
 rint, niſi fortasſe in rebus illis, de quibus  
 antea jure nihil erat conſtitutum\*. Poſt  
 hunc vero Leonem & alii Imperatores le-  
 ges promulgarunt, de quibus plenius eru-  
 diſſimus Gothofredus in ſuo Corpore  
 juris ad initium Novellarum Leonis, &  
 quas Harmenopulus Theſſalonicæ judex  
 primarius ſimul complexus, in Epitomen  
 conſecit, quæ extat etiamnum. IN T E-  
 R E A in Italia longe lateque graſſebantur  
 Hun;

\* quod exemplum confirmat. Cujac. 17. obſerv. 38.

DE STUD. JUR. DISSERTAT, 289  
Hunni, Vandali, Longobardi & Gothi,  
qui in eam invexerunt jura sua & peculia-  
ria, quorum pars ea, quæ de feudis est  
non non fuit postrema, quæ etsi in Cor-  
pus juris Justiniani relata sit, & vim legis  
obtineat, Justiniano tamen fuit incognita,  
nec unquam legis nomen accepit, sed in  
nuda consuetudinem appellatione consti-  
tit. Et si vero CAROLUS Magnus re-  
gnum Longobardorum, posteaquam ste-  
tisset annis cc. iii. evertit, juris tamen  
antiqui, id est Justiniani, quod in part.  
Occidentalibus jam omnino exoleverat in  
usum revocandi rationem inire non po-  
tuit, vel quod rerum aliarum curæ ipsum  
avocarent, vel quòd & ipsi ipsiusque con-  
siliariis de jure illo nihil constaret: ex quo  
factum est, ut jus illud Justinianeum, quod  
nunc profitemur, in Occidente ad tempo-  
ra usque LOTHARII. Imp. qui è domo  
fuit Saxonica, & imperavit circa annum  
Christi M.c.xxv. latuerit, atq; omnino in-  
cognitum fuerit. Hujus Lotharii tempore an.  
Christi M.c.xxxv. i. claruit Irnerius Juris-  
consultus, qui Authenticas Codici Justinia-  
neo ex Novellis inseruit, qui singulari De r  
providentia atq; beneficio libros legum Ro-  
manarum, eversa Melfitana civitate Apuliæ,  
in bibliotheca à Pisanis repertos evulga-  
vit, atq; ita jura Justinianeae Occidenti quasi

postliminio restituit, ad nos usque continuata, quæ homines ingeniosi & istis & hisce temporibus commentariis suis certatim, quam bene nunc non disputo, illustrare & interpretari conati sunt, qui mole sua nunc iterum eo usque excreverunt, ut novo Justiniano in iis recidendis opus esse videatur, & quidem tanto magis, quanto veterum illorum Jurisconsultorum commentarii hisce qui post successerunt verborum elegantia & rerum pondere atque gravitate præstantiores fuerunt. Interim vero etiam Constitutiones in Comitibus promulgatæ, hisce ut Novellæ quædam accesserunt, quæ omnino cum illis sunt conjungendæ. **ATQUE** ita se habent libri juris civilis, supersunt qui sunt de jure Canonico Quemadmodum autem illud à populo Romano, atque imperatoribus est constitutum, eorundemque auctoritate confirmatum, & verò illi ipsi juris civilis libri, qui nomine Corporis juris civilis appellantur, à Justiniano Imp. aut certe jussu ipsius collecti sunt; ita jus Canonicum multo post tempore in suum etiam quoddam Corpus collectum est: Sanè fuit ab initio Pontificum Romanorum authoritas in Romano imperio prorsus nulla: posteaquam Constantinus Imperator Christianam fidem amplexus est,

cœpit esse aliqua, sed in iis potissimum rebus atque negotiis, quæ ad Ecclesiam ejusque administrationem pertinerent, in secularibus autem, ut ego quidem opinor, nulla, nisi fortasse per Imperatorum coniventiam, usque ad tempora Phocæ Imperatoris, qui sedi Romanæ magnam concessit potestatem, ut jam non amplius spiritualibus duntaxat, ut vocant, sive Ecclesiasticis, sed secularibus etiam dominari inciperet. Unde sicut ab Imperatoribus factæ antea erant & promulgatæ Constitutiones multæ, ita ipsi suas etiam Constitutiones illorum exemplo emiserrunt, quæ non minus atque illæ, imo interdum etiam plus in locis istis, quibus aliqua ipsorum erat autoritas, valuerunt. Quæ decreta & constitutiones postea in Corpus collectæ, ex eo quod à Pontificibus robur suum haberent, jus PONTIFICIUM dictæ sunt, quemadmodum illud Cæsareum: Canonicum autem Synecdochicè, à parte nimirum illius Corporis altera, in quam Canones sunt relati. Ejus vero juris volumina sunt duo, Unum est Decreti, alterum Decretalium, quorum illud hoc est antiquius. Cum enim dispersi circumferrentur sanctorum olim patrum, aliorumque pontificum, vel publice in synodis, vel privatim factæ deci-



siones, quæ Canones dicebantur ex eo quod essent ceu regulæ certæ sequendæ; atque ex illis pro rerum, temporum, personarum & locorum diversitate quædam essent variæ, neq; inter sese admodum consentirent, atq; inde incertum esset, utra ex regulis sibi contrariis potius esset sequenda. GRATIANUS quidam S. Proculi Monachus apud Bononiam, illas, (morus fortasse libris de jure civili à Justiniano compositis, ante annos non ita multo plus minus quatuordecim ab Irnerio J. C. Occidenti, ut dixi, restitutis,) in unum volumen circa annum Christi M. C. L. I. tempore Eugenii III. Pontificis, qui illud sibi postea oblatum confirmavit, imperante in Occidente Conrado III. congestit, quod volumen una voce DECRETUM dicitur, quoniam in eo decreta, id est, definitiones atque decisiones Synodorum vel patrum vel pontificum continerentur. Decreti hujus partes sunt tres: PRIMA continet pugnantium decretorum distinctiones, hoc est, conciliationes distinctionibus adhibitis factas, centum & unam, quarum singulæ suos habent Canones, & Canones plerique paragraphos, & hi rursus suos versiculos: ALTERA pars obtinuit CAUSARUM nomen, quæ numero sunt triginta sex, atque ita dictæ, quod ar-

gu-

guamenta sint, ex quibus eliciuntur quæstiones, unde de rebus disputantur\*: habent causæ quæstiones suas, & quæstiones rursus suos Canones, qui paragraphos & versiculos: **TER TIA** pars decreti est de consecratione, quæ obsolvitur distinctionibus quinque, & hæ suis Canonibus. Decretorum volumen secutum est volumen **DECRETALIU M**. Decretales autem dicuntur subaudiendo Epistolas. Decretalis vero Epistola est constitutio Pontificis ad consultationē alicujus facta. Cæterum integrum Decretalium volumen non est uno tempore editum, atque ex eo in tres partes dividi potest, quarum **P R I M A** ea est, quæ in specie Decretalium appellationem retinuit, & composita est à quodam Raimundo Capellano Gregorii IX. Pontificis, qui eandem confirmavit circa annum Christi M. cc. xxxi. tempore Friderici II. Imperatoris, complectiturque hæc pars libros quinque, ex quibus allegantur capitula & rubricæ, sub quibus capitula, quæ allegantur, collocata sunt, quin & interdum capitulorum paragraphi, atque horum versiculi, notata ea parte vulgò præpositione **EX T R A**, sed, mea quidem sententia vitiosè, rametsi nunc quidem usus ita receperit: **AL T E R A** pars dicitur liber **S E X T U S**

\* colligitur ex distinct. 101. & pr. causa 1. quæst. 1.

vel simpliciter Sextus, eo quod proximè sequatur libros Decretalium Gregorii quinque atque istis sit additus, ut liber in numero istarum Decretalium sextus. Hic liber sextus itidem libros quinque continet, atque eosdem fermè titulos sive rubricas, nisi quod in sexti hujus libri libris quinque suppleri sunt à Bonofacio VIII. decessus casuum emergentium, in libris Gregorianis non comprehensorum, ita liber sextus se ad Gregorianos illos quinque habeat, sicut Novellæ Justiniani ad Codicem. Ex his libris libri sexti, cum capitulum citatur, additur non rubrica tantum, cui capitulum illud subest, verum etiam nomen Sexti ad differentiam librorum quinque Decretalium præcedentium. TERTIA pars est Constitutionum à Johanne XXII. Pontifice editarum, quæ iterum partibus duabus distingui potest, quarum prior dicitur CLEMENTINÆ, eo, quod in eas relatæ sunt constitutiones Clementis V. Pontif. ab ipso quidem conceptæ anno M. CCC. VI. sed promulgatæ demum à prædicto Joan. XXII. die xxv. Oct. anno M. CCC. XVIII. Ludovico V. in Occidente imperante. Hæ nomine non canonum aut capitulorum ut superiora decreta & constitutiones superiores, sed Clementinarum allegari solent, notatæ in scribendo hoc

hoc modo Cl. vel, Clemen. addita rubrica  
 sive titulo, cui Clementina, quæ allegatur  
 subiecta est; posterior vero dicitur Ex-  
 TRAVAGANTES, eo quod decretales in  
 illam relatæ, & à Johanne XXII. editæ,  
 extra librorum juris Canonici textum sint  
 frequentatæ, haud aliter atque nonnullæ,  
 Imperatorum Constitutiones consuetudi-  
 nibus feudalibus additæ. Has ut Clemen-  
 tinas Extravagantium nomine appella-  
 mus; crediderim olim his allegatis nomine  
 capitulorum ad differentiam cæterarum  
 decretalium additam fuisse in notando vo-  
 lumine præpositionem EXTRA, quæ po-  
 stea primæ decretalium parti adscripta sit.  
 Atque his voluminibus libri Corporis ju-  
 ris Canonici adsolvuntur, de quibus De-  
 cretum se habet, ut in Corpore juris civi-  
 lis Digesta: Decretales ut Codex, quoad  
 partem primam: quod cæteras duas ut  
 Novellæ. Sed & post Justinianum Im-  
 peratores, qui fuerunt suas etiam consti-  
 tutiones ediderunt, ita & Pontifices qui  
 fuerunt post Iohannem XXII. suas decre-  
 tales epistolas, quarum summa, atque ea-  
 rum etiam quæ post Gregorium IX. pro-  
 mulgatæ sunt usque ad Sixtum V. nunc  
 Pontificem, Lugduni ante bienñium pro-  
 diit: quin & Gregorius XIII. nonnullis  
 decretis & decretalibus juris manus ad-



296 HERMANNI VULTEJI  
movit. Deerant Institutiones juri Cano-  
nico, ut non volumina singula juris Cano-  
nici responderent singulis voluminibus  
juris civilis. Ne tamen quid deesset, Paul.  
IV. Pont. qui pontificatum inijt die x.  
Cal. Junii, anno à nato Christo M. D. LV.  
ad earum compositionem animum adje-  
cisse scribitur. Mandavit enim Joann. Pau-  
lo Lancelloto J.C. Perusino, ut institutio-  
nes juris Canonici componeret; tametsi  
vero essent illæ compositæ, atque Ponti-  
ficii etiam exhibitæ, ab eodem tamen con-  
firmatæ non sunt, editæ nihilominus, sed  
autoritate privata, ante paucos annos  
Corpori juris Canonici, jussu Gregor.  
XIII. editi, tandem additæ. Idem post  
Lancellorum, ut ego quidem puto, tenta-  
vit M. Antonius Cucchus. Verum ut jus  
civile, ita & hoc Canonicum suos invenit  
interpretes, & fortasse etiam nec numero  
pauciores nec autoritate inferiores, inter  
quos cum de quæstionibus incidentibus  
controversiæ moverentur, & alii in illam  
inclinarent, sententiæ numerari cœptæ  
sunt, atque ex illis *Communes Opiniones*,  
quas vocant, constitutæ. Quorum autem  
præ reliquis opera egregiè sit præstita, ju-  
dicare perquam est difficile, & fortasse e-  
tiam nimis ambitiosum, nec hominis est  
candidi judicare de scriptis aliorum, quæ  
non

DE STUD. JUR. DISSERTAT. 297  
non legerit nec cognoverit. Verus est illud  
& valde scitum, verissimum tamen.

—— non omnia possumus omnes.

& ejusdem Poëtae illud :

*Hic labor, hoc opus est, pauci quos aequus  
amavit.*

*Iupiter, aut ardens evexit ad aethera virtus  
Diis geniti potuere.*

Quin alli aliis ingenio vel judicio, aut  
certe, utroque præstantiores fuerint, du-  
bium non est, sed ut in omnibus rebus a-  
liis, ita in hisce etiam interpretationibus.

—— nihil est ex omni parte beatum.

Sunt in illis bona, sunt mala, sunt me-  
diocria, πολλά μὲν ἰσθῆμις μινύματα, πολλά  
δὲ λυγρόν. Sed interpretibus juris sermo  
fortasse nobis erit suo loco tempore ple-  
nior. SANE sunt his libris juris Civilis &  
Canonici omnia juris præcepta, quæ qui-  
dem scripta sint, conclusa in artem qui-  
dem redacta, sed ut libere loquar, non ar-  
tificiose. Cum enim, quod ad jus civile at-  
tinet, in Digestis componendis Compila-  
tores XVI II. quibus id negotii à Justinia-  
no demandatum erat, Edicti perpetui or-  
dinem sequati fuerint, in Codice quinque  
illi constitutionum collectores consti-  
tutiones ex serie annorum Christi &  
successionis Imperatorum collocarint.

( quod idem fere etiam in constitutionibus Pontificum observatum est ) in Institutionibus autem aliquanto propius res illi Institutionum compositores, Tribonianus nimirum, Theophilus & Dorotheus ad methodum legitimam accesserint, neque tamen illam etiam undequaque custodiverint, inde factum est, ut methodus artis juris proximis temporibus cœpta sit desiderari aliquanto accuratior, ut Wesembecius de institutionibus quodam loco, \* scribere veritus non fuerit in hæc verba: *Laudent, qui volunt, inquit, quantum volent hos elementarios libellos: mihi ut verum dicam, nec materies nec methodas, si qua tamen adhibita, neque in aliis Collectorum operis placet, nec puto difficile fore, aliquid melius ex his, quæ supersunt, reliquiis adornare: tantum abest, ut de absolutis & pulcerrimis & copiosissimis jurisconsultorum commentariis non potuerint elegantiora componi.* Hæc ille: vero an falso res ipsa docet. Non tamen desunt, qui methodum Iustinianeam mordicus tenendam existiment. Pie quidem illi, sed nescio an satis recte. Docent quidem illi, qua methodo Iustinianus usus sit, & quomodo titulos collocaverit, quod illorum studium tantum abest, ut improbem, ut etiam valde probem

\* ad §. 2. *Inst. de testam. ord.*

bem- & laudem : verum inquirere simul  
 in id debuerint, & an eo modo tituli col-  
 locari ex arte debuerint, & non an me-  
 thodo aliqua rectiori Compilatores uti  
 potuerint; atque ea omni studio investi-  
 ganda est à nobis etiamnum. Qua de re  
 cogitavi sæpius, atque cum ad docendum  
 jura primum accessi, quod factum est sub  
 initium anni M. D. LXXXI I. Ideam quan-  
 dam dispositionis publice proposui, quæ  
 cum typis postea esset divulgata, cogitare  
 cœpi ea de re aliquanto accuratius, nullius  
 profecto invitatione aut admonitione,  
 cum aliorum cogitationes fortasse ipso  
 etiam facto anteverterim, & quod existi-  
 mare, ea quæ in Idea erante proposita,  
 examinanda & proponenda esse aliquanto  
 plenius, id est, quod in libris hisce duobus  
 Jurisprudentiæ Romanæ hoc tempore fa-  
 cere constitui. Fecisse autem me, nun-  
 quam affirmavero: id tamen feci, ut co-  
 gitandi & meditandi homines ingeniosi  
 occasionem ex illi habituri sunt amplio-  
 rum, quamvis in illis jus duntaxat Iusti-  
 nianum persequi mihi animus fuerit, de  
 jure Canonico, item de interpretationi-  
 bus, nisi in his, quæ ad processum spectant  
 judicarium, nihil omnino attigerim.

Quod ad præcepta non scripta attinet,  
 quæ erat pars præceptorum altera, ex qui-



bus juris cognitionem perendam esse diximus, sunt illa posita in Consuetudinibus & in Æquitate. CONSUETUDINES sunt jura moribus longo usu confirmatis recepta, de quibus meministis pro ratione Scholæ nostræ à me dictum esse satis cum interpretaret §. Sine scripto. Inst. de jure natur. gent. & civil. Ad has, quamvis significatione valde larga, refero statuta & jura municipalia, pacta item sive jura gentilitia, quæ etsi vere consuetudines non sint, tamen cum ad leges & constitutiones principum, vel pontificum collata ob causam sui efficientem & illorum generalem observantiam videantur minus angusta esse, ad consuetudines rectius referuntur. Sanè sunt consuetudines singularum provinciarum non raro generales, sed ut sint, quæ uniformiter per omnes imperii Romani provincias, atq; adeo imperium universum custodiantur, sunt profecto istæ paucissimæ, imo dixerim fere nullæ. Atq; hinc cum jus civile & Canonicum scriptum regulariter teneat omnes ac singulos Imperio Romano subiectos, consuetudines, statuta, & jura municipalia tenent aliquos, & tamen etiam omnes atq; singulos provinciæ illi, in qua consuetudines, statuta & jura ista municipalia recepta sunt subiectos, vel corpori alicui additos. Unde  
&

& illud est, ut cum jus civile & Canonicum Jurisconsulto cuius cognoscendum sit, consuetudines tamen, statuta & jura municipalia non cuius (quippe quod esset, infinitum) omni tamen ille ejus loci consuetudines, statuta & jura municipalia, in quo ipse versatur & jus exercet. *ÆQUITAS* omnino ex natura petitur, quæ quam primum ubi scribitur æquitas esse desinit, & lex sive jus esse incipit, ex quo jure scripto æquitas iterum deducitur, & ad factum incidens accommodatur, ut quod est inter universale & particulare, idem esse videatur inter jus scriptum & æquitatem. De hac *J Cti.* admonent, in omni, maxime autem in jure æquitatis rationem habendam esse, qua de re plenius me dixisse ad §. *Jurisprudencia* \*. Institutione de Jure naturali gentium & civili, memoria tenetis Cum non omnia jure definiri non potuerint, & vero quæ definita sunt, sint ejusmodi, ut circumstantiæ variæ & diversæ illa etiam varia & diversa faciant: æquitas illa demum est, quæ jus summum non patitur fieri injuriâ, sed jus & factum inter sese quasi contemperat quod nisi à *J Cto.* artēdatur, sub auctoritate juris scientiæ sæpe perniciosè errabitur, ut

\* l. In omnib 90 ff de reg. jur. l. placuit, C. de jud. e l. 4. ff de eo quod certo loco quod multoties, à jurisc. factum esse exemplis confirmat. *Piet. Fab. in d. l. in omnibus*

ut apud Paulum voluit Celsus filius. \*  
 Sed ex natura illa, ut dixi, perenda est, &  
 hominis prudentia, quam tamen oportet  
 esse non absolute, sed ita arbitrariam, ut  
 arbitrium sit viri boni, id est, quod vir bo-  
 nus arbitraturus esset æquum esse, juri &  
 legibus, quantum ejus fieri potest, quam  
 proxime accedens atque ab illis minimum  
 deflectens. U N D E juris cognitio peten-  
 da & accipienda sit, expositum est: sequi-  
 tur, ut videamus, quomodo quaque ratio-  
 ne cognitio illa inde peti debeat. Er si ve-  
 ro sint, qui arbitrentur ad Jurisprudentiæ  
 cognitionem assequendam omnium ar-  
 tium singularumque Philosophiæ par-  
 tium cognitione opus esse perfectiori,  
 quam ut in J C<sup>to</sup>. perfecto, cujus Ideam  
 potius quis descripserit, quam ipsum fece-  
 rit, ego etiam desiderem: tamen cum in  
 formandis nobis sit Jurisconsultus, non  
 qui fingatur, sed verè fieri etiam possit,  
 diversum ego ab illis sentio. Sanè opran-  
 dum esset, & ætatem illam esse omnium,  
 & ea singulorum ingenia, quin & res sin-  
 gulorum atque commoda ita ferre, ut ex-  
 acta omnium Philosophiæ partium do-  
 ctrina ad Jurisprudentiam discendam af-  
 ferri posset: verum cum D E U S uni homi-  
 ni omnia largitus non sit in hac vitæ im-  
 be-

\* l. Si servus. 91. §. sequitur. ff. de verb. obl.



becillitate, quæ *Pluribus intentus minor est ad singula sensus*, optandum illud potius quam sperandum fuerit. Quid autem de modo cognitionis illius, de qua quærimus, assequendæ sentiam, hujusmodi est. Sunt quædam in homine ipso, quædam extra ipsum, quæ ad assequendam juris cognitionem faciant. In homine ipso primum omnium requiro preces ad DEUM ardentibus & assiduas, à quo ceu fonte omnis cognitionis uberrimo, omnes alii cognitionis rivuli in creaturis promanant. Per me enim, ait filiùs DEI apud Salomonem, \* est, quod reges regnant & consilarii decernunt iusta. Deinde requiro hominem ingensum, id est ejusmodi, cui naturalis quædam insit ad jurâ discenda inclinatio atque propensio. Nam si uspiam, hic certe verissime dicitur:

*Tu nihil invita dices faciesve Minerva.*

Hæc vero propensio & inclinatio cum non sit omnium eadem, & vero interdum etiam deficiat, interdum augeatur, prout DEO visum fuerit, mirum non est, si ut in aliis, ita in hac etiam scientia alii aliis cognitione præstent, & eruditiores, majoresque Jurisconsulti, adde etiam feliciores, evadant. Tertiò requiro diligentem librorum, qui de jure conscripti sunt, *lectionem, lectionem,*

\* Proverb. 8.



lectionis *repetitionem*: *repetitæ meditationem*: quia & præceptorum non scriptorum *inquisitionem*. Unde vulgatum illud, quod in juris studio nonnulli desiderant, videlicet caput ferreum, quod sit laborum patiens, culum plumbeum, hominem nimirum assiduum, & crumenam auream. Verum sine hac multi egregiam in jure operam præstiterunt, & multo feliciorum, quam illi, quibus ista suppetiit; ac vero sine illis, nemo unquam EXTRA hominem posita est ratio docendi discendique jura, quæ ex natura relatorum mihi videntur esse eadem. In hac quædam sunt juris ipsius, quædam sine quibus jus satis commodè doceri disci nequit. Quod ad jus ipsum attinet de vera ejus docendi discendique ratione plurimi scripserunt, adeo tamen varie & sententiis inter sese dissidentibus, ut quem aut quid ex illis potissimum sequatur, etiam in jure exercitato, nedum tyroni videre sit perquam difficile. Prout enim quisque à natura institutus, melius etiam à disciplina informatus, ita juris studium hoc vel illo modo instituendum esse existimavit. Mirum autem videri posset, tam longe recte fuisse fere omnes ab ea ratione, quam præscripsit Justinianus ipse Constitut. incip. OMNEM, scripta ad Antecessores, quæ est hujusmodi: Tempus dis-  
cen-

DE STUD. JUR. DISSERTAT. 305  
cendo juri Justinianus tribui vult anno-  
rum quinque. *Primo anno* juri operam  
daturus, ex sententia Justiniani, audiat  
magistri voce libros Institutionum, id-  
que primis sex illius anni mensibus: sex  
vero postremis, audiat quatuor priores  
Digestorum libros, quæ τὰ πρῶτα, vo-  
cantur, & prima Digestorum parte con-  
tinentur cujus anni auditores dicuntur  
Justiniani novi. *Secundo anno* libros sep-  
tem eos proximè insequentibus, qui se-  
cunda Digestorum parte concluduntur,  
aut si temporis vicissitudo id patiatur,  
libros octo, qui sunt in parte tertia, sep-  
tem illis proximè dictis libris in annum  
tertium rejectis, hisque addat libros  
Digestorum xxiii. xxvi. xxviii. &  
xxx. cujus anni auditores edictales ap-  
pellantur ab Edicto, quod eo anno ad  
id discendum accedant. *Tertio anno* vel  
libros 8. vel libros 7. antedictos, qui-  
bus addantur libri Digestorum xx & xxi.  
cujus anni auditores Papinianistæ vo-  
cantur, quod illo ad sublimiora & sub-  
tiliora juris præcepta discenda veniant.  
*Quarto anno* discantur libri Digestorum  
xxiv. xxv. xxvii. xxix. xxxi. xxxii.  
xxxiii. xxxiv. xxxv. xxxvi. cujus  
anni auditores nominantur Αὐταί, for-  
tasse quod solvendis juris quæstioni-  
bus.

306 HERMANNI VULTEJI  
 bus nunc facti sint idonei. *Quinto* & po-  
 stremo anno Iustinianus à studiosis pri-  
 vato studio vult legi reliquos libro qua-  
 tuordecim, quæ sexta & septima Digesto-  
 rum parte continentur, quibus addant le-  
 ctionem Codicis, etsi quidem eo tempo-  
 re, quo Iustinianus hæc scribebat, antiqui,  
 hodie tamen ejus, qui in locum istius suc-  
 cessit novi, cui Novellæ postmodum  
 additæ superaddi debent. Atque hujus  
 anni auditores Prolytæ dicuntur, vel  
 quod Lytis doctiores sint, vel à præfinita  
 studiorum lege soluti, quinquennio nimi-  
 rum à Iustiniano præfinito nunc elapso.  
 Hanc jura discendi methodum elegantissi-  
 mam, adeoque servandam esse existimavit  
 ingeniosissimus ille Antonius Contius. \*  
 Sed vix est, ut quisquam eam sequatur ho-  
 die, atque in studiis hodie non observari  
 est ibid. glos. in verb. legere. Est sane quin-  
 quenni etiamnum usus aliquis, in eo nimi-  
 rum, ut ad gradum, quem vocant, Docto-  
 ratus aut Licentiæ in jure non admitta-  
 tur, nisi qui quinquennium illud suum in-  
 tegrum compleverit: at in ceteris nullus.  
 Rectene factum, quod ab ea methodo re-  
 cessum sit, accuratius examinare mihi  
 nunc non est integrum; † illud quæsierit

\* I. Lect. II. † Iac. de Ravensb. quem refert. Albi-  
 ric. de Rosar in d. Constit. §. quib. si se imbuerint,  
 tradit, quod modernus modus studendi jura sit melior.



aliquis non immerito, utrum methodus illa Iustiniana justa sit arque legitima. Mihi sanè non videtur, ut tanti non sit, ab ea recessum esse. Rationem enim docendæ-discendæque Iurisprudentiæ ex temporis spacio æstimat, quod in omni arte vitiosum est, quæ id totum ex seipsa suisque præceptis repetit. Et vero ut hoc vel illo anno hæc vel illa juris pars doceatur & discatur, nondum tamen expedita est ratio partis vel illius, hoc vel illo anno docendæ-discendæque. Ut mihi quidem constitutio illa Iustiniani aliud nihil velle videatur, quam ostendere, quor annis cursus studii juris absolvi possit & debeat, non qua ratione quave methodo docendum illud sit aut discendum; quod ipsum etiam etsi proponere fortasse Iustinianus voluerit, aliud tamen voluisse, aliud fecisse ipsum respondebimus. Sed ut fuerit illa docendi & discendi juris ratio, non tamen illa est omni sui parte absoluta & perfecta, ut aliis meliorem & veriolem inquirere non liceat, his temporibus inprimis, quibus non est imperii Romani omnino eadem, quæ fuit tempore Iustiniani, facies, alia etiam Scholarum ratio, quin & non prorsus eadem juris disciplina, ob jus Canonicum, quod civili supervenit, & tam hujus quam illius infinitos interpreterum

Com-



Commentarios. Ut non male illi, qui postea rationem inquisiverunt, atque etiamnum inquirunt, ipsius juris docendi discendique ab illa aliam, tamen si non omnes uniusmodi. Fuerunt enim qui commentarentur in leges & Constitutiones, quorum ratio à methodo abest longius. Horum opera etsi Iustiniano adversari videatur, quod ipse in Corpus juris à se compositum Commentarios fieri noller, paratitla duntaxat, id est, summas rerum fieri concederet\*, mihi tamen hæc tempora intuenti non videtur reprehendenda, sed quodammodo etiam ex causis supradictis necessaria, modo rei illi modus aliquis adhibeatur, & commentandi scribendique illud cacoëthes cohibeatur. Fuerunt vero etiam qui methodum inquirent diligentius, quorum ipsorum etiam opera valde est commendanda: sed plerisque illis defuit unicum, ut de legitima & artificiosa præceptorum juris dispositione, quæ omnium prima esse debuerat, non cogitarent, quæ si præcessisset, in tot illi partes non abiissent, neque tot Orationibus, tractatibus, cynosuris, & nescio quibus aliis epistolis de studio juris recte instructi.

\* in Const. de concept. D. §. Nostram autem. & in const. de confirmat. ff. §. Hoc autem, & in Const. incip. Deus dedit, §. illud autem.

stituendo illis opus fuisset. Ars enim sui & docendi & discendi ipsa & methodus, & qui aliam præter legitimam præceptorum dispositionem artis methodum inquirunt, ne illi egregie falluntur, omneque studium suum in re non necessaria frustra collocant. Quod illis, si non intellexerunt, condonandum est: si viderunt, reprehendi, quod studii juris rationem profiterentur, & tamen eam vixdum attingerent. Sed cum res illa omnis difficultatis esset plenissima, studiosè illi hos scopulos evitare voluisse videntur. Quare juris præceptis artificiosè dispositis, nihil video, quod ad rationem docendi discendique juris desiderari possit amplius: quibus lectio librorum juris civilis & Canonici si accedat uberem illi præbebunt ad præcepta ita disposita commentarium, ut aliis non tam videatur forrasse opus esse, tamen si & illi, ut libri juris rectius intelligantur, non sint usquequaque abjicendi. Verum cum ejusmodi præceptorum juris dispositio hætenus non prodierit quæ vel ipsis suis autoribus, vel mihi aut aliis etiam omni ex parte satisfaciat, nec id à me nunc præstitum esse affirmem; (sunt enim in hisce duobus jurisprudentiæ libris nō pauca, quæ lima indigent accuratiori) nolim quidem libellos illos Lagi, Pacii, Althufii, alio-

aliorumque Iurifcon. ea de re conscriptos abjici, suaferim tamen juris tyroni, ut cum ad discendum jus accedit, ipse quidē præceptores viva voce docentes, non solum audiat, verum ipse etiā textum institutionum juris sine ullo commentario cursim per legat, eum perlectum ab initio, commentario tum aliquo, nimirum Mynsingeri vel Wesembecii, vel Hotomanni adhibito, repetat, quod utrumque semi anno ab homine mediocriter saltem diligenti facile fieri potest. Institutionibus ita dedicatis accedat ad lectionem textus. Digestorum eo ordine, quo tituli & leges illis subjectæ collocatæ sunt, ita tamen ut ante cujusque tituli lectionem præmittat Paratitla Cujacii & Wesembecii. Idem postea faciat in Codice, eodem modo adhibitis Cujacii in eundem Paratitlis, quo opere à Cujacii in nullum, ut puto, factum est elegantius & absolutius: sequantur Novellæ, quibus jungatur Cujacii in easdem expositio. Ad hanc vero lectionem librorum juris Civilis plurimum profuerit addidisse eruditissimam illam Dom. Julii Pacii Jurisconsulti præstantissimi Synopsin juris civilis ante biennium editam jus Canonicum studiosus percurrat duntaxat, initio factò ab Institutionibus Lanceloti, quas excipiat decretum, tum de-

DE STUD. JUR. DISSERTAT. 311  
cretales : & postremo loco feudorum  
consuetudines cognoscat. Neque est ut  
studiosum in cursu lectionis remoretur lex  
aliqua vel capitulum difficilior. Ut enim  
omnia protinus intelligantur, fieri nequit :  
& vero Jurisconsultis exercitatissimis e-  
tiam sæpe numero multa non sunt satis  
obvia. Legantur nihilominus : semper  
enim hærebit aliquid , ut tanto facilius  
post cursoriam illam librorum juris lectio-  
nem ad difficiliores & usitatiores juris ti-  
tulos rediri , eorumque doctrinæ cognos-  
ci possint accuratius. Interim vero singu-  
lis diebus , una atque altera lex ex titulo  
*de verbor. signif.* & titul. *De regul. jur.* me-  
moriæ mandari, quin & Lexicon aliquod,  
ut est Brissonii, vel Hotomanni vel Prateii  
vel Schardii addi, & in hæc singulis diebus  
binæ aut plures paginæ perlegi possent.  
Cogitabit autem studiosus juris interim  
privato pleraque studio addiscenda esse ;  
quo pertinent collationes , & cum dormi-  
tum itur , eorum quæ de die lecta sunt , &  
audita, meditationes & repetitiones. Hæc  
ita ad jus ipsum pertinent. SINE quibus  
autem jus satis commode disci nequit , o-  
mnes sunt philosophiæ partes, cum primis  
autem Ethica , quæ juris quædam princi-  
pia proponit , tum vero potissimum Lo-  
gica , & in hac ea , quæ ad differendi ratio-  
nem



312 HERMANNI VULTEJI  
nem spectat, & deinde rerum Rom. hi-  
storia. Et cum cæterarum qualem co-  
gnitionem desiderem, Dialecticæ & hi-  
storiæ cognitionem desidero accuratam.  
Atque Dialectica quidem huc afferenda  
est, aut certe adhuc addiscenda. Historiæ  
autem generalis studium iridem huc affe-  
rendum, cujusmodi hodie esse potest  
Chronici Carionis à Philippo Melanch-  
thone & Casparo Peucero expositi: spe-  
cialis vero historia rerum & antiquitatum  
Romanorum ex Dionysio Hallicarnassæo,  
Dione, T. Livio, quin & ex Syntagmate  
historiæ Augustalis, quod opera & studio  
doctissimi viri Friderici Sylburgii amici &  
civis mei apud Wechelos typographos  
prodiit, petenda est. His & Caroli Sigo-  
nii, aliorumque historicorum recentiorum  
accedant historiæ. Interim cum his alla-  
tum etiam gentium historiæ conjungi pos-  
sunt, Græcorum vero potissimum, atque  
in his Plutarchi Parallela.

Atque de cognitione juris hætenus.  
Sed cum jus cognoscamus, ut eo utamur,  
& Reipubl. cum publicè tum privatim  
prosimus, de U s u nunc paucis aliquid  
attingendum est. Ut vero in cognitione ju-  
ris ingenio, ita in ejus usu judicio potissi-  
mum hominis proxime post invocationē  
numinis divini opus est, quod à Logica in-  
for-

formatum rectè juris præcepta in genere cognita accommodabat ad speciem. Tempore Iustiniani Imp. de quibus causis scriptis legibus non utebantur, id custodiebant, quod moribus & consuetudine introductum erat, & si qua in re hoc deficeret, tunc quod proximum & consequens ei erat, si ne id quidem apparebat, tunc jus quo urbs Romana utebatur, servari oportebat. \* Neque id mirum, siquidem consuetudinis utentium moribus recipiuntur, quæ tanti momenti non erant, ut legem authoritate publica latam tollerent. † Posteaquam vero jus Pontificium imperium Romanum invasit, quin & forma Reipub. Romanæ nonnihil à priori illa immutata. ab usu illius temporis recessum est ut Consuetudines, statuta & jura municipalia legibus scriptis hodie præferantur, nisi legibus illa expresse sint antiquata, si nulla sint, tum demum ad jus civile & Pontificium redditur; sed utrumque in suo foro authoritatem habet parem; illud in seculari, hoc in Ecclesiastico, tametsi tam ex hoc quam ex illo utrumque forum non raro aliquid mutuetur. Definita enim legibus, non Canonibus in foro Pontificio non rejiciuntur, sicut & in foro civili Canones sequi judices non dedignantur, si quid legibus

O

bus

\* l. de quibus § 1. D. de leg. † l. 2. Qua sit pug. consuet.

314 HERMANNI VULTEJI  
bus decisum non sit, aut decidi nequeat.  
Causarum tamen spiritualium, earumque  
quæ æternam salutem concernant, ratio  
hæc est, ut si dispositioni juris Civilis, in  
foro etiam politico legibus neglectis am-  
plectamur Canones juri naturali & divi-  
nis literis consentaneos.

Quin & processum forensem juri Cano-  
nico maxima & potissima sui parte acce-  
ptum ferimus. Cæterum usus juris aliquis  
est in docendo, sed is minus proprius: Pro-  
prius potissimum est in *judicando* & *advo-  
cando*, quæ duo à se invicem quidem distin-  
guuntur, ita tamen sunt affecta, ut qui no-  
vit unum, noverit etiam alterum. Utrum-  
que autem illud *Experientiam* requirit  
quæ partim ex cognitione juris accipitur,  
partim quotidianus actionib. comparatur.  
Ex cognitione, inquam, juris, quod perti-  
net ad causarum decisionem, quod judex  
maxime respicit, vel ad earum disceptatio-  
nem, quo maxime advocatus. Utrumque  
quidem illud ex libris juris, sed illud ex  
scriptis potissimum, hoc ex scriptis etiam,  
sed magna sui parte ex observation. Hinc  
libri isti de usu forensi conscripti, hinc  
præcticæ forenses, hinc responsa, hinc ob-  
servationes sive decisiones curiarum di-  
versarum. In Practicis Speculator primas  
obtinet, & post eum Maranta sed hic illo  
est

est compendiosior, in multis etiam nervosior, ut usum cognitioni adjuncturus, meo quidem iudicio, rectius fecerit, si ab hoc auspicatus fuerit. In responsis, quæ & Consilia vocant, recentiores solidiores sunt & perspicaciores: Comparationem vero inter illos instituire aliquanto odiosius. In observationibus apud nos primas obtinent Mynsingeri, Gallii, Wurmseri, & Hart. Hartmanni ab Eppingen, cum illæ decisiones habeant Cameræ Imperialis: cæteræ vero sint Parlamentorum, Rotarum & Curiarum. Sed sunt hæc disquisitionis aliquanto altioris, quam ut pluribus iis immutari debeat, & memor principiorum juris interpretationem, quæ cognitionem maxime respicit, in his libris tractari, studiose ea prætermitto, eorumque tractationem plenior in alium locum, rejicio.





ÆGIDII MOMMERII,

L E

R A T I O N E   L E G E N D I ,  
discendique jura ,

A D

C A L L I M A C H U M   H E S S U M ,

E P I S T O L A .



ST ita perfectò, ut scribis, Callimache frater, me ex animo tuis studiis quàm rectissimè velle. Urinam eum vivam diem quo eum quem in Iuris Civilis disciplina instituisti cursum, aliquando summa cum tua laude conficias. Qua sane in re tibi omnem operam atque diligentiam, libenter præstarem, nisi ea in me esset consili atque doctrinæ imbecillitas, ut ipse in re tam difficili præceptore atque adiutore indigerem. Sed tu nimio amore hallucinaris, dum mea potiùs, quàm eorum, qui suam de hac re sententiam literis mandarunt, vestigia tibi sequenda esse proponas. Faciam igitur quod jubes, & quàm potero brevissimè eam rationem, quæ mihi commodissima videtur, & quam mihi his proposui tibi libentissime impertiar. Neq; animum inducas

cas velim, me temere hæc ad te exarare; re ipsa edoctus sum, quantum fructus atque utilitatis hinc perceperim, & quanto cum dispendio & temporum & studiorum aliena secutus instituta, id quod tamen absque arrogantia dictum velim. Sed jam expectas, ut montes tandem pariant, & mus ridiculus egrediatur. principio omnes & pandectarum & Codicis titulos tabella depingas eamq; ita collocato, ut semper aut quàm sæpissimè ob oculos versetur. Qua in re ordinem Alphabeti minimè observato, verùm eâdem serie, qua in Pandectis exarata sunt, singula depingito, non secus atq; post institutiones tituli omnes sunt collocati, ita fiet, ut absq; multo labore addiscas, quid unoquoq; libro contineatur. Id quod ubi feceris, operam dato, ut summatim cognoscas quid in unoquoque titulo tractetur, id quod aliquando vel ipsæ inscriptiones indicant, & in primis titulorum capitibus ( quas Leges vocant ) ferè explicatur. Quod si illa in re operâ Sebastiani Brant, qui summatim uno libello omnes Pandectarum titulos perstrinxit, uri voles, equidem non improbarim, dummodo memineris, ut ab hujuscemodi rivulis ad fontes accurras. Quod ad titulos Codicis attinet, utere explicatione Hegendorphini, quæ cum Spigelio typis exarari solet.

Hæc ubi feceris, id in Jure Civili poteris, quod hîc tricesimus quisque Doctor (ne gravius quid dicam) vix præstiterit. Oblatam, quæstione quapiam aut specie facti, statim & liber & titulus occurret, ubi ea materia tractatur. Ubi ad hunc modum titulos omnes cognoveris, Leges ipsas paulò accuratius evolvo, atque quod maxime ad illum, quem perlegeris, titulum pertinuerit; ad marginem collocato. Quia in re te velim uti Codice aliquo, qui scholiis illis, nescio quibus, careret. Ad marginem, inquam, singula collocato. Nimirum, Qualis sit actio, Civilis an prætoriam; Quamdiu comperat; Quibus comperat. Nunquid ad heredes transeat. Quid in actionem illam veniat. Bonæ fidei sit, an verò stricti judicii. In summa, hîc Classēs Clariss. Juris consulti Johannis Oldendorpii tutò imitari licebit. Neque opus erit omnia prolixè ad marginem adpingere, sed brevibus omnia licebit. Exempli causa: In titulo de rei vindicatione, scire cupio, contra quos detur illa actio & cui detur? titulum evolvo, quemcunque reperio, cui hæc actio tanquam actori detur, illius nomen ad dextrum spatium colloco, unico verbo. Domino: Emptor: Qui usuceperit &c. Eorum verò nomina contra quos datur, ad sinistrum spatium col-

LEG. DISCENDIQU. CURA. 319  
colloco , ita : Contra Possessorem, Furem,  
Latronem , Rapto rem &c. Quod si hu-  
juscemodi sit liber , ut ab utraque parte  
marginis commodè nomina signare non  
possis. Actorum nomina rubro depingas  
colore , Reorum verò nigro, idque ab uno  
tantum latere. Idem facito & in heredibus.  
Quibus actio datur , rubro colore trium-  
phent , unicâ tantum dictione : Heredes.  
Sin contra heredes nigro colore eandem  
dictionem, Heredes, pinge : Sin heredibus  
non datur, ad marginem scribe. Heredibus  
non datur. Quod si lex paulo intricatior  
tibi occurrat , eam asterisco notato, neque  
ad eam tanquam ad scopulum quendam  
adhærescas , tempus judicium confirma-  
bit , Quando itaque titulum quempiam  
perlegeris, & singula quæ illius tituli pro-  
pria sunt , adnotaveris , tum iterum eun-  
dem titulum perlege , cum ut memoriam  
confirmes, tum etiam ut aliud agas , quod  
hic perscribam. Librum ex papyro confi-  
cito, in quo omnes Pandectarum & Codi-  
cis titulos ( si quando in Pandectis titulus  
ille non habeatur) ordine scribas. Singulis  
titulis folium unum atque alterum relin-  
quito , & hic tibi liber locos tuos, suppedi-  
tabit , hoc pacto. Si quando secundo (ut  
dixi) titulum aliquem perlegeris, non jam  
respicias quid propriè ad eum titulum



pertineat ; nam illud antea jam per te an-  
 notatum erit. Verùm si quid à Iuriscôn-  
 sultis obiter in iis titulis sit permissum ,  
 quod ad alium referri debeat , id confide-  
 rato diligenter , & facile erit , cognitis &  
 perspectis omnibus titulis , ut jam antea  
 explicavi , videre , quò potissimum illud  
 referri debeat. Sed exemplum tibi dabo, ex  
 eo titulo quem ego hoc ipso die ad eun-  
 dem ipsum , quem tibi præscribo, modum  
 perlegi. Is est primus libri decimi Pande-  
 ctarum, Finium regundorum. Ad Legem  
 primam notavi ad marginem : Actio per-  
 sonalis est. Ad Legem secundam. Ad præ-  
 dia rustica pertinet. Item judicis officium.  
 Id quod & ad titul. Institut. De officio ju-  
 dicis notavi lib. 4. Ad legem quartam in  
 principio notavi ad marginem : Quod in  
 hoc judicium veniat. Idem ad finem us-  
 que. Perlecto ad eum modum titulo , ite-  
 rum eundem evolvi & perscrutatus sum,  
 nunquid aliquid sit , quod alio referendum  
 esset. Et statim in l. 4. §. post. litem &c. ad-  
 ferit Paulus , dolum , culpam , post litem  
 contestatam in judicium venire , item &  
 fructus. Id quod non hîc tantum , sed in o-  
 mnibus actionibus locum habet. Quid igi-  
 tur hîc faciam ? Locosne communes va-  
 rios & infinitos faciam ? absit. Plures locos  
 nolo quàm in Corpore sint tituli. Ostendit  
 igi-

igitur mea illa tabula, titulum esse libro Codicis tertio, De Litis contestatione. Idem ille titulus in papyraceo meo libro habetur; in eam igitur noto: Culpa, dolus, fructus post litis contestationem in iudicium veniunt, *l. 4. in princip. ff. fin. reg.* Sed quia de fructibus sæpe numero habetur quæstio, non mihi locum singularem hîc designo, sed tabulam inspicio, offert se titulus Codicis, De fructibus & litium expensis; at jam antè summarim didici, quòd ille ritulus de fructibus perceptis tradat. Quero igitur eundem titulû in libro meo papyraceo, & hoc quod Paulus de fructibus elegantissimè differit, breviter describo. Idem facturû per omnes Pandectarum & Codicis libros. Quando igitur de fructibus incidet quæstio, Codicem evolvam, & quod in eo titulo proprium erit ad marginem signatum, dicto cujus inveniam. Deinde librum illum ex chartis confectum explicabo. Is mihi ostendet, quid per universum Corpus Iuris scriptû sit de ea materia. Nec hîc (ut jâ sæpè dixi) locos communes conficiam, sed tantum titulos ipsos inspiciam, & quid in unumquemque titulum ex aliis adjecero. Item eâdem lege ait: Si dejecti aut exarati sint termini, id crimen esse. Quid? illud ad fines regundos tantum pertinet? nequaquam. Quid igitur,

tur, locum conficiam, ut magna librorum moles exurgat? nequaquam. ipsi tituli optimè sunt loci. Quòd illud igitur referam? Consule tabulam, & si poteris in memoriam revoca. Offert se titul, Pandectarum de termino moto. Idem titulus & chartis meis habetur; ad eum igitur scribe: Si termini exarentur, aut amoveantur, crimen committitur. *l. 4. ff. fin. regundorum &c. Ex l. 7. noto ad titulum qui & in Pandectis, & in libro papyraceo habetur. De receptis arbitris, etiam in modo (id est, mensura) agrorum constituendo arbitros rectè dari. l. 7. ff. de titul. fin. regendorum.*

Lex 10. mixtum quiddam ostendit, ubi quis simul & actor & reus censetur; id ad titulum de actionibus notavi. Nam is tit. divisionem & actionem, & conditionem, eorum qui agunt, tractat, ut meritò ibi signari id debeat, in una eademque causa quem & actorem & reum esse. Idem & in *l. 2. seq. titul. familia erciscunda* dicitur &c.

Caput illud Solonis ultimum, quod de ædificiis tractat propriè quò referendum sit, *ostendit. tit. Codicis de adificiis privatis*, ubi modi ædificandi recensentur, eò igitur hæc & similia referenda erunt.

Sed ego jam te arbitor satis, quid velim, intelligere, tu ipse de hac re iudicium  
fa-

facito. Mihi planè decretum est id, quod instituti nequaquam immutare.

Postremum illud erit, Callimache frater: Si quando locum aliquem inveneris, qui ad alium titulum propriè pertineat, illum non tantum (ut dixi) in libro ad id præparato, verùm eundem ipsum textum in Pandectis singulari aliquo colore integrum subducito: Ut si quando iterum contingat Pandectas perlegere, & iidem se loci offerant, statim scias, quòd abs te in suam classem atque ordinem digesti sint, ne te quærendi labor quotidie tum divexer. Præterea & illud commoditatis hinc ad te manabit, ut si post aliquid inveni- quod subsignatum non sit, & tamen alio pertineat, ut statim certior fias, & quod desit, impleas. Porro si locus aliquis tibi occurrer, quem non statim ad usitatum aliquem titulum accommodare poteris, te diu torquere ac divexare noli, verùm enim singularim in libellum ad id confectum conjicito, donec, se titulus offerat, quem postea iterum ex libello in suum ordinem atque titulum adponito.

Quod ad vocabulorum explicationes attinet, veluti quid significet Glans, Tignum, Grex partiarus &c. ea nomina, si libet, separatim ordine alphabetico collocato, vel in tuo Spiegelio ad marginem collocato.



Habes rationem, quam ego & expedi-  
tissimam & optimam esse censeo. Te ma-  
jorem in modum rogo, & per nostram  
amicitiam obtestor, ut quoniam ego hæc  
in magnis temporum angustiis ad te exa-  
rare non sum gravatus, tu vicissim in meam  
gratiam, in unico saltem Pandectarum  
libro, harum rerum periculum facias,  
& ad me scribas velim, quomodo res ti-  
bi successerit. Vale, & hæc candidis ran-  
tùm impertias rogo. 12. Augusti, Anno  
1554.



JACO-

JACOBI ACONTII  
TRIDENTINI

DE

METHODO,

*Sive Recta investigandarum, tradendarumque artium ac scientiarum  
ratione.*



Um apud omnes qui tantum  
judicio prorsus non carent,  
in confesso sit nullam artem,  
nullamque scientiam, nisi  
diligenti ac certa quadam  
methodo adhibita, vel tradi recte posse,  
vel percipi: cumque & antiquis tempo-  
ribus, & nostra hac ætate quàm plurima  
ingenia, præclara illa quidem & penè di-  
vina summis laboribus, summaque alio-  
qui diligentia in id incubuerint, ut po-  
sterorum studiis quam optimè consultum  
relinquerent: nunquam equidem satis mi-  
rari potui, qui factum sit, ut cum nulla es-  
set ars, vel facultas de qua æq; referret ab-  
soluta, ac perspicua extrare præcepta, at-  
que Methodo (quod nimirum cæteris om-  
nibus lumen afferre una possit) nemo ta-  
mè ferè extiterit qui dignam illam putasse

vi-

videatur in qua non dicam illustranda, sed ne rectè quidem cognoscenda ingenii sui vires intenderet. Quo quidem factum est, ut cum nulla sit ars, quæ non infinitos propemodum scriptores habuerit, quod tamen (penè dixerim) omnes rectam methodum neglexerint, nunquam intelligi eas satis posse ipsa doceat experientia. Dicam exempli gratia de una atque altera; quamplurimos quidem invenias qui Rhetoricæ præcepta, quæ prodita sunt literis, & sæpe diligenterque perlegerint, & insuper diu se exercuerint, optimos quosque oratores sibi imitandos proposuerint, multarumque rerum cognitionem adepti sint, & natura alioqui ad dicendum minimè sint inepti: quorum etsi oratio sit propria, ornata, elegens, copiosa, in iis tamen ad persuadendum vim roburque defideres. Cujus rei nulla alia potest esse causa, nisi quia artem, quod sine recta methodo tradita sit, non satis assequi potuerunt quamquam non negaverim, quæ scripsit ea de re Aristoteles ad Theodectem, ea bona ex parte habere methodum. Sed quod obscuro iilo, ac spinoso dicendi genere, more suo usus sit perpauca sunt, intelligere qui illa possint. Dialecticorum item frequens ubique est numerus, at si scripta si disputationes observes, nihil mi-

nus invenias, quam Dialecticos, quia scilicet illa similiter facultas adhuc methodum desideret: id quod de aliis quoque artibus, facultatibus, ac scienciis ferè omnibus dici jure posset. Multa sanè de Methodo pluribus in locis scripta reliquit Aristot. & præcipuè in 1. lib. de partibus animalium, sed tamen integram artem complexus non est. Id enim agebat tantummodo suorum ut scriptorum rationem redderet. Scripserat Galen. librum (qui non exrat) de constituendis artibus cujus jacturam aliquatenus conati sunt resarcire Martinus Acachias & plerique alii medici qui tamen plurimùm lucis huic facultati attulerunt, ita scripserunt tamen, ut vel ubi de Methodo tractant, ibi nihilominus jure Methodum requiras, præterquam quod Galenum sequuti sunt, cujus sententia, quòd censuerit non eadem Methodo contemplari commodè & docere aliquem posse, sed contrariis, probari mihi nullo modo potest, apertissimè reclamante non tantum Aristotele, sed & certissima ratione, & ipsa quoque experientia, id quod suo loco ostendemus.

Equidem quibus constet vera methodus diu ac pertinaci quodam labore conatus sum intelligere, nec tantum libros volui consulere, sed multò etiam diligentius



experientiam. ſim ne autem tandem perfectè aſſequutus dicere equidem non auſim. hoc ſcio, me verè poſſe dicere, quum eſſem natura ad rerum investigationem minimè aptus, rationem tamen me aliquam ejusmodi ſtudio, ac diligentia comparàſſe, quam & ad emendandum illum naturæ defectum, & ad res commodè explicandas, maximo experiar mihi eſſe adjuumento. Quicquid autem illud ſit, cùm optimo cuique ingenio magnoperè profuturum ſperarem, ſtatui hunc qualemcumque meorum laborum fructum cum ſtudioſis omnibus communem facere. Itaque ſiquidem in theſauro ( quod magnopere velim ) aurum inventum fuerit, erit id mihi tam jucundum, quàm quod jucundiſſimum: ſi inventi fuerint (ut eſt in proverbio) carbones, conatum certè meum, qui prodeſſe etſi non potuero, ſaltem voluerim, nemo niſi nequiſſimus improbabit. Fortè enim excitabuntur hinc feliciora aliqua ingenia, quæ quod ego non potuero, ipſa præſtent. Sed tales ego maximè optarim lectores, ut aut nullam omnino haberent, ſeu habere ſe crederent methodicæ rationis cognitionem, aut ſi perlegiſſent, quæ ab aliis ea de re tradita ſunt, conarentur ſaltem quamcunque illius intelligentiam ſe aſſequutos exiſtimarent, eam tantis-

tisper seponere, dum quid & nos sentiamus  
 integro possent iudicio perpendere. Opta-  
 rim insuper ut nostræ rationis periculum  
 etiam facerent in facili aliquo argumento,  
 indagando: primum ex præceptis quæ tra-  
 daturi sumus, rei notitiam: ac deinde rem  
 eandem explicando. Neque enim persua-  
 dere sibi debet quisquam artem se ullam  
 rectè posse intelligere, nisi usus accesserit,  
 & nisi experimenta perspicuam reddant  
 perceptorum vim, atque efficaciam. Quod  
 si hæc percurrat aliquis tantum, ceu histo-  
 riam quampiam, dignoscere profectò nun-  
 quam poterit quid boni insit, aut mali:  
 quin imò quamprimum viderit me à relin-  
 quorum orbita paululum recedere, lecto-  
 remque fallere, singulis locis eadem quæ a-  
 pud alios legerit, aut parum admodum di-  
 versa expectantem, facile opinabitur, & me  
 aliorum scripta minime vidisse, & se satis  
 causæ habere nostra contemnendi. Nec  
 verò pigere studiosos debebit laboris, quem  
 impendere cognoscendo methodico huic  
 usui oportuerit ( qui sane pro rei dignita-  
 te haud erit magnus ) sed quantuscunque  
 tandem erit, tantus tamen nunquam esse  
 poterit, quin illum cumulatissime ejus sit  
 utilitas compensatura. Equidem si filius  
 mihi esset aut adolescens quispiam alius æ-  
 que carus, qui speraret habiturum se tri-  
 ginta

330 JACOBI ARCONTII  
ginta annorum otium, quod in literarum  
studiis sumeret, horraret illum, ut potius  
integros viginti in assequendo vero me-  
thodi usu infumeret, quàm ut eo contem-  
pto, reliquis studiis totos illos triginta an-  
nos daret, minimeque dubitarem optime  
illi consultum fore: pro certo enim habe-  
rem reliquorum decem annorum labore  
ad majorem eum solidioremque eruditio-  
nem perventurum, quam si ea re destitu-  
tus, aliis tantum in studiis ætatem omnem  
contereret: quod minime mirabitur quis-  
quis putat Platonem alicujus saltem fuisse  
judicii, cum is in Phædro Socratem dicere  
faciat, si quem inveniebat qui unum co-  
gnoscere posset & plura (quæ tamen me-  
thodicæ rationis non nisi pars est quæ-  
dam) ejus se vestigia sequi solitum tan-  
quam numinis alicujus. Sed longe minus  
mirabitur quicumque se in ea aliquamdiu  
exercuerit. Tanta est enim studiose lector  
(mihi crede ejus utilitas, ut æstimare ne-  
mo nisi expertus possit, utcunque paucis  
quibusdam, ac tenuibus constare præce-  
ptis videatur.

Cæterum id præcipue conati sumus, ut  
maximam brevitatem cum pari perspicui-  
tate conjungeremus. Nam cum artium  
utilitas non ex earum cognitione sed usu  
constet, necesseque sit, si quidem arte ali-  
qua



qua uti velis, ejus tibi præcepta esse in promptu, non secus atque literarum elementa scribere aut legere volenti, diligenter videtur in tradendis artibus verbositas omnis fugienda. Quam quidem ob causam disputationes quoque, opinionesque iis coacervandas reliquimus, quibus curæ est ostentare potius, quàm multum ipsi sapiant, quàm aliorum studia promovere, vel quibus res est cum pertinacibus.

Dubitandum sanè mihi esse non videtur, quin Methodus ad logicam referri debeat, quando & definiendi & dividendi, & colligendi leges complectitur, quæ omnia satis constat ad Logici officium pertinere: ut igitur intelligi commode quid sit Methodus possit. definiri ac dividi Logicam oportet.

1. Est verò Logica, meo quidem iudicio ( utcunque eam definiant multi ) recta contemplandi docendique ratio, ac duorum sane alterum, & contemplemur, & doceamus necesse est: nempe, aut recte ne aliquid de aliquo affirmari possit, vel negari, seu hoc ne potius quàm illud: ut An servanda sit inimicis fides, nec ne? itemque militiane, an toga dignior sit? aut ut relicto veritatis examine, quæratui rei alicujus explicatio: ut quid sit bellum, quibusve constet ars dicendi, aut Christia-



na religio: vocabimusque ea quæ ad primam rationem pertinent Quæstiones: quæ verò ad alteram referuntur, Thematia, sive Proposita. quo fiet ut Logicæ duæ sint partes: quarum altera pertineat ad quæstiones, altera verò ad proposita, quam nunc explicandam suscipimus. Quamquam enim veri quoque ac falsi examen recte fieri non sine Methodo aliqua potest, magis tamen nomen Methodi ad eam videtur pertinere rationem, qua recta ordinataque propositorum fit discussio.

Sit igitur Methodus recta quædam ratio, qua citra veritatis examen & rei alicujus notitiam indagare, & quod assequutus fueris, docere commode possis. Quamquam autem in Thematia alicujus explicatione multa incurrere possunt, quæ confirmatione indigeant, non tamen ea sumenda erit ex Methodi, de qua hic agitur, præceptis: quin ad eam tum Logicæ partem erit recurrendum quæ pertinet ad quæstiones. Siquidem harum Dialecticæ partium officia confundenda non sunt.

II. Quis autem sit Methodi finis propter quem est experienda ipsa definitione indicatur. Est enim rei alicujus cognitio, quam qui contemplatur, assequi cupit: qui vero docet, aliis impertire nititur.

III. Dicendum est ergo qualisnam intel-

telligatur. esse integra rei alicujus cognitio: hoc est, in quibus consistat, aut quando eam habere dicamur: mox quarum haberi rerum possit, & quisnam sit ejusmodi cognitionis capax. Postremo ex quibus gignatur causis, ac de illa quidem cognitione hic agi sciendum est, quæ rationationis ope acquiritur, non autem de illa, quam innasci nobis arbitramur: cujusmodi est communiorum animi conceptionum notitia, ut de illa quæ à sensibus proficiscitur, de quibus infra dicemus.

iv. Integram rei alicujus cognitionem tum nos habere arbitramur, si noverimus quid sit, quæ sunt ejus causæ, quive effectus: & qui hæc omnia perspicere possit circa rem aliquam, sine dubio, is & singula poterit perspicere.

v. Ac ne quis verba forte magis intueatur, quàm res ipsas, animadvertendum est in artibus, tum cognoscendis, tum tradendis rei causas eas ferme intelligi, quæ ad ipsarum artium fines spectant. Si enim ponatur Rhetoricæ finis esse persuasio, tum demum Rhetoricæ re causas putato assequutum, si persuasionum causas assequutus fueris. Nolle enim, exempli gratia, quis Rhetoricæ inventor, constitutorque fuerit, & cætera ejusmodi parum refert. Intelligimus autem quid res sit, si primum  
no-

nominis significatio, ambiguitate, atque obscuritate omni sublata, deindeque rei natura perspecta nobis fuerit.

Porro causarum quatuor faciunt genera, Materiam, Formam, Efficiens, Finem.

Materiam dicimus, quæ formas recipit, tam quæ naturæ ope proveniunt, quàm quæ artificio fiunt. Quæ naturales formas recipit, aut simplex est, atque impermixta, aut composita. Simplicem Aristoteles primam vocat, quòd (ut plerique arbitrantur) primorum corporum, quæ elementa dicuntur, formas recipiat. Composita ex quatuor elementis constat, quorum con-temperamento reliqua omnia generantur. Dicitur & materia, ex qua aliquid efficitur, aut nascitur, ut pannus, ex quo vestis fit: quemadmodum ex lateribus, lapidibus, lignis, calce domus: ex ære, cera, plumbo statua.

Formarum verò quædam naturales sunt, cujusmodi est hominis, equi, leonis: quædam artificiosæ, ut statua: quædam partim ab arte, partim à natura proveniunt, quod genus sunt fructus, qui in arbore nascuntur quæ in alieno, eoque non suæ speciei, trunco insita fuerit. neq; enim fructuum illorum forma à sola provenire natura dici potest, cùm nemini dubium sit, nisi agricolæ ars, operaque accederet,

nun-

nunquam fore, ut ea sola tales fructus produceret. Verumtamen ad artificiales, ejusmodi quoque formas rejiciemus. Naturalis forma motus sive actionis est principium: proinde & effectricis causæ rationem obtinet, atque ea quidem aut simplex est, aut composita. Simplex est, quæ simplicem, imperfectamque habet naturam, cujusmodi sunt elementorum formæ, quas prima induit materia. caret autem materia prima omni prorsus forma, non quod aliquando sine ulla forma existere possit, sed à compositis mente tantum abstrahitur, intelligiturque. Composita forma est, non quæ ex pluribus formis constet (ea enim una est, non plures) sed quæ plurimum & perfectiorum motuum, quàm simplex principium sit, ut stirpium forma, quæ vegetandi vi donata est, cujus motus perfectior distinctiorque existit. In vegetatione enim continentur attractio, retentio, & alii id genus vegetatricis facultatis motus, quos naturales actiones appellamus. Eadem ratione rerum multiformium, quæ non ex elementis solùm genitæ sunt, sed mistis naturis ex elementis, forma distinctior, perfectiorque est. atque hæ ipsæ res quo melius contemperatæ fuerint, elaboratiusque à natura permixtæ, eo compositiorem, distinctiorem, ac perfectio-



rem habent formam, proindeque motus plures, ac perfectiores. Elementa enim perfectione & numero actionum plantæ antecedunt; plantas autem animalia: homo vero hæc omnia, quoniam interea, quæ in hoc orbe genita sunt, temperatissimus est, elaboratissimus, & velut naturæ opus absolutissimum, perfectissimumque. Artificiosam autem formam nihil aliud esse dixerim, quam illud ipsum, per quod res ad usum aliquem apta est. Sratuæ namque forma reddit marmor idoneum ad referendam alicujus effigiem; cultri vero forma cultrum ad incidendum.

vi. Sed materiam quidem & formam proprie solæ habent corporeæ substantiæ. Verumtamen in accidentibus accipitur pro materia vel subjectum, in quo accidens fit, veluti auditoris animus, in quo vi orationis fit persuasio: vel id, circa quod fit: vel de quo: vel si quid est præterea, quod alio quovis modo efferri possit. dicemus enim medicamenta, morbos, & reliqua, circa quæ versatur medicus, medici esse materiam, & bellum ejus orationis materiam, quæ de bello tractet, sic & emptionis & venditionis materia erit, id quod emitur & venditur. Primum (Quintilianus inquit) considerandum est, & quis, in qua causa, & apud quem, & in quem & quid

quid dicat. Hæc omnia, in qua causa, & apud quem, & quid dicat non alio pertinere arbitramur, quam ad orationis materiam & subiectum.

Similiter est & aliquid in accidentibus in quo consistat, ut res sit id, si quod est, sicuti in emptionis & venditionis contractu est pretii conventio, unde habet ut sit emptio & venditio, idque erit pro forma accipiendum.

Efficientium causarum duplex est conditio. Nam aliæ effectum perpetuo comitantur, quales sunt internæ: aliæ abesse possunt, quales sunt, quas evidentes, ac externas dicimus, ut solis ardor diariæ febris est causa, etiamsi à de ürendo cessaverit. Quædam insuper necessitate naturæ, quædam opificis arbitrio agunt. necessitatem sequuntur quæcunque consilii iudicii que sunt expertia, ut ignis, proposito sibi quod uri possit, nequit non urere: defectu autem agunt, quibus liberum est agere, vel non agere, ut homines illis in rebus, quas consilio, rationeque administrant.

Earum quæ necessitate agunt, quædam naturæ conatu; aliæ externa vi agunt. Conatu naturæ agunt ea, quorum agendi principium est intra ipsa, nullo extero adjuvante, ut ignis, cui innata est urendi vis, nec cessat urere, donec superest ali-

quid, in quod explicet vim suam. Externa vi agere dicuntur, quibus aliunde agendi vis accessit, ut aqua fervens calefacit, non sua, sed ignis vi, à quo calorem accepit. Sed istorum vis non est diuturna, verùm remittitur ita, ut statim ad naturam suam redeant. In his quæ necessitate agunt satis est ut possint agere: in illis verò quæ delectu, opus est ut etiam velint.

Est & alia efficientium discretio: quædam enim præcipua sunt & imperantia: quædam obsequuntur & ministrant, & horum alia agunt, & alia sunt instrumenta: ut sunt in bello gerendo imperator, miles, arma.

Aliæ insuper causæ ejusmodi sunt ut solæ ad effectum producendum sufficiant: aliæ verò concurrant oportet, ut ad procreationem masculus & fœmina.

Quædam demum agunt aliquid: quædam verò ejusmodi sunt, ut ad producendum effectum nihil quidem ipsæ conferre videantur, sed non producatu'r tamen effectus sine illis, vocanturque adjuvantes causæ: exempli gratia, in fure celandi delicti, aut pœnæ quovis modo effugiendæ spes eum quidem ad rem surripiendam non movet, sed tamen minime eam surriperet, nisi haberet ejusmodi spem aliquam. atque huc quidem locum & tempus refe-



rendum arbitramur. Considerantur autem in efficientibus rei quantitas, qualitas, & modus, ordoque agendi.

Finis potissimus est caussarum omnium. Is enim est cujus gratia omnia agunt. aguntque omnia boni alicujus gratia: & finis quoddam bonum est. quo pacto ergo ratio boni in rebus discreta erit, eodem & finium sumemus diversitatem. Quædam enim sunt per se bona: quædam quia aliis conferunt. quæ per se sunt bona, ea certum est summa esse, ut supra ea nihil sit expetendum. ea sunt, ut brevissime dicamus, status uniuscujusque rei in suo genere perfectissimus. Summum itaque ignis bonum est esse maxime calidum, & siccum. Sic uniuscujusque rei perfectissima illa, consummatissimaque habere, quæ ipsis tribuit in suo rerum genere natura. Conferentia dicuntur, quæ ad summa consequendum adjumento sunt.

Sed bonorum, atque proinde finium ratio bifariam initur. Quandoque initur, pro singularum rerum conditione, quam habent in suo genere quæque, ut domus perfecta ultimus est fabricantis finis in suo genere quandoq; vero fines accipimus ex toto ordine rerum, quo cuncta, alterum alterius usibus videntur accommodata. Possunt & aliter unius plures esse fines, ut



alius sit operis, alius, operantis, alius ju-  
hentis. Ubi plures sunt ejusdem rei fines,  
ii quidem erunt aut medii, & quasi specta-  
ntes unus ad alium, quorum unus proxi-  
mus sit, alii remotiores: ut si dicas parari  
frænum regendi equi gratia, equum au-  
tem gratia belli, bellum fieri propter vi-  
ctoriam, experi victoriam tranquillitate  
frui ut possis nam intelligemus ei qui fræ-  
num sibi parat, equum regere proximum  
esse finem, reliquos autem remotiores,  
nempe hos, bellum, victoriam, tranquil-  
litate: sed tranquillitatem ultimum &  
extremum esse finem. Aut erunt omnes  
æque propinqui, ut si quid in amici alicu-  
jus gratiam facias, & ut te illi beneficii  
forte accepti memorem gratumque osten-  
das, & ut illum tibi magis benevolum red-  
das. Horum siquidem utrumq; ad id, quod  
facis, æque propinquus erit finis. Et aut  
erit alius alio principalior, ut si pluris fa-  
cias gratum te amico exhibere, quàm eum  
tibi magis benevolum reddere, æque prin-  
cipales erunt omnes, ut si non pluris hoc  
quàm illud facias.

Et finis aut est adeptio rei alicujus: ut  
in domo fabricanda habitationis commo-  
ditas, aut evitatio incommodorum: ut si  
quid facias morbi declinandi gratia.

Estque tandem finis, aut corporea res  
all-

aliqua, aut rei corporeæ Usus, aut actio tantummodo nullum post se opus relin-  
quens: ut si probabiliter & ornate dicere  
ponatur Rhetoricæ finis esse: aut est ali-  
quod aliud accidens. ut si Rhetoricæ  
finis itatuatur esse persuasio. Joannes Ar-  
genterius plura facit causarum genera.  
nam instrumenta, & quas adjuvantes caus-  
sas appellamus, ab efficientibus sejungit,  
& adjuvantium etiam duo genera enume-  
rat: alterum eorum, sine quibus effici res  
non potest: alterum eorum, cum quibus  
fieri non potest: segregatque insuper id,  
in quo res fit, & id circa quod fit, ita ut  
sint novem: id à quo res fit, hoc est effi-  
ciens: per quod res fit, hoc est instru-  
mentum: sine quo, & cum quo non fit:  
ex quo res fit, quæ propriè est materia: in  
quo fit, quod est subjectum: & circa quod,  
& cujus gratia res est, quod est finis, &  
quod facit rem esse, quod est forma. Sed si  
res non verba spectes, utram sequaris par-  
titionem non admodum referre arbitra-  
mur, dummodo in illis quatuor hæc  
omnia intelligantur.

Effectum autem cujusque rei nihil aliud  
esse dicimus, quàm illud ipsum, cujus res  
est causa, quod & finis est. Sed quatenus  
à causis producitur, effectus appellatur:  
quatenus verò sui desiderio efficiētes cau-

fas movere ad agendum, finis dicitur, & inter causas numeratur. Intellectis igitur quæ ad finem pertinent differentias, effectuum simul differentiarum cognoscuntur. Sed ad effectum refertur etiam qualiscunque rei exitus, qui vel præter intentionem sequatur, ut si quis ex militia non lucrum, cujus gratia profectus fuerat, sed damnum reporter.

Sed tum demum rei alicujus cognitionem nos habituros censendum erit, si & ipsius rei communiter, & cujuscunque ejus partis, vel speciei definitiones, & causas effectusve perspectos habuerimus, & causas quidem, effectusve cognoscere intelligemur, si ipsarum quoque causarum causas & effectuum effectus, usque ad extremos, tum communiter, tum per partes quoscunque, & species noverimus usque, ad simplicissimas partes, infimasque species.

VII. Eorum quidem haberi ejusmodi poterit cognitio, quæ finita sunt, & perpetua & immutabilia: quod genus sunt universalia omnia. infinitorum autem & corruptibilium, qualia sunt singularia, nulla est scientia. Omnia vero aut pendunt à nostra voluntate: ut quæcunque agimus, facimusque: aut non pendunt à nostra voluntate. Eorumque alia constant ex materia ut res naturales omnes: alia ta-

met si

metſi ſunt in materia, intellectu tamen à materia ſeparantur: ut quantitates, circa quas verſantur Mathematici: alia ſunt omnino à materia ſejuncta: ut Deus & Genii.

VIII. Hujusmodi autem cognitionis ille erit capax, in quo naturalis ratio vi-geat, cujus ope rerum poſſit ſimilitudines, differentias confequentiaſque perſpicere.

IX. Oſtendimus jam quibus conſtet abſoluta cujuſque rei cognitio, quarum haberi rerum poſſit, quis ejus ſit capax. videntum igitur nunc ex quibus gignatur cauſis, ſive ſponte diſcendum alicui ſit, ſive à doctore.

Illud ſane dubium eſſe non debet, quin cognitionem omnem, quæ ratiocinando acquiritur, ab aliqua gigni cauſſa oporteat, & cauſſa quidem illa neceſſe eſt ut ſit aliquid ante jam cognitum, quod adhibiſum ad id, quod ignorabamus prius, efficiat ut in ejus veniamus notionem. Sic & Ariſto-teles aſſerit, omnem doctrinam & diſciplinam, quæ ratione conſtet, ex præcognitis fieri, unde conſequens eſt nihil quemquam poſſe addiſcere, niſi ea præcognita habeat, quæ apta ſint ad illud patefaciendum, quod aſſequi cupiat. Et cum infinita propemodum ſint ea, quæ addiſcere homines poſſunt, maxime inſuper credibile videtur



nullum esse hominem, in quo naturalis tantum ratio vigeat, cui non omnes fere illæ in sint notiones, quæ sint ad percipiendam unamquamque disciplinam, seu rem quamlibet, necessariæ: quanquam lateant persæpe, nec facile sit animadvertere quid ad quam rem cognoscendam, & quomodo adhiberi oporteat, sicut usu venire posset ut aliquis haberet quidem domi omnium generum medicamenta, nesciret autem quo quisque morbus potissimum curandus esset.

Logicæ ergo munus est, tum hujus scilicet partis, quam hic persequimur, tum alterius, quæ ad quæstiones pertinet, notiones illas ceu scientillas subcinere latentes detegere, apteque ad res obscuras illustrandas applicare.

Quamobrem sciendum in primis erit, quænam sint omnium notissima, ut sive contemplemur, sive doceamus, eo sumpto quod sit perse notum ad ea pergamus quæ nos latent. Pro eodem autem intelligendum hic est, aliquid notius esse, & prius, contingere ut sit notum.

Necesse est ut ergo quicquid præcognoscimus, ad id quod ignoramus quodque intelligendum est aliquo se habere modo, aut scilicet ut magis universum ad minus universum: aut ut totum ad partes: seu ut com-

compositum ad simplicia: aut ut causam ad effectum: aut è converso. Contraria vero & adjuncta, & conjungata, & reliqua ejusmodi ad quæstionum tantum discussionem pertinere, non etiam ad id, de quo hic agitur, censendum est.

Insuper quicquid præcognoscimus id erit aut conjunctum aut disjunctum. Conjunctum intelligo quicquid oratione aliquid affirmante vel negante exprimitur, quale hoc erit: mundus aliquando periturus est: disjunctum vero, quod simplici aliqua voce vel etiam pluribus nihil affirmantibus vel negantibus exprimitur: qualia sunt: mundus, homo, substantia.

In disjunctis prius quidem aliqua singularia cognosci necesse est, quàm ad rei universæ notitiam pervenias. quod inde facile apparet, quod infans, antequam rem ullam viderit, neque quid hic homo sit, neque quid in specie homo, neque quid animal, neque substantia intelligit. tum autem primum quandam hominis speciem animo concipiet, ubi duos vel tres homines videri: atque inde pedetentim procedere ejus notitia, semper ab iis, quæ latius parent, ad ea quæ minus late: itaque evenit, ut perpaucorum singularium cognitio, intellectum ad ea quæ maxime universa sint, perducatur. ex duobus enim ho-

346 JACOBI ACONTII  
minibus (exempli gratiâ) concipitur hominis species : ex homine & equo animal : ex animali & lapide vel ligno corpus : ex corpore atque animali substantia, quo quidem fit , ut è converso prius perspicua fiant magis universa , quam eorum quæ sub ipsis continentur , multitudo. imo ne haberi quidem potest singulare omnium cognitio , distincta scilicet, quomodo hunc vel illum hominem vel equum cognoscere poteris. Verum qui genus aliquod intelligit, is aliquatenus (confuse videlicet ) omnia etiam novit, de quibus ipsum genus dicitur. Siquidem in omnibus communem quandam naturam intelligit : utpote in omnibus animalibus vegetandi sentiendique vim, quare siquid cognoscendum tibi sit eorum quæ sub cognito jam genere continentur : notitia quam acquires, ab iis quæ latius patent, originem sumet. nam siquid procul conspexeris , primum quidem agnosces id quod valde universale est , corpus videlicet esse : propius vero accedens , si se movere illud videris , intelliges animal esse , quod minus pater , quam corpus , mox perspicies esse hominem, postremo Platonem vel Socratem.

Quatenus igitur aliquot singularia vel minus communia prius cognoscere oportet quam communiora cognosci contingat :

gat; minus communia communioribus notiora esse dici possunt. Quatenus autem prius cognoscuntur communiora, quam eorum quæ sub ipsis continentur multitudo, notiora erunt, quæ magis communia fuerint: & maxime communia, maxime item nota ac perspicua. Aristotelisque hoc modo conciliari posse videntur contrariæ hac de re assertiones. Quid vero naturæ notius sit quidve ignotius, admodum equidem curandum non puto, quum id ad rem nostram non videatur facere, neque enim naturæ, sed homini cogitandi, docendique ratio traditur.

Conjunctorum diversa ratio est. nam esse videntur in natura hominis ingenitæ universæ quædam notiones, quæ quidem ejusmodi sunt ut si quis proferat earum aliquam intellecta duntaxat verborum vi, & significatione, non possit aliquis non eam veram esse agnoscere, illique assentiri. quod genus hæ sunt: Totum qualibet sua parte majus esse: si ab æqualibus æqualia demas, cætera æqualia remanere. Nemini sine causa nocendum esse: & similes aliæ, vocanturque communes animi conceptiones, dignitates, primæ & immediatæ sententiæ, per se notæ, ac prima principia: & iis quidem nihil potest esse notius.



Quorundam autem notitia necesse est ut ab aliquo sensu originem sumat. Et quanquam sensus non percipit nisi singularia, nihilominus ex iis, quæ sæpenumero fieri sentit, experientia sit & cognitio stabilis, immutabilisque: nam cum sæpe viderimus ignem calefacere, neque secus unquam contingere, universa in nobis hujusmodi fit notio, Ignis videlicet calefacit.

Totum partibus notius esse, & compositum simplicibus nemini dubium viderur. quod intelligendum est, si totum accipias ut totum & partes, ut partes.

At causarum ad effectum ratio aliqua distinctione indiget. nam in iis, quæ pendent à nostra voluntate, ut est domus fabricanda: finem extremum seu effectum, omnium notissimum esse oportet, Siquidem hic, qui domum vult fabricare, nihil recte faciet, nisi ab initio consideret, quot quasve commoditates in domo exoptet: inde totum animo deformabit ædificium, tale scilicet quale præstare possit commoditates illas. mox autem materiæ habebit rationem, considerabitque insuper quot & quibus opificibus, quibusque instrumentis opus sit: ut ex materia, quam paraverit construere tale opus possit. Atque ita quidem fiet ut quo quidque fini propius fuerit, eo quoque prius in consideratione ha-

beaturn, tanquam notius : quo autem remotius, posterius, utpote minus notum, In iis vero quæ à voluntate nostra pendunt, & constant ex materia, ut sunt res naturæ & opera omnia, quæ ipsi non fecimus : primum quidem sese offert nobis totum ipsum compositum, deinde partes spectamus, exinde quonam pacto junctæ & in unum congestæ sint, consideramus, postremo quem ad finem omnia spectent perpendimus.

In mathematicis alius non videtur esse cognitionis nostræ ordo quam à magis communibus ad minus communia. id quod apud Euclidem videre licet.

De Deo autem, de genis, deque substantiis ejusmodi, si qua ratiocinationis ope acquisita est cognitio, ea omnis ab affectuum inspectione profecta esse videtur.

Inspiciamus igitur, qua ratione applicari notiora oporteat ad ea, quæ scienda circa unamquamque rem esse diximus.

x. Quidnam res sit definitio explicat, cujus duo sunt genera. Si quidem alia est nominis definitio, alia rei, Nominis definitio ea est, qua nominis, aut loquutionis vis & significatio exponitur, quæ improprie definitionis est nomen adepta. quamquam adhiberi eam necesse est, ubicunque aliqua sit verborum obscuritas.

Rei

Rei quoque definitio duplex est nam alia rem tantummodo per accidentia describit, quæ & ipsa improprie definitio dicitur: alia vero quid res sit, hoc est, quæ sit rei natura explicat, quam brevissime. atque hæc quidem proprie appellatur definitio quæ ut recte suo defungatur munere, necesse est, ut neque angustior sit, neque latius pateat, quam res definita: quod fit ubi de quacunque re dicitur res definita, dicitur etiam definitio, & de quacunque re dicitur definitio dicitur etiam res definita: ut quicquid est homo, est animal rationis particeps mortale, & quicquid est animal rationis particeps mortale, est homo, id est enim definitionem cum re definita converti. alioqui enim vel, si latius pateret, non propriam ejus naturam sed cum aliis item rebus communem indicaret: vel, si angustior esset, non totius rei naturam explicaret, sed partis tantummodo. Absoluta autem omni ex parte erit, si ex genere composita fuerit, propriisque rei differentiis: & si fuerit insuper plana & perspicua, hoc est, si constet verbis propriis & usitatis. non autem obscuris, ambiguis, aut ex longinquo translatis.

Genus est id, quod plures sub se complectitur species, & de singulis in eo, quod  
quid

quid est, dicitur. ut animal comprehendit sub se hominem, equum: leonem, aliasque species multas: & si quis interroget quid homo sit, responderi apte potest animal, & si quid equus? animal, si quid leo? animal, & sic de singulis. Et generum quidem aliud est summum, aliud medium, aliud infimum. Summum illud est, quod sub nullo comprehenditur genere: medium est quod & comprehenditur sub alio communiori, & ipsum alia sub se complectitur, genera, infimum autem illud est quod non alia genera, sed tantum specius complectitur.

Summa genera decem faciunt, quæ vulgo decem prædicamenta nuncupantur: nempe, Substantiam, Quantitatem, Qualitatem, Ad aliquid, Agere, Pati, Ubi, Quando, Situm esse. Habere: è quibus quidem sola Substantia eas omnes complectitur res, quæ sustinent accidentia, veluti nix candorem: reliqua verò omnia Accidentia sunt, nec subsistere sine aliquo subiecto possunt. Quantitas enim vel Qualitas ulla esse nunquam poterit, nisi aliquid sit, cui quidem insit, quod & de reliquis omnibus dici potest.

Differentia nihil aliud est, quàm illud ipsum, quo, cum alia ex iis quæ sub eodem sunt genere participant, alia non partici-

pent,



pent, efficit ut secerni hæc ab illis possint. Sed differentiarum aliæ quidem sunt ejusmodi, ut rerum, quibus insunt, naturam, formamque exprimant qua res id sunt quod sunt, ut hominis est, rationis particeps. Homo enim ea re homo est quod rationis sit particeps. Suntque differentiæ hujusmodi de causa, propter quam res est, id quod est, & formales, specificæque appellantur, eò quod aptissimæ sint ad constituendas species, segregandamque unam ab alia. & ab iis persæpe denominantur ipsæ species, quibus insunt, si alio careant nomine, quod sit in substantiæ formis: quarum hæc quidem animata nuncupatur à differentia. illa vero inanimata à sua item differentia.

Aliæ autem rerum tantummodo sunt accidentia, quarum rursus quædam re ipsa sunt separabiles, ut in aqua calor, qui cessare potest: quædam vero sunt inseparabiles, ut in Cygno candor. Et hæc rursus aut sunt unius tantum generis, vel speciei propriæ, ut in homine ridere vel cum pluribus communes, ut in cæcus. Quandoquidem igitur notum jam est quid sit genus, & quid differentia, quoruplexque sit utrumque, nunc explicandum erit qua debeant ratione investigari ad definitionem constituendam. Primum omnium repertiendum erit

erit rei genus, quod quidem si notum non sit, ex aliquo erit notiore cognoscendum. Cumque summa illa omnium sint notissima, à summo erit genere incipiendum & ut invenias, cui subjici ex decem illis generibus debeat, percurrenta erunt omnia si enim id de quo agitur, substantia non sit, perpende an sit Quantitas, & si non quantitas, an qualitas. & sic deinceps reliqua percurres omnia, donec inveneris ad quodnam genus referri debeat.

Repertum autem summum genus proximas in species divides, quæ universum ipsum exhaustiant: deindeque perpendes quam ad speciem res proposita pertineat mox ipsam quoque (si res ita tulerit) speciem divides alias in species, animadvertesque similiter, cui res ipsa subjicienda sit, & pedetentim eo usque dividendo procedes donec ad rem ipsam perveneris. Sumendumque pro genere illud erit, cui proxime illam subjici compertum fuerit, si modo suam habeat appellationem, sicut habent animal, piscis, avis: non autem à sua differentia denominetur, sicut corporea & incorporea, quæ substantiæ sunt species: tunc enim necesse esset remotius sumere. Neque enim rectè definiretur animal esse corpoream, animatam, sentientem. est enim corporea non genere, sed differentia.

Habito genere proximum est ut differentias investiges, per quas res ipsa ab omnibus aliis secernatur rebus, quæ sub eodem sunt genere, & unà cum genere propria ipsius demonstraretur natura.

Ideo sumenda semper esset differentia, ut omnes volunt, ex rei, quæ definitur forma, eo quod (ut diximus) aptissima illa sit ad rei vim, naturamque exprimendam. Verum tamen cum rarissimè in promptu haberi ejusmodi possint differentiæ, recurrendum necessario erit ad propria ipsius rei accidentia. Qualescunque autem sumantur differentiæ, oportebit saltem palam esse, quod rei convenient simul junctæ soli, itemque omni & semper. Sed ubi proximum sumitur genus, adjectis differentiis, quæ à reliquis ejusdem generis formis rem segregent, definita rectè res erit. Quod si remorum adhibueris, necesse erit omnes adjicere differentias, quæ non tantum à reliquis formis sub proximo communi, cum re definienda, genere contentis, rem distinguant: sed ab omnibus omnino, quo remorum illud genus complectitur, ut si hominis statuatur genus substantia adjiciendæ erunt omnes hæ differentiæ, nempe corporea, animata, sentiens, terrena, ratione prædita.

Potremo necesse est ut hæc omnia ex-  
pri-

primantur verbis clavis ac perspicuis, & quo ad ejus fieri poterit paucissimis, ita ut nihil redundet, Definiri autem possunt, quæ neque singularia sunt, quorum diximus scientiam non esse, neque ita universa, ut nihil extet, sub quo ipsa contineantur communius, qualia sunt, quæ vocant transcendentia (sic enim nihil extaret, quod posset in definitione tanquam notius adhiberi) sed inter utraque collocantur.

Et hæc quidem sunt præcepta, quæ destruenda definitione dari fere possunt: quæ tamen adeo absoluta minimè sunt, quin eorum in rebus definiendis observatio longè difficilis existat. quo sanè fit ut plærunque ea in re, vel à magni nominis viris non leviter peccari soleat. Idcirco operæ pretium facturi videmur, si vitiorum, quæ cadere in definitiones possunt, quendam veluti catalogum subjecerimus: ut cum non ita in promptu sit perspicere quid sequamur, saltem quid fugiendum sit, non lateat.

Primum igitur vitium erit, si fortè sumptum rectè genus non sit: quod quidem ex generis natura, & proprietatibus perspicuum fiet. Nam genus de omnibus dici debet, quæ sub singulis ejus formis continentur usque ad individua. quamobrem si rei, quæ definitur species aliqua, vel quipiam



piam ex iis, de quibus ipsæ species dicuntur, usque ad individua, non contineatur sub eo quod pro genere sumptum est, ne ipsius quidem rei genus fuerit: ut bonum voluptatis esse genus non poterit, quod aliqua voluptas in bonis non sit.

Genus ejusdem Categoriæ seu prædicamenti necesse esse, cujus sunt & ipsius species, quare cum nix & cygnus ad substantiam pertineant, candor autem ad qualitatem, non poterit candor nivis aut cygni genus esse. Si res definita non numeretur inter species in quas immediate sumptum genus dividitur, necesse erit: ut saltem ad aliquam ex ejus formis referatur: quod si non contingat, quod sumptum fuerit non erit genus: ut dicemus motum voluptatis genus non esse, quia voluptas neque numeretur inter primas motus formas, neque cuiquam ex illis subjiatur. cum nulla motus species sit voluptas. Genus latius patere oportet, quam speciem. quare cum opinabile latius pateat, quam id quod est (nam & quod non est, comprehendit) non poterit id quod est genus esse opinabilis. Sic & cum quod initium est, idem sit principium, & quod principium initium, non poterit alterum alterius esse genus: neque enim alterum altero latius est, sed æquale.

Unius speciei plura esse genera non possunt,

sunt, quam unum, nisi alterum altero contineatur. quamobrem si ejusdem rei aliud, quam quod sumptum est, genus sit, neque alterum alteri subjiciatur, id ejus genus non erit: ut scientia justitiæ non erit genus, quia justitiæ genus sit etiam virtus & neque virtus sub scientia, nec scientia sub virtute continetur.

Genus plures sub se complectitur Species, quam unam. quare si quod propositum est, rem tantummodò contineat, quæ definitur, non genus erit, sed idem cum re ipsa, ut si dictum sit jucunditatem esse genus voluptatis.

Genus separari à specie nunquam potest, neque ab iis, quæ sub specie usque ad individua continentur. Quod si res quæ definitur, consistere aliquando possit, ut illi non conveniat, quod sumptum est, pro genere, illud quidem genus non erit. quamobrem, si separari aliquando ab anima omnis morus potest, non recte dicetur motus animæ genus esse.

Genus debet quid res sit demonstrare. quare si non aperte respondeatur in questione, qua, quid res sit, quæritur, non erit Genus, ut quod album est, non erit nivis Genus, sed accidens: non enim idem est nix, quod album aliquid, sed accidit nivi, ut sit alba, Non demonstrabit autem, quod  
sum-

sumptum est Genus, quid res sit quin quælibet etiam ejus Species in quæstione quid res sit, dicatur.

Genus debet cum re, cujus est genus omnino convenire, non autem ex aliqua tantum parte. quare aspectabile non erit animalis genus. Est enim animal ex parte aspectabile. corpus enim sensum movet, at non anima. Sic & corpus non rectè dicitur animalis esse genus siquidem animal pro parte tantum corpus est.

Genus verè de formis dici debet quare non rectè definitur nix aqua concreta, cum verè aqua nō sit: neque cœnum, terra humore temperata, cum verè terra non sit.

Si rei quæ definitur aliquid contrarium sit, necesse erit aut sumptum genus de contraria quoque re dici, aut contrariæ rei contrarium esse genus. Quamobrem cum morbo contraria sit valetudo, non erit morbi genus quod malum est nisi etiam valetudinis genus sit quod bonum est: aut nisi idem sumptum genus de utroque contrario diceretur, sicut color de candore & nigore.

Si in id, quod sumptum est pro genere, non cadat id, quod cadit in rem, quæ definitur, id ejus esse genus non poterit. Itaque cum scientia quandoque abuti quis possit, virtute non possit, eo quod virtutis



tis nomen amitteret, non poterit scientia virtutis genus esse: sicut etiam, si res quæ definitur accessionem recipiat, ut color sumptum autem genus non recipiat, id ejus esse genus non poterit.

Affectio rei alicujus, quæ ei quod definitur, non inest, ipsius esse genus dicendum non erit. quare cum somnus sensui non insit, non erit somni genus imbecillitas sensus: Cum enim somnus sensus non sit, ne sensus quidam imbecillitas erit.

Rei quæ definitur accidens sumi pro genere non debet, utpote quod vim habet ad efficiendam rem. quare cum æqualitas contrarium rationum vim habeat ad efficiendam dubitationem, dici non poterit æqualitas illa dubitationis esse genus.

Ubi genus exactè perpenderis eadem diligentia discutiendæ erunt differentiæ, animadvertendumque aliquidne in iis sit quod damnari jure possit.

Primum autem reprehenderetur differentia, si non rectè indicet, quale quid res sit. Et Ejusmodi quidem erit, si, cum res accessionem recipiat, id quod pro differentia ponitur, non recipiet, aut non simul, quare non rectè definietur amor, concubendi cupiditas: cum fieri possit, ut qui vehementius amat, aliquando non magis concubitum appetat, quam is, qui minus amat.

Item



Item si, propositis duobus, de quo minus dicetur res definita, ei magis conveniet proposita differentia, ut si definiatur ignis esse corpus tenuissimum. Cum enim magis sit ignis flamma, quam lux, magis tamen de luce dicetur tenuissimum quid esse quam de flamma.

Similiter, si cum res non simplex sit, sed cum aliquo adjuncto, detractis iis differentiis, quæ propter adjunctum sunt appositæ, ea quæ relinquitur non ostendet quale quid sit res simplex, quandoquidem ne simul quidem junctæ compositam rem, quale quid sit, ostendent. Ut si quis hominem liberum ita definiat: animal bipes, nullius dominio subiectum: pars quæ adjuncti respectu est addita, illa erit nullius dominio subiectum. quoniam igitur bipes differentia, animali junctæ, quale quid homo sit, non indicat ne integra quidem illa definitio indicabit quale quid sit homo liber. Idemque esset si non adjicerentur differentiæ, quæ ipsum quoque adjunctum explicarent. Tamen si enim rectè definiatur faber, qui versatur circa materiam duram: faber lignarius definiendus erit, qui versatur circa materiam duram ligneam.

Insuper damnabitur differentia si non de omnibus dicatur, de quibus res definita dicitur, quod quidem apparebit, si res defini-

finira dividatur suas in species, singulæque species usque ad individua, singulatimque inspiciantur omnia.

Idem est, si cum duo simul rei possint convenire, alternatim proferantur, ut si, cum pulchrum possit aures simul atque oculos oblectare, pulchrum id esse definiatur, quod aures & oculos oblectat.

Aut si cum pari ratione contraria eidem rei natura possint convenire, alterum tantum explicatum fuerit, ut si quis definiat animam scientiæ capacem esse, est enim & ignorantia.

Aut, si cum res ad plura quoquomodo pertineat, aliquid ex iis prætermittatur, quod fieret, si quis Grammaticam definiret esse artem scribendi, id quod dictatur, & profertur. Nam cum sit etiam legendi, id quoque exprimendum erat. Hoc tamen observandum non est. ubi ad aliqua res pertinet propriè & per se, ad aliqua verò casu & temere. id quod videre est in medicina. Siquidem ejus vis per se cernitur in valetudine, in morbo autem casu & temerè, cum & alienum sit à medicina morbum efficere. In ejusmodi ergo rebus ad ea duntaxat, quæ præstantiora sunt, accommodabuntur differentia.

Aliud vitium erit in differentia, si non

Q

sem-

semper rei quæ definitur conveniat, hoc est, si auferri aliquando, aut commutari possit sine subiecti interitu, cum nulla res, sublata sua differentiâ, permanere in statu possit, Homo enim si definat terrenus esse, homo simul esse desinet, quamobrem non erit bipes commoda hominis differentia, cum possit quispiam unum aliquando, aut nullum habere pedem. addendum est igitur naturâ bipes.

Oppugnatur insuper differentia, alias quidem quia non sumptum sit, quod in re est excellentius. quæpropter si res, quæ definitur, per se sit expetenda, non rectè explicabitur tanquam expetenda propter aliud, ut si quis justitiam definiat esse legem custodem. Quamquam enim quædam cum per se bona sint, expeti etiam propter aliud possint, definitione tamen illud explicari debet, quod excellentius est. Et si res natura ad aliquid apta sit, non rectè explicabitur per ea, ad quæ fortuito uti liceat, sed per ea explicari debebit ad quæ natura apta & destinata est.

Alias reprehenditur, si sumptum sit quod ipsa re non sit notius, & ejusmodi quidem erit si non sit magis universum, quamobrem non rectè fieret, si res per contrarium explicaretur, ut si definiatur bonum, quod malo contrarium est. Sunt enim



enim contraria naturæ ordine simul , & consequenter , aut æque nota , aut æque incognita, Quæ tamen cum alio conferuntur, necesse est explicare per eorum opposita, quorum ipsa sunt, ut dicemus patrem esse qui filium habet , & filium qui habet patrem. Neque enim rectè intelligi aliter eorum natura potest, Sic & quæ privatione opposita sunt , necessario definienda sunt per opposita, ut, inæqualitas æqualitatis privatio dicitur.

Idem etiam contingeret, si id pro differentia sumeretur , quod tantundem significaret , atque ipsa quæ definitur , res , ut si quis scientiam definiret opinionem veram cum differentia intelligentia , cum idem sit differentia intelligentia & scientia : vel id sumeretur , quod esset rei proprium, ut si definiretur lupo animal quadrupes , natura ad ululandum aptum , Cum enim nullum aliud animal , neque omnino ulla alia res ululet præter lupo nisi fortè lupo aliquis imiteretur , nemo certè intelligere poterit quid sit ululare , nisi, prius lupo cognoverit , ululantemque audierit , Quare differentia illa ad ululandum aptum , nihil afferet momenti ad cognoscendum quid sit lupo.

Longè autem deterius esset , si res explicaretur per ea, quæ à nostra notitia ma-



gis essent re mota, quam ipsæ res, ut si definireretur ignis esse substantia animæ maxime omnium simillima, magis enim nos latet, quale quid anima sit, quam quid ignis, Quod similiter contingeret, si quis rem definirer per id, quod in ipsa re intelligeretur, vel tanquam ejus species, vel tanquam pars, ut si definireretur animal substantia, cujus species sit homo: aut navis, cujus pars sit puppis.

Haud levius erit vitium, si pro differentia id sumatur, quod certum non sit an rei, quæ definitur, conveniat, ut si definiatur ignis, esse quo primum animi sedes consistit, cum dubium sit, an primum consistat in igne animus.

Postremo minime idoneæ dicuntur differentia, si rem quæ definitur ab aliis, ejusdem generis, non distinguant. & distinguere quidem non poterunt, nisi sint ipsius rei propriæ. Sed id quidem de singulis intelligendum non est. Nam singulæ magis universæ ipsa re debent esse, sicut dictum est suprâ: verum de pluribus simul junctis, ut in ea hominis definitione, qua dicitur esse animal terrenum, ratione præditum, utraque enim differentia latius paret quam homo. Nam terrenum esse, commune est homini cum multis animalibus: ratione præditum esse, commune illi est  
cum

cum genis : at simul junctæ illæ duæ differentiæ in nullo alio reperiuntur animali , præterquam in homine , efficiuntque definitionem propriam. Propriæ autem non erunt , si alicui rei simul junctæ conveniant ejusdem generis , præterquam rei quæ definitur , & sub ea contentis. quod perspicui ut possit , percurrendæ erunt species omnes , in quas genus ipsum , quod in definitione adhibitum est , dividitur , deincepsque unius cujusque speciei species , usque ad singularia.

Reliquum deinde est ut videatur num in definitione aliquid sit obscurum aut redundans : quæ vitia cum in omni oratione vitanda sunt , tum vero in definitione damnantur maximè , sed præcipue obscuritas. Nam cum adhibeatur definitio rei cognoscendæ causâ , obscuris id verbis usi non assequemur.

Contingit autem obscuritas tum in ipsius rei , quæ definitur nuncupatione , tum in ipsa oratione , estque in verbis aut ambiguis , aut alias valde impropriis , aut inusitatis.

Ambiguum verbum est , quod plura significat : ut si quis cognationem definiat esse consanguinitatis conjunctionem Cum enim cognatio de naturali intelligatur & de civili hoc est , de ea , quæ est per ado-

ptionem. obscurum erit, volueritne naturalem tantum modo definire, an etiam civilem. Et cum oratio illa civili non conveniat, negabitur rei definitæ omni convenire.

Translatum verbum est, quod rem significat non proprie, sed perquamdam similitudinem, sicut dicimus, prata ridere, cum id proprium hominis sit, non cujusque alterius rei. Ideo autem translatum verbum in definitione obscuritatem parit, quia contingere poterit ut lateat, num secundum propriam significationem accipiendum sit, an secundum translatam, ut si quis temperantiam concentum esse dixerit. Propriè enim concentus in sonis est; quo quidem fieret, ut temperantia esset in duobus generibus, quorum neutrum alterum contineret. Neque enim vel concentus virtutem, vel virtus concentum continet. Quin & illud persæpe accidet, ut cum possit eadem vox per similitudinem ad plura transferri, inter se differentia non tantum specie, sed aliquando etiam genere, non facile appareat quid velis.

Valde impropria verba ea intelligimus in quibus ne translatio quidem in est, ut si quis definiat; legem esse modum, vel imaginem eorum, quæ natura justa sunt; apparetque hujusmodi verba translatis etiam

mul-

alto esse detetiora. quippe cum transla-  
( ut dictum est ) saltem quadam simili-  
dine conveniant : illa verone similitu-  
nem quidem ullam habent.

Inusitata autem verba, quæ sint, satis  
dicat vox ipsa, constatque ea, quæ in  
su non sunt, non posse fere esse non ob-  
cura.

Reliqui sunt duo loci, quibus etiam in-  
dicatur obscuritas. Alter est, si contrarii  
definitio ex ea, quæ data est, ut per esset,  
non intelligatur, ut si quis definierit, can-  
dorem esse colorem, quo visus dispergitur :  
non diceretur esse clara definitio, nisi etiam  
intelligatur nigroris definitionem colorem  
esse, quo visus, congregatur.

Alter est, cum prolata definitione, non  
intelligitur cujus rei sit definitio, nisi ex-  
plicetur. Idem enim prorsus contingeret,  
atque si rudis aliquis pictor, equum fortè  
imperitrè aded pingeret, ut sine inscriptio-  
ne dignosci non posset.

Supervacaneum autem in definitione  
est id omne, sine quo definitio nihilominus  
clara remaneat, & perspicua, cujusmodi  
esset hæc hominis definitio, animal terre-  
num, ratione præditum, natura natum ad  
ridendum : quandoquidem sine differentia  
illa postrema natum ad ridendum, defini-  
tio absoluta erat & clara, Longe tamen



pejus esset, si quid adderetur, quod non universæ rei definitæ conveniret, ut si quis hominem ita definiat, esse animal gradiens, bipes, quatuor cubitorum. neque enim magnitudo hæc omnibus congruit hominibus quo fiet ut definitio hæc de omni homine dici minimè possit.

XI. Si definitio nullum vitium patiatur ex iis quæ recensuimus, tum rectè eam, quid res sit, demonstrare censendum erit. Id autem ubi cognitum fuerit, tum ad causas effectesque erit veniendum.

XII. Quamobrem si quidem id de quo agitur aliquid sit quod à nostra pendeat voluntate, hoc est si ratio quærat aut ars, qua aliquid efficere possis, perpendendum imprimis erit, quidnam illud sit, quod efficere cupias, corporeumne opus, an accidens aliquod. Si corporeum opus, perscrutandum erit: quis ejus sit ultimus finis cujus gratia desideratur, & unusne sit, an plures, & qui sint. Deinde ut res ad hujusmodi finem apta sit, qualem hoc est cujus formæ eam esse oporteat, quæ materia talem formam recipere possit: tum quæ necessaria sint, quæque fieri oporteat, à quibus, per quæ, & cætera. Ut talis materia talem formam recipiat.

Si vero tam id quod arte efficitur, quàm id cujus gratia sit accidentia fuerint, & ex

iis, quæ assequi optamus, eisdem omnino rationibus considerandæ erunt causæ. At si ex iis fuerint quæ cupimus evitare, & illud ipsum efficiendum erit, & præterea inspiciendum quibus rationibus tolli aut impediri, in efficacem reddi una quæque causa possit ejus quod evitare cupimus: & quæ sint contrariæ causæ ex quibus sperari contrarius effectus possit.

xiiii. Quoniam autem multa persæpe sunt ea quæ unum aliquem ad finem requiruntur, rationem sanè quam finem ipsum assequaris tenere minimè poteris nisi eorum omnium & definitiones & causas eodem ordine perscrutatus fueris quare si (exempli gratia) domus fabricandæ rationem quæras, Ubi ad materiæ considerationem perveneris, succurret fortè calce opus esse: oportebit igitur scire, quid sit calx, quem ad usum requiratur, qua ex materia, quomodo, & quando paranda sit; idemque dici potest de instrumentis, quibus in ipsa domo fabricanda uti oportet, quo fiet ut aliquando in unius artis consideratione, ordo qui est à fine, ad ea quæ ad finem pertinent sæpenumero iterandus sit; quo tamen labore levamur quotiescunque aliquam in rem incidimus, ex iis quæ ad ipsum finem spectant, quæ ad aliam quampiam separatam artem perti-

near. quod genus essent in propositio exemplo calx, multaque instrumentorum genera quorum quælibet suos separatim habent artifices, qui ea fabricant.

Sed illud diligenter observandum est, ut à fine seu effectu semper ad proximas quasque causas procedatur, & ad illas quidem, quæ per se causæ sunt, non autem quæ fortuitò, sive ut dicunt, per Accidens. Appellantque hanc Methodum resolutivam à finis notione, sicut contrariam vocant compositivam. Ille ordo cogitandi est commodissimus, hunc verò (compositivum inquam) sequi in operando oportet. finis enim omnium ultimum est, quæ operantes efficimus, in excogitando autem primum.

Sed cave hic ne multorum maximos sequaris errores, quorum alii cum tam illum ordinem, quo proceditur à communioribus ad minus universa, & eum quo proceditur à compositis ad simplicia, seu à toto ad partes, quam eum quo progredimur à fine ad causas, communi nomine resolutivam methodum appellari intellexerint quasi ejusdem omnes sint rationis, quæcunque de postremo hoc dicuntur, ad alios etiam transferunt, alii vero somniant resolutionem à finis notione separatam quandam ordinem esse, qui possit in alicujus



artis tractatione sine divulsivo ordine  
 niberi. Res enim longe se aliter haber.  
 m primum intelligendum est alium esse  
 linem magis communium ad ea, quæ  
 nus patent: alium compositorum ad  
 plicia: alium finis ad ea quæ ad finem  
 trinent. nec sunt propter commune no-  
 n confundendi, id quod de contrariis  
 oque ordinibus dicendum est. Alius si-  
 idem est ordo minus universorum ad  
 gis universa: alius simplicium ad com-  
 sita, alius causarum ad finem, licet om-  
 s compositivi appellentur. Deinde  
 endum & hoc est, quod si ad constituen-  
 m artem aliquam adhibere methodum  
 lueris, non sufficiet unius ex hisce ordi-  
 bus observatio, sed talis esse ars poterit,  
 æ ferè omnes requirat, è quibus tamen  
 us dominabitur, ille sc. qui est à fine ad  
 ussas: alii vero, modo unus modo alius,  
 recipuo illi deservient. Nunc enim in-  
 tigandum erit ex singularibus univer-  
 m, aut ex partibus totum: nunc divi-  
 ndum erit, aut universale, aut totum ali-  
 od, interim tamen ordo ille à fine ad  
 ussas nunquam deseritur, sed ejus ad ex-  
 mum usque perpetuo habenda ratio  
 , sicut mox perspicuè, quantum in no-  
 erit docere conabimur. Hoc autem  
 ati esse censemus, ut si quis in eo hallu-



372 JACOBI ACONTII  
cinetur illum proficere in methodica ratione omnino nihil posse compertissimum habeamus.

Si de rebus naturalibus agatur, aut aliis, quæ cum à voluntate nostra non pendeant ex materia tamen constant, eadem fere considerata erunt, quæ in rebus artificialibus, sed ordine, quem indicavimus supra, ubi diximus etiam quis sit in rebus, quæ non constant ex materia, cognitionis nostræ ordo.

Hoc autem latere non debet, aliquando thema ejusmodi posse occurrere, in quo simul admodum connexæ sint causæ, ita ut non facilè sit intelligere, vel certè exprimere finem seorsim à forma, aut materia vel subjecto. Sanitas enim quæ medicinæ finis est, ac scopus describi nequaquam poterit, aut dividi, sine humani corporis divisione: quo sit ut de sapitate, de ipsius sanitatis forma, qualiscunque illa sit, deque ejus subjecto simul agere necesse sit ei qui medicinæ methodum velit constituere, id quod Galeno in de constitutione artis medicæ libello contigit, & aliis plerisque in rebus contingere poterit. Sed non idèò committendum est, ut non aliquam tum quoque supra dicti ordinis rationem habeamus, ne scilicet prætermittatur forte aliquid, alioqui minime contemnendum.

Se-

Sequitur nunc ut ostendamus quomodo  
æ dicta sunt, omnia perspicere per par-  
tes quaslibet, ac species possimus. Quam  
idem ad rem necessaria est, ceu instru-  
mentum quoddam, divisio. Dicendum est  
autem quid sit divisio, quotuplex sit, quod  
munus sit : qualem esse oporteat, suo  
ut optimè defungatur ut munere, quæ di-  
visio conveniat, & per quæ divisio fiat.

XIV. Divisio nihil est aliud, quam totius  
in partes ordinatio. Sex autem repe-  
riuntur divisionum esse genera. Nam alia  
est vocis seu loquutionis in sua significata:  
quæ tametsi necessaria est persæpe, impro-  
priè tamen divisio nuncupatur, melius-  
que distinctio diceretur: alia est generis  
in species: alia totius in partes: alia subjecti in acci-  
dentia: alia accidentium in subjecta: alia  
accidentium in accidentia.

Primi generis exemplum est, ut si quis  
taurum dicat significare aliàs animal illud  
notum, aliàs cœleste signum: aut meum  
librum intelligi, vel qui à me sit composi-  
tus, vel qui emptus.

Genus in species dividitur, ut Substan-  
tia in corpoream & incorpoream.

Totum in partes, ut hominis corpus in  
caput, manus, pedes, & reliquas partes.  
Partium vero aliæ substantiâ constituunt,  
ut materia & forma: aliæ ad rei pertinent  
inte-

integritatem : quarum rursus aliæ sunt similes inter se , ut ligni vel aquæ partes : aliæ vero dissimiles, ut caput, manus, pedes & reliqua. Et similes item aut simplices sunt ut cujusque elementi partes : aut compositæ, ut quorumcunque eorum partes, quæ ex elementis constant.

Subiectum in accidentia dividitur, ut si dicas animalium alia volare : alia ingredi : alia serpere : alia natare. Volare enim & ingredi , & serpere , & natare , accidentia sunt per quorum differentias animal, quod est subiectum, dividitur.

Accidens autem intelligitur quicquid ejusdem non est generis , cujus est subiectum, neque ad subiecti substantiam pertinet, Cumq; accidentium novem sint genera , nempe post substantiam reliquæ Categoriæ, sequitur ut subiecti divisio fieri per totidem possit, ut animalis in bipes & quadrupes : & in ferum , & mansuetum. Sic dividere poteris homines , ut alii sint domini, alii servi , alii neutrum. Et rursus animal ut aliud ex semine , aliud sine semine gignatur, ut mus & alia quæ nascuntur ex putri : & ut aliud sentiat , aliud sensus sit expers : & ut aliud forte æstare concipiat, aliud autumnno, aliud vere, aliud omni tempore : & aliud in aqua , aliud in terra degat , & aliud pronum aliud rectum in-

ce-

TRIDENT. DE METHODO. 375  
lat, & ut aliud testa integatur, aliud  
lle.

Accidentis in subiecta divisio est, cum  
sum accidens in ea, quibus inest dividi-  
tur, ut sanitas alia simplicium est partium:  
alia instrumentorum.

Accidens in accidentia dividitur, cum  
es aliqua de accidentium numero in alia  
dividitur accidentia, ut linea alia est recta:  
alia obliqua: Febris alia acuta, sed brevior:  
alia non acuta, sed diuturnior. Sed acci-  
dentis quidem divisionem nihil prohibet  
eandem dici generis in species. Cum enim  
dubium non sit quin accidens quoque  
omne suas in species dividatur, id quidem  
etiam per propria fieri poterit accidentia.  
Quin & eam, qua subiectum in accidentia  
dividitur, ad eam, quæ in partes fit, divi-  
sionem referri posse non dubito. Quid  
enim aliud est animalium aliud sponte  
aliud parentum efficacia gigni, quam huic  
quidem animalium parti hoc accidens  
convenire, illi vero illud? Nec ob id ta-  
men putandum est, huiusmodi divisionem  
partitiones inutiliter fieri. cum proculdu-  
bio ad clariorem earum explicationem  
pertineat. Nos autem cum plæraque om-  
nibus divisionum generibus communiter  
palam sit convenire, earum quoque om-  
nium membra, commoditatis causa, com-  
mu-



muni nomine, partes sæpe nuncupabimus, & quicquid dividitur, totum.

Divisionis autem officium hujusmodi est, quod non possumus rectè perspicere, an aliquid alicui rei conveniat, seu accidat, nec ne, hoc est, aliquid alicujus rei causa sit, vel effectus, nisi etiam cognoscamus, tum an quælibet ejus pars conveniat tum an cuilibet parti. & cum non quælibet pars conveniat, vel non cuilibet parti, intueri minimè possumus quæ conveniat, vel cuique, quæve non conveniat vel cui non conveniat, nisi partibus omnibus hinc inde perlustratis. Hoc præstat divisio ( siquidem legitime fiat ) quod tam ejus quod convenire dicitur quam ejus cui dicitur convenire partes nobis omnes ob oculos ponit.

Omnibus quidem divisionum generibus, munere suo ut ritè fungatur, hæ communes erunt leges. Primum scilicet ut partes totum illud, quod dividitur, exhaustiant ita ut nihil relinquatur, quod cum sit in toto ipso comprehensum, non in aliqua contineatur ipsarum partium.

Deinde cum non unus sit divisionis gradus, verum per sæpe plures ( quandoquidem frequenter dividendum est totum in partes, mox partes illæ alias in partes, rursusque illæ, in alias, donec ad ea per-

ven-

ventum sit quæ secari ulterius non possint) observandum est, ut principalioribus quibusque partibus minus principales in gradu semper postponantur. Magis autem principalia sunt in hominis corpore membra, quam eorum partes, & membrorum partes dissimiles, ut capitis oculi, aures, frons, nasus, & reliqua, quam similes ut caro, os, & sanguis: & hæc similiter principaliores sunt partes, quam primordia seu elementa, quia scilicet ad totum ipsum propius accedunt.

Sed & magis principales sunt partes quæ sub se generum genera sua latitudine complectuntur. quam quæ genera infima continent: & magis principales sunt illæ, quæ genera sub se habent. quam quæ tantummodo species: & magis hæ, quam ipsæ infimæ sunt species, nullasque præterea sub se habent: ut homo, leo, equus.

Debent insuper ita constitui partes, non ut una aliqua maximam totius portionem absorbeat: altera vero præ illa valde sit exigua, sed ut fiat (quo ad ejus fieri poterit) æquales.

In iis autem divisionibus, quæ sunt generis in species, illud erit præcipuè cavendum, ne pro parte assignetur alicujus rei privatio, vel negatio, cujusmodi hæc esset divisio: animal aliud est gradus, aliud  
non

non gradiens. & hæc, membra alia sunt, quorum usus est incessu. alia quorum usus non est in incessu. Debent enim differentia, quæ speciem à specie separant, rei naturam aliquam explicare. Atqui negatio quatenus negatio est, nullam explicare naturam viderur. Attamen cum longe plures sint res, quam vocabula, ubi alioqui nulla extat appellatio, qua parrem aliquam designes, necessario erit ad negationem recurrendum ejus, quod parti contra positæ tributum fuerit, idque cum fit, præcedere ea pars debet, quæ suam habet appellationem. Si quidem ea cognita non poterit non lucem aliquam & illi afferre, quæ ejus sit negatio: Sed & animadvertendum erit, ut quæ sub una continentur specie, ea sub alia non contineantur, neque potest eadem res sub diversis generibus non alternatim positis contineri.

Dividendum est autem quicquid secari potest vel in plura significata, vel in species vel in partes, vel in accidentia, vel in subjecta: tum scilicet, ubi vel non omnes partes ad rem faciunt, vel non omnium partium circa id, de quo agitur, eadem est ratio, sed diversa, ad hoc ut partibus cognitis, perspicui possit, & quid commune sit omnium. & quid proprium singularum.

Id porro per quod tanquam, instrumentum fit divisio, differentia est, cujus in dividendo officium est partes indicare.

xv. Sed cum dividi aliter, atque aliter eadem res possit. haud scio an ulla alia in re tantum referat non decipi, atque in hac, ne scilicet divisio per alias fiat differentias, quàm quæ propositio deserviant. Quamobrem si id quod dividendum fuerit, aliquid sit, cujus causas inquiras, per ea fieri debet divisio, quæ ostendant diversas ipsarum partium causas esse oportere. si autem sit aliquid, quod assumatur tanquam causa, inde sumenda divisio erit, quæ effectuum inducat diversitatem. Hujusmodi autem differentia, si non fiat in promptu, percurrenda erunt decem summa genera omnia, nec non & loci argumentorum, donec in eas incidas, quæ ad rem facere videantur. Quinimo ne satis quidem erit aliquam rem semel divisisse, verum sæpius id facere oportebit, quippe cum multa possit tum agere tum pati, eaque pro accidentium diversitate aliter atque aliter. Sin autem nullæ extabunt differentia quæ ullam circa id, de quo agitur, diversitatem inducant, ne divisione quidem res ulla magnopere indigebit.

Facta divisione usque ad simplicissimas partes infimāsque species, tum, si quidem  
id



id, quod divisum est, quippiam sit, cujus causas inquiras, aut effectus: perscrutandum erit singillatim, quid cuique parti, aut speciei conveniat, quod ubi factum fuerit facile deinde erit perspicere, quid commune omnium sit, quid proprium singularum. Divisione autem uti hac ratione oportebit, ut statim re definita inspicias, num omnibus, quæ ipsa res complectitur, eadem conveniant, an etiam diversa. Si omnino eadem conveniant, divisione nihil opus erit: quod si diversa, tum investiganda erit divisio, quæ illi accidentium diversitati congruè respondeat, quomodo supra docuimus: exempli gratia. Si non omnium, quæ ad ipsam rem de qua agitur spectant, idem sit finis sed diversi, dividenda res erit, ita ut suæ cuique divisionis parti assignari commodè suus finis possit.

Rectè igitur qui de ratione dicendi scripserunt, causas in tria genera partiti sunt, in deliberativum scilicet, demonstrativum, & judiciale, eo quod eorum omnium diversi fines sint. Nam deliberativi finis est utile, vel inutile: demonstrativi honestum, vel turpe: judicialis justum vel injustum.

Si forma similiter sit multiplex, tum in divisione haberi eodem modo formæ

ratio debebit. Si idem contingat etiam de materia & de caussis efficientibus, tot uti divisionibus oportebit, quot ad perspicuendam eorum omnium diversitatem in singulis partibus necessariæ esse videbuntur. Sed haud dubiè dividere aliquid ut possis, necesse erit, ut prius totum ipsum quod dividendum sit, notum habeas. Quamobrem si fortè in promptu non sit, indagare illud oportebit ab aliquorum singularium inspectione: id quod supra, facile fieri posse, ostendimus, & hic etiam exemplo clarius demonstrabimus. Sit enim obscurum, quis finis sit regni rectè administrandi. occurrerit igitur puniri aliquem, qui alium injuria lacefferit: facile autem cognitu erit, id ideo fieri, ut alii illius exemplo, pœnæ metu arceantur ab inferenda injuria: quorsum vero hoc? certe ut unusquisque à facinorosorum hominum insolentia tutus sit. quorsum item hoc? haud dubiè, ut Reipub. benè sit: Occurrerit similiter optimum aliquem principem bellum gerere observabisque id eum agere, ut finitimorum. qui Rempub. continuum injuriis infestabant, vires frangat, idque insuper eum cõari, ut Reipub. tranquillitate frui liceat, utq; illi optimè consultum sit. Adhunc modum occurrent & alia: cumque in multis, quæ  
benè

benè administrari videantur, perspexeris ad optimum ea Reipub. statum spectare, nihil autem alio tendere, minimè dubitabis, quin universa regni rectè administrandi rationis finis sit, optimus Reipubl. status & qua ratione investigandum esse finem diximus, eadem investiganda erunt tam reliquæ causæ, quam universa omnia, abstrahendo semper illa à singularibus. Sicuti autem differentia, seu dissimilitudo instrumentum est, quo ad totum in partes dividendum utimur, quodque partes ipsas indicat: ita cum res dissimiles non in omnibus sint dissimiles omnes, sed in aliquo similitudinem habeant, ut equus, leo, canis, quæ cum dissimiles sint species, in hoc tamen similes sunt quod earum quælibet est animal: ea similitudo instrumentum est, quo uti oportet ad cognoscendum, abstrahendumque à partibus totum, hoc est, à singularibus universum. quamobrem perscrutari illam similitudinem quam diligentissime in rebus dissimilibus necesse est, & quo plura fuerint, quæ convenient in aliquo, eo communius dicetur esse id, in quo convenient. quare cum animalia, plantæ, lapides. & quæ accidentibus substant omnia in hoc convenient, quod omnia sunt substantiæ, palam erit substantiam maximè universam vocem esse.



esse. Hoc modo, ut reliquas artes omnes, ita literarum usum inventum esse, dubium esse non debet. Nam etsi videbant earum inventores, verborum infinitam esse multitudinem: ita ut perspicerent infinitum pariter quiddam fore, si conati fuissent singula verba, singulis repræsentare literarum notis animadverterunt nihilominus plurima verba similes continere sonos, ex quibus tanquam elementis ipsa componerentur, eosque non modo infinitos non esse, verum ne multos quidem videri. Tamdiu igitur hujus & illius verbi elementa, quibus constarent, observarunt, donec ea omnia invenerunt, quibus nunc utimur, singulisque repræsentandis suam quandam figuram aptarunt. atque ubi deinde in maxima verborum copia nullum inveniri deprehenderunt in quo aliqua exaudirerur pronunciatio, præter illas, quas jam adnotassent tamen si non omnia verba in consideratione habere potuissent, pro comperito nihilominus habuerunt, nullum jam verbum esse posse, cui vel exprimendo, vel scribendo non illa satis essent elementa, quæ inventa erant.

xvi. Diximus hæcenus, quæ tam contemplantibus, quam docentibus communiter servanda sint. Nunc autem, quoniam docendi ratio propria quædam requiritur præ-



384 JACOBI ACONTII  
præcepta, illa quoque breviter subjicemus.

xviii. Quandoquidem igitur ei, qui doctorus est hic propositus est finis, ut quam ipse habet rei alicujus cognitionem, ejus participes alios reddat. illud imprimis ignorandum non est, in eo qui docendus sit requiri, non solum ut natura ad discendum sit aptus, verum etiam ut doctoris admittere operam velit. Id autem futurum eum credendum est, si noverit, quid illud sit, quod ei discendum proponitur, simulque opinatus fuerit, sibi expedire ut discat, quod quidem fiet, si qui doctoris functurus est munere, primum omnium aperuerit, qua sit de re tractaturus, ejusque utilitatem ostenderit: quam ad rem argumenta suppetent ex topicis.

Deinde autem ita docebit, ut possint quæ ad integram rei notitiam pertinuerint & quam minimo labore percipi, & tempore quam brevissimo: atque insuper memoria facile retineri. Et hæc omnia præcipue præstabit ordo, sicuti ipsa testis est experientia. & ordo sane, tamen si idem esse debet in docendo, atque in cogitando, ut scilicet à natoribus ad minus cognita semper procedatur: illud tamen interest. quod contemplanti multa sæpe sunt percurrentia, quæ ad rem non faciunt: mul-

ræ tentandæ divisiones quæ nullam affer-  
 rent utilitatem: quia scilicet lateant per-  
 sæpe inter inutilia, quæ scire operæ pre-  
 tium sit, quæ ut possit perspicere, necesse  
 haber omnem (ut dicitur) lapidem move-  
 re: perinde ac si quis amicos aliquos per-  
 quirere per eam civitatem necesse habe-  
 ret, in qua diu quidem esset versatus,  
 attramen ignoraret, quibus in vicis ami-  
 ci habitarent. Is enim ab una parte inci-  
 peret, omnemque ordine civitatem pe-  
 ragraret, nullumque vicum aut angu-  
 portum præterirer. donec in ipsos inci-  
 disse. At qui docet, ea, quæ ad rem non fa-  
 ciunt, aut opera sua non indigent, præter-  
 mittit. plerumque enim satis per se nota  
 sunt, vel quæ ad finem, vel quæ ad for-  
 mam, vel quæ ad materiam, vel quæ ad  
 efficientes causas pertinent, ideoque ex-  
 plicatione ulla non indigent. Et in causis  
 efficientibus vel ejus tantummodo faciet  
 mentionem, in qua principium sit motus:  
 vel non nisi instrumentorum: vel indica-  
 bit duntaxat quomodo ipsæ causæ ope-  
 rentur, & in summa ea tantum persequen-  
 tur, quæ luce indigere videantur. Hic  
 autem ei conferri posset qui & versatus  
 quidem esset in civitate & notas habe-  
 ret amicorum habitationes, qui quidem  
 non hac atque illac discurreret, quini-

386 JACOBI ACONTII  
mo recta ad cujusque domum tenderet.

Rursus qui contemplatur facta divisione aliqua, tutius quidem faciet, si singillarim perspiciat, quid cuique parti conveniat, id quod supra admonuimus. At qui docet, magnam evitabit prolixitatem, fastidiumque, si primum aperuerit quid communiter omnibus conveniat; deinde vero quid proprie singulis, ne scilicet in eadem sæpe incidat, quanquam aliquando difficile inveniri verba possunt, quibus illud explices, quod communiter omnibus conveniat, necessèq; est tunc idem sæpius repetere, singillatimque omnia persequi.

Adhæc qui contemplatur, facta divisione aliqua, perspicere non facile poterit, à cujus potissimum partis consideratione incipiendum sit. Rationem enim, quare, huic illa debeat præcedere, non prius intelligit, quam quæ pertineant ad utramque perspexerit. Qui vero docet, cum id eum non lateat, aliquod debet in hoc discrimen tenere.

Primum enim ut quidque intellectum aliis poterit rebus lucem afferre, cum ipsum interim nullius rei declaratione indigeat, ita prius erit explicandum.

Alias autem præferetur pars dignior, aut ut utilior, aut quæ prior sit tempore, aut alia qualibet ratione.

Po-



Postremo qui contemplatur semper à magis perspicuis ad minus nota procedat necesse est. Qui vero docet contrarium sequi ordinem utcumque potest : ita scilicet, ut quæ à finis notione resolutionis ordine inventa fuerint, compositivo, qui est à causis ad finem, ipse explicet. Atque ita faciendum esse docet Galenus, & qui illum sequuti sunt. nec defuerunt magni nominis viri, qui censuerint resolvendi illo ordine vix tradi artes posse? & ideo componendi viam longe ad id commodiorem esse: à qua ego sententia longissime absum. Certo enim certius est, discere aliquem, quod ignorat, neque sponte posse, neque à Doctore, nisi ex notioribus: id quod recte docuit Aristoteles, & quotidie certissima comprobatur experientia. Siquidem igitur finis notior est iis, quæ ad finem spectant, docenti profecto non minus, quam contemplanti à finis erit notione incipiendum tanquam à notiore: & in eo terminandum, tanquam præ omnibus ignoto, quod sit à fine remotissimum. Neque enim satis est, si quæ resolutionis ordine inventa sunt, contrario facilius tradi ordine possint. Sed illud videndum est, possint ne ita tradi, facilius etiam intelligi ut queant, quam si eodem explicarentur ordine, quo & inventa sunt. quod



cum contingere nequaquam possit, minimè probandi sunt doctores illi, qui suam tantum quærunt in docendo commoditatem: neque id agunt, ut quam maximo cum fructu doceant. quanquam etiam si ad solam doctorum commoditatem spectes, non video quamobrem majorem dicant esse in compositiva methodo facilitatem, atque in resolutivo. mihi certe quoriescunque vel scripsi aliquid, vel meditatus sum, etiam si res fuerunt longe dissimilis argumenti, contrarium tamen semper contigit: ita ut cogat credere, qui illud asserunt, vel nunquam expertos esse, quid in utraque ex hisce contrariis methodis in sit commodi: vel certe resolutivæ methodi rationem non satis esse assequutos. Est igitur non minus docentibus, quam contemplantibus commune præceptum hoc, ut semper à notioribus ad minus nota proficiantur: sed illud palam est multa posse occurrere quæ si universe enunties, vel absque ulla inductiones facile intelligent omnes vera esse: tamen si non omnes item enuntiare sponte potuissent, ut si dicas in regno recte administrando ad optimum Reip. statum omnia esse dirigenda, nemo non agnosceret ita fieri oportere. At si interrogas quemnam ad finem dirigenda sit omnis recta regni

gni administratio , non ita cuilibet in promptu erit, quid respondeat. Quo fit ut qui docet multa possit universe proferre , quæ qui suo Marte investigare illa vellent necesse haberent prius in singularibus aliquot intueri , atque inde ad rei universæ notionem , quasi reminiscendo , perducere ; neque ob id tamen non ex notioribus docere dicendus sit.

Cæterum si resolutiva methodo tractandum thema aliquod susceperis , haud equidem religiosè adeo servandam eam esse ad extremum usque putaverim , ut si cubi protuleris aliquid , tanquam rei cuiuspiam causam , cujus & alii præterea sint effectus , non eos liceat re censere. Nam & pertinet aliquando ad rerum confirmationem , & sæpe sunt ejusmodi , ut opportuniorem in universo tractatu locum non habeant, ubi explicentur.

Illud quoque non ineleganter fieri aliquando posse animadverri , ut ubi diffuse à fine ad causas fueris , & principia evagatus , summam demum à principiis ad finem perorando revertaris. quod potest & aliqua tantum in parte plerumq; observari.

Galenus tertiam addidit methodum , quam divisionem appellare possumus, quæ quidem ejusmodi est , ut definienda primum sit ars , vel scientia , de qua agi-

tur, mox dividenda quædam in capita, quæ & ipsa in alias scindenda erunt partes, illæque plærumque in alias, explicandumque tandem est, quid quæque pars sit quidve singulis accidat. neque habetur ulla ratio ejus ordinis, qui est à fine ad causas, vel ejus, qui est à causis ad finem, sed ejus tantummodo, qui est à toto ad partes. & totum hic intelligitur ipsa ars, seu scientia integra. Constatque hæc methodus tantummodo definiendi ac dividendi preceptis, quæ supra jam exposuimus. Eam autem quam brevissime Cicero in persona Crassi lib. i. de Orat. complexus esse videtur hisce verbis: *Si enim (inquit) aut mihi facere licuerit, quod jamdiu cogito, aut alius quispiam aut me impedito occuparit, aut mortuo effecerit ut primum omne jus civile in genera digerat, quæ perpauca sunt: deinde eorum generum quasi quedam membra disperciat: tum propriam cujusque vim definitione declararet: perfectam artem juris civilis habebitis, magis magnam atque uberem, quam difficile & obscuram.* Hæc quidem Cicero Verum ut constitutam jam artem hac methodo scribi posse non dubito: ita minime crediderim commodam eam esse ad constituendam artem, quæ inventa nondum esset non enim ubique ordinem servat à notioribus ad minus cognita, quem ostendimus

investigantibus omnino esse necessarium. Et si quando in eum ordinem incidit, atque eandem etiam ob causam, ne in docendo quidem probanda erit ullo modo. Quamobrem cum ea unâ usi sint omnes fere qui hactenus methodici esse voluerunt, studiosorum utilitati non optimè ab iis consultum esse facile agnoscer, quisquis aliquando resolutivæ methodi perspicuitatem, quæ profecto maxima est, expertus fuerit. Et Galenus aperte dicit tertiam hanc methodum ad compendium tantum, & memoriæ commodam esse. Arqui ne compendii quidem aut memoriæ gratia magnopere desiderandam eam esse dixerim, quum nihil impediat & in resolutiva methodo, si confirmationes confutationesque omiseris, quam brevissimum esse. Ad memoriæ autem quæ methodus ea esse aptior Potest, quæ & intelligentiæ quam optime serviat? nihil. n. æquæ memoriæ adjuvat, quam si rem optime intelligas.

XVII. Cæterum illud quoque memoriæ opem feret, si dispositione initio usus fueris, indicando quid primum, quid postea dicturus sis: item si ubi opportunum fuerit, transitiones interposueris, ostendendo quæ absolveris, quæve subsequantur: & postremo si eorum quæ pertracta-



veris capita perorando breviter recensueris.

Quandoquidem autem docere nemo poterit nisi oratione, tanquam iustrumento, adhibita, sciendum est eam quoque rationem esse oportere, quæ quam facillime animi sensa exprimat. & ejusmodi quidem erit, si ubique servetur & sermonis proprietates, & verborum plana minimeque perplexa compositio.

Hæc habuimus præcepta, quæ traderemus de methodo. Quod superest, vos etiam atque etiam hortamur studiosi, ut iterata primum sæpius lectione, deinde assidua exercitatione vobis quam Familiarissima ea reddere conemini. Cumque resolutio à finis notione, tam in docendo quam in contemplando, aliam quamlibet methodum utilitate facile antecedit, in ejus potissimum exercitatione, ut die noctuque versemini, vos non modo hortamur, verum etiam rogamus, atque obtestamur. Incipiet autem exercitatio à facilissimis quibusque argumentis, qualia scilicet illa erunt omnia, quæ in quotidiano omnium sermone frequenter incidunt: ubi autem in similibus aliquamdiu vos exercueritis, tum aggredi etiam difficiliora poteritis. Offerent enim se argumenta à veteribus sine methodo per tractata, quæ

vos redigere in methodum poteritis. & quæ compositivo aut definitivo perscripta ordine fuerint, tentabitis vos, possintne commodius resolutivo.

Exercitationis porro ea erit ratio, ut perpendatis quid considerari, aut dici primo loco debeat, quid altero, quid tertio, & sic deinceps usque ad finem juxta præcepta à nobis tradita, animadvertendumque passim erit, ne ubi rerum copia, quam temere per se naturalis forte ingenii fecunditas suggeret, à recto vos curriculo abducatur. Ideoque vosmet à vobis sæpe poscetis rationem, quo quidque loco fieri debuerit, quidve factum sit. Itaque ad normam singula exigetis, ut ubique vobis exquisita methodi ratio constet. quem laborem (alioqui etiam jucundissimum) si unicum annum sustinueritis, dispereamni agnoscetis alios effectos vos esse homines, ac incipere tum demum oculos habere.

Quandoquidem autem vix intelligi artium usus potest, sine exemplis, earum præsertim quæ sunt difficiles, hic, scio, expectabitis vobis ut indicem apud quosnam potissimum authores, inventuri sitis diligenter servatam, quam ego requiro methodum. qua in re haud equidem possum vobis fatissacere quippe cum hujus gene-

ris scriptum ullum videre mihi adhuc non contigerit, & facile nullum extrare mihi persuadeam. Quanquam enim libellum de constitutione artis medicæ reliquit Galenus, in quo resolutionis ordinem sequutus videtur: multis tamen in locis summam quandam ingenii vim miramur potius, quam perpetuum illud, ac nusquam abruptum, quod nos exigimus, filum agnoscimus. Sed cum plura sint quæ ad constituendam ejusmodi methodum requiruntur: nempe definitiones adhibeas, dispersas res ac dissipatas in unum colligas, universa partiariis, ac divides, proximas causas, proximosque effectus & intuearis & indices, quanquam quomodo hæc omnia recto ordine conjungi debeant, ex una aliqua tractatione cognoscere non liceat, singulorum tamen infinita propemodum occurrent exempla, si quis & Platonica & Aristotelea assiduo diligentique studio perlegerit: quorum quidem observatio magno erit ad exercitacionem adjumento. Ubi autem in singulis exercitatus aliquis fuerit, adhibitis deinde præceptis nostris haud erit difficile apte omnia, prout res quæque postulabit, conjungere, integramque thematis cujusque methodum constituere.

Atque ut nos nihil prætermittamus,  
quo



quo prodesse vobis posse videamur, dabimus operam, ut aliquando habeatis artes nonnullas à nobis hac ipsa methodo perscriptas. expectate autem propediem & alteram Logicæ partem, quæ pertinet ad quæstiones: interim erit vobis specimen aliquod hic ipse libellus, quando minime committendum putavimus, ut quo in scripto de methodo ageremus, quam methodum maxime probaremus in eo, illa ipsa desiderari jure posset.

---

*Redditur hic ratio hoc libello Methodi, notatis per numeros in margine locis, & ubi quidque fiat, & ubi ita fieri debere doceatur.*

PRIMUM\* ex Logicæ divisione, methodi definitionem investigavimus, & Logicam partiti sumus sumptis à fine differentiis, quod ita membra diversitas requirerent causas, diversaque præcepta.

† Post definitionem subjecimus finem methodi extremum.

‡ Qui est rei alicujus cognitio. Hic finem partiti sumus respectu ejus, qui contemplatur, & ejus qui docet quandoqui-

R 6 dem

\* Numero 1. quomodo faciendum docemus à n. 10. ad nu. 18. † Iuxta id quod dicitur num. 12. ‡ ut videre est, n. 17. quod requirimus d. n. 15.



dem is qui docet, propriis quibusdam indiget præceptis.

Mox finis quandam quasi formam delineavimus ipsius methodi, ostendentes quot & quibus rebus constet integra rei cujuslibet cognitio.

<sup>a</sup> Ubi quidem observandum est, quod formam descripsimus (si verborum corticem spectes,) non methodi, sed ipsius methodi finis, quod faciendum in artibus docuimus.

<sup>b</sup> Qui enim de methodo agit, is de methodi fine agere censendus est. Idemque fecimus circa alias quoque causas, nempe materiam & efficientes. Sed materiam dupliciter consideravimus.

<sup>c</sup> Ut alia sit rerum quarum haberi talis cognitio possit, qualem diximus methodi finem esse: alia sit subiectum in quod ipsa cadit cognitio.

<sup>d</sup> Hinc <sup>e</sup> accedimus ad causas efficientes illius cognitionis, quæ methodi est finis. Cumque illius cognitionis plures esse partes in ejus descriptione ostenderimus.

<sup>f</sup> Indicamus etiam quæ sint cujusque partis efficientes causæ.

<sup>g</sup> Quoniamque inter efficientes causas enu-

<sup>a</sup> à n. 4. ad n. 7. <sup>b</sup> n. 3. <sup>c</sup> n. 7. & 8. <sup>d</sup> de hoc nu. 6.

<sup>e</sup> à nu. 9. <sup>f</sup> à num. 4. ad nu. 7. <sup>g</sup> à n. 1. ad 16.

TRIDENT. DE METHODO. 397  
enumeratæ sunt definitio & divisio, utrius-  
que quandam etiam constituimus metho-  
dum.

De definitione diximus.

<sup>h</sup> Quid & quoruplex sit, quis ejus sit fi-  
nis (dum quod ejus sit officium indica-  
mus) quæ sit materia, hoc est ex quibus  
constare eam oporteat, & quæ definiri  
possint, idemque fecimus de divisione.

<sup>i</sup> Ubi exequuti sumus quæ communia  
erant & cogitantium & docentium adje-  
cimus etiam, quæ tantum ad docendi spe-  
ctant rationem.

<sup>k</sup> Utque memoriæ satis fieret, sub ini-  
tium proposuimus quo quidque loco di-  
cturi essemus, nonnullasque transitiones  
ubi opportunam visum est interposui-  
mus 1.

<sup>h</sup> n. 10. <sup>i</sup> nu. 14. & ita faciendum esse dicemus.  
n. 13. <sup>k</sup> à n. 16. l ut docemus n. 18.

LUDO-

LUDOVICI CROCII D.  
INSTRUCTIO,  
DE  
RATIONE STUDII  
THEOLOGICI.

CAPUT I.  
DE SCOPO.

*Aphorismus I.*



DEAM Theologia methodica, cuius adminiculo salutaria fidei dogmata explicantur, confirmantur, defenduntur. animo suo comprehensurus, & secundum eam Deo feliciter operaturus, ante omnia suum sibi scopum sanctè præstiuat & intendat, impedimenta fortiter tollat, media prudenter eligat & adhibeat, effecta denique huius divini studii calidè desideret, ut animus à terrenis ad hoc veluti alis subvectus elevetur.

SCHOLION.

Quemadmodum enim viator, iter ingressurus, principiò de certa meta cogitat, deinde vero declinatis aviis & remotis impedimentis; ad eam media itineraria ordi-

dinat ac dirigit: ira & Theologiæ nostræ, quæ viatorum est, studiosus sic sibi currendum ducat, ut in scopum, metamque sibi præfixam perpetuò prospiciat, & sublatiis obstaculis atque impedimentis, media ad eam rectâ & sine errore atque periculo ducentia circumspectè eligat, & usurper.

II. SCOPUS *sive finis Theologia studiosi est objectivus, aut formalis. Illa est generalis, qui omnibus Theologia studiosis communiter debet esse propositus, nempe DEVS, & quem misit, JESUS CHRISTUS rectè cognoscendus, riteque colendus. Hic verò est specialis, quem hic vel ille Theologia studiosus potissimum spectat, nempe, servire DEO ad edificationem vel juventutis in schola, vel adultiorum in ecclesiâ, vel ovium agnorumque utrobique simul.*

Principiò, solus Deus, abdicatis & omisfis omnium aliarum rerum inordinatis affectibus, summè intendendus & consecretandus est, ut hunc noveris & diligas supra omnia, cætera verò in ordine ad ipsum. *Matth. 6. 33. 17. 5. Ioh. 14. 15. 21. 23. Col. 3. 16. 1 Tim. 4. 13. 2 Tim. 3. 15. 1 Cor. 10. v. 31. & Eph. 3. v. 18. 20. 21.* Ad quem summum finem accedit aliter, ut instramur *necessariâ rerum cognitione*, quæ facit ad intelligendam & dexterè explicandam doctrinam cœlestem, & guber-

nan-



nandam partem regni Christi: & *tertium*, ut in communi vitæ Christianæ curriculo *mores* regamus, cupiditates & affectus nostros frenemus, ut publicis aliquando muneribus adhiberi, ipsi tolerari ab aliis, aliorumque nos vicissim infirmitates ferre possimus, nostroque exemplo, Christianis virtutibus, modestiâ, fide, spe, charitate, mansuetudine, humanitate, beneficentiâ, gratitudine, justitiâ, candore, moderatoque linguæ usu, aliis facem præferamus *ad pium & bonum publicum*. Qui fines crebrò serioque cogitari suâ dignitate excitant discentes, & spe ingentium præmiorum urgent ad præstandam diligentiam & vincendum difficultates, cum quibus divinum hoc studium conjungitur. Qui verò hos fines supinè prætereunt aut protervè rejiciunt & hoc studium aliò transferunt, illudque faciunt vel instrumentum voluptatis & nequitiae, vel dominatûs, vel divitiarum & honorum, hi rem sanctissimam nefariè profanant & à Christiana sapientiâ absunt quàm longissimè. Videsis Erasmus Rotterodamum, decus illud Belgicum, methodo compendiò perveniendi ad veram Theologiam, §. *Illud meâ sententiâ magis ad rem pertinet*, &c. Et præclare in Enchiridio militis Christiani, canone 4. Deinde, Deo servire studiosus Theologiæ

pe-

potest aut in Ecclesia, aut in schola, aut;  
pro donorum mensurâ, utrobique: & velle  
quidem debet. Cùm enim alii sint pasto-  
res in Ecclesia, alii doctores in schola;  
*Eph. 4. v. 11.* necesse est, ut studiosus Theo-  
logiæ prudenter cogitet, maturè delibe-  
ret, & sanctè præstituat, an aliquando  
in Ecclesiâ, an in scholâ, an in utraque  
DEO se vocanti servire velit: quia non  
est eadem per omnia utrobique docendi  
ratio, ac perinde etiam alia atque alia dona  
& doctrinæ instrumenta in docente re-  
quiruntur. Vide Doct. Lutherum *tom. 2.*  
*fol. 475.*

## CAPUT II.

## DE IMPEDIMENTIS.

**Q**ui hunc sibi scopum in studio Theologiæ  
sanctè præstituit, is impedimenta forti-  
ter tollat, divinâ fretus gratia: qualia ferè  
sunt, IMPIETAS, SOCOR-  
DIA, CONFUSIO.

Principiò obstat quidem nonnullis, ex  
parte rei tractandæ, difficultas: Sed hæc non  
est tanta, quin eam superare possint, qui  
operæ & labori non pepercerint, præser-  
tim quibus ab ineunte ætate rectâ institu-  
tione frui contigerit, si modò ex consilio  
præceptorum legitima studiorû ratio in-  
eatur,

eatur, ut rectè arbitratur doctissimus D. Georgius Calixtus, Professor Theologus Helmstadiensis, præfatione in Epitomen Theologiæ. Secundò obstat nonnullis, *ex parte modi*, quo res tractatur, vel prolixitudo, vel nimia brevitas; de quâ vide eximium Theologum Lucam Trelcatium F. epistolâ dedicatoriâ scholasticæ & methodicæ locorum communium SS. Theologiæ institutionis conquerentem, ac remedium ostendentem. Terriò obstat multis *ex parte instrumentorum*, quibus res tractanda est, inopiâ multiplex. Nam multorum.

——— *Virtutibus obstat*

*Res angusta domi.*

Videlis Johannem Brentium in *Postillâ, concione de dedicatione templi, von der Kirch-wethung*. Et D. Andream Kesslerum *prudencia Christiana* parte I. c. 2. punct. 2. num. 2. & 6. de ingratitude Magistratum erga ministerium: Et punct. 3. num. 1. & seqq. de ingratitude patrum familiâs erga ministerium. Quartò denique obstant his multò periculosius *ex parte discipulorum*, quæ hoc aphorismo tollenda suadeo.

II. IMPIETAS est in neglectu precum, & vitâ malâ.

Gravissimum hac de re testimonium est ipsius Sapientiæ, sap. 1. v. 4. 5. 6. Hof. 4.

v. 11. Hinc Apostolus Jacobus 1. 5. 6. *Quod si cui vestrum deest sapientia ; postulet à Deo , qui dat eam omnibus benignè , nec exprobrat : & dabitur ei. Sed postulet cum fide, nihil disceptam : nam qui disceptat , similis est fluctus qui ventis agitur & iactatur. Quam verò sapientiam ? Non terrenam , infernam & secularem : sed supernam , sed divinam , cap. 3. 17. Quae autem supernè est sapientia , primum quidem pura est , deinde pacifica , moderata , obsequens , plena misericordia & fructuum bonorum absque disceptatione , sine simulatione. Et Servator noster disertim ait : Joh. 7. 17. Si quis voluerit ejus ( patris mei ) voluntatem exsequi , cognoscet de doctrina , utrum ex Deo sit , an ego à meipso loquar. Exemplum vide Syrach. 51. 18. 19. & s. Ex adverso est impietas Ioh. 3. 19. & 8. 44. 47. Hac propter Paulus Titum suum vult esse inculparum , cap. 1. v. 8. Tamen si enim , ut rectè notat doctissimus Alstedius *compend. Theolog part. 1. c. 4.* impli quidam homines egregiè videntur callere *πεί θεολογέμενα* : reverà tamen illa cognitio rerum Theologicarum est *ἀθεολογία* : quia fieri non potest , ut cognitio verè Theologica habiter in corde non Theologo. Quamvis enim talem vim magneticam non habeamus naturaliter insitam , quàm mens nostrà scripturam sacram , ejus-*



ejusq; naturam penetraret; ea tamen vis divinitus inditur omnibus iis, quibus ad hoc commercium corda regenerantur. Est autem studiosis Theologix in Academicis cautè dispiciendum, quibuscum familiariter vivant. E bonis sibi sodales quærant, qui ejusdem sint conditionis, aut non multò superiores, quique eisdem literis operentur, etsi pluseulum profecerint. Sic enim habebunt quos sequantur, quos imitentur. Horum enim ut plurimum similes evadimus, quibuscum quotidie versamur, juxta illud vetus:

*Ἀγαθοῖς ὁμιλῶν ἐκβήσῃ ἀγαθός.*

*Κακοῖς ὁμιλῶν ἐκβήσῃ κακός.*

*Qui cum bonis est, fit bonus.*

*Qui cum malis est, fit malus.*

3. **SOCORDIA** est, qua vel non discernimus necessaria; vel, si discernimus, oscitanter & perfunctorie.

Hoc curiositatis, illud ignaviæ ferme est. Vide Prov. 21. v. 29. 1 Pet. 4. v. 15. & 2 Theff. 3. v. 7. 8. 11.

4. **CONFUSIO** est varia. 1. diversorum studiorum. 2. diversarum cujusque studii partium. 3. diversorum librorum 4. denique temporum.

Nam 1. Quidam studium Theologicum cum philologico & philosophico perperam confundunt, cum à studio philosophi-

co viâ ordinariâ , hodiêque usitatâ inchoandum, inde ad philologicum pergendum , in Theologico demum persistendum. 2. Quidam partes cujusque studii conturbant sic , ut in disputationes & declamationes sese immergant, priusquam in philosophiâ apprehenderint principia τῆς ἐγκυκλοπαιδείας , singularumque disciplinarum , quæ vel res tradunt docendas ac discendas, vel modum docendi ac discendi : in philologia ad *historicam* & omne genus classicorum autorum festinent, priusquam *technicam* attigerint , nedum devorârint : in Theologiâ verò quam plurimi in *polemica* & *panegyrica* se præcipiunt , antequam vel *Catechetica*, quibus pura & in Ecclesia, cujus membra sumus & in qua degimus , certa minimêque controversa veritas continetur , ex ipsissimis scripturæ textibus & symbolo Apostolorum imbiberint ; vel ideam locorum communium , quâ universum Theologiæ corpus è sacra scriptura delineatur , comprehenderint , ipsasque imprimis sacras literas perlegerint, in quibus tamen cum Timotheo permanendum est, I *Tim.* 4. 13. 14. 15. 16. & 2 *Tim.* 3. 14. 15. 16. 17. 3. Quidam judicii quadam ἀρετῆς bonorum autorum delectum insuper habent , ut ex vero dicas de plerisque si modo in illorum bibliothecas

te familiarius penetres; *Similes habent labra lactucas.* Et

*Pro captu lectoris habent sua fata libelli,*

*Hujus & affectu singula verba valent.*

4. Quidam studiorum sacrorum curriculum non satis ad ætatem & conditionem suam aptant, ut singulis illorum partibus idoneum & sufficiens tempus tribuant, captusque, vocationis, & mensuræ, scientiæ, fideique suæ rationem habeant, juxta prudentiam Pauli I Cor. 3. 1. 2. 3. Heb. 5. 11. 12. 13. 14. & 6. 2. Verum enim verò optimum confusionis antidotum est AMOR ORDINIS, qui in didactica sacra sequendus est, & hisce regulis veluti tacticis ferè continetur.

5. *Regula tactica generales, secundum quas in studio Theologico sine noxia confusione proceditur, sunt istæ.*

1. Postquam ad pædagogeï sive scholæ trivialis fastigium deventum est, ante omnia discenti probè inculcetur *technologia* Theologica, ut totum finem sibi propositum, totumque ambitum rerum discendarum animo suo comprehendat, ac veluti prægustet.

2. Analysis principii, hoc est, sacræ scripturæ isagogica cognitio à teneris unguiculis inculcata præsupponatur, & per  
om-

omnem ætatem horis quibusdam continetur, atque augeatur.

3. Mens verò elevetur philosophiæ & catechericæ adminiculis, quæ eò usque inculcentur in principio, ut deinceps *παρεργον* ad instar in studii Theologici cursu comitentur.

4. Neque è vestigio, ut primum vestibulum Academiæ adspexeris, ad *trium* superiorum *facultatum*, quas vocant aliquam per saltum festines, ne cæcos parias catulos: sed unde venias, & quid eruditionis tecum adferas, probè cogites, neque quæ in pædagogeo degustavisti, ut vulgò perperam fit, abjicias, cum jactura operæ tot annorum, siquidem perpetuares, bene possit.

5. E re fuerit, si cum precibus præmissa quotidie lectione Biblicâ, studiosus certum aliquod doctrinæ genus, certumque auctorem à capite ad calcem per dies aut menses aliquot continuè evolvar, dum id quod semel discendum suscepit, probè didicerit, animoque suo fideliter commiserit: nisi forsan temporis & loci ratio dissuaserit, ut sit in Academiis, ubi publicè docentium ratio habenda est, nequid in occasione propositum negligatur.

6. Æque noxium est, & sine certo ordine in studiis vagari, & uno eodemque anno,



anno, mense, die omnia, aut certè multa atque diversa simul legere atque addiscere velle.

Certè librorum, auctorumque multitudine & lectionum varietate præstantissima quoque ingenia non rarò obruuntur ac distrahuntur, ut eis tandem eveniat quod est in πολυπραγμία :

*De omnibus aliquid, de toto nihil.*

7. Bibliotheca non tam sumtuosa, quàm selecta ex optimis, maximèque necessariis auctoribus comparetur.

8. Loci communes, tum è sacris literis, tum è profanis scriptoribus, ad usus necessarios, maturè diligenterque colligantur.

De quibus vide, si lubet, Hyperium nostrum, l. b. 3. *studii Theol. cap. 2. 3. & s.*

9. Privatis studiis ne tribuatur illud tempus, quo vel publica lectio audienda, vel concio disponenda est. Neque his posthabenda est ægrotorum aut gravibus tentationibus vexatorum visitatio, institutio, consolatio, si jam ecclesiæ minister constitutus sis.

10. In omnibus studii theologici partibus vires corporis & ingenii expendantur, ne plus minusve, quàm par sit, suscipiatur.

11. Ante meridiem merè Theologica tra-

tractentur, ita ut caput Biblicum ex V. & N. Testamento ex fontibus, siquidem eos jam imbibisti, Hebræis Græcisque, aut versione Latina vulgatâ & vernacula tuâ, quotidie perlegas, præcipua dicta ex eo memoriæ commendes, & in obscuris vel interpreterem consulas, vel præceptores vivos adeas: inde ideam Theologiæ, locos communes, controversias, & Casus conscientiæ quæ ad praxin propius faciunt, justo ordine persequaris, dum in singulis tibi habitum acquisiveris.

12. A meridie & quidem horis duabus à prandio, ne concoctio impediatur, & caput gravetur, incumbes, 1. *lectioni historiae*, tum *divinae*, cujus finis est religio; tum *naturalis*, cujus finis scientia; tum *humanae* cujus finis prudentia & ars, ut docet doctissimus Vossius, *Artis historica cap. 7. pag. 27.* 2. studio linguarum & artium dicendi, ubi *in Hebræis* sufficit textum Biblicum intelligere. Neque hoc studio omnes qui ad sacrum ministerium adspirant, onerandi videntur. Et *in Græcis* satis erit, si Novum Testamentum Græcum, etsi non ad Criticas minutias usque, ad veram tamen interpretationem exactè intelligas. Siquis tamen ingenio valeat, oratio abundet, & occasionem nanciscatur, in utriusque linguæ adyta ulterius contendere

poterit, maximè si in scholis forsan linguas aliquando docere velit. Et huic tali patet universa antiquitas Hebræa, Græca. E *Latinis* potissimum legat veteres philosophos, oratores, poëtas, historicos, philologos, Virgilium, Horatium, Ovidium, Lucrerium, Terentium, Plautum, Ciceronem, Sallustium, Tacitum, Quintilianum, Senecam, Scaligeros, Baudios, Heinsios, Grotios, Vossios, Barlæos, Lipsios, Puteanos, Muretos, Kirchneros, Piccartos, Barthios, Gruterios: hisque nonnunquam sepositis, ingenii vires scribendo & disputando experiatur.

13. Quia verò superforaneum fuerit, fundamentum posuisse, nisi superstruxeris; etiam atque etiam cogitandum est, ac cuique ferè statuendum, quod in studio feliciter cœpto constanter progrediendum usque ad metam.

Hoc fiet, si studium theologicum dignis preciiis æstimaveris. Neque enim quicquam multum laboris collocaverit in eo, quod ante res alias non habet. Cætera peritus & fidus præceptor auditoribus suis facilè suggeret, non in superhabitis iis, quæ infra cap. x. de studiis sacri studii decurrendis ad metam cuiusque docemus. Consule & Cassianum *Coll. XI. de Spirituali scientia Abbatis Nestorotis.*

## CAPUT III.

DE

Mediis, & quidem divinis in specie.

**M**edia quæ ad scopum suum consequendum studiosum Theologia per Dei gratiam prudenter eligere, aut saltem sibi concessa in hac ordinaria proficiendi ratione, quæ hodie in Ecclesia Dei viget, adhibere oportet, sunt divina aut humana.

Illa spiritualia, hæc naturalia fortassis non incommodè dixeris. Væ autem illis, qui hîc *Diabolica* aut quærunt, aut aliis obtrudunt. Nam diabolus, omnium spiritualium tenebrarum, stultitiæ malitiæque fons, non finit eos, qui diabolicos libros de industria legunt, in cœlesti sapientia proficere. Libris enim superstitiosis & magicis, tanquam laqueis, lectores, cultoresque suos in nequitia detinet, ne sapientiæ lux eis affulgere possit. Caveant ergo omnes sincerioris Theologiæ amatores, ne *Spiritus familiaris & olympicos*. quos quidam nequàm venditant, sibi vel, mediante conjuratione, adsciscant, vel conjuratos ab aliis emant, quorum ductu erudiantur ex pacto sive explicito, sive implicito: Sapientiam veram docere nequeunt, quoniam eam haud possident. Lux veræ sapientiæ tanta, tamque sublimis est, ut ma-



eat, ut rectè arbitratur doctissimus D. Georgius Calixtus, Professor Theologus Helmstadiensis, præfatione in Epitomen Theologiæ. Secundò obstat nonnullis, *ex parte modi*, quo res tractatur, vel prolixitas, vel nimia brevis; de quâ vide eximium Theologum Lucam Trelcatium F. epistolâ dedicatoriâ scholasticæ & methodicæ locorum communium SS. Theologiæ institutionis conquerentem, ac remedium ostendentem. Terriò obstat multis *ex parte instrumentorum*, quibus res tractanda est, inopia multiplex. Nam multorum.

——— *Virtutibus obstat*

*Res angusta domi.*

Videlis Johannem Brentium in *Postillâ concione de dedicatione templi*, von der *Kirch-weihung*. Et D. Andreæ Kesslerum *prudentiâ Christianâ* parte I. c. 2. punct. 2. num. 2. & 6. de ingratitude Magistratum erga ministerium: Et punct. 3. num. 1. & seqq. de ingratitude patrum familiâs erga ministerium. Quartò denique obstant his multò periculosius *ex parte discipulorum*, quæ hoc aphorismo tollenda suadeo.

II. IMPIETAS est in neglectu precum, & vitâ malâ.

Gravissimum hac de re testimonium est ipsius Sapientiæ, sap. 1. v. 4. 5. 6. Hos. 4.

v. 11. Hinc Apostolus Jacobus 1. 5. 6. *Quod si cui vestrum deest sapientia ; postulet à Deo , qui dat eam omnibus benignè , nec exprobrat : & dabitur ei. Sed postulet cum fide , nihil disceptam : nam qui disceptat , similis est fluctus qui ventis agitur & iactatur. Quam verò sapientiam ? Non terrenam , infernam & secularem ; sed supernam ; sed divinam , cap. 3. 17. Quae autem supernè est sapientia , primum quidem pura est , deinde pacifica , moderata , obsequens , plena misericordia & fructuum bonorum absque disceptatione , sine simulatione. Et Servator noster disertim ait : Joh. 7. 17. Si quis voluerit ejus ( patris mei ) voluntatem exsequi , cognoscet de doctrina , utrum ex Deo sit , an ego à meipso loquar. Exemplum vide Syrach. 51. 18. 19. & s. Ex adverso est impietas Ioh. 3. 19. & 8. 44. 47. Hac propter Paulus Titum suum vult esse inculparum , cap. 1. v. 8. Tamen si enim , ut rectè notat doctissimus Alstedius compend. Theolog. part. 1. c. 4. impii quidam homines egregiè videntur callere πεί θεολογέμια : reverà tamen illa cognitio rerum Theologicarum est αθεολογία ; quia fieri non potest , ut cognitio verè Theologica habitet in corde non Theologo. Quamvis enim talem vim magnetica non habeamus naturaliter insitam , quâ mens nostrâ scripturam sacram , ejus-*

co viâ ordinariâ , hodiêque usitatâ inchoandum, inde ad philologicum pergendum , in Theologico demum persistendum. 2. Quidam partes cujusque studii conturbant sic , ut in disputationes & declamationes sese immergant, priusquam in philosophiâ apprehenderint principia τῆς ἐγκυκλοπαιδείας , singularumque disciplinarum , quæ vel res tradunt docendas ac discēdas, vel modum docendi ac discendi : in philologia ad *historicam* & omne genus classicorum autorum festinent, priusquam *technicam* attigerint , nedum devorârint : in Theologiâ verò quam plurimi in *polemica* & *panegyrica* se præcipiunt , antequam vel *Catechetica*, quibus pura & in Ecclesia, cujus membra sumus & in qua degimus , certa minimêque controversa veritas continetur , ex ipsissimis scripturæ textibus & symbolo Apostolorum imbiberint ; vel ideam locorum communium , quâ universum Theologiæ corpus è sacra scriptura delineatur , comprehenderint , ipsasque imprimis sacras literas perlegerint, in quibus tamen cum Timotheo permanendum est, I *Tim.* 4. 13. 14. 15. 16. & 2 *Tim.* 3. 14. 15. 16. 17. 3. Quidam iudicii quadam *ωγενεῖα* bonorum autorum delectum insuper habent , ut ex vero dicas de plerisque si modo in illorum bibliothecas



re familiarius penetres; *Similes habent labra lactucas.* Et

*Pro captu lectoris habent sua fata libelli,  
Hujus & affectu singula verba valent.*

4. Quidam studiorum sacrorum curriculum non satis ad ætatem & conditionem suam aptant, ut singulis illorum partibus idoneum & sufficiens tempus tribuant, captusque, vocationis, & mensuræ, scientiæ, fideique suæ rationem habeant, juxta prudentiam Pauli I Cor. 3. 1. 2. 3. Heb. 5. 11. 12. 13. 14. & 6. 2. Verum enim verò optimum confusionis antidotum est AMOR ORDINIS, qui in didactica sacra sequendus est, & hisce regulis veluti tacticis ferè continetur.

5. *Regula tactica generales, secundum quas in studio Theologico sine noxia confusione proceditur, sunt istæ.*

1. Postquam ad pædagogeï sive scholæ trivialis fastigium deventum est, ante omnia discenti probè inculcetur *technologia* Theologica, ut totum finem sibi propositum, totumque ambitum rerum discendarum animo suo comprehendat, ac veluti prægustet.

2. *Analysis principii*, hoc est, sacre scripturæ isagogica cognitio à teneris unguiculis inculcata præsupponatur, & per om-



omnem ætatem horis quibusdam contineretur, atque augeatur.

3. Mens verò elevetur philosophiæ & catechetici adminiculis, quæ eò usque inculcentur in principio, ut deinceps *παγί-  
γouv* ad instar in studii Theologici cursu comitentur.

4 Neque è vestigio, ut primum vestibulum Academiæ adspexeris, ad *trium* superiorum *facultatum*, quas vocant aliquam per saltum festines, ne cæcos parias catulos: sed unde venias, & quid eruditionis tecum adferas, probè cogites, neque quæ in pædagogo degustavisti, ut vulgò perperam fit, abjicias, cum jactura operæ tot annorum, siquidem perpetuares, bene positæ.

5. E re fuerit, si cum precibus præmissa quotidie lectione Biblicâ, studiosus certum aliquod doctrinæ genus, certumque auctorem à capite ad calcem per dies aut menses aliquot continuè evolvar, dum id quod semel discendum suscepit, probè didicerit, animoque suo fideliter commiserit: nisi forsan temporis & loci ratio dissuaserit, ut sit in Academiis, ubi publicè docentium ratio habenda est, nequid in occasione propositum negligatur.

6. Æque noxium est, & sine certo ordine in studiis vagari, & uno eodemque  
anno,

anno, mense, die omnia, aut certè multa atque diversa simul legere atque addiscere velle.

Certè librorum, auctorumque multitudine & lectionum varietate præstantissima quoque ingenia non rarò obruuntur ac distrahuntur, ut eis tandem eveniat quod est in πολυπρᾶξις :

*De omnibus aliquid, de toto nihil.*

7. Bibliotheca non tam sumtuosa, quàm selecta ex optimis, maximèque necessariis auctoribus comparetur.

8. Loci communes, tum è sacris literis, tum è profanis scriptoribus, ad usus necessarios, maturè diligenterque colligantur.

De quibus vide, si luber, Hyperium nostrum, l. b. 3. *studii Theol. cap. 2. 3. & s.*

9. Privatis studiis ne tribuatur illud tempus, quo vel publica lectio audienda, vel concio disponenda est. Neque his posthabenda est ægrotorum aut gravibus tentationibus vexatorum visitatio, institutio, consolatio, si jam ecclesiæ minister constitutus sis.

10. In omnibus studii theologici partibus vires corporis & ingenii expendantur, ne plus minusve, quàm par sit, suscipiatur.

11. Ante meridiem merè Theologica  
tra-

tractentur, ita ut caput Biblicum ex V. & N. Testamento ex fontibus, siquidem eos jam imbibisti, Hebræis Græcisque, aut versione Latina vulgatâ & vernacula tuâ, quotidie perlegas, præcipua dicta ex eo memoriæ commendes, & in obscuris vel interpretem consulas, vel præceptores vivos adeas: inde ideam Theologiæ, locos communes, controversias, & Casus conscientiæ quæ ad praxin propius faciunt, justo ordine persequaris, dum in singulis tibi habitum acquisiveris.

12. A meridie & quidem horis duabus à prandio, ne concoctio impediatur, & caput gravetur, incumbes, 1. *lectioni historiae*, tum *divinae*, cujus finis est religio; tum *naturalis*, cujus finis scientia; tum *humanae* cujus finis prudentia & ars, ut docet doctissimus Vossius, *Artis historicae cap. 7. pag. 27.* 2. studio linguarum & artium discendi, ubi *in Hebræis* sufficit textum Biblicum intelligere. Neque hoc studio omnes qui ad sacrum ministerium adspirant, onerandi videntur. Et *in Græcis* satis erit, si Novum Testamentum Græcum, etsi non ad Criticas minutias usque, ad veram tamen interpretationem exactè intelligas. Siquis tamen ingenio valeat, otio abundet, & occasionem nanciscatur, in utriusque linguæ adyta ulterius contendere

poterit, maximè si in scholis forsan linguas aliquando docere velit. Et huic tali patet universa antiquitas Hebræa, Græca. E *Latinis* potissimum legat veteres philosophos, oratores, poëtas, historicos, philologos, Virgilium, Horatium, Ovidium, Lucrerium, Terentium, Plautum, Ciceronem, Sallustium, Tacitum, Quintilianum, Senecam, Scaligeros, Baudios, Heinsios, Grotios, Vossios, Barlæos, Lipsios, Puteanos, Muretos, Kirchneros, Piccartos, Barthios, Gruterios: hisque nonnunquam sepositis, ingenii vires scribendo & disputando experiatur.

13. Quia verò superforaneum fuerit, fundamentum posuisse, nisi superstruxeris; etiam atque etiam cogitandum est, ac cuique seriò statuendum, quod in studio feliciter coepto constanter progrediendum usque ad metam.

Hoc fiet, si studium theologicum dignis preciiis æstimaveris. Neque enim quisquam multum laboris collocaverit in eo, quod ante res alias non habet. Cætera peritus & fidus præceptor auditoribus suis facile suggeret, non in super habitis iis, quæ infra cap. x. de studiis sacri studii decurrendis ad metam cujusque docemus. Consule & Cassianum *Coll. XI. de Spirituali scientia Abbatis Nestoritis.*



Mediis, & quidem divinis in specie.

**M**edia qua ad scopum suum consequendum studiosum Theologia per Dei gratiam prudenter eligere, aut saltem sibi concessa in hac ordinaria proficiendi ratione, qua hodie in Ecclesia Dei viget, adhibere oportet, sunt divina aut humana.

Illa spiritualia, hæc naturalia fortassis non incommodè dixeris. Væ autem illis, qui hîc *Diabolica* aut quærunt, aut aliis obtrudunt. Nam diabolus, omnium spiritualium tenebrarum, stultitiæ malitiæque fons, non finit eos, qui diabolicos libros de industria legunt, in cœlesti sapientia proficere. Libris enim superstitiosis & magicis, tanquam laqueis, lectores, cultoresque suos in nequitia detinet, ne sapientiæ lux eis affulgere possit. Caveant ergo omnes sincerioris Theologiæ amatores, ne *Spiritus familiaris & olympicos*. quos quidam nequàm venditant, sibi vel, mediante conjuratione, adsciscant, vel conjuratos ab aliis emanant, quorum ductu erudiantur ex pacto sive explicito, sive implicito: Sapientiam veram docere nequeunt, quoniam eam haud possident. Lux veræ sapientiæ tanta, tamque sublimis est, ut ma-

lorum spirituum castra non subear. Ne impari iugo copulemini cum infidelibus. quod enim consortium iustitia cum iniustitia? & quæ communicio luci cum tenebris? Et quæ concordia Christo cum Belial? 2 Cor. 6. 14. 15.

Libris diabolicis jure annumerantur libri calumniarum & scommatum plenissimi & sycophantiosè scripti, quorum hodie uberior seges est, quàm muscarum in Armenia, cum caletur maximè. Et plurimi hoc tempore sibi laudi dicunt, si in pios & doctos invehantur eorumque scripta conviciis proscindant & petulanter carpant, etiam si ea neque perlegerint, neque sensum eorum propè perceperint.

Jac. 3. v. 14. Quod si invidiam amarum habetis, & irritationem in corde vestro, ne gloriamini, & ne mendaces estote adversus veritatem.

15. Non est enim ista sapientia supernè descendens, sed terrena, animalis, damoniaca.

16. Vbi enim invidia est & rixa, ibi inquieta vita & omne opus pravam.

17. Quæ autem supernè est sapientia, primum quidem casta est, deinde pacifica, æqua, obsequens, plena misericordiae & fructuum  
bo-

*bonorum, absque disceptatione, & minimè simulata.*

18. *Fruſtus autem iuſtitia ſeritur cum pace iis qui dant operam paci.*

Jac. 4. v. 11. *Ne alii aliis obloquimini, fratres, qui obloquitur fratri, quique damnat fratrem ſuum, obloquitur Legi, & damnat Legem: quod ſi damnas Legem, non es obſervator Legis, ſed iudex.*

12. *Vnus eſt Legislator qui poteſt ſervare & perdere: tu quis es qui damnas alium?*

Confert Thomam Campanellanam, lib. 4. de ſenſu rerum, caſ. 1. 5.

2. *Media DIVINA ſunt, quæ omni natura & induſtriæ humane vi ſuperiora, ad elevandam mentem, quæ in principium theologiae in ſuas partes hiſtoricè diſlocatum involet, & formandam Dei notionem ac cultionem diviniùs conceduntur.*

3. *Eaque ſunt vel primi ordinis, ut precatio & vitæ ſanctimonia; vel ſecundi ordinis, ut ipſa naturæ dona.*

Deus enim non tantum gratiæ, ſed & naturæ auctor eſt, In Principio creavit Deus cælum & terram, Gen. 1. 1 & hanc per illam perficit, & lapſam tollit & elevat. Hæc autè elevatio mentis fit per operationem ſpiritus ſancti; regenerationem vide-

licer, sanctificationem, & Consecrationem, seu missionem seu internam præparationem hominis Dei.

4. *PRECATIO est medium divinum, quo studiosus Theologiæ illuminantem spiritus S. gratiam indefinenter implorando, sapientiam ac scientiam supernam indipiscitur.*

Cum enim oratio ad omnia valeat, *Matt.* 7. v. 7. potissimum tamen ad divina dona consequenda, quæ in summa Dei benignitate & gratiâ posita sunt; præcipuèque ad hoc sapientiæ ac scientiæ donum impetrandum, maximè necessaria est, *Euc.* 11. 13. *Psf.* 25. 4. 5. 51. 13. 14. 15. 17. & 119. 12. 18. 27. 33. 66. 73. 124. 125. 135. 144. Proxima enim hujus sapientiæ causa est flagrantissimum ejus desiderium. Flagrantissimum, inquam, quia ad hoc pigri & inertis hominis desideria nihil juvant, de quibus *Prov.* 13. v. 4. Vult & non vult piger. Cur ita? quoniam, ut est *Prov.* 21. v. 25. desideria occidunt pigrum: noluerunt enim quicquam manus ejus operari: Hinc sapiens *Sap.* 6. v. 18. *Verissimum*, inquit, *principium illius (sapientiæ) est disciplina cupiditas.* Et c. 7. v. 7. Et Syracides c. 24. v. 22. Et Salamon eadem sapientiâ differens, *Prov.* 2. v. 4. & 5. Si. inquit, *quæsieris eam velut argentum, & tanquam abditos thesauros scrutatus fueris eam: tunc*

in.



*intelliges reverentiam Domini, & agnitionem Dei consequeris.*

Hoc autem desiderium, quod à spiritu S. proficiscitur, frustra esse nequit, juxta illud *Prov. 10. v. 3.* & pios in oratione diu perseverantes Deus miris consolationibus ac deliciis oblectare, eorumque viscera aquâ salutaris sapientiæ rigare atque fecundare solet, *Esa. 56. v. 7.* Nec saporem modò, sed cognitionem quoque divinarum rerum precatio præber, *Psal. 34. v. 5.* *Dent. 33. v. 3.* *Iac. 1. v. 5.* Cujus rei locupletissimum exemplum sub V. T. reliquit David *Psal. 119.* toto quidem, maximè verò *v. 18.* Et sicut sacerdotes V. T. cum precibus Deo hostias quotidie obtulerunt pro se & pro populo, *Exod. 29. 39.* *Lev. 9. 7.* ita sacrarum literarum studiis dediti, assidue orabunt pro illius conservatione & propagatione, *Matt. 9. 38.* *Eph. 6. 18. 19.* *Col. 4. 3.* *2 Thes. 3. 1. 2.* Et sub N. T. sub scholasticorum princeps *Thomas Aquinas*, qui insignem illam & admirandam sapientiam studio magis orationis, quam humano ingenio & labore se affecutum fuisse charissimo socio fratri *Reginaldo* secreto revelavit: quod secretum, quamdiu in vita maneret, servari voluit. Ideoque in more habuit, ut quoties ei legendum, scribendum vel disputandum esset, ad secretum

orationis locum prius confugeret, ut à Deo disceret, quod homines doceret. Intelligebat enim (quod est à D. Augustino dictum) *melius interdum oratione solvi dubia, quàm humanâ inquisitione*: ut Lodovicus Gradatensis in *laudibus D. Thomæ* refert. Ex adverso qui preces cultumque numinis spernunt, ii à spiritu sancto spernuntur, 1 Sam. 2. 10. Ioh. 12. 35. Rom. 1. 21. 28. 11. 7. & s. Eph. 4. 18. 5. 8. 9. Apocal. 22. 11. Quare

5. *Precatio sit diurna & nocturna*: Illa *maturina, meridiana, vespertina*: hac, quoties *somnus est intervigil*: aliàs *prolixa*, aliàs *brevis & jaculatoria*: aliàs *cum gemitu & lacrymis*, aliàs *cum gaudio & hymnis*, & quidem *tum ante studia, tum post studia, tum denique inter studia.*

Hoc firmat *præceptum Christi*, ejusque *Apostolorum, monitum patrum, & exemplum sanctorum*. Præceptum Christi, & Apostolorum. *Matth. 7. 7. 8. & 26. 41. Marc. 14. 28. Luc. 1. 9. 10. 11. 12. 13. & 18. 1. 1 Thes. 5. 17. Iacob. 1. 5. 6. 1 Pet. 2. 1. 2.* Monitum patrum est apud D. Bernardum, *serm. de obedientia, patientia & sapientia*; & in 8. punctis. Exemplum est Davidis, cum passim psalmorum, tum Ps. 119. toto, & 141. & 142. & 143. Salomonis

nis 1 Reg. 3. v. 9. Danielis & sociorum,  
Dan. 2. v. 18. & seqq.

6. *Vita SANCTI MONIA est medium  
divinum, quo studiosis Theologia quotquot  
horis, ac momentis, seipso melior fieri co-  
natur.*

Hujus præcepti autor est Apostulus,  
Tit. 2. v. 11. & 12. & 1 Tim. 4. v. 7. 8.  
13. 14. 15. 16. Ubi videsis paraphrasin  
Erasmi Roterodami, ejusdemque *ᾠδὴν*  
*σιν*: item in ratione veræ Theologiæ sub  
finem, Quod & Salomon luculentè docet  
Prov. 1. v. 7. quem in locum eruditissimus  
Theologus Doctor *Cartvighius*, olim  
Cantabrigiensis Professor, *commentario in  
proverbia*, Leida edito Anno 1617. videat-  
ur. Huc etiam facit scitum illud Augu-  
stini: *palato non sano poena est panis, qui sano  
est suavis; & oculis agris odiosa lux, qua pu-  
ris est amabilis.* Unde & idem alibi Deum  
appellat *purgata mentis sapientiam*. Iis enim  
dulciter sapit, qui purgatam animæ pala-  
tum gestant. Vide Melchioris Breleri  
vindicias mysteriorum iniquitatis, pag. 494.  
Et sine pietate preces, frigent, aut foetent.  
Ps. 50. 16. 109. 7. Esa. 1. 11. & s. Heb. 12.  
14. 13. 18. 1 Tim 3. 9. Nam

*Castus Deus mens est: castus vult mento  
vocari,*

*Et castas jussit pondus habere preces.*

7. *Estque sanctimonia animi aut corporis.*

Totus enim homo, tanquam nova creatura, Deo sese subicere debet, *Rom. 6, 4. 2 Cor. 7, 1. Ephes. 4, 23. 24. 27.*

8. *Animi sanctimonia est, qua illius mens, cogitatio, affectus, voluntas & studium pura servantur, aut inquinata depurgantur.*

Hæc enim ita coherens natura, ut unius immundicie cætera faciliè contaminentur, argumento *Matth. 12, 34. 35.*

9. *Mens, cujus est intellectus theoreticus, in quo συντησις, à qua propositiones majores suppeditantur; & practicus, in quo conscientia residet, cujus judicio est propositionibus & assumptionibus conclusiones extruuntur, ἡμεῖς καὶ ἡμεῖς renovanda, limpidiore legis divina fonte diluenda, sanguineque Christi abstergenda est.*

Hæc enim non tantùm à juventute vana est, *Gen. 8, 21. Psal. 51, 7. 62. 10. 94, 11.* sed & porrò inquinatur 1. falsis persuasionibus, 2. ignoratione eorum, quæ sciri oportet, 3. propensione in affectuum finitimitatem. 4. consensus in peccatum. Cujus ἀπώστιας medelæ, *2 Cor. 4, 16. Col. 3, 10.* sunt à quotidiana pœnitentia, à lætione & cantu pio psalmorum, ab oratione, quæ à Deo impetratur & quod supra hominem est.



10. *Cogitatio est vel à Deo, vel diabolo, vel à nobis ipsis.*

11. *A Deo est, quâ excitamur ad agendum ea quæ pia, salutaria & verbo Dei consentanea sunt.*

Hæc fovenda est lectione verbi Dei, & precibus.

12. *A Diabolo, quæ per doctrinæ Christianæ violationem ducit in exitium.*

Huic opponendum est Dei verbum, Eph. 6. 16. 17. exempla & suffragia omnium sanctorum, Prophetarum Apostolorum, martyrum, aliorumque patrum, & seriæ preces.

13. *A nobis ipsis, quæ, secundum Bernhardum, vel est otiosa, & ab animo tam facile rejicitur, quàm recipitur; vel violentior, quæ ad naturæ necessitatem spectat; vel immunda quæ est à labe originis.*

Hæ verò oriuntur vel à sensu, vel à memoria, vel à complexione, & expellendæ sunt lectione Biblica, laboribus vocationis, fugâ otii, & cum primis ardenti, anxîaque invocatione ejus, qui solus potis est cor novum creare, Psal. 51. v. 12.

14. *Affectus, à quibus ne sancti quidem in terris prorsus liberi sunt, vel ab ipso corpore occasionem trahunt, vel è rebus externis proveniunt.*

15. *Illorum fons est immoderatus amor cor-*

poris, Rom. 13. 14. rivuli verò crapula  
& avaritia.

Horum ἀπαξία vetat Servator Luc. 21.

34. & vitat Apostolus. 1 Cor. 9. 2.

16. Hi sunt ira & concupiscentia.

17. Ira, quæ est tita & facilis commotio ob  
peccata Theologo est decora & necessaria,  
facileque sedatur.

Iracundia verò, quæ est vehementior, &  
diuturnior animi commotio, è recordatio-  
ne acceptæ injuriæ nutrimentum capiens,  
à doctore verbi aliena sit, Eph. 4. 5 1. Col.  
3. 10. Iac. 1. 19. 20. Acerbitas, quæ exul-  
cerati animi spuma est, vindictam spirans,  
in sanctis diuturna esse nec potest, nec de-  
bet, Eph. 4. 26. Rom. 12. 19. Remedium &  
lenimentum capeffe.

1. A cogitatu offensi DEI, à quo tan-  
quam mitissimo patre, veniam peris.

2. A memoria præcepti Christi, Matth.  
6. 15. & 18. 34. 35.

3. A consideratione tuæmet infirmita-  
tis, Matth. 7. 12. damni, quod iratus te  
ipse maximè lædis, Gal. 5. 20. 21.

2. Ab æstimo malorum, quæ trahit,  
Prov. 5. 15. 18. 22. 24. 26.

18. Concupiscentia, sive naturalis sit circa  
nutritionem aut generationem, sive non na-  
turalis rerum alienarum appetentia, timore  
Demi-

*Domini, lege DEI; & recta rationes frenanda & reprimenda est.*

Adversus hanc dona spiritus excitanda sunt piis exercitii, 1 Tim. 1.6.

19. *Voluntas, qua quod placet appetimus, quod displicet aversamur, non ex cogitationum, affectionumque nostrarum perturbatis motibus, sed ad imperium verbi DEI regenda est.*

Renunciandum igitur est propriæ voluntati, Matih. 6.10. & 26.24. Eph. 5.17,

20. *Studium est, quo quis omnium actionum suarum scopum unicum sibi præstituens sanctificationem nominis DEI, animi sui harmoniam ita tuetur, ut, quod mens rectè intelligit, animus sedulo cogitet; quod animus cogitat, ad illud raptantur affectus; quodque pii affectus suadent, id voluntas seriò imperet expediat.*

21. *Corporis sanctitima est ea mediocritas, qua ita honoratur, ut neque molitiis torpescat, neque duritie nimia frangatur.*

Procul igitur habe Epicureorum nostri temporis saginam, conbennorum, combonumque crapulam & ingluviem, quam pastoritia natio rusticatim & urbanatim, proh dolor, cum auditoribus suis juxta confectatur. Procul habe pharisaicum monachorum jejunium, quo se macerant, ut remissionem culpæ & poenæ mereantur.



tur. Ama temperantiam œconomicam & politicam, ut res tuas conserves, aliis exemplo sis, valetudinem tuearis. Christianum jejunium non rarò celebra, si fortè pigrescis & langueas circa desideria carnis, sed modestè & citra opinionem meriti & præcisæ necessitatis.

22. *Atque hæc sunt media divina primi ordinis : sequuntur ea, sunt secundi ordinis, ipsa nempe natura dona.*

Hæc Dei providentia exhibet, *Matth. 6. 24.* quibus inibi efficitur, fieri non posse, ut quis simul Deo serviat, adeòque Theologiæ operetur, & Mammonæ, ac proinde rebus βιωτικοῖς occupetur. Intellexit hoc prudentissimus Syracides, qui ne prudentiam quidem juris civilis ei convenire autumat, qui ad stivam natus est, *Cap. 38. 25. 26.* Quorsum etiam facit militia, *2. Tim. 2. 3. 4.* negotiis hujus seculi opposita. Est autem de his scitum illud *Ericii Puteani*, philologi excellentis, *Suadæ* auspicialis orat. 2. *ut naturam, i. e. ingenium asseratis, verbis non precipio. Id enim à Deo pendet : & à Deo hominibus datur ; etsi corrigere natura aliquem defectum ipsa exercitatione concessum est.* Hæc ad humana media *Alstedius* noster refert *compendio Theol. part. 1. cap. 6.*



23. *Hæc in studio Theologia sunt animi vel corporis, vel externa.*

24. *ANIMI sunt ingenii dexteritas, memoria fidelitas, & affectus sinceritas.*

Illa sita est in apprehendendo & judicando: ista in imprimendo & retinendo: hæc in constanti amore & impetu ad hoc studium ex vera causa. Hæc animi dona D. Lutherus hæc Germanicâ verborum forma enunciat: **Er sol einen feinen richtigen kopf haben.** hoc est, S. Theologia studiosus sit dexter.

25. *CORPORIS sunt statura dignitas, vocis concinnitas, & partium studiis præcipue servientium, cerebri pura, cordis, ventriculi, hepatis, splenis & pulmonum bonum temperamentum & robur.*

Ratio hæc est, quia assiduitas in precando, discendo, legendo, scribendo, meditando, commentando, docendo, spiritum ebibit, & corpus debilitat, Ecel. 12. *cis finem*: Et qui assidua lectione & meditatione nutritiam Theologiæ in hac via & extra patriam cœlestem non alit & auget, in eo hæc lux prorsus extinguetur, juxta illud poëtæ in alia re dictum:

*Vidi ego jactatas motâ face crescere flammæ,  
Et vidi nullo concutiente mori.*

26. *EXTERNÆ, quæ vulgo fortune bona dicuntur, vel propria sunt, vel à patre-*

*tre-*

*ironis suppeditata, quibus instrumenta aliâque acquirenda eruditionis theologica media comparentur: quibus Dei providentia permittit etiam accidere mala, quam crucem dicimus, quam ferre condiscat, aliosque doceat, quisquis amat fieri Theologus.*

BONA propria sunt, quæ vel à parentum superstitum liberali manu, vel à defunctorum hæreditate obtingunt, vel propriâ industriâ in modum peculii castrensium acquisita sunt. Divinum certè amplissimumque studium jure quodam suo sumtus poscit amplissimos, si omnî ex parte cultum velimus. A patronis suppeditata dico, quæ vel majorum pietate supersunt collegia tum ecclesiastica, tum scholastica, cum egregiis impensis, stipendiis, bibliothecis, fundis ac creditibus, in quibus olim deputabantur Canonorum capitula, multorumque cœnobiorum sacra-ria, ut tum alibi apud doctissimos theologos, politicos & historicos fideles, tum in opusculis theologicis D. Andreæ Hyperii olim Professoris Marpurgensis videre est: vel hodieque principum aliorumque opulentorum hominum benignitate Theologiæ non minus quam Juris, Medicinæ & Philosophiæ Doctoribus, & studiosis beneficia decernuntur, & multo potius ex formula Christianismi decerni

ni debent, *Matth.* 10. 10. 11. 12. 13. 14. 15.  
*1 Corinth.* 9. 7. 8. 9. 10. 11. 12. 13. 14.  
 Agnovit hoc illustrissimus ac potentissi-  
 mus princeps ac dominus DN. WIL-  
 HELMUS, Hessorum Landgravius, prin-  
 cept ac dominus meus clementissimus,  
 cujus heroicæ virtutes non solum invi-  
 diam vicerunt, sed & mortale fastigium  
 supergressæ sunt, dum non tantum pro li-  
 bertate patriæ & religione fortiter pu-  
 gnat, sed & *Cassellis*, inferioris Hassiæ me-  
 tropoli, *Academiâ novam* fundat, &  
 maximis impensis dotat, ut, *Academiâ*  
*Marpurgensi* mutationem passâ, Cels. ip-  
 sius auspiciis & munificentia vel minimo  
 sumtu, juvenus bonis literis & religione  
 imbuatur. Quapropter Cels. ipsius non  
 subditi modo, sed & externæ nationes non  
 aliter observant, admirantur ac suspi-  
 ciunt, quàm beneficum & salutare quod-  
 dam sidus è coelo in terras demissum, ut  
 seculo everso succederet & rebus afflictis  
 mederi posset. Ego inter cultores Cels.  
 ipsius gradu & censu plurimis impar, ani-  
 mo & affectu vix cuiquam secundus,  
 nullum majus ac melius donarium ei of-  
 ferre possum, quam *simplex votum*, quo  
 uno vota universa bonorum omnium, sa-  
 lus & securitas patriæ, spes & opes sub-  
 ditorum ipsius, cumulatè continentur.

Ego

Ego igitur Deum Opt. Max. principum  
ac principatum custodem, ex intimis sen-  
sibus veneror atque obtestor, ut pro prin-  
cipibus PHILIPPO fortissimo, proavo,  
WILHELMO sapiente, avo, & MAU-  
RITIO doctissimo, patre, cœlitibus,  
principem WILHELMUM, fortitudi-  
nis, sapientiæ & doctrinæ jubar serenissi-  
mum, quam diutissimè mortalium cœti-  
bus interesse patriatur. Faveant propitia  
fata beneficio quod dederunt, tantòque  
muneri addant perennitatem! MALA  
autem, quam *crucem* nuncupamus, op-  
pidò bona & commoda esse huic studio  
non quidem per se, sed Opt. Maximi fa-  
vore, Apostolus suo pte docet exemplo  
2 Cor. 1. 6. Rom. 5. 3. 4. 5. Et hic locum  
habet decantata trias, ORATIO, ME-  
DITATIO, TENTATIO, quæ de sen-  
tentia beati Lutheri facti THEOLOGUM;  
qua divina media claudo, quamvis de me-  
ditatione plura nunc sim dicturus usque  
ad caput X. hujus instructionis, quod ten-  
tationis vim ostender.

CAPUT



## CAPUT IV.

DE

Mediis humanis : & nominatim ,  
de Philosophia.

**H**Æc de mediis divinis quibus mens elevatur ; ut in apertum theologia principium imitatur ; sequuntur **HUMANA** . quæ diligenti operarum , ad perficiendum Theologum , curatione continentur .

Neque enim in morem Apostolorum , immediatè induimur virtute ex alto , *Luc. 24. 49. Act. 2. 4.* sed mediatè per precationem , *Iac. 1. 6.* meditationem & lectionem diligentem sacrarum literarum , *1 Tim. 4. 13. 14. 15. 16.* contemplationem rerum naturalium , *Act. 14. 17. & 17. 27. 28. Rom. 1. 19. 20. & in intentionem , 1 Cor. 3. 12. 13. 14. 15. 1 Pet. 1. 6. 7.* arcanae theologiæ cognitione imbuimur & elevamur . Hæc verò elevatio mentis alia est , quàm quæ cap. 3. ad aphor. 3. jam descripta est , & per traditionem humanarum disciplinarum , quibus omnibus ordinem & habitudinem quandam ad Theologiam Christianismum induit . Et est mutua quædam omnium disciplinarum *ἁρμόνιος* , *im- meatio* , quantum ad usum & gubernationem . Sicut enim Logicus regit Rhetor-

rem,

rem, Rhetor vestit Logicum, physicus utrumque conservat & auget, Grammaticus omnes juvat, Mathematicus, cum opus est, servit, Jurisconsultus æquitatem & pacem, Medicus sanitatem tuetur, quantum per naturam fieri potest: ita Theologus omnes liberè ordinat & rectificat, ad placita & jura Dei, quantum per gratiam è scripturis in lucta carnis & spiritus pro ætate & vocatione sua accepit.

2. *Eaque sunt technica aut gymnastica.*

Illa artis & informationis, hæc exercitationis non malè appellaverit.

3. *TECHNICA sunt propædæutica, aut paedæutica.*

4. *Propædæutica exhibent necessariorum instrumentorum comparisonem.*

Hæc quidem scripturam omnino habent pro principio regulante, sed non semper & in omnibus pro dictante, sive formaliter enunciante & explicante.

5. *Sunt autem primaria aut secundaria.*

6. *Primaria sunt philosophica aut philologica.*

7. *PHILOSOPHICA sunt, quæ πρὸς τὴν κλῆσιν καὶ παιδείαν Theologo futuro sapienter accommodant.*

Hic perniciofa opinio Theologiæ studiosis ante omnia eximenda est, quod scilicet Philosophia per se pugnet cum Theologia,

giâ, quam rem eruditè disputatam vide, apud doctissimos Theologos & philosophos *Cornelium Martinium, Kekermannum, Alstedium, Calixtum, Hornejum*, & pronuper apud *D. Nicolaum Videlium* in rationali Theologico *Genevæ* edito. Usum philosophiæ videsis à nobis breviter ostensum, *lib. 4. Oratoris Ecclesiastici cap. 1. aphor. 7.* Adde Meditationem Theologicam de usu & abusu rationis humanæ in interpretandis & æstimandis rebus & scripturis divinis adversus Socinianos & novos Weigelianos, ab ornatissimo nostro *Casparo Stresone Anhaltino* Lugduni Bataavorum nuperrimè editam, item *Artem Artium* sive *Clavem scientiarum* mirabilem editam Et lingæ in Marchionatu Badensi, Anno 1606. sive institutionem auream de usu organi seu logicæ Aristotelicæ in disciplinis omnibus, parte 6. cap. 1. pag. 620.

8. *Philosophica sacra Theologiae serviunt cautiè, distinctè, sobriè & modoratiè cognita quadrifariâ: ad ordinandum, ad resolvendum, ad disputandum, ad concionandum & conversandum.*

Primus igitur est *tacticus*. Nam logica, quæ est instrumentum & manus Philosophiæ, ordinis mater & magistra est, imò & methodi tam syntheticæ quàm analyti-



ricæ ; quarum illa respondet demonstra-  
 tioni à priori , hæc demonstrationi à po-  
 steriori : ac proinde suppeditat etiam arti-  
 ficium dividendi ac definiendi , ut ex po-  
 steriori analyticorum manifestum est.  
 Unde secundus est *analyticus* : quia ad hoc  
 ut dextrè resolves textum biblicum , non  
 solum logica , verum etiam aliæ disciplinæ  
 philosophicæ quæ res & mores tractant ,  
 prosunt , si modò justam analysin libeat  
 emoliri. Quâ de re præter alios videsis  
*Flaccii Illyrici* clavem sacrae scripturæ , *Ba-*  
*silii de Farna* analysin colloquii Ratisbo-  
 nensis. Ideam boni interpretis *Danhauveri*  
 rotam , ejusdem ideam boni disputatoris  
*sect. 2. cap. 5. articul. 1. §. 92. & seqq.* Ana-  
 lysin *Cornelii Martinii* , & *Alstedium* no-  
 strum *comp. Theolog. pag. 1. 10.* Ἀναλύειν ve-  
 rò in theologia nihil aliud est , quàm συγ-  
 χεῖν πνδυματικῆς πνδυματικῆς. 1 *Cor. 2.*  
 13. hoc est , spiritualibus theorematis seu  
 quæsitis probandis aptare spiritualia prin-  
 cipia , sive , ut disertius dicam , controver-  
 siam aliquam Theologicam revocare ad  
 οἰκεῖα λήμματα , vernacula Theologiæ  
 principia , quæ ex eodem genere cum pro-  
 posita quæstione sumuntur. Tertius est  
*syncreteticus* , contra quàm sentit Gregoras  
*Nicephorus , lib. 50. Byzantina historia,*  
 quem eruditè refutat *Ars artium part. 6.*



e. 3. p. 646. & s. Conducit enim ad *Amoerian* disputationum Theologicarum, à quibus hoc seculum sibi vix temperat, tum quia Logica præscribit modum eruditionis, tum quia Metaphysica generalissimos explicat terminos, quorum maximus usus est in disputationibus theologicis, tum denique, quia Theologi in disputationibus, lectionibus, & scriptis suis, multa in philosophia disputata supponunt, aut ex ea vel propter adversarios, vel propter lectores & auditores suos disputare coguntur. Quâ de re videsis præter *Cornelium Martinium* in *Analysi*, & *Conradum Hernejum* in *Processu* disputandi, *D. Nic. Videliium* in *rationali Theologico toto*. Utinam verò de rebus divinis ex sola scriptura disputandi ratio passim vigeret, aut tandem aliquando consentientibus Theologorum suffragiis & studiis in usum jure postliminii revocaretur, in qua solum Dei verbum ritu Apostolorum proferretur, audiretur, explicaretur, crederetur! Tunc bene cum Ecclesia, bene cum Academiis ageretur, Dei nomen piè celebraretur, veritas divina gloriosè triumpharet, neque studiosa juvenus tempus & florem ætatis perderet cum sera pœnitentia, in pelago scholasticorum metaphysico emetiendo, quod magnam partem doctrinæ Theologicæ & pie-

pieratis absorpsit, sed maximè necessària-  
 rum linguarum & verarum scientiarum  
 studiis vacaret, ad optimos quosque au-  
 ctiores veteres accederet, & ex ipsis fonti-  
 bus bibere mallet, quàm ex turbidis & cœ-  
 nosis lacunis lambere. Quartus est *Rheto-  
 ricus & symbioticus*. Potest enim conciona-  
 torum è rerum naturalium còtempla-  
 tione, tum è rerum moralium, virtutum  
 sc. & vitiorum exemplis indeque nascent-  
 te felicitate aut miseriâ promere innume-  
 ras rations, quæ faciant ad Dei notitio-  
 nem, cultum & amorem; potest etiam ex  
 his ad moralem, familiarem & civilem  
 consuetudinem aptior evadere. Quâ de re  
 videsis præter alios Andream Hyperium  
 de formandis concionibus & studio Theo-  
 logico, Oratoremque nostrum Ecclesia-  
 sticum, lib. 1. Cap. 1. Non tamen hic τὸ  
 πρῶτον gentilium oratorum requirimus,  
 quod Apostolus 1 Cor. 2. 4. rejicit ἐν πε-  
 ροῖς αὐτῶν πίνης σοφίας λόγῳ; sed respicimus  
 ad illud beati Augustini l. 2. de doctrina  
 Christiana cap. 40. Sicut Israëlita idola &  
 vasa aurea & argentea Ægyptiorum aufe-  
 runt, & ad justos & Deo placentes usus conse-  
 runt. Sic Christiani philosophiam & discipli-  
 nas liberales, quæ in Ethnorum literis ex-  
 stant, non eo prorsus relinquere debent, quòd  
 Ethnici eis impie abutebantur, sed ad justum  
 pra-

*pradicandi Evangelii usum transferre debent. Et ad illud Gregorii Nysseni in mystica enarratione vitæ Mosis, pag. 35. Habet philosophia secularis partus, humanaque disciplina carnale quoddam præputium, quo circumciso, quod relinquitur, Israëlita invenitur esse nobilitatis: ut, exempli causa, immortalem esse animam, philosophi perhibent, id autem pium est. De corporibus in corpora transire volunt, & de rationali natura etiam in rationis expertem transilire nonnulli asserunt, hæc quasi præputium circumcidenda sunt, & procul omnino abjicienda. Deum esse non negant, creatoremque omnium à quo cuncta dependent, verè asseverant, ac rationibus, quantum fieri potest, demonstrant: sed creatori, velut egenti artificii, materiam supponunt, multaque alia hujusmodi sunt veris excogitata rationibus, sed absurdis ac falsis appositionibus maculata, quæ si tollemus, propitius nobis Dei angelus fiet. Id quod adversus hujus temporis Paracelsistas, Weigelianos, Jacob Bëhmianos, aliosque fanaticos probè observandum est. Dixi autem in aphorismo, philosophica causè & sobriè cognita sacrae Theologiæ studio servire, cū beato Bernhardo, qui sermone 36. in Canticum tractans illud Pauli Rom. 12. 3. Non, inquit, prohibet Apostolus sapere, sed vult nos sapere ad sobrietatem.*

*Quid est autem sapere ad sobrietatem? Vigilantissimè observare, quid scire magis priusve oporteat. Est quidem per se omnis scientia bona, qua tamen veritate subnixâ sit: sed, quia tempus breve est, tu qui cum timore & remore tuam ipsius operari salutem, pro temporis brevitate, festinas, ea scire prius & ampliùs curato, qua senseris VICINIORA SALUTI. Nonne magna pars medicina corporum est, eligere in sumendis cibis quid prius, quid posterius, & quemadmodum quidque sumi oporteat? Nam etsi bonos esse constar cibos, quos Deus creavit, tu tamen ipsos tibi, si in sumendo MODUM & ORDINEM non serves, reddis plane non bonos. Ergo quod dico de cibis, hoc sentite & de scientiis. Sed melius mitto vos ad magistrum. Non est enim nostra ista sententia, sed illius, imò & nostra, quoniam veritatis, 1 Cor. 8. Qui se inquit scire putat aliquid, nondum scit, quomodo oporteat eum scire. Vides quia non probat multa scientem. si modum sciendi nescierit? Vides quomodo fructum & utilitatem scientia in modo sciendi constituit? Quid autem dicit modum sciendi? quid, nisi ut scias quo ordine, quo studio, quo fine quæque nosse porbeat? Quo ordine? Ut id prius, quod maturius ad salutem. Quo studio? Ut id ardentius, quod vehementius proficit ad amorem. Quo fine? Ut non ad inanem gloriam,*



riam, aut ad curiositatem, aut aliquid simile, sed tantum ad adificationem tuam vel proximi. Sunt enim qui scire volunt eo fine tantum ut sciant, & turpis curiositas est: & sunt, qui scire volunt, ut sciantur ipsi, & turpis vanitas est. Qui profecto non evadet subsannantem Satyricum, & qui ejusmodi est decantantem: Scire tuum nihil est, nisi te scire, hoc sciat alter. Et sunt item qui scire volunt, ut scientiam suam vendant, vel pro pecunia, vel pro honoribus, & turpis questus est. Sed sunt etiam qui scire volunt, ut adificent, & prudentia est. Horum omnium soli ultimi duo non abutuntur scientia; quippe qui ad hoc volunt intelligere, ut benefaciant: siquidem intellectus bonus omnibus facientibus eum. Reliqui omnes audiant: Scienti bonum & non facienti, peccatum est ei. Ac si per similitudinem diceretur, sumentibus cibum, & non digerentibus, perniciosum est ei. Cibus nempe indigestus, & qui bonam non habet decoctionem, malos generat humores, nec tantum non nutrit, sed etiam corrumpit corpus. Ita & multa scientia ingesta stomacho anima, quae est memoria, si decocta igne charitatis non fuerit, & sic per quosdam actus anima, mores videlicet atque actus transfusa & digesta, quatenus ipsa de bonis, quae novit, vita attestante & moribus, bona efficiatur; nonne illa scientia reputabitur in peccatum? Annon mali humores

*res pravi mores? Annon inflationes & torsiones in conscientia subſtinebit, ſciens bonum & non faciens? Annon reſponſum mortis & damnationis toties in ſemet ipſo habebit, quoties in mentem venerit ſermo, quem dixit Deus: quia ſervus ſciens voluntatem Domini ſui & non faciens digna, multa vapulabit? Hæc Bernhardus, quæ ad praxin hîc plenè laudavi. Neque audiendi illi ſunt qui ſuadent, nobis æquè atque Apoſtoliſ ſic à Spiritu ſancto expectandam eſſe univerſam intelligendi atque explicandi ſacras literas facultatem, ut proſus non ſit opus, nos diſcendis ullis artibus operam dare. Nam omnium rerum parandarum certa quaſi instrumenta nequaquam negligenda, ſed ſummo labore & ſtudio comparanda Deus conſtituit, ut, quod natura haud ſuppeditat, id arte & piâ diligentia conſequamur.*

*II. Diſtinctam verò & ſobriam philoſophia cognitionem regunt hi ſermè canones.*

*1. Diſciplinæ instrumentarias ſtudioſus Theologia præ cæteris diſcat: & Grammaticam, quam quiſque puer didicit, cum Lexicis in omnem ætatem ſibi ſervet ac tractet familiariter. Neque enim hîc nobis audiendus eſt Iohannes Dallardus ex ſuperiore ætate, qui in barbara & ſophiſtica theologia aliorum præceptor, illud ſuis inſtillare con-*

consueverat : quanto eris melior Grammaticus, tanto peior dialecticus & theologus. Vide Ludovicum Vivem l. 2. de causis corrupt. art. p. 77. 79. 81. 82.

2. Rhetoricam & Oratoriam ex Aristotele, Cicerone, Quintiliano, aliisque optimis dicendi magistris ab eloquentissimo D. Gerhar- do Vossio, Amstelodamensis Minervii anteces- sore conscriptam, ne insuper habeat.

3. Logicam Peripateticam sibi commenda- tam habeat, tanquam excellentissimum, quod quidem hodie exstet, & à Christianis philoso- phis illustratum sit, docendi, discendi, sciendi- que instrumentum.

4. Ex philosophia rerum, Metaphysicam, à spinis scholarum, quibus tota horret & sub Papatu obsita est, à philosopho doctissimo M. JOH. WILLIO, collega nostro, or- gani & Metaphysicæ professore accuratissi- mo, expurgatam cum primis condiscat.

5. Pneumaticam, quâ natura spirituum explicatur, probè teneat. Istam excellentissi- mus philosophus D. GERHARDUS DE NEUFVILLE, collega noster, ad physi- cam refert. cujus systema physicum stu- diosis theologiæ maximè desiderandum, & ab auctore maturandum est.

6. Physicam oppidò sibi necessariam ducat, ut videre est apud Augustinum, lib. 2. de do- ctinâ Christianâ, cap. 16.

7. *Arithmetica*, cum *elementis Geometricis*, *Geographiâ*, *Astronomiâ*, *Chronologiâ* & *Musiciâ* haud adspiciatur.

8. *Philosophiam morum* sive *practicam* magno studio pertractet, & cum principiis revelatis, quæ s. *litera* tradunt, exactè conferat. Hic commendo *Ethica*, & *Politica* CLV. D. BALTH. WILLII Theol. & Philos. collegæ nostri charissimi.

9. *Historiam* tum *profanam*, tum *Ecclesiasticam*, diligenter evoluat.

10. *Ceteras philosophia partes* saltem degustasse sufficit: si modo expendatur, quid singula ad *Theologiam* profint.

## CAPUT V.

## DE PHILOLOGIA.

1. **P**HILOLOGIA verò est medium humanum, quò studiosius Theologia ad textuum sacrorum Ecclesiasticorumque scriptorum styli intelligentiam, necessariorum atque utilium linguarum cognitione præparatur ac dirigitur.

Quia verò in nuda linguarum notitiâ minimè consistit eruditio; idcirco hæc cum philosophicis & aliis disciplinis coniungi debet, quæ singulæ suum habent usum didascalicum in Theologica schola, etiamsi sine salutis dispendio possint ab idiotis ignorari. Nam οὐκ ἐστὶν τὸ ἐγὼ δῶς διδά-



εχειν δεi πρώτον εξετάζειν τὰ ὀνόματα, ut rectè doceatur, primum vocabula examinare oportet, ut ait philosophus.

2. Harum linguarum studium regunt sequentes canones.

1. Linguam vernaculam Theologia studio-  
sus praeceteris excolat, ut illius proprietatem,  
puritatem, nitorem & copiam consequatur.

2. Hebraeam linguam, sub qua & Chal-  
daeam comprehendimus, è perpetua lectione  
V. T. condiscat.

3. Graecam ad N. T. sensum penitus perci-  
piendum sibi comparet.

4. Latinam, propter Ecclesiasticorum scri-  
ptorum lectionem, & doctorum hominum to-  
tiusque propemodum orbis Europae commer-  
cium, exactè norit :

5. Syriacam, Arabicam, Æthiopicam,  
aliasque orientales ob paraphrases scripturae,  
& Rabbinicam dialectum, eamque multifa-  
riam, non quidem præcisè necessarias, oppidò  
tamen utiles ac honorarias sibi existimet. Ra-  
diant his in orbe erudito Iosephus Scaliger,  
Hugo Grotius, Daniel Heinsius, ὁ πᾶν, Isaac-  
cus Casaubonus, Thomas Erpenius, F. Raphæ-  
lengius, Trostius, Ludovicus de Dieu, Con-  
stantinus L'Empereur, Hostingerus, Ioan.  
Leusden, & alii non è multis.

6. Instrumenta hujus philologia sunt cu-  
jusque lingua Grammatica, Lexica, Historica,

C A B U T V I.

D. E

Propædeuticis secundariis, Juris-  
prudentiâ nempe, & Medicinâ.

**A** Dhuc fuerunt propædeutica primaria,  
philosophica nimirum & philologica: se-  
quuntur secundaria, quæ modesta, iurispru-  
dentia & Medicina cognitione continentur.

2. Est autem modesta iurisprudentia & Me-  
dicina cognitio, medium humanum, quo stu-  
diosus Theologia ad multarum rerum pra-  
cticarum ad disciplinam suam pertinen-  
tium intelligentiam & usum preparatur ac  
dirigitur.

Modestam dico cognitionem, ne vel  
totam in te invergas, quasi eam profiteri  
velis; vel in alienam Jurisconsultorum  
aut Medicorum messem falcem tuam im-  
mittens, perperam & licenter eâ abutaris.  
Videsis doctissimum Hyperium *de for-  
mandis concionibus*, & Oratorem nostrum  
*lib. 1. cap. 1. & lib. 4. cap. 1.*

3. Iurisprudentia delibanda est è corpore juris  
tum civilis. tum Canonici.

Exemplo doctissimorum Theologorum  
*Petri Martyris, Theodori Beza, Caspari*

*Oleviani, Antonii Fayi, Francisci Iunii, Guilhelmi Stuckii, Guilhelmi Zepperi, Iohannis Brentii, Davidis Chytrai, & aliorum, qui leges Mosaicas interpretati sunt, & cum civilibus contulerunt.*

4. *Ius civile servit studioso Theologia, tum ut de rebus ad communem vitam, libertatem & servitutem tam Christianam, quàm civilem pertinentibus, variisque casibus & premiis & pœnis recte judicet & loquatur in concionibus suis, aliisque partibus officii sui obeundis: tum ut norit, quid de religione & rebus Ecclesiasticis eo definitum ac constitutum sit.*

Nam 1. corpus juris civilis non pauca, habet de S. Trinitate, de Ecclesiis, de Episcopis & Clericis, de hæreticis, Judæis & Chaldæis, de causis matrimonialibus, & id genus aliis, quorum usus multifarius est, quàm in disputationibus, concionibus. consiliis Theologicis, quàm in conscientiarum casibus, de quibus Theologo sæpe respondendum est plenius, quàm ut auditores nudè remittantur ad rostra vel ad scholas Jurisconsultorum. 2. Ad gustum & qualemcunque juris illius intelligentiam nostri præ cæteris legere possunt, juxta corpus juris civilis per se glossatum, Jurisprudentiam civilem *Conani, Hermanni Vultej, Iohannis Althufsi, cum paratitlis Wesenbecii,* qui-

quibus, si volunt & possunt, addere licet *Schneidevvinum, Treutlerum, D. Antonium Martham, Hœnonum, Bachovium*, in practicis *Gaylium & Farinacium*, in methodis utriusque juris *Nicolaum Vigeliū*; & his omnibus statuta & consuetudines loci, in quo quisque degit.

5. *Ius canonicum servit studioso Theologiae, tum ut antiquitatem Ecclesiasticam ex eo penitus cognoscat, tum ut Cæsarea paparum seu Papimperium illud Inevadit be- stiale à Iohanne Apocalypsa descriptum, cum incrementis suis clariùs videat.*

Præter corpus juris Canonici sive per se, sive glossarum, & Institutiones *Lanceloti Navarri*, methodus *Nicolai Vigelii*, paratitla *Chassanai*, Casistæ plurimi, & lexicon Theologicum *Iodoci Loricii* hic usui esse possunt, & inter alia syntragma juris universi *Petri Gregorii Tholosani*.

6. *MEDICINA delibanda est, si pote, ex Hippocrate aut Galeno, aut saltem ex aliquo recentiore & ad aetatem nostram accommodatiore, puta Iohanne Fernelio, aut Iohanne Ludovico de Pernumia, aut Joanne Heurnio, aut Daniele Senerto, aut Abrahamo Frambesario, quibus in diateticis Pantheum Hygiasticum Deodati, & Diateticum Quercetani; in anatomicis addi possunt Vesalius, Lau-*



turbatis non necessariæ anxietatis causas tollere, iisque verorum medicamentorum usum à physicis & practicis ordinariis præscriptum, cum *πληροφορία* plena fide commendare: id quod omnino ad practici theologi officium pertinet. Exemplo est *Philippus Melancthon*, *Manlius*, *Benedictus Aretius*, *Antonius Fayus*, ut omittam priscos prophetas & apostolos, qui dono sanationum valuerunt.

## CAPUT VII.

DE

SS. Theologiæ apprehensione, &  
nominatim de lectione  
systematica.

**H**Actenus fuere studii Theologici propædæutica, ad cuiusque studiosi spiritualem aetatem, captum & usum attemperanda: sequuntur padæutica, quibus ipsa doctrina sacra, qua ad Deum propius reducimur, apprehendiuntur.

Scitè *Johannes Ludovicus Vives* lib. i. de tradendis disciplinis p. 243. Homo, inquit, ut unaquæque res, ex fine censendus est: Vanus est enim ac miserrimus, si non assequatur finem: perfectissimus verò ac proinde felicissimus, si consequatur. Finis hominis, quem

quem alium possumus statuere, quam Deum ipsum? aut ubi potest homo beatiùs acquiescere, quàm in Deo velut absorptus & in illum conversus? Eadem viâ redeundum est nobis ad illum, quâ egressi sumus: amor causa fuit condendi nostri. Nam ut se nobis tanta illa communicaret felicitas, nos creavit, quo nullum esse evidentius amoris signum potest. Amore ab illo nos sejunximus, nempe nostri ipsorum: amore revocati sumus & erecti, nempe Christi erga nos: amore revertendum est nobis ad nostram originem, quæ est eadem finis noster, nempe nostrâ in Deum charitate. Spiritualia enim nulla res alia conglutinare, nulla ex multis unum valet facere, nisi amor. Amorem verò necesse est cognitio antecedit. Deus nos, antequam nobis nasceremur, jam diligebat, quia jam noverat, jam illi geniti eramus: nos nati & cognoscendi vim atque usum adepti amamus. Quæ autem amanda sint, fides monstrabit, traditis unicuique primis & simplicissimis elementis pietatis de Deo patrè omnium, & filio ejus Iesu Christo, qui ad redemptionem nostrâ carnis peccati carnem eandem nostram induit, sed sine peccato. Deinde hac eadem explicatiùs quomodo sint & cognoscenda & amanda, non ulla hominum inventa, sed divina declarant oracula, quæ sacris literis per Spiritum s. sunt prodita, in quibus literis absoluta est intelligentia di-

*vinī cultus, quæ pietas & eadem religio nuncupatur, licet ejus vis magis actione contineatur, quàm peritiâ. Prima illa elementa non aded sunt simplicia, quin ad agendum sufficiant: ea neminem prorsus oportet ignorare. Perfectio verò pietatis illorum est, qui altius sese attollunt per charitatem, quæ ut ignea est, ita ignis modò sublimes, quos possidet, rapit: hæc sunt ejus, cui commissus est grex, qui & à Domino audit, Diligis me plùs quàm hi? Hunc convenit esse doctrina sana potentem, & eis, qui contradicant, resistere sicut Paulus Apostolus admonet. Hæc intelligentia divini cultus per se ipsa suis viribus nititur & consistit: nec ullis omnino eget adminiculis, imò in illa una cuncti thesauri clauduntur scientia ac sapientia, omniaque quæcunque ab aliis sunt gentibus vel diversis de rebus prodita, vel quædantenus de eisdem, pueriles balbuties sunt ac inscitia mera, si cum illa conferantur sanctæ & admirabili sapientiâ. Hanc oportet esse reliquarum institutionum canonem, sicut Deum spirituum, & hominem animantium. Hactenus Vives.*

2. *Apprehensio doctrina sacra fit lectione systematica & biblica.*
3. *Lectione systematica est idea cujusdam, aut pleni corporis doctrina Christiana.*

Hoc est instrumentum apprehensionis placitum, quæ à communi Ecclesia Christi

fit



sti de quolibet loco communi tenentur, cum suis declarationibus & demonstrationibus.

4. *Idea sacra Theologia è compendio quodam orthodoxi Theologi crebrâ lectione animo infigenda est.*

Hic antequam studiosus Theologiæ sese credat justo & vasto *doctrina Christianæ corpori* industriâ pii & eruditi Theologi concinnato, tanquam pelago aut labyrintho; sibi eligat *epitomen*, sive *compendium* & *synopsin* brevem, perspicuam, sacris literis consentaneam & satis plenam, quam judicaverit vel studiorum moderator, si quem habeat pium & satis peritum, vel ipse, siquidem ille desit, omnium verissimam, & vel perfectissimam, vel saltem captui, ætatiq; suæ convenientissimam, cujus beneficio, tanquam Ariadnæ filo, sese ex amplissimi studii, quod sub sole est, sive pelago, sive Labyrintho citra jacturam & errorem expediat. Prostant hujus generis hypotyposes, ideæ, medullæ, synopses & compendia varia, imprimis Theologorum Leidenſium, Dudleji Feneri, Lucæ Trelcatii, Wilhelmi Perkinsi, Amandi Polani, Marci Beumleri, Jodoci Nahumi, Ludovici Lucii, Johannis Wollebii, Matthiæ Martinii, Johannis Henrici Alstedii, G. Amesii, M. F. Wendelini, &



& similibus, & quoniam ita Deo visum, nostrum syntagma.

5. *Lectio pleni corporis doctrina Christiana est ecclesiastica aut scholastica.*

6. *Ecclesiastica è justo quodam sacra Theologia syntagmate ab orthodoxo auctore conscripto, suscipienda est ad popularem institutionem.*

7. *Scholastica inde pro cuiusque viribus & conditione per omne genus optimorum Theologorum in omnem aetatem alenda, continuanda & perficienda est, ad erudita iuventutis informationem.*

8. *Hae lectio scholastica requirit armarium instructum & iudicium exquisitum.*

9. *Armarium instructum sit à scriptoribus, qui tradunt Theologiae tum communia, tum particularia.*

10. *Communia tradunt, qui praecognita Theologica exhibent.*

Ex antiquis, Gregorius Nazianzenus *orationibus de Theologia*: è recentioribus Andreas Hyperius *in Theologo*, Franciscus Junius *de Theologia*, Amandus Polanus *in principio syntagmatis*, Johannes Henricus Alstedius *in praecognitis Theologicis*, &c.

11. *Particularia tradunt illi, qui scripserunt de his, quae pertinent vel ad Theologiam naturalem, vel ad revelatam.*

12. De Theologia naturali legi possunt omnes, qui commentantur super *πρωτοκλήσιαν* sive *ἐξαήμερον*: ut à patribus Basilii M. Ambrosius, Augustinus: è scholasticis Bonaventura, Thomas Aquinas contra gentes: è recentioribus, Marsilius Ficinus, tum de religione Christiana contra Atheos, Gentiles & Iudeos; tum in Theologia Platonica de immortalitate animæ, Philippus Mornæus de veritate Christianæ religionis, Johannes Spinæus de providentiâ, Hieronymus Zanchius de operibus DEI, Johannes Picus, & Johannes Franciscus Picus Mirandulani comites, Paulus Schalichius, Raymundus Lullius, Theophrastus Paracelsus, Guiljelmus Bartschius, David Paræus in Genesin, Johannes Arndt de Christianismo, Conradus Astacus Danus in *πρωτοκλήσιαν*, Benedictus Pererius in Genesin, & Johannes Henricus Alstedius in Theologia naturali.

13. De Theologia revelata legi debent catechetica, dogmatica, polemica, τὰ πρὸς συνειδήσιν, sive casus conscientiæ, historica & concionaria.

14. In catecheticis legantur præ cæteris quinque; capita religionis Christianæ pura & per se.

Deinde pro cujusque capitu, ecclesiastici scriptores, vel omnes, vel quidam, vel unus saltem, ut, *ex antiquis symbolum Athanasii, expositio symboli Ruffini. Catechesis Cyrilli Hierosolymitani, Gregorius Nyssenus in orationem Dominicam, ipsiusque oratio catechetica. Augustinus de symbolo, Cyrillus Alexandrinus in symbolum Nicanum: è recentioribus, dilucida & pia explicatio symboli, quod Apostolorum dicitur, decalogi seu praeceptorum, & dominica precationis per Desiderium Erasmus Roterodamum, Catechesis Lutheri, Melanchthonis. Chytræi, Genevensis, Heidelbergensis, Ursini & Paræi, Theologia popularis Matthiæ Martini, Catechetica Johannis Arndts, Joh. Piscatoris, Perkinsi & Alstedii.*

15. *In dogmaticis exstant, qui locos communes scripserunt, vel sparsim hinc inde plures aut unum duntaxat: ut,*

*E patribus Tertullianus, Augustinus, Cyprianus, alii. vel eos conjunctim certo ordine persecuti sunt, tum inter Scholasticos, Petrus Lombardus, quem magistrum sententiarum intitulant, Thomas Aquinas, Johannes Scotus, Guilielmus Occamus, Nicolaus de Orbellis, & innumeri alii; tum ex protestantibus Theologis, Philippus Melancthon in corpore doctrinæ, Bullingerus in Decadibus, Wolfgangus Mus-*

Musculus, Calvinus, Martyr, Beza in confessione, Aretius in problematis, Polanus, Bueanus, Sohnius, Trelcarius, Alstedius, Nicolaus Hemmingius in synagmate, Victorinus Strigelius, Martinus Chemnitius, Matthias Hasenrefferus, Iohannes Gerhardus Theologus Ienensis prolixissimè.

16. *In Polemicis adversus varios errores & hæreses valent.* E patribus præsertim Ignatius, Irenæus, Tertullianus, Cyprianus, Basilus M. Arnobius contra gentes, Athanasius *hæreticorum malleus* olim dictus, qui in concilio Nicæno primas tenuit, & Hilarius, Gregorius Nazianzenus, Epiphanius, Ambrosius, Hieronymus, Augustinus, Cyrillus Alexandrinus, qui direxit concilium Ephesenum, Theodoretus, Leo Papa, Fulgentius, Prosper; à *Scholasticis* Thomas Aquinas, Iohannes Scotus, & Wilhelmus Oceamus, & alii contra varias hæreses; à *protestantibus* ultimi temporis D. Lutherus, Melancthon, & Martyr contra Pontificios, Bullingerus contra Anabaptistas, Calvinus contra Pontificios & Libertinos; Beza, Pezelius, Sohnius, Pierius, & Marrinius in quæstionibus, quas Evangelici & protestantes Theologi seculo nuper præterito inter se ventilarunt aliquanto rigidius; Dæ-



næus, Iunius, Whithakerus, Sibrandus, Vorstius, Amesius, Chamierius, Episcopus Scarpus contra Bellarminum, Iohannes Gerhardus in locis communibus, & Iohannes Henricus Alstedius in Theologia polemica contra varios errores. Adversus Photinianos novos & Socinistas Pareus, Sibrandus, Iacobus ad Porcum, Tarnovius, Stegmannus, Franzius. Adversus hos plerosque omnes syntagma Amandi Polani. Si tamen in polemica aliquid otii impendere datur à jugi lectione sacrarum literarum, quæ in studio theologico utramque faciunt paginam.

17. Τα ὅλα σωείδῃσι & Theologiam casuum invenies potissimum apud patres Terullianum, Cyprianum, Ambrosium, Chrysostomum, Prudentium, Augustinum, Macarium, Bernhardum: apud Scholasticos, Bonaventuram, Hugonem de S. Victore, Dionysium Carthusianum, Iohannem Taulerum, Thomam de Kempis, Guilhelmu Parisiensem; apud recentiores tum Pontificios, Thomam Cajetanum, Martinum Navarrum, Acostam, Azorium, Peresium, Drexellium; tum protestantes, Ottonem Casmannum, Perkinsum, Balduinum, Alstedium, Amesium, Tassinum.

18. *Historica, divina cum primis & ecclesiastica, quorum finis est religio, nihilque aliud sunt, quàm Theologia exemplis constans, partim ex sacris Bibliis, partim è scriptoribus ecclesiasticis, actis conciliorum, canonico jure, patribusque haurienda sunt.*

Hoc studium inchoari potest à sacris Bibliis & Chronico Carionis à Philippo Melancthone adornato, historiâ tripartitâ, epitome Haimonis, medulla Parei: addi possunt centuriæ Magdeburgenses, Osiandri & similium; indeque procedi ad omne historicorum genus, adhibitâ, tanquam Ariadnes filo, Chronologiâ & Geographiâ. Gentiles quæ de Diis suis fixere, ea quidem involucris quibusdam occultant mysteria naturæ, aut utilia continent vitæ documenta, sed eo intuitu non hujus sunt fori, verum ad philosophiam pertinent, ut vir maximus Gerardus Joh. Vossius *Artis historiae cap. 7.* sapienter monet. Adultioribus & candidatis sacræ rheologiæ, qui confirmatoris sunt judicii, antiquitatis & patrum lectio cum primis commendata esse debet. Quorum tamen, ut & juniorum scripta nunquam sacris literis æquanda, sed ad has exigenda, ita ut non aliter recipiantur, quàm *testium* loco, qui doceant, quòd inde ab Apostolorum tempore & in quibus orbis partibus, doctri-

ctri-

ctrina illa prophetarum & Apostolorum sincerior conservata sit. Studiosi, qui vel sumrum inopiâ, vel aliis de causis, sinuosa patrum volumina sibi comparare & perlegere nequeunt, *Petrum Lombardum*, sententiarum magistrum, qui patrum sententias compilavit & in locos communes digessit, tantisper non incommodè legent, & cum Calvini institutione Christiana & catechesi Ursini conferent, dum ad majora aditus ipsis patefiat. Quia vero patrum scripta à multis malè citantur, omnium consultissimum est, ut ea ipsimet inspiciant, ne aliorum excerptis decipiantur. Præcipuum verò studium in lectione historiarum ecclesiasticarum ad quatuor potissimum fines referendum est. 1. Ut distinctius intelligamus patrum commentaria. 2. Ut promptiores accuratioresque evadamus ad docendum publicè, sive in Ecclesiâ, sive in scholis. 3. Ut quæ ad ordinem ecclesiasticum spectant, prudentiùs vel corrigamus, vel constituamus. 4. Ut in consiliis dandis publicè privatimque circumspectiores fiamus.

19. *Concionaria tradunt partim per regulas, partim per exempla & commentarios.* E priscis canones Apostolorum, & constitutiones Apostolicæ, quæ Clementi Romano inscribuntur, opera Dionisii  
 Areo-

Areopagitæ , pastorale Gregorii M. Commentariis verò scripturam in primis illustrarunt , Theodorerus ferè totam , & Chrysostomus potissimum N. Testamentum inter Græcos : inter Latinos verò præcipuè Hieronymus , Augustinus , Ambrosius , Beda : Quibus inter scholasticos accedunt Hugo Cardinalis & Nicolaus Lyra : E junioribus F. Junius & Piscator. *E recentioribus* Ecclesiastes Erasmi Roterodami & Bucani methodus Nicolai Hemmingii , Sutlivii, prophetica Perkinsi, Rhetorica Ecclesiastica Keckermanni & Alstedii , axiomata practica cum postilla Abrahami Sculteti, de formandis concionibus Hyperius & Zepperus , uua cum politica Ecclesiastica , Bucerus de regno Christi, de prompta item rerum meditatione Matthias Martinus. Quibus adde, si lubet , Oratorem nostrum Ecclesiasticum: Exemplà præbent postillæ Lutheri, Melancthonis, Desideramus vero & sollicitè exspectamus in hanc rem plenum *systema Theologiae practicae* ex Anglicanis auctoribus concinnatum à reverendissimo in Christo patre & domino , D. Iacobo Archiepiscopo Armatano, totius Hyberniae primæ, domino plurimùm colendo: quem insignem thesaurum ut cum cismarinis



nostris Christianis Anglicanæ dialecti ignaris promptè communicet, quæ par est reverentiâ obtestamur.

20. *Atque ab his armarium sacra Theologia studiosi plusquam sufficienter ad lectionem corporis doctrina Christiana instructum est: sequitur judicium exactum, quo versantis in hac lectione studium dirigitur.*

21. *Sunt autem hic tenenda sequentes regulæ critica sive judiciaria.*

1. *Sacra Theologia studisus à teneris unguiculis in lectione Biblica innutritus, doctrinâ catechetica jam probè cognita & memoria firmiter tradita, ideam locorum communium intelligentiâ & memoria similem in modum apprehensam, in syntagmatica lectione perpetua cynosura adhuc beat.*

2. *Syntagma Theologicum, quod quidem haberi potest, plenissimum, & maxime orthodoxum, & quàm proximè ad sacras literas verborum & sententiarum dignitati accedens sibi familiare reddat, ut ad illud, quæ alibi etiam legit, beneficio Idea jam ante percepta, sapienter referat.*

3. *Omnes conclusiones syntagmatis Theologici ante omnia ad sacram Scripturam, tanquam unicum Christiana fidei principium & canonem examinet, in hoc unicè eas fundet, & ex hoc interpretetur.*

4. Deinde censensum catholicum in interpretatione symbolis Catholicis & sex conciliis potissimum exquirat.

5. Primum est *Nicenum* à Constantino Magno indictum anno æræ Christianæ 325, cui interfuere Episcopi toto orbe convocati 318. præter innumeram presbyterorum, diaconorum, aliorumque virorum ecclesiasticorum multitudinem. In hoc damnatus fuit *Arrius* presbyter Alexandrinus.

6. Alterum concilium generale est *Constantinopolitanum* I. anno 383. à Theodosio M. celebratum contra *Macedonium*, & qui cum hoc Spiritus Sancti deitatem negabant.

7. Tertium est *Ephesinum*, à Theodosio juniore contra *Nestorium* anno 431. indictum.

8. Quintum est *Chalcedonense*. anno 451. contra *Eutychum* & *Dioscorum* à Marciano Imperatore convocatum.

9. Quantum est *Constantinopolitanum* II. anno 548. vel, ut alii numerant, 553. à Iustiniano contra *Arianos*, *Nestorianos*, *Eutychianos*, indictum.

10. Sextum est *Constantinopolitanum* III. contra *Monothelitas* anno 681. à Constantino Pogonato sive Barbato indictum.

11. Tertio, à conciliis hisce universalibus  
fiat

fiat transitus ad patres, quorum aetates in tres periodos Chronologicè discernantur, quarum singula 300. ferme annis contineantur. Hi verò non cum credendi necessitate, sed cum iudicandi libertate legantur, quia cum à sacra scriptura, tum inter se, tum puritate, tum antiquitate plurimum differunt. Multi eorum libri supposititii sunt ad colorandum errores Papatus.

12. Prima periodus est eorum, qui floruerunt inde à tempore Apostolorum usque ad concilium Nicænum, h. e. ad annum Christi 325. ut sunt, *Clemens Romanus* (nisi est supposititius) *Ignatius*, *Polycarpus*, *Dionysius Aropagita* ( si *Ἰωάννης* ), de quo tamen vide I. Casaubonum adversus Baronium ) *Iustinus Martyr*, *Athenagoras*, *Theophilus Antiochenus*, *Irenæus*, *Tertullianus*, *Clemens Alexandrinus*, *Origenes*, *Cyprianus*, *Arnobius*, *Lactantius*, *Eusebius Casariensis*.

13. Secunda periodus est eorum, qui docuerunt à concilio Niceno usque ad concilium Constantinopolitanum III. id est, ad annum Christi 681. ut sunt *Athanasius*, *Hilarius*, *Cyrillus Hierosolymitanus*, *Basilius M.* *Gregorius Nazianzenus*, *Epiphanius*, *Ambrosius*, *Gregorius Nyssenus*, *Hieronymus*, *Ruffinus*, *Prudentius*, *Iohannes Chrysostomus*, *Augustinus*, *Cyrillus Alexandrinus*, *Theodo-*

retus, Leo Papa, Prosper Aquitanicus, Vigilius, Gelasius Papa, Fulgentius, Boëtius, Gregorius M. Isidorus Hispalensis.

14. Tertia periodus est eorum, qui clauerunt post concilium sextum universale ab anno Christi 681. usque ad annum 1000. ut sunt Venerabilis Beda, Iohannes Damascenus, Bonifacius Moguntinus, Paulus Diaconus, Albinus Alcuinus, Rabanus Maurus, Haymo Halberstadensis. Videsis Medullam patrum Abrahami Sculteri, Criticum sacrum Andreæ Riveti, opuscula Theologica Danæi.

15. Patres prima periodi in dogmatibus præferendi sunt patribus secunda periodi, & hi patribus tertia periodi, quantum ad doctrinæ puritatem.

16. Monumenta patrum certa, indubitata, & extra controversiam posita à dubiis, spurciis & supposititiis prudenter discernenda sunt. Hic sagacissimus est censor Erasmus Roterodamus, cui adjungimus viro ætatis politos & illustres, Joh. Ludovicum Vivem, Isaacum Casaubonum, Josephum Scaligerum, Franciscum Junium, Guiljelmum Perkinsum, Andreæ Riverum, Dan. Heinsium, & D. Claudium Salmasium, novum decus Academiæ Leidensis.

17. Quibus indicium Critici discernunt geminos libros Aristotelis, Ciceronis, Platonis



& *similium à spuris ; iisdem patrum scripta  
vera à fictitiis discernenda sunt.*

18. *Rhetoricationes patrum à proprietate  
sermonis & accuratiore loquendi formâ cum  
iudicio distinguenda sunt.* Et in his scriptis  
patrum evolvendis quidam suadent ut ini-  
tium fiat, à *Tertulliano & Cypriano*, quos  
sequatur *Basilius Magnus & Nazianzenus*,  
& ab his eatur ad *Hieronimum & Augusti-  
num*, aliorumque prolixiores commenta-  
rios. Præstat tamen, ut ordo chronologi-  
cus hic observetur ; & ab iis, qui Apo-  
stolorum discipuli fuere, lectio inchoetur, &  
per singula deinceps secula usque ad au-  
ctores ætatis nostræ continuetur ad ideam  
Apocalyptricam, quæ exhibet 1. eos, qui  
Apostolos ipsos audiverunt à Christi as-  
sensu usque ad Trajanum ; ut sunt *Ephesini*.  
2. Eos, qui sub tyrannis veritatem testati  
sunt à *Vespasiano* usque ac *Constantinum*  
M. ut ; sunt *Smyrneses*. 3. Eos, qui à  
*Constantino M.* usque ad *Carolus M.*  
cum hæreticis luctati sunt, ut *Pergamenses*.  
4. Eos qui à *Carolo Magno* ad *Carolus*  
V. sub iugo Papatus hæserunt, ut *Thyrati-  
renses*. 5. Eos, qui à *Caroli V.* tempore, re-  
lictò Papatu, gratiam Evangelii amplexi  
sunt sub conditione *Sardensi*, Apoc. 2. & 3.  
quemadmodum infra lib. v. Sanctæ Theo-  
logiæ plenius cognoscetur.

19. *Patrum scripta omnia ad sacrarum literarum normam exigenda, & cum sex œcumenicorum Conciliorum decretis symbolisque receptis conferenda sunt.*

20. *Ecclesiasticos scriptores, quos patres appellamus, excipiant doctores scholastici, qui in suas quoque tres ætates prudenter disparentur.*

21. *Prima ætas scholasticorum est eorum, qui floruerunt ab anno Christi 1000. usque ad annum 1220. Et in vectos in Ecclesiam errores non tam sacrarum literarum testimoniis, quam patrum sententiis malè intellectis & verbo Dei æquatis asserere studuerunt. Antesignanus eorum fuit Lanfrancus, quem secuti sunt Gaimundus, Anselmus, Hugo de S. Victore, Gratianus juris canonici compilator, Petrus Lombardus magister sententiarum & reliquorum scholasticorum.*

22. *In hanc ætatem inciderunt quidam patres seu Ecclesiastici scriptores, ut Theophilactus, Oecumenius, Bernhardus Clarevalensis.*

23. *Altera ætas scholasticorum est ab anno Christi 1220. usque ad annum 1330. quâ philosophia secularis Theologiam ita conspurcare cœpit, ut refert Iohannes Trithemius, Abbas Spanhemensis, ut errores ac vitia à Pontifice Romano in vectos*



Etos non è patrum sententiis in morem ætatis progressæ, sed ratiunculis philosophicis palliaverint. Principes hujus ætatis fuerunt *Guljelmus Parisiensis*, *Alexander Alensis*, *Albertus M. Thomas Aquinàs*, *Iohannes Duns Scotus*, *Bonaventura*, *Durandus*, *Guiljelmus Occamus*, *Nicolaus Lyranus*, *Gabriel Biel*, *Nicolaus de Orbellis*, *Gregorius Ariminenfis*,

24. Tertia ætas est ab anno Christi 1330. usque ad annum 1517. quo B. Lutherus gratiâ Euangelii armatus pro virili suâ Romano Pontifici & scholasticæ Theologiæ bellum indixit. Hæc ætas omnium fuit pessima, & quæ priori fuerunt in quæstione, ea hæc determinavit infeliciissimè. Vixerunt hæc ætate *Iohannes Capreolus*, *Petrus de Alliaco*, *Iohannes Gerson*, *Thomas VValdensis*, *Iohannes de Turrecremata*, *Nicolaus Cusanus*, *Dionysius Carthusianus*, *Iohannes Thaulerus*, *Basilius sive VVesselus Groningensis*, lux mundi dictus, *Dominicus Sotus*.

25. Scholasticorum lectio cautè instituta prodest iis duntaxat, qui in sacra scriptura & sana doctrina jam antea satis probè confirmati & potissimum in scholis docturi sunt.

26. Qui verò scholasticos leget, is ex ætate prima potissimum evolvat *Anselmum*, *Gratianum*, *Lombardum*; ex altera *Thomam*

Aquinatem, Scotum, Occamum, Lyranum: *ex ultima* Gersonem, Carthusianum, Johannem Thaulerum, Wesselum, Johannes Duns Scotus lib. 3. sentent. distinct. 24. quæst. 1. scribit, *Magistros scholarum philosophiam cum Theologia maximo cum fructu miscuisse.* Verùm Iohannes Aventinus, homo pontificius, sed historicus insignis, de Petro Lombardo, Magistro sententiarum, commemorat, quod sacrosanctæ Theologiæ veritatem fontemque purissimum cœno quæstionum, rivulisque opinionum conturbaverit. Ambrosius Catharinus libro contra Dominicum à Soto statuit, *sententiarios*, qui sacram scripturam suæ rationi & philosophiæ postposuerunt, à recta via sæpius aberrasse. Idem iudicium est Jacobi Fabri Stapuleusis, Jodoci Clitovæi, Joh. Ludovici Vivis, Thomæ Mori, Orthovini Gratii, Alberti Pighii, Henrici Cornelii Agrippæ, Augustini Steuchi Eugubini, hominum in medio papatu natorum. Melchioris Cani, episcopi Canariensis iudicium de scholasticis Doctoribus dignum notatu est lib. 8. L.C. cap. 1. p. 379. *Intelligo*, inquit, *fuisse in schola quosdam Theologos adscriptitios, qui universas quæstiones Theologicas frivolis argumentis absolverint, & variis invalidisque ratiunculis magnum pondus rebus gravissimis de-*



detrahentes, ediderint in Theologiam commentaria, vix digna lucubratione aniculatorum. Et cum in his sacrorum Bibliorum testimonia rarissima sint, conciliorum mentio nulla, nihil ex antiquis sanctis oleant, nihil ne ex gravi philosophia quidem, sed ferè puerilibus disciplinis; Scholastici tamen si superis placet, Theologi vocantur, nec scholastici sunt, nedum Theologi, qui sophismatum feces in scholam inferentes & ad risum viros doctos incitant, & delicatiores ad contemptum. Verba Cani sunt, quid si Calvini aut Lutheri? Sed & proba est cautio Alfonso Salmeronis Tolerani, tom. 1. Comment. in Euang: Historiam proleg. 9. Cum, inquit, hoc genus Theologiae (scholasticae) commendo, nolim ut quispiam in illis studiis consenescat: sed moderatum ac certum tempus illis disputationibus impendat; ut ad meliora & suaviora sacrarum literarum studia tempestivè perveniat. Quidam enim ita in illis studiis immodicè haerent, ut ad meditandas scripturas & tardi accedant, & aridi prorsus & jejuni inveniantur. Et vorum Leonhardi Marii, nuperi professoris Colonienſis, nostrum facimus, Tom. 8. comment. super universam scripturam S. proleg. quaest. 8. §. 3. Universitates quoque & studia publica pro utilitate Christiana reip. facerent; si paulo diligentioſiorem haberent rationem divini verbi

verbi proponendi, explicandi, examinandi, & supra Aristotelem, S. Thomam, imò & B. Augustinum, pulpita & subsellia Christum & scripturas sonarent, prout in laudatissimis Belgii nostri universitatibus hodie fit, & ut diu fiat, ex animo voveo.

27. Historia Ecclesiastica, partim è sacris bibliis, partim ex Iosepho, Egesippo, Eusebio, Nicephoro, Historiâ tripartita, Socrate, Zozomeno, Theodoretò, Sulpitio Severo, Cedreno, Haymone, Centuriis Magdeburgensibus, catalogo testium veritatis, Martyrologiis, compendio Osiandri, Medulla Parei, M. Matthæi Vogelii tum peregrinatione Ecclesiæ, tum Ecclesiæ militante, & syntagmata historiarum Ecclesiæ omnium Iohannis Micrelîi, T. Gesseli Hist. Sacra & Ecclesiastica Vet. & Nov. Testamento Trajecti edito 1658. & similibus cognoscatur.

28. In Theologorum præstantium, imò & aliorum omnium. scriptis, si qua durius aut incommodius dicta occurrant, qualia non pauca humana infirmitati multis de causis, præsertim in calore disputationis & studio partium sæpe excidere solent, ea neque exagitantur neque imitanda, sed notanda & vel commodè interpretanda, vel, si commodam interpretationem non ferant, prorsus cavenda suisque auctoribus relinquenda sunt.

29. In Theologorum scriptis descriminentur dogmatica ab elencticis, irenica à polemicis.

synop-

*synoptica à diexodicis, methodica ab oratoriis, præcepta & canones à commentariis.*

30. *Controversiās, quæ in Theologia à curiosis vel contra eos moventur, ne tractato, ne legito, ne attingito quidem, priusquam fundamenta vera sanaque doctrina Theologica mediocriter posueris, ut ne antequam præcepta & principia ejus bene intellexeris, sinistrè de iis judices. Præmittantur igitur, face sacrarum literarum ubique prælucente, omnemque lectionem cynosuræ ad instar dirigente dogmatica & historica elencticis, irenica polemicis: & sic quoque synoptica diexodicis, methodica oratoriis, præcepta & canones commentariis.*

31. Quicquid in classicis Theologis aut alibi occurrit egregium, id in Ephemerides, sive diarium, tanquam locorum communium thesaurum recondas quàm simplicissimè per numeros paginarum & observationum distinctum, quos numeros index in capite aut calce appositus cum titulis rerum & verborum, quæ jam thesaurus tuus capit, usibus tuis exhibeat: ut solent libri rationarii mercatoribus opes suas, earumque dispensationem exactissimè repræsentare.

32. Si, quod graves Theologi nunc passim optant, divinæ dispositionis & *Ordinis* foret, ut ecclesia Christi lacera & in



partes scissa coiret, sublatis contentioni-  
 bus & tyrannicis hominum additionibus.  
 præter sacrarum scripturarum & historia-  
 rum ecclesiasticarum sedulam lectionem  
 ministerii sacri candidatus ad principia si-  
 ve catechesin Christianæ religionis, nihil  
 aliorum auctorum adjungere magnopere  
 laboret, opusve habeat, nisi ad cognos-  
 cendum in vero consensum aut dissensum  
 & donorum varios gradus. Id quod sa-  
 pientissimus Germaniæ præceptor, Phi-  
 lippus Melanchton præfat. in L. C. rectè  
 observat. *Etsi*, inquit *hunc ordinem*  
*(nimirum librorum prophetarum &*  
*Apostolicorum à Genesi Moysi ad Apo-*  
*calyptin Johannis)* *animadvertenti non*  
*multum opus est commentariis aut nostris li-*  
*bellis, aut similibus; tamen, quia vult Deus*  
*in Ecclesia vocem docentium sonare, ut dici-*  
*tur de ministerio Evangelii Eph. 4. non frustra*  
*labor docendi suscipitur. Non gignimus novas*  
*res seu materias, ut Hesiodus aliud tradidit*  
*quàm patres Sem, Iaphet: & hæretici res no-*  
*vas comminiscuntur, non traditas ab Apосто-*  
*lis, sed pii interpretes acceptas à Deo sententias*  
*in prophetica & Apostolica narratione, bonâ*  
*fide recitant, & quia rudes non ubique genus*  
*sermonis intelligunt, non statim vident ordi-*  
*nem rerum, commonefaciendi sunt voce inter-*  
*pretum de genere sermonis, & de rerum ordi-*



ne. Et quia multa corruptela subinde excogitata sunt & excogitabuntur, pii pastores & Doctores sunt testes vera sententia certâ auctoritate accepta, & refutatores falsarum interpretationum. Propter has causas Deus ministerium Euangelii, & studia in templis & in scholis sua ope servat & subinde restituit, ut simus CUSTODES LIBRORUM PROPHETICORUM & APOSTOLICORUM, & TESTES VERÆ INTERPRETATIONIS, & REFUTEMUS omnes OPINIONES pugnantes cum doctrinâ tradita per prophetas, CHRISTUM & Apostolos, ne exstinguatur lux Euangelii. Hucusque Philippus.

## CAPUT VIII.

D R

Lectioe biblica, & quidem nominatim de GNOSTICA, seu epistemonica.

**L**ectio biblica est alterum medium paedæuticum, quo doctrinâ sacra à studioso Theologia è vero ac divino principio, Bibliis sacris, eorumque compendio, quod ab omnibus Christianis agnoscitur, decalogo videlicet, symbolo Apostolico, oratione dominica, disciplina ecclesiasticâ, & utroque sacramento, solidè riteque apprehenditur.

Si.

Sicuti Theologiæ studiosus à teneris adsuevit lectioni Biblicæ simpliciori: ita in ætatem omnem ad ἀκρίβολεξίαν usque eam cum Timotheo continuare debet, 1 Tim. 4. 13. 14. 15. 16. Iacob. 3. 2. & hæc illi, qui, extra scholas & disputationes cum hæreticis, rudem populum instituturus, aut suæ suorumque duntaxat conscientiæ privatim consulturus est, cum simplicissima catechesi Christiana selectis scripturæ textibus quibusdam comprehensa, catholicè recepta, vel sola sufficere potest, omisso & scholasticis relicto armario, quod *cap. 7. aph. 6. 7.* & sequentibus instruximus, argumento, 2 Tim. 3. 15. 16. 17. & Heb. 13. 8. 9. 1 Cor. 1. 17. & 2. 4. Et hæc lectio Biblica est instrumentum apprehensionis *principiorum*, quibus *placita* veræ Ecclesiæ nituntur, Persuasissimum igitur sit unicuique, maximè s. Theologiæ studioso, planè necessarium esse, ut in sacris Bibliis aliquot quotidie perlegat capita. *Mare* enim est *scriptura*, teste Gregorio Magno homil. 6. in Ezech. *in quo agnus peditat, & elephas natat.* Neque est dubium, si quis vel semel in anno Biblia universa evolverit, eum hoc ipso postmodum gavisurum, huiusque diligentiae fructum maximum percipienturum. Hac propter siue mora quisque sibi hanc legem ferat, ei-  
que

que omni curâ , quoad vixerit , parere studeat. Nemo enim melius ad officium excitulatur & in eo retinetur , quàm qui sibi ipse lex & iudex ultro existit. Quisque , ubi ordo lectionis per negocia ex improviso interruptus fuerit , confestim id animadvertat , & pœnas à se ipse poscat.

2. *Estque partim gnostica siue epistemonica, partim monemonica, partim critica.*

3. **G N O S T I C A** seu epistemonica est , quâ secundum regulas quasdam , remotis impedimentis & adhibitis mediis convenientibus , germana scripturarum sententia percipitur.

Prima enim tam docentium , quam discipulorum Theologiam cura sit , ut boni fiant **T E X T U A L E S** , ut D. Chytræus & alii cordati Theologi loquuntur , quod obtinebunt , si calidâ prece , sancta intentione , adhibitis adminiculis jam propositis , textum Biblicum quotidie certo ordine evolvant , resolvant & ex eo conciones de articulis fidei , historias omnes , & insigniora dicta sibi familiaria reddant , & quantum pore memoriæ infigant : quod longè satius est , quàm si quis per omnes hominum commentarios voliter.

4. *Impedimenta, quæ in lectione scripturarum vel intelligentia vel appetentia nostra , vel utrique obstant , hæc potissimum amovenda sunt.*

Primò



Primo officium intelligentiæ, 1. Sapientia & prudentia carnalis, *Rom. 8. vers. 5. 6. 7.* 2. Naturæ depravatæ cæcitas *1 Cor. 5. v. 14. 3.* Ignoratio necessariorum adminiculorum, nempe Catechismi *Heb. 5. v. 1. 2.* philologiæ & philosophiæ, quæ sunt famulæ studii Theologici. 4. Neglectio lectionis Biblicæ. 5. Omissio mediæ necessariorum, quæ sunt precatio devota, collatio dictorum scripturæ & similia, de quibus partim antea diximus, partim postea dicemus. 6. Interpretum inscitia aut malitia. 7. Anticipata apprehensio *placitorum* ante apprehensionem *principiorum*, quæ sic per alienas interpretationes & majorum distamina infici possunt.

Secundò appetentiæ sive affectui nostro obstant. 1. Impietas, *1 Pet. 3. v. 16. & 18.* 2. Odium & fastidium veritatis propter amorem & studium rerum mundanarum, præceptæ opiniones, & indocilitas, quam parit præjudicium, *2 Thess. 2. v. 10. 11. 12. Matth. 16. v. 6. Col. 2. v. 8.*

Tertiò utrique simul obsunt, 1. contemptus sacræ scripturæ & ejus piorum, doctorumque interpretum. 2. Immodica disciplinarum externarum lectio & tractatio præpostera humanorum scriptorum. 3. Ingratitudo in Deum, cum quis pro lu-  
mi-



mine sibi in lectione sacrâ incenso non agit Deo gratias, neque rebus credendis & agendis illud accommodat.

5. *Media in lectione biblica adhibenda spectant affectum aut intellectum.*

6. *Affectum spectant hæc octo.* 1. Conversio seria ad Deum. 2. amor & desiderium cœlestis veritatis. 3. docilitas. 4. firma persuasio, scripturam esse à Deo proscriptam, & verum scripturæ sensum à nemine ex proprio aut alieno sive humano sive angelico ingenio posse inveniri, sed à solo Deo revelari 2 Pet. 1. 20. & 1. 5. precatio devota. 6. voluntas faciendi voluntatem Dei cognitam, Ioh. 7. 17. 7. Assidua scripturæ meditatio. 8. Perpetuus adspectus scopi ac finis sacræ scripturæ, qui est Christus, ejusque gratia, Act. 10. v. 43.

7. *Intellectum spectant hæc septem.* 1. diligens consideratio verborum. 2. analogia fidei. 3. consideratio subjæctæ materiæ & scopi. 4. consideratio contextus ejusdemque vera & harmonica analysis ac dispositio. 5. consideratio circumstantiarum. 6. conciliatio locorum ἐναντιοφαινόντων. 7. Usus classicorum scripturæ interpretum.

8. *Sunt autem hic tenenda regula ἑρμηνευτικὰ tum generales, tum speciales.*

criter intelligas, memoria tua firmiter accipere vobotenus complectatur. *Luc. II. v. 35. 6.* Quando nobis ignota sunt ea, quæ prius cognosci debebant, posteriora, etiam si velimus, intelligere non possumus. Nam Deus vult omnia, ut sunt certo ordine constituta, ita etiam certo ordine cognosci. Unde scitè Ambrosius. *Diversa, ait, sunt scripturarum fluentia. Habes quod primum bibas, habes quod secundum, habes quod postremum.* 7. Lucem ab hominibus petitam scripturæ ne inferro. Nam sic tibi obstaculo eris, ne scripturæ lux insita in intellectu tuo operari & ad profundioris sapientiæ latices te devehere possit. Et principis hominum inburus facile inflatur, ut etiam ad ea scripturam sacram metiri ausit. 8. Commentaria ante sacram scripturam ne legito, juxta regulam tertiam jam suprâ non temere traditam.

Illa enim ante hanc lecta, animo opinionum sinisteritatem haud rarò suggerunt. 9. Omnia te obscura, quæ in scripturis occurrunt, scire debere ne putato. Deus vult tibi multa manere incognita, ut tuam ipsius agnoscas imperfectionem. Sicut enim hæc omnia, quæ in magno libro *NATURÆ* latent, investigare non quivis tenetur: sufficit enim,

enim, ut pro vocatione & necessitate sua quædam expiscetur, & cætera aliis relinquat: ita & nemo tenetur omnia, quæ in *SCRIPTURA* obscura sunt intelligere. Quis enim profunditatem divinæ sapientiæ exhaurire posset? 10. Postquam fundamentum fidei & pieratis è scripturis posuisti, commentarios aliorum quoque legere fas esto. Conducit enim hoc ad deprehendendum consensum plurium in vero, & iudicium de eo firmandum. 11. Si divino sacrarum literarum nectare irrigari & refocillari cupis, mundanas delicias *CRUCE* Christiana atterito. Nam mundanorum memor & amans, divina vix sapiet. 12. Etsi unusquisque ipse de horis lectionis biblicæ, pro ratione vocationis, loci & temporis constituere possit: tamen maturinum & vespertinum tempus maximè commendari videtur. *Deut. 6. vers. 11. 19.* 13. Curatio sit præcipua, quas quis horas designaverit, eas constanter & sine interruptione, lege inviolabili, licet absque superstitione, perpetuo observet. 14. Quod si ex inopinato accidat, quo propositus ordo interturbetur, omnibus modis providendum est, ut alio tempore refarciatur. 15. Maximè consultum fuerit à Mosis Genesi & psalterio lectio-

ctionis Biblicæ initium fieri , & hoc  
 seorsim legi & aliquoties repeti , aut etiam  
 si pote disci. Scitè enim Basilius Ma-  
 gnus appellat *κινὸν ταμιεῖων ἀγαθῶν δι-  
 δαγμάτων* , commune promtuarium bono-  
 rum documentorum. Vide consilium do-  
 ctissimi Hyperil , lib. 2. de lectione sacra  
*Scripturæ* pag. 180. Si psalmos seorsim  
 legendos non adnumeres , & unaqua-  
 que septimana perlegeris capita quindecim ,  
 singulis videlicet diebus bina &  
 septimo quoque tria , omnes Vet. Test.  
 libri semel intra annum absolventur , ex-  
 ceptis tantum tribus diebus residuis. 17.  
 Libri apocryphi , in quibus tantum stu-  
 dii , quantum in canonicis non ponen-  
 dum est , omnes usque ad unum intra  
 anni spatium dexterè perlegentur , si una-  
 qualibet septimana perlegeris tria capi-  
 ta , duabus verò ultimis tredecim. 18. Si  
 unaquaque septimana in novo testamento  
 perlegas capita quinque , præcisè anni  
 spatio absolves. 19. Id quod in sacra  
 Scriptura tibi faciendum legis , id agere  
 tibi studiosè proponito. *Ioh. 7. 17. 20.*  
 Vetus Testamentum è novo illustrari sci-  
 to , *Hebr. 7. 12, 16, 18, 19, 20. 21. 22.*  
*6, 7, 8, 9 15. 2 Cor. 3. v. 14, 15, 16.*  
*17. 18.*



10. *Speciales verò regulae sunt istae:* 1. Quantum ad considerationem verborum & phrasium. 1. In sacra Scriptura divinus est sermonis character, hic autem positus est in styli simplicitate, majestate, evidentiâ, efficaciâ, brevitate, plenitudine, cohærentiâ. 2. Sensus scripturæ propriè unicus est, nempe grammaticus seu literalis. 3. Estque simplex aut compositus. 4. Simplex est vel proprius, qui per excellentiam literalis dicitur, ut 2 Chron. 12.6. vel figuratus, qui & tropicus & allegoricus usitate dicitur, ut Psal. 2.4. 5. Compositus est, cujus pars est in typo, pars in re & veritate typo expressâ, ut in iis locis, quibus sub typo quippiam describitur. Valet hîc regula: *Propria scripturae significatio tam diu urgenda est, donec nihil absurdi ex eâ sequitur.* 6. Analysis grammatica & rhetorica sic instituat, ut appareat, quid stylus scripturæ proprium, quid cum aliis autoribus commune habeat. Illustre specimen videsis apud Dominum *Matthiam Martinium τὸν μαθητὴν* in Psalmum secundum. 7. Enunciata scripturæ sunt σοιχλαῶδη, quorum signa & signata sunt manifesta, ut Gen. 1. v. 39. vel σερμὰ, quorum signata obvia quidem sunt, at signa aliquantò sublimiora, ut

Ioh.

Ioh. 10. vel *μυστικά*, quorum signa communiter sunt obvia, signata non item, ut 1 Cor. 11. 10. vel *ὀνομαστικά*, quorum signa & signata sunt in abdito, ut Gen. 30. v. 14. 8. *Λογγραφικὴ ἀνάγκη* intellectum cum primis fulcit, si sumitur è lingua originali & versionibus classicis.

II. Quantum *ad analogiam*, regulæ sunt istæ. 1. Omnis interpretatio scripturæ sit analogâ fidei, Rom. 12. v. 6. 2. Analogia fidei habeat adjunctam comitem analogiam charitatis. 3. Analogia fidei exhibeat principia credendi; analogia charitatis principia piè vivendi.

III. Quantum *ad subjectam materiam & scopum*, regula unica est. Interpretatio scripturæ neque præter scopum dicentis, neque contra naturam rei, de qua igitur, extendenda est.

IV. Quantum *ad contextum*, unica. Interpretatio textuum *continuatorum* lucem fceneratur ab antecedentibus & consequentibus; *discretorum* non item: *utro-rumque* verò ab exactissima sacrorum librorum harmonia & dispositione literæ, quâ in sacris Bibliis Spiritus sanctus usus est.

V. Quantum *ad circumstantias*, unica. Interpretatio historiarum sit *ὑπερσυνεκτική*, & *circumstantiis*.

VI. Quantum *ad conciliationem locorum*

rum in speciem pugnantium, unica. Interpretationis conciliatricis norma est lex oppositionis. Videsis parallela *Francisci Junii*, Symphoniam *Ioh. Scarpii*, harmoniam totius scripturæ *Michaëlis Gualtheri*.

VII. Quantum ad usum & inspectionem classicorum interpretum sacræ scripturæ, sit unica. Interpretaturus sacras literas, si pote, operam dabit, utrum unum aliquem eximium interpretem in universam scripturam, tum in singulas ejus partes nobilissimum quemque & præstantissimum nôrit, possideat, legat. Videsis de his autoribus bibliothecam *Gesneri* & *Sixti Senensis*. Ideam dispositionum *Biblicarum D. Balduini*, olim Professoris *Wittebergensis*, apparatus *Possevini*, bibliothecam *Draudii*, item compendium *Theologiæ Alstedii*, part. 1. c. 12. & audi prudens piorum præceptorum consilium.

## C A P U T IX.

## D E

## Lectiōne mnemonica &amp; critica.

**H**Æc de lectiōne gnostica, qua intellectum rebus ac verbis sacris è scriptura informat: sequitur **MNEMONICA**: qua iisdem thesaurum memoria secundum certas regu-

*regulas stipat ac fulcit.* 1. Exemplar bibliorum vernaculorum tibi comparabis, eo-que ætatem omnem ita constanter uteris, ut adscriptis singulorum librorum singula capita titulis mnemonicis, qui veluti in tabula ad singularum paginarum frontem apposita summam bibliorum exhibeant, & sæpius perlecta ac inspecta tibi memoriam localem pariant. Tabulam in hunc usum concinnatam vide apud Alstedium in Theologia prophetica pag. 864. & seqq. & compendio Theologico pag. 21. 22. & seqq. 2. Chronologia librorum biblicorum exactè condiscatur, ut semper in conspectu & promptu sit. Vide eam tomo 1. Perkinsi in fine, item in indice Chronologico Abrahami Buchholzeri, eo item, qui bibliis à D. Luthero translatis Herbornæ & alibi editis præfigitur, & in Theologia prophetica Alstedii pag. 239. & seqq. 3. Chronologicam impressionem excipiat typica, qua distinctis schematibus perpetua bibliorum catena describitur. Vide Analyticas tabulas Mosi Pflacheri & Brandmülleri in universam scripturam, præcognita item Theologica Alstedii pag. 85: & seqq. item Sixtum Senensem in bibliotheca sacra, quibus Nicolaus Lirani analysi suâ glaciem in postillis suis



Biblicis jam olim fregit. 4. Memoriale biblicum è vulgatis Latinis bibliis olim Venetiis editis, à Sixto Senense in bibliotheca repetitum, à Matthia Martino & Johanne Henrico Alstedio expolitum, ad firmandum memoriam utiliter legitur. 5. Phrasæ & loci difficiliores, quæstionesque dubiæ inter legendum statim, ne excidant, in chartam conjiciantur, majori studio in disputationibus publicis aut privata conversatione cum doctoribus, aut apud interpretes, indagandæ, explicandæ, decidendæ.

2. *Hæc de mnemonica, quam fieri potuit brevissimè: sequitur lectio CRITICA, quæ judicium bibliæ legentis aliquot regulis dirigit ad cognoscendum vim bene ponderatorum argumentorum, quibus aliquid statuitur de rebus Theologicis ad religionem pertinentibus, & aliis in ordine ad eas, ut hinc id quod statuitur, vel approbetur, vel improbetur, vel ut obscurum aut incertum in medio relinquatur.*
3. *Regulae sunt. 1. Ante omnia linguam, quæ res sacra judicanda proponitur, probè scito. 2. Terminos rerum propositarum bene considerato; aut, si ambiguos offenderis, distinguo, & veram significationem ad propositam materiam rectè*

ctè applicato. 3. Omnia intelligendi præcepta accuratè sequitur, ut id, de quo judicandum est, bene intelligas. 4. Quicquid contra manifestam pietatem, SS. scripturam, naturam & rectam rationem asseritur, ut falsum rejicito. 5. In quo omnium sapientum monumenta, natura & recta ratio cum scripturis conspirant, illud verum esse arbitrator. 6. Omnes logomachias, ut futes & inanes repudiato. 7. Omnes consequentias, quæ in scripturis non existunt, sed ex iis rationis opera deducuntur, si pietatem & concordiam tollunt, temerariè defendi judicato. 8. Propositiones universaliter aut indefinirè enunciatae, si in alias incurrant æquè in scripturis traditas, ex iisdem sapienter limitandæ & cum illis conciliandæ sunt. 9. E solis sacris literis de omnium Theologorum scriptis judicato. Hæ enim literæ veræ sapientiæ solidum sunt fundamentum. Si controversia sit de re aliqua, ejusque probatio è sacra scriptura liquidò haberi possit, creditur illa res esse vera, quia S. scriptura eam clarè docet: sin ex aliis scriptis aliquid probetur, id non creditur, quia in iis proponitur, sed quia cum lumine naturæ & gratiæ congruit. 10. Cognitis apertis, legito obscurè dicta, mediator relegito, idque aliquoties, dum innara

scripturæ lux intellectui tuo demat nebulas rerum profundarum cognitionem impediētes, ut ea, quæ aliis intellectu difficilia habentur, facilè pervidere possis. Nam in scriptura quædam *aperiè*, quædam *opertiè*, docentur: idque hoc fine, ut primùm nosmet ipsos exerceamus in apertis, quo per *aperta* in *opertorum* apprehensionem ducamur. 11. Nunquam tamen ad scripturæ lectionem & meditationem te accingito, nisi ad Deum preces præmiseris, atque ab eo spiritum intelligentiæ impetra-  
veris. 12. Quo factò, lege attente. 13. Si quid sub initium difficile videretur, vel sub notione falsi apparet, illud ne judica, sed præteri, atque ad alia progredere, cogitans nondum adesse horam, qua illud intelligere debeas. Aliâ tamen horâ repere, idque seriò & cum attentione. Si tum nondum intelligis, similiter acquiesce, neque judicato. Perlege aliâ, & certò statue, nondum illuxisse horam, qua Deus tibi animum aperire velit ad istud intelligendum. Confer criticum sacrum *D. Andree Riveri*, Aristarchum sacrum viri summi & nunquam satis laudati *Danielis Heinsii*, processum disputandi *Conradi Horneji*, clavem scripturæ *Illyrici*. Ideam boni interpretis & malitiosi calumniatoris *Danhavveri*.



Gymnastica & effectis studii  
Theologici.

**H**Actenus è mediis humanis studii Theologici fuerunt technica : supersunt GYM-  
NASTICA, quibus studiosus doctrinam  
vitamque Theologicam per media prædicta  
acquirat, & acquisita per exercitationem  
aptam & convenientem patientiam pericula  
facit. Vide supra cap. 4. aph. 2. in quo  
hæc distinctio mediorum humanorum  
proposita fuit.

2. Sunt autem alia doctrina; alia vita.

Illa fortassis non malè *didascalica*; hæc  
verò *practica* dixeris. Utraque Theologis  
& fidis verbi Dei ministris futuris appri-  
me necessaria, de quibus quod vulgò de  
Christiano & rectè pronuntiatur, *eos non  
nasci, sed fieri & renasci*, non minus verum  
est, quippe quibus multa præparatione o-  
pus est, ut ad tam sublime munus idonei  
accedant. Neque enim hic sufficit sola  
personæ auctoritas, aut vitæ gravitas &  
sanctitudo, aut rerum divinarum scientia,  
sed sciendi studium cum vitæ integritate  
perpetuò coniungendum est. Neque hæc  
Theologum absolvunt, nisi accedat praxis



& experientia plurifaria, qua doctrina discendo percepta roboratur & augetur in quotidiana invocatione & exercitiis poenitudinis; in doloribus ortis è sensu iræ Dei & poenarum; in studiis & laboribus vocationis; in petendo & expectando Dei auxilio, in tolerantia sanctæ crucis & multiplici tentatione. Nam scitè Basilii Magni homil. adversus irascente p. 183. Ε'πὶ δ' αὖ μέγιστα τῶν ἑκβασιν μαρτυρόσων λάβη τὰ παρεγγέλματα. τότε τὸ σοφὸν αὐτῶν καὶ ὠφέλιμον πρὸς τὴν ἐπα'όξ'ωσιν τῆς βίης καὶ τῶν τῶν πειθομένων τελείωσιν ἀναφαίνε'ται. Vbi eventus præceptis testis accesserit, tunc maxime sapientia & utilitas ipsorum ad vitæ correctionem & credentium perfectionem apparet.

3. Gymnastica doctrinae sunt hic discernenda in stadia, quæ decurrenda sunt ad acquirendum doctrinam theologicam, & studia sive Gymnasia & exercitia, quibus acquisita doctrina pericula fiunt.

4. Stadia, vel sunt tyronum, vel veteranorum vel candidatorum.

5. Stadia tyronum sunt domestica, collegialia, aut publica.

6. Domestica decurnuntur præmissa lectione biblica, ante meridiem per genesin, dum legitur locus communis quantum ad definitiones, divisiones, statum controversiæ, aliquot argumenta in utramque partem,

*eaque maximi ponderis: à meridie vero per analysin, dum eliguntur in commentario partes analysis laxa; dispositio videlicet, qua integrum aliquem textum biblicum resolvit in thema & argumenta: inventio, qua est instructio de deprehendendis absque errore quibuslibet textus partibus: iudicium, quod unumquodque thema & argumentum, in quod resolutio facta est, ad eandem aliquam descriptionem vel paraphrasin revocat: & amplificatio qua ex ore in cordicentis descendit, & promit respectus, quos dicens inter loquendum habuit ad res competentes ex legibus sapientiae, ad sensum loci qualitercunque complanandum & menti conciliandum.*

Hic igitur est tum loci communis, tum commentarii, lectio, quæ utraque sistit in maximè necessariis.

7. Collegialia decurruntur per privatas exercitationes ad solidandum eruditionem theologicam in mente tyronum.
8. Ea autem quadruplicia perpetuò conjungi possunt, nimirum collegium peirasticum, elencticum, problematicum, & Biblicum.
9. Collegium Peirasticum est, in quo corpus doctrinae Christiana, sive loci communes per definitiones, divisiones, canones & scripturae testimonia, in quibus hac singula fun-

*dantur, in modum catecheſeos repetitur, exami-  
natur, inculcatur.*

Dici etiam poteſt δοκιμαστικόν, exami-  
natorium, quod ſi ab erudito ac prudenti  
præſide regatur, juventuti maximum e-  
molumentum afferet. Plerique enim ho-  
die ob defectum raltum collegiorum, feli-  
ciores ſunt in defendenda falſa & impu-  
gnanda vera, quam in aſſerenda & fundan-  
da vera, & deſtruenda falſa religione, ut  
docet experientia in examinibus theolo-  
gicis, quæ vel in Academiis, vel in conſi-  
ſtoriis eccleſiaſticis inſtituuntur.

10. Collegium elencticum eſt, in quo contro-  
verſioſa confeſſionis capita ſecundum ſeriem  
locorum communium aut hæreſium diſpu-  
tantur.

11. Collegium problematicum eſt, in quo  
præſes quæſtiones, quæ de ſingulis locis com-  
munibus etiam inter ejuſdem confeſſionis  
Theologos variè diſputantur, aut ſaltem mi-  
nus principales ſunt & ob principales contro-  
verſias dubia factæ ſunt; ſapienter edifferis.

Hujus exercitii modus eſt, ut 1. hiltoria  
de origine, occasione, ſcopi, auctorum  
variationis in decidendo enarratur, ut fecit  
lumen & decus illud Belgicum, Gerhar-  
dus Voſſius Heidelbergeniſis, tum in theſi-  
bus ſui hiltoricis & theologicis, tum in hi-  
ſtoria. Pelagianismi, longè eruditiffimis.



2. Explicentur termini, ut intellegatur quid quærat. 3. Fiat quæstionum decisio. 4. Additur decisionis probatio & vindicatio ab objectionibus contrariis.

12. *Collegium Biblicum est, in quo præses libros Biblicos analyticè enarrat, & ad singula cujusque libri capita quæstiones maxime necessarias movet & determinat.*

13. *Studium publicum est, quod pro cujusque Academia vel illustris schola constitutione publica lectionum disputationumque exercitia usurpando, tyrones decurrunt.*

Hujus stadii usus & finis est 1. ut peculiararia præceptorum dona didactica nobis hoc pacto innorescant & communificentur.

2. Ut & iste modus inculcandi cum auctoritate suam in nobis efficaciam & fructum habeat. *ζῶντος γὰρ Φωτὸς μετίζων ἐστὶν ἐν ἐργείᾳ*, teste Cicerone in epistolis. Et *αὐτοδίδακτοι*, pessimi sæpe & perniciosissimi in ecclesia turbarores exstiterunt.

14. *Studium veteranorum tum tyronum curriculum jam descriptum continuat, tum accuratorem veritatis inquisitionem coadmit.*

Nam in geneticis plura disputationum argumenta, plures objectionum solutiones, pluraque problemata & scripturarum loca perscrutantur. In analyticis verò & dispositioni & judicio, cujus aph. VI.



mentionem fecimus, operam navare incipit, & in enarratione plures quæstiones, præsertim criticas, quas vocant, adjungit.

15. *Stadium candidatorum est, in quo conscientia casus & symptomata, juxta & regimen tractant, & addiscunt quomodo gratia & peccati in eo processus dignoscendi, promovendi, impediendi, detegendi ac dirigendi sint, & ad adificationis media commodè urgenda & promulganda se exercent.*

16. *Studia verò seu gymnasia & tentamina hic sunt quadruplicia: Analytica, declamatoria, disputatoria, & concionatoria.*

17. *Gymnasium sive studium analyticum est tractatio textus biblici, qua, moderante erudito & pio theologo per instrumenta lexica, grammatica, rhetorica & logica in sua principia dextere resolvitur, ad feliciorum verborum rerumque sacrarum intelligentiam.*

Hic primus est gradus theologicæ exercitationis pro tyronibus.

18. *Declamatio gymnastica est tractatio oratoria quæstionis theologicæ recitanda in pænegyri scholasticâ vel collegio privato, ad augendum intelligentiam rerum sacrarum, firmandum memoriam, & comparandum habitum coram aliis de rebus tantis libenter animoseque dicendi.*

Hic

Hic secundus gradus esse debet Theologicæ exercitationis præcipuè pro tyronibus, ubi usum insignem habent dispositiones theologicæ Zach. Ursini, homiliæ Johan. Chrysostomi, & sabbatum Christianum Toblæ Magiri, professoris Francofurtensis.

19. *Disputatio gymnastica est logica disquisitio in schola publicè, vel privatim inter opponentem & respondentem de rebus theologicis è s. literis pro mensura doni & ætatis utriusque in lucta carnis & spiritus sancti sobrieque instituta, ad felicius eruendum veritatem, acuendum iudicium de rebus divinis, firmandum memoriam, ac sese præparandum ad seria certamina cum hostibus veritatis pro ratione vocationis suscipienda.*

Hic tertius gradus est Theologicæ exercitationis: ubi utilis est processus disputandi ab Hornejo descriptus, Bonus disputator Danhaweri, & Analysis Cornelii Martinii. præcipuè pro provectioribus.

20. *Concio gymnastica est, quam sacri ministerii candidatus in privato concionantium collegio, vel Ecclesiâ aliquâ minore, presentibus semper eruditis ac candidis arbitris accensoribus habet, ad acquirendum habitum è s. scriptura coram quavis Ecclesiâ post legitimam vocationem & examen cum*

*πρόνοια pro mensura doni & aetatis sua  
audito inque in luctu carnis & spiritus  
decorè ac animose dicendi, ad publicam edi-  
ficationem.*

Hic ultimus gradus est Theologicæ ex-  
ercitationis pro candidatis sacri ministerii.  
Hic profunt Hyperius de formandis con-  
cionibus, Axiomata & idea Sculteti, &  
pro exemplo imitationis cum primis F.  
Salmuthus in Threnos Jeremiæ. Peculia-  
riter autem qui pro concione populum  
docere volet, certum quendam Theolo-  
gum & concionatorem eloquentiæ dono  
Insignem sibi proponat, cujus exemplum  
in formandis concionibus rectè imitari  
discat. Id quod tum fiet omnium optimè,  
si de concionis dispositione, si de adhiben-  
dis scripturæ dictis & exemplis conve-  
nientibus ipse cogitet; & quid in electio-  
ne & distributione materiarum, in forma  
explicationis, in pronuntiatione & gestu  
laudabile occurrat, diligenter inquirat.  
Ex quo claret; præposteram horum esse  
diligentiam, qui ab hac exercitatione stu-  
dium Theologicum auspicantur.

21. *Gymnastica vitæ sunt, quibus sacra Theo-  
logia candidatus in pietate, fide, in vocatio-  
ne & obedientia erga Deum, benignitate-  
que erga proximum, pie vivendo, benefa-  
ciendo, male audiendo, & sub cruce ge-  
men-*

DE RAT. STUD. THEOLOG. 493  
*mendo magis, quàm argutè & subtiliter  
disputando & perorando exercetur.*

Ex vero enim dixit Siracides cap. 2. 1.

2. *Fili, si accesseris ad serviendum Domino,  
prepara animam tuam ad tentationem. Diri-  
ge cor tuum & perdura, neque praefestines tem-  
pore, quo inducetur illa. Nusquam enim non  
occurrunt cordatis theologis Satanæ cri-  
bra & tela, Luc. 22. 31. Eph. 6. 16. nusquam  
non mundi odia, Ioh. 16. 19. Matth. 10. 22.  
nusquam non carnis ἡδοναί, illecebrae,  
Rom. 7. 23. Gal. 5. 17.*

22. *Suntque tentamina interna, aut externa*

*Illa Spiritus, & carnis; hæc vero Sata-  
næ & mundi.*

23. *Spiritus tentamina fere sunt, quibus lu-  
ctæ fidei & diffidentiae, desperationisque  
abyssus periculosissima ostenditur.*

Hanc viderunt viri summi & sanctissi-  
mi Jobus & David, imò ipse Dei Filius in  
extrema exinanitione sua, quamvis pecca-  
to procul, expertus est, Psal. 22. 2. Ps. 31.  
32. 119. 49. 82. 84. Matth. 17. 46. Hæc  
jugi meditatione veritatis, justitiæ, omni-  
potentiæ & misericordiæ Dei vincenda  
sunt, Ps. 119. 89. & 102. 8. & s.

24. *Carnis tentamina sunt, quibus ad varios  
lapsus sollicitantur.*

Talia sunt, negligentia in vocatione;  
im-



*immisericordia* adversus egenos aut lapsos auditores & condiscipulos, *avaritia*, *invidia*, *intemperantia*, *ingluvies*, *crapula*, *luxuria*, *securitas*, *superbia*, *fastus*, *ambitio*. Hæc jejunio, vigiliis & precibus, auxiliente Dei Spiritu, expugnanda sunt 1<sup>a</sup> Pet. 5. 5.

25. *Externa verò sunt, quibus Satan & mundus verbi divini studiosos & ministros stationibus suis evertere ac precipitare conantur.*

Hujus furfuris sunt paupertas, contemptus, odia, exsilia, calumniæ, convicia, mendacia sceleratorum hominum, indociles, immorigeri, & ingrati auditores, qui famæ vitæque Doctorum insidiantur, falsi fratres, osiores & calumniatores ministerii, ecclesiæ & piorum omnium; imprimis verò fidelium pastorum. Hæc proculcanda sunt generoso animo respectante in Dominum Deum patrem omnipotentem cum Davide, *Psal.* 119. 22. 69. 28. 110. 157. 161. & *Apostolo*, *Rom.* 8. 28.

26. *Hac breviter de mediis gymnasticis: reliquum est, ut studiosus Theologia effecta fructusque hujus tam divini studii calidè amet: quem amorem ut omnibus ac singulis injiciam, cum auxilio Dei fomitem porrigo ex Prov. 1. v. 1. 2. 3. 4. 5. 6. 7. à v. 20. usque ad finem, & cap. 2. toto, & cap. 3. à v. 1. & cap. 9. à v. 1. ad 12. item ex Syracidis 39. à v. 1. ad 21. & cap. 46. v.*

DE RAT. STUD. THEOLOG. 495  
29. 30. 31. &c. 50 à v. 18. usque ad finem,  
Sap. 7. à v. 7. usque ad finem.  
Psal. 119. toto. Summa, gymnasium pietatis,  
ejusque omnimodum fructum aperit nobis Apostolus 1 Tim. 4. à v. 4. ad 16.

*Quicquid creavit Deus, bonum est: nec quicquam rejiciendum, si cum gratiarum actione sumatur. Sanctificatur enim per VERBUM & PRECES. Hac si subjeceris fratribus, BONUS eris MINISTER JESU CHRISTI, innutritus in SERMONIBUS FIDEI, BONÆQUE DOCTRINÆ, quam affectatus es. Caterum, PROFANAS & aniles FABULAS rejice: sed EXERCE TE IPSUM AD PIETATEM. Nam corporalis exercitatio paululum habet utilitatis: at PIETAS AD OMNIA UTILIS EST, ut quæ promissionem habeat vitæ præsentis & futura. Fidus est hic sermo, & dignus qui omnibus modis recipiatur. Nam idcirco etiam defatigamur & probris afficimur, quod speremus in DEO vivo, qui est conservator omnium hominum, maximè verò fidelium. Hac denuncia & DOCE. Nemo tuam juventutem despiciat, sed ESTO EXEMPLAR FIDELIUM in sermone, in conversatione, in charitate, in spiritu, in fide, in puritati. Interim dum venio, ATTENDE LLECTIONI, EXHORTATIONI, DOCTRINÆ. Ne negligito. EORUM quod in*

496 L. CR. D. INS. DE RAT. ST. TH.  
*te est, quod datum est tibi ad prophetandum ,  
cum impositione manuum presbyterii. HÆC  
EXERCE, IN HIS ESTO: ut tuus pro-  
fectus manifestus sit inter omnes. Attende tibi  
ipsi & doctrinæ: persiste in istis: id enim si  
feceris, & TE IPSUM SERVABIS, &  
EOS qui te audierint. Ergo igitur si obser-  
vaverimus sermonem tolerantiaē Christi ,  
ipse quoque servabit nos ex tempore ten-  
tationis, quod venturum est in orbem uni-  
versum, Apoc. 3. 10. & Deus reddet vitam  
æternam nobis, qui per patientiam queri-  
mus boni operis gloriam, Rom. 2. 7. inter-  
ibi verò nos reddet sapientes ad salutem ,  
ad omne opus bonum perfectè instructos ,  
teste eodem Apostolo 2 Tim. 3. 14. 15.  
16. 17. At tu maneto in iis, quæ didicisti &  
quæ tibi concredita sunt, sciens à quo didiceris:  
Teque à puero sacras literas novisse, quæ te  
possunt sapientem reddere ad salutem per  
fidem, quæ est in Christo Iesu. Tota scriptura  
divinitas inspirata est utilis ad doctrinam, ad  
redargutionem, ad correctionem, ad discipli-  
nam in iustitia; ut perfectus sit homo Dei, ad  
omne opus bonum perfectè instructus.*

JOH. HOORNBEECKII  
BREVIS INSTITUTIO  
STUDII THEOLO-  
GICI.



Uanrum studiis, cum aliis in rebus, tum præcipue *initio* ejus feliciter constituendo, & observando deinceps genuino *ordine*, situm sit, præstantissimi iidemque charissimi Discipuli, haud facile quis dixerit: nemo certe melius, quam (quod plurimis evenit) qui aliquoties incassum hic laborasse, & refixisse terminos, atque molestam laborum temporisque jacturam passos se misere deplorant: unde etiam in nullum Studiorum arcanum majori anxietate & sollicitudine anquirunt, quam ut divinâ virgulâ venâ itam tandem reperiant, studiis non minus utilem, quam necessariam. Quippe si, quod dici solet, dimidium operis habet bene qui incæpit; totius vim tenet & tantum non summam, ordinem qui justum novit atque observat. Divina res, methodus est, & in omnibus rebus sive investigandis, sive discendis, tradendisque pender inde suscepti totius negotii admirandus quidam & certissimus successus. Mul-



ti quovis tempore existunt, quos unius  
 hujus rei incuria & negligentia desperare  
 de Studiorum eventu cogit, & arma abji-  
 cere, quique nunquam istum laborum fru-  
 ctum referunt, qui ipsis debebatur: iterum  
 alii ad magna perveniunt compendio, fa-  
 ciliiori, quia certiori. *Omnia enim breviora  
 reddit ordo.* Flaccus, *Ordinis hac virtus.*  
 Nempe qui juxta simile Evangelicum,  
 non prius operi manum admovent, quam  
 mature in consilium iverint, an & quomo-  
 do turris ædificanda, vel in militiam prod-  
 eundum sit. Qui non inconsulto & reme-  
 re, omnia vel plura quam commode dige-  
 rant, arripiunt & tractant, sed ordine suo  
 singula ponderant prius, tum aggrediun-  
 tur. Atqui de isto nunc ordine apud Vos  
 differere institui, & metare castra, in qui-  
 bus degatis: Vos, juxta veterem formu-  
 lam videritis, *an parati ad bellum?* nostis  
 utique Sacrum ministerium in Scripturis  
 militiam appellari, quando sui ei consti-  
 tuuntur anni, quibus quis serviat, supra  
 illos donandus rude. Et Apostolo Timo-  
 theus nuncupatur καλὸς στρατιώτης Ἰησοῦ  
 Χριστοῦ. Dignissimum viri Dei elogium, quo  
 simul & officii sui admonetur. Nam ut  
 hic sint τὰ καλὰ, sunt & ἔργα. *Qui Epis-  
 copatum desiderat, in Versione Æthiopicâ  
 Londinensi, volens fieri Papa, (juxta sty-*  
lum

lum veterum, qui ut primitus pro eodem agnoverunt episcopum & presbyterum, sic postea papam & episcopum) *bonum opus* desiderat. 1. Tim. 1. 1. 1. Sed parandus studiis animus est ad officia, & *honorem istum*, Heb. v. 4.

Duo autem summaria studii nostri capita: aliqua *αεγπαδείας* rationem habent, quæ in antecessum curanda: alia ipsius Theologicæ *παδείας* sunt, seu *perpetua*, seu *temperaria*. Nam tanquam in tabula universum laboris Theologici cursum impræsens vobis delineaturus accessi. Ante omnia vero quibusdam quasi *progymnasmatibus* tingendus ornandusque animus est, ut ad altiora paretur, juxta Hebræorum adagium התקן עצמך בפחדור כר שתכנס לשרקלן *Para te ipsum in vestibulo, ut intres in triclinium*. Neque enim primo saltu quis in ipsum Sacrarium involat, sed in atrio inter *συνιστάμεναι* purgatur prius, atque levioribus initiatur exercitiis, & curis, quibus ad solidiora provehitur futurus mysta, levita ante sacerdotem: quomodo Iidem aliis quidem verbis, at sensu eodem dicunt, *Qui parat in vespera Sabbati, comedit in Sabbato*.

Illa vero progymnasmata facimus tria: *litterarum*, præsertim trilingue, *Latina*, *Gra-*

*Græcæ*, & *Hebrææ*: hæcenus saltem, ut uterque Sacrorum codex suo sermone intelligi, absque interprete possit, & lectio ejus reddatur vulgata ac familiaris. Deinde *Philosophia*: cujus usu, *Logica* imprimis, & *Metaphysica*, pro formando & firmando intellectu, in difficillimarum rerum per-  
 vestigatione ac examine, tum ob Adversarios, carere neutiquam potestis. Tertium & proximum studio Theologico locum tenet *Catechetica*, quæ uti varios sortitur gradus & classes, pro futuro Theologiæ studioso intelligitur supremi ordinis quæ est, ut ne communia saltem religionis themata ignoret noster, vel magno suo cum dedecore minus scientiæ Theologiæ adferat, quam ex vulgo aliquis, cui nequaquam animus adspirat ad gradum, quem ille præ se fert. Et mirum dictu, quantum hinc studiis passim oriatur impedimentum, quod non parati ad Theologica veniant Studiosi à lectione Scripturæ, & Catechesi: quorum istud facit ne vulgarissima, & prima religionis *ἐκχρῆστα* cognoscant τὸ τὸ ἀρχῆς & *Χειρὸς λόγος*; illud, quod nec scire possint, vel istorum aliquid tueri aut confirmare. Et tamen hæc discendenda aliquando sunt, sed quia non suo loco, id est ἐν *ἐκκλῆσιᾳ* docta, magna molestia discentem  
 fati-



fatigant, & aliis feliciter progredientibus ille in principiis assiduo hæret & fatiscit. Atque ita eum ordinis initio neglecti pænas dare haud iniquum est.

Ipsius nunc *studii* Theologici, quando plenis velis mari huic cymba committitur, alia sunt *perpetua*, alia *αἰσχρομεγ* & quæ pro studiorum ætate ac gradibus *variant*. Illa nunquam omittenda, sed à carcere ad calcem usque religiose & diligenter observanda, & omnibus, quovis loco, ac tempore: quæ tria sunt, Scripturæ assidua *lectio*, congrua *meditatio*, & ad Deum, pro impetrandâ ejus in omnia benedictione, sancta atque indefessa *oratio*. Hæc nunquam deponenda aut arma sunt aut exercitia, nunquam ab iis feriandum, vel relaxandus in totum animus: sed iis nunquam non occupatos esse decet per totum viræ, studiorum, atque ministerii spatium. Namque ut in sacra & salutarî cognitione progrediendum semper est, *etenim ex parte cognoscimus, & ex parte prophetarum*, sic in istum finem nobis suppeditat Deus Verbum suum, ex quo salutaria & divina petamus: hoc autem, uti instrumento lectionis fit & auditionis, *auditus verò per verbum Dei*, ita istud seriâ meditatione animo committitur, infigitur, fovetur.



502 JOH. HOORN BEECKII  
tur. Accedit his, immo præcedit fervens  
precatio, ut in veritate sua Deus nos san-  
ctificet, quoniam verbum ejus est veri-  
tas. Frustra est lectio, sine meditatione;  
meditatio autem sine lectione, etiam no-  
xia; qualis fere coctio stomachi absque in-  
gesto cibo: sed pia oratio & hanc & illam  
reddit salutarem ac proficuum. Atque hic  
animæ cibus est, hæ veræ, quia spirituales  
& divinæ, lætitiæ, opus Theologi genui-  
num & perpetuum.

Alia pro tempore variant, nempe stu-  
dium primò *Institutionum* Theologica-  
rum; deinde *controversiarum*; sequitur  
*practicam*; denique *historicum*. Hi gradus  
laborum vestrorum, & quasi classes, in  
quibus pro necessitate primum studio-  
rum, tum pro animi etiā lubitu verse-  
mini. De controversiis alibi diximus, eas-  
que sumus partiti in tres ordines, *Infide-  
lium, Hæreticorum, & Scismaticorum*. Pra-  
xis Theologica duplex est; *vita*, quæ tra-  
dit & *Practicam* generalem, de quâ in  
Theologia practicâ; & *Casus* conscientiæ  
singulares ad hæc aut illa religionis capita  
& officia: deinde *Regiminis* vel politiæ Ec-  
clesiasticæ, quæ ecclesiam bene gubernari  
docet. Postremo historia occupatur in le-  
ctione *Patrum*, sive veterum Theologo-  
rum; vel *Annalium* ecclesiasticorum; qui  
ex

ex illorum aliorumque scriptis historiam *gestorum* conficiunt, quemadmodum Patrum scripta consuluntur imprimis, pro fide *doctorum* & creditorum. Jam videte, quid, quo ordine, agendum vobis sit, & quibus pergendum gradibus. Nam hæc summa operis, cujus fundamenta jaciuntur in cursu Academico, ipsum vero omni tempore magis excolitur, perficiturque. Saltem scopum videtis, quo collimare oporteat, ne vel in vanum operemini; vel inani *φιλαυτία* nimis facile putetis factum satis, & ad metam vos pervenisse, vixdum principiis defuncti. Ars longa, longior sapientia, præsertim vera illa, quæ nostra est; vita brevis, sed quæ bene disponenti multum pater. Dispositio mater ordinis, cujus inventio pater, Sapientia utroque orta, *attingit à fine usque ad finem fortiter, & disponit omnia suaviter.*

Porro quo felicius areas istas vel stadia percurratis, præter publicas, privatæ accedunt institutiones & *Collegia*, singulis studiorum partibus inservientia, non quæ publico obsint, vel fontium aquas in privatas cisternas cogant & occludant, sed quæ nihil aliud sint quam *manuductiones*, eo familiariores, quo privatæ, & singulorum capui accommodatæ, quibus non intermittantur alia, sed juventur, & paratus

504 J O H. H O O R R B E E C K I I  
rus, reddatur animus alacriorque ad ob-  
cunda & frequentanda singulorum ordi-  
num officia, & legendos, consulendos,  
pervolvendos quarumcumque classium  
auctores & scripta. Quare incipientibus  
magis necessaria, quam provectioribus,  
nedum ut iis solis quis perpetuo & totus,  
tanquam cochlea testæ suæ, inhæreat:  
sive illud sit *Scripturarium*, & pro linguâ  
utraque sacrâ, & *lectione* ipsius Dei Verbi  
excolendâ, ut quomodo legi, & intelligi,  
& quæ inter legendum observari debeant,  
semel addiscatur: sive *Institutionum*, qui-  
bus solis, ut multorum prævus mos est,  
dereneri æquum non est, utpote ubi posi-  
tiva modo traduntur & communia, indi-  
catis duntaxat principalium Controver-  
siarum capitibus, non tractatis: unde ad  
alterum enitendum, ipsarum nempe Con-  
troversiarum *elencticum*; seu *commune*, ad-  
versus errores quoscunque in genere; sive  
*speciale*, & ordine adversus singulos. Jam  
& *Concionatorium*, pro formandis dicen-  
disque concionibus; & *Præcticum*: si al-  
tiora, *Historicum* adit, juxta studiorum se-  
riem supra delineatam. Alia sunt, quorum  
posuisse fundamenta, & gustum aliquem  
in Scholis cepisse, juvat; alia, non leviter  
attigisse, ut quæ ad munus Theologicum  
primis & ubique necessaria. Neque indi-  
cta

cta volo aut neglecta exercitia *Philosophico-Theologica*, ad Theologiam accedentibus: quia utur illius sæpe non exiguus sit abusus, à quo nos dehortari Apostolus necessum duxit, sc. quæ ad inanem deceptionem adhibetur, *videre ne quis sit qui vos depradetur per philosophiam & inanem deceptionem.* Col. 11. 8. attamen & rectum illius usum magni, cum in aliis omnibus scientiis, artibus, totaque hominis vitâ, ita & in doctrinâ Theologicâ, adjuvamenti esse omnes & veteres, & recentes, suo exemplo & usu comprobarunt. Sunt hic, uti in rebus quibusque aliis, sui limites, quos ultra citraque consistere rectum nequit. Qui res fidei ad philosophiæ placita exigere, regulæ ejus valere in Theologiâ æque ac in naturâ arbitretur, vel acumine, subtilitatibus & distinctionibus utatur ad jejunam & frigidam specularionem, ad contentiones & vanam gloriam, nã is facit intelligendo, ut nihil intelligat: interim qui non etiam mentem philosophia æque ac linguam litteraturâ ornandam censeat & acueudam, qui nolit sermonem mentis internum, quemadmodum externum oris arte dirigi & perpoliri, vel cui quid male sonet ideo quod ex philosophiâ provenit, non minus in errore versari mihi quidem videtur.



Quamvis enim non eadem ratio, dignitas, neque necessitas sit philosophiæ ac Theologiæ, tamen in formandis exprimendisque conceptibus, penetrandis rerum & quæstionum subtilitatibus, redarguendis Adversariorum strophis, multum juvat illâ non omnino destitui. Usum mediocrem Philosophiæ in Theologicis requirimus, dominio penitus interdiciamus. Scite Lutherus, in Disp. de Dei simplicitate, & Personarum in eo Trinitate: *quod Dialectica arguit, hæc suis regulis non quadrare, dicendum est ei, mulier taceat in Ecclesiâ.* Patres utuntur simili Hagaris ancillæ, quæ jubetur domo expelli, quando petulantius se gerit, & dominam habere cupit pro arbitrio. Quando imperiosius insurgit in Theologiam, & dictaturam quærit, vel suis cancellis & regulis arctare augustissimam veritatem annititur, explodenda; & ad contentiones qua parte vergit, modeste declinanda. Quippe veritas, ubicumque, hoc habet *primum ut casta sit, deinde vacifica* Jac. III. 17. quæ vero ζῆλον πικρὸν ἔχει καὶ ἐριθειαν, appelletur σοφία, sed terrena, carnalis & Diabolica est Apostolo. Clemens Alexandrinus, Stromat. lib. 7. ἀπὸ δοξοσοφίας τοίνυν ἐπηρμένοι inani ergo sapientia opinione elati, perpetuo litigant, aperte ostendentes se magis curare ut videantur philo-

losophi, quam ut philosophentur. Certe rixari non est philosophicum, minus Christianum. Cum Erasmo dixerō, lib. 2. *Epist. ad Bovillum*: pestilens quadam res sit oportet philosophia, si tales reddit. Inefficax ac diluta, si tales non mutat. Et in Ciceroniano, quam eleganter? sub finem: *Videmus enim huiusmodi pestes nondum prorsus extinctas, subinde meditari repullulascentiam, sub hoc fuco veteres hareses, sub alio Iudaismum, sub alio paganitatem. Sic ante complures annos factiones oriri ceperant apud Italos, Platoniorum & Peripateticorum. Faceffant hac dissidiorum cognomina, ea potius inculcemus, quæ & in studiis, & in religione, & in omni vita concilient, alantque mutuam benevolentiam. Sat rerum est, extra partium infrugifera studia & pugnas, quod agatur, & doceatur. Sed illa vitia sunt non artis vel scientiæ, sed hominum, eâ, in suam aliorumque perniciem abutentium. Unde illa nota inusta aliquoties Philosophis, quasi non optime ipsis cum Christianismo conveniret. Tertullianus, in Apologetico: quid adeo similis philosophus & Christianus? Græciæ discipulus, & Cali? Fama negotiator, & vita? verborum, & factorum operator? rerum edificator, & destructor? amicus, & inimicus erroris? veritatis interpolator, & expressor? furator ejus, & custos antiquior omnibus*

508 JOH. HOÖRNBEECKII  
*bus ni fallor?* Quidquid secularis est litteraturæ aut disciplinæ, si vel remotius habeatur à religione, & sibi nimis applaudat, vel importunus in eam ingeratur, peccat utrimq; . Gentiles à verâ Dei notitia, & cultu alieni errarunt quando præcipuam vel unicam felicitatem suam in Philosophiâ constituerunt : Christianorū vitium, quod eodem vicio plus quàm oportet rem Christianam fulcire velint vel adornare. Quum modice & prudenter valde ad Theologiæ mytheria applicari debeat, & Christo subdi, quidquid rationis humanæ est vel scientiæ, & uti Apostolus, prius *μαγεύωμαι*. Lutherus, in Disp. an. c. 15 l. xviii. Heidelbergæ habita, *Qui sine periculo vult in Aristotele philosophari, necesse est ante bene stultificetur in Christo*. Scholasticorum, qui vulgo nominantur istud fuit flagitium, quod plus æquo philosophiam miscerent cum Scriptura, Aristotelem cum Christo, imo quibus Aristoteles fere visus Deus aliquis, ut, qui illa optime novit, idem Lutherus, in scripto contra Angliæ Regem, Henricum; & in altero adversus Carharinum, ingenue : ego, inquit *plane illud verum, nunc video, Thomistam purum, esse asinum verum, siue sit Italus, siue Germanus*. & Melanthon, in Apologiâ pro Luthero, contra Parisienses, de Sorbona, *Christum inter fabros citius,*

tius, quam in isto genere reperiatur. Alterum  
 eorundem vitium hoc existit, quod ad  
 otiosas, vanas & curiosas quæstiones acu-  
 mine suo passim fuerint abusi, non quæ ne-  
 cessaria aut proficuâ sectantes, sed spinosa  
 & solis disputatiunculis sæcunda, ut ex  
 multis quæstionibus sæpe vix articulum  
 bonæ frugis elicias, vel ex magna aliquan-  
 do summa unam magni momenti conclu-  
 sionem. Quod viderunt ipsi jamdudum  
 Pontificii, & qui inter ipsos erectioris ani-  
 mi palam redarguerunt. Inde integri li-  
 bri, Christophori à Capite Fontium, *de*  
*necessaria correctione doctrina Scholastica*; &  
 Ludovici Carbajali, *de Restituta Theologia*;  
 aliusque ejusdem, *Theologicarum sententia-*  
*rum*, æmulatus titulo Magistrum senten-  
 tiarum; libri non contemnendi, quorum  
 ipsa fronte Auctor profiteretur, se annisum,  
 Theologiam ad veros & vividos fontes re-  
 vocare, & à Sophistica ac barbarie repur-  
 gare. Ne alios ejusdem sententiæ ex me-  
 dio Papatu testes adducam, quorum ali-  
 quos videre est apud Johannem Gerhar-  
 di in eximio contra Papistas opere, *Confes-*  
*sionis Catholicae* l. b. 1. part. 2. cap. 15. Inre-  
 rim, quamvis illorum castigemus superva-  
 cuam curiositatē, neq; aut Alexander Ales  
 nobis sit *Doctor irrefragabilis*; aut Thomas,  
*Angelicus*; aut Bonaventura, *Seraphicus*;



Henricus de Gandavo *Doctor solemnis*; Joh. Duns Scotus, *Subtilis*; Ægidius Romanus, *Fundatissimus*; Franciscus Mayro, *Illuminatus*; aut Johannes Bacon, doctor *Resolutus*, non sunt tamen omnes paris aut nullius omnino pretii, præsertim prima, in quæ reliqui commentantur, scripta, sive *Sententiarum*, sive *Summa*, cæteris omnibus præferenda. In quibus cum judicio versanti, fructus non contemnendus sæpe provenit, tum ad acuendum ingenium, & disputationibus assuefaciendum, ubi opus, tum ad res penitus secandas, introspectiendas, examinandas, & præsertim Adversarios suis armis contundendos, ac subtilitatem alia meliori & veriori revincendam. Qui enim ex veritatis & Ecclesiæ hostibus acrius disputant, & acutis argumentationibus in rebus arduis freti, Jesuitæ, alique Πελαγαίοντες, hinc armati omnes prodierunt, quos quo intelligamus, tum refutemus felicius, necesse est in illis non plane esse hospitem, quin & propria ex ipsorum officina in eos jacula retorquere, atque ea quibus alii in eadem Scholâ contra ipsos quandoque utuntur, usurpare, vitio vertendum non est. Similis ratio Scholasticæ, cum Rabbinica & Talmudica: in hac quot obsecro quantique nævi, fæditates, nugæ? & tamen etiam nonnullus  
 usus,

usus, forte ad convincendos Judæos, aut  
 illustrandas Hebræorum antiquitates. Sic  
 & in Scholasticâ fateor nugarum saris, non  
 quidem referendis fabulis, quibus destina-  
 runt locum & Lectiones alias, sed pluri-  
 mis infructibus & vesanis quæstionibus: at  
 & auri non nihil ex illo stercore legi po-  
 test, & usus fieri sive in rerum arduarum  
 penitiori indagine, sive explicatione com-  
 moda & significanti, terminis nativis &  
 propriis. Quod non ignorarunt Theologi  
 nostri & Reformatores, qui Scholasticam  
 orthodoxam & castigatam meditati, eam  
 in scriptis suis adhibere haud fuerunt veri-  
 ti. Videre mihi Franciscum Junium, vi-  
 rum supra quam dici possit, in omni scien-  
 tiarum genere versatissimum, Scholasticæ  
 autem Theologiæ & disputationis peritissi-  
 mum. Danæus in Magistrum Sententia-  
 rum commentarium edidit luculentum,  
 Trelecius Junior plane Scholastico mo-  
 do scripsit eximiam Theol. institutionem,  
 subjunctis ad singula capita, in parte *ἀνασ-  
 κευαστικῇ*, necessariis loco distinctionibus.  
 Quid Gomarum dicam, Riverum, Span-  
 hemium? ne alios quam vestrates vobis  
 exhibeam: qui in scriptis & disputationi-  
 bus suis quo loco Scholasticam habue-  
 rint, ostendunt. Quis autem contra illud  
 hominum genus crebrius acriusque dispu-

512 JOH. HOORNBEECKII  
raviv Theologorum omnium maximo Cal-  
vino ? & is in ipsis suis Institutionibus, ad-  
mirando & divino opere, noti versus Pauli  
Thurii,

*Præter Apostolicas post Christi tempora  
chartas,*

*Huic peperere libro sæcula nulla parem.*

Ille inquam, isto in libro etiam nonnulla  
à Scholasticis mutuatur, & bene dicta ac  
explicata prædicat. Lib. 1. cap. 16. ubi ar-  
duam tractat & in Scholis agitaram quæ-  
stionem de providentia Dei concilianda  
cum causarum secundarum contingentia,  
ad eam rite explicandam, non temere ait,  
*in Scholis inventas fuisse distinctiones de ne-  
cessitate secundum quid, & absoluta: item  
consequentis & consequentia.* Paulo ante ne-  
cessitatem adhibendarum distinctionum  
significarat: quoniam longe infra providen-  
tia Dei altitudinem subsidit mentis nostra tar-  
ditas, adhibenda est, quæ eam sublevet distin-  
ctio. Alibi in eandem rem, obtinuit in Scholis  
distinctio, quæ triplicem libertatem numerat;  
à necessitate primam, secundum à peccato, ter-  
tiam à miseria. Hanc distinctionem ego liben-  
ter recipio, nisi quod illic necessitas cum coa-  
ctione perperam confunditur. l. 2. c. 2. in mar-  
gine annotat. Lombard. l. 2. dist. 25. Et  
lib. 4. cap. 17. Tria est in Scholis distinctio,  
quam me referre non pudet. Quamvis totus  
Chri-

*Christus ubique sit, non tamen totum quod in eo est, ubique esse. Atque utinam Scholastici ipsi vim hujus sententia probe expendissent &c. Aliaq; ex eodem proferre similis commatis cuius cum cura eum legenti promptum est. Melanthon post Locos Theologicos addidit Definitiones multarum appellationum seu terminorum & distinctionum, quarum in Ecclesia usus est. Et Zanchius, ubi pro Calvino responderet, ad quaestionem de Christo  $\omega\tau\theta\epsilon\omega\varsigma$ , per distinctionem hoc in argumento necessariam inter Christum ut Deum, vel Dei Filium & personam, Vides inquit, frater quantum referat scite omnia distinguere. lib. epist. 1. Vanas interim & frivolas distinctiones, & ipso sono horrendas ac incognitas, cinctus non exaudita Cethegis, cum omni sive philosophiae, sive Scholasticae  $\phi\lambda\upsilon\alpha\epsilon\iota\alpha$  & ineptiis proscribimus, sed veram, masculam, & ad superiores facultates ac scientias juvandas & promovendas factam, quae pro communi humanarum rerum sorte nunquam talis est aut erit, quin perficienda ulterius sit, probamus, amplectimur, commendamus. Quae quantopere studiis conducatur & sit necessaria, cum ex aliis discite, tum ex Bernensi Theologo, Ben. Aretio, in Problematibus inter quae Loc. cxlix. Philosophiam studioso pietatis non esse negligendam.*



Cæterum ita instructi, & emensi, quantum videbitur, progymnasmata, ipsa toto animi impetu Theologia, ab *Institutionibus*, aggredienda, & optima statim ac primo discenda, neque subsistendum, vel abrumpendum usquam est: sed quod in belli negotiis, *semper nocuit differre paratis*, idem hic usu venit: quare mox in manus sumendum opus, & progrediendum semper, animoque retinendum probe atque æmulandum summi Imperatoris istud, *μὲν δὲ ἀναβαλόμενος*. Maximus vero adhibendus delectus est in initio, tum rerum, quas agatis, tum Institutionum, quibus animus primum imbuatur: quia non modo quod in limine movimus, in exordio, & ordine plurimum situm, ut hinc sequentis negotii fere cursus pendeat ac successus, sed quia variarum Institutionum copiâ distracta juvenus incerta redditur, cui sese tradar. Non quod in re adeo illæ discrepant, sed quod in seligendis Magistris studiorum fere vertatur felicitas. Et tamen omnes habent quo se probent, & in aliis alia observabitis, quæ commendanda. Provide ac sapienter ita distribuyente divina munificentia res suas, & dona, ut non omnia omnibus, & non aliqua singulis contingant.

Prolixitatem vitandam, & aliquid  
etiam

etiam lectorum meditationi committendum, semper censui: epitomes, ut pestes incipientibus atque plenam rei intelligentiam quærentibus vitandas judico, iisque plane interdico. Nam & imponunt animo, quasi brevis & facilis res sit scientiam adipisci, quæ brevi libello continetur; & coarctant initio mentem, quæ in primâ perceptione dilatarî debet, & in novum rerum hætenus incognitarum liberumque campum duci: postea demum rebus rite subactis & comprehensis seipsam constringit, & ut oculi pupilla immisso novo ac fortiori lumine, comprimit, facitque sibi ipsa rerum perceptarum summarium. Adeoque in fine, non initio, locus est scriptorum volvendis compendiis. Qui vero ex adverso, vel semper, vel initio epitomise assuefaciunt, ne compendio maximum sibi ipsis faciunt dispendium. Quare in acquirendarum scientiarum veris & plenîs Institutionibus, animo nimirum ad illas percipiendas adulto, præstat copiosius instrui quam parcius, ut quid abundet quam desideretur, & rerum varietate mens alliciatur, quam deterreatur inopiâ. Interim quoque ne superfluis redundent prima illa elementa: quod hinc constabit, siquidem nihil sit quod commodè possis demere. Deinde, quod & ante monui, requiro in

## CASPARIS SCIOPPII,

*Comitis à Claravalle,*

## D I A T R I B A,

*De compendiosa & facili Linguam  
Hebraam & Chaldaam condi-  
scendiratione.*

## I.



**A**D facillem, & simul solidam linguæ Hebrææ addiscendi rationem, præcipuè requiritur, ut id gradatim fiat & ordine; ne quis vel omnia simul, vel postrema primùm aggredi præsumat. Paulatim enim oportet ad id quod summum est pervenire. Nec potest promovere ad majora, qui neglectis prioribus pergit ad posteriora.

II. Qui proinde perfectionem aliquam linguæ Hebrææ studio consequi, & ad culmen ejus pervenire cupit, is novisse debet: quinam hic sint observandi gradus, quâ ratione in singulis pes sit figendus, atque ab uno ad alium conscendendum. Non enim agimus nunc de levi illo, & superfunctorio linguæ hujus studio. prout id hodiè vulgò à plerisque tractari solet, doctis pariter & indoctis, dum in Conjugatio-  
num

518 CASP. SCIOP. DIATRIBA,  
num & Declinationum, cæterarumque  
Grammaticæ partium mediocri cognitio-  
ne, Radicum Biblicarum investigatione, &  
Communiorum vocabulorum intelligen-  
tia, A & Ω prora & puppis ejus ponitur;  
sed de exactâ & plenaria ejus notitiâ, quâ  
& Biblia Sacra, & cæteros Hebræorum li-  
bros, quocunque stylo, quacunque Diale-  
cto scriptos, quis legere, atque ita in peni-  
tissima Gentis & Linguæ adyta, ac recessus  
penetrare, tum etiam genuino & puro sty-  
lo scribendo eos imitari potest.

III. Hoc studium, ut latè se ad univer-  
sos Judæorum libros, Hebræâ pariter &  
Chaldæâ linguâ scriptos, extendit: ita plu-  
res & distinctos habet gradus, quorum  
nullus sine damno præteriri aut supercan-  
di potest. Gradus autem constituo se-  
quentes: I. est *Lingua Hebraea* pura & na-  
tiva, prout ea in sacris Bibliis est compre-  
hensa. II. *Lingua Chaldaea*, ut ea, purissi-  
mè quidem Danielis & Esræ capitibus ali-  
quibus minùs purè, differenter tamen, in  
Targumim sive Paraphrasibus Bibliorum  
Chaldaicis continetur. III. *Studium Rab-  
binicum* vulgare librorum sine punctis.  
IV. *Masora*, sive Criticâ Hebræorum sa-  
cra. V. *Studium Talmudicum librorum an-  
tiquiorum & secretiorum*: quales sunt *Tal-  
mud* utrumque, Babylonicum & Hieroso-  
ly-



DE LING. ET EBR. CH. STUD. 519  
lymitanum, *Medraschim* item sive Com-  
menrarii Allegorici & Cabalistici. Hi &  
quoad res, & quoad sermoni genus, om-  
nium sunt difficillimi. VI. *Styli Hebraici*  
*exercitium*. De singulis his gradibus ordine  
pauca.

I.

*De Lingua Ebrae Studio.*

I. PRIMUM gradum, atque ita funda-  
mentum totius studii pono in cogni-  
tione linguæ Hebrææ puræ; tanquam  
matriæ cæterarum tum Dialectorum, tum  
etiam Linguarum omnium. Hujus speci-  
men perfectissimum exstat in Sacris Bi-  
bliis Hebraicis, iisque solis. Nam præter  
illa nullum alium antiquum Judæi habent  
librum, qui linguâ Hebræâ purâ sit con-  
scriptus, vetustis ipsorum monumentis  
omnibus, injuriâ temporum, & gravitate  
persecutionum ac exsiliorum, collapsis &  
deperditis.

II. Linguam Hebræam compendio qui  
vult discere, eum à legendi ratione incipe-  
re est necesse; quæ petenda ex Grammati-  
ca. Hic verò suadeo, ut quis, quantum fieri  
potest, Grammaticâ utatur unâ, & Autore  
uno. Nihil enim magis noxium, quàm per  
multa præcepta, & multos autores vola-  
re, præsertim in ipsis initiis. Optimè in  
hunc

hunc sensum dixerunt veteres Hebræi ,  
 רלא גממרי מחר רובה לא נתקיה תורתם  
 בידם *Qui non discunt à Præceptore uno , in  
 illorum manibus Lex non est stabilis*, hoc est ,  
 illi nihil solidi addiscunt , nullam solidam  
 acquirunt eruditionem & scientiam.  
 Grammaticâ ergo utatur primo vel *Car-  
 dinalis Roberti Bellarmini* , vel *Epitome  
 Grammaticâ IOHANNIS BUXTOR-  
 FII* , impressâ Basileæ apud Ludovicum  
 Kônig , in 8. Hac tamen eum potius ,  
 quam illâ , uti malim ideo ; *primò* quia  
 per se est brevis & valde succincta , captui  
 discipulorum accommodata ; *deinde* , quia ,  
 ubi ulterius progrediendum erit ejusdem  
 Buxtorfii pleniore & perfectiore Gram-  
 maticâ uti cogetur , & aliis ejus scriptis  
 per universum hoc studium. Quantum  
 autem laboris & tædii sit compendium , u-  
 bique eodem Autore , iisdem præceptis , ea-  
 dem methodo uti posse , satis dici nequit.

III. Ad legendi itaque rationem ac-  
 quirendam , Tyro in hoc studio ex dicta  
 epitome Grammatica memoriæ insulpet  
 Literarum & Vocalium nomina , figuras  
 & potestates , atque ut citius impriman-  
 tur , & firmiùs inhæreant , calamo singu-  
 las pingere & effingere poterit. Hinc ad  
 vocales cum consonis conjungendas , &  
 syl-

syllabas componendas accedet. Apud Hebræos consona semper inchoat syllabam: Vocalis longa cum una litera syllabam constituit: Vocalis brevis duas consonas conjungit. Inde statim ad lectionem tentandam perget. Ad hoc repetenda sunt quinque priora Grammaticæ capita.

I V. Exercitatio lectionis fiat conjunctim in formis Conjugationum in Grammatica, & in Sententiis Mercurii Quadrilinguis. Nam, cum utraque sint à Tyrone ediscenda & memoriæ infigenda, tantò facilius deinceps id fiet, si exercitatio hæc lectionis in dictis argumentis præcesserit. Primum tamen omnium tentamen velim esse in Conjugationibus; *primò*, quia ibi legendi modus est facilior, quàm eadem literæ & voces reperantur, unâ duntaxat aut altera syllaba immutata. 2. quia facilitatem statim sequitur aliquis profectus. 3. quia profectus iste amorem studii generat, & continuationem urget: 4. quia utilitatem aliquam simul affert, ad tanto minore cum labore Conjugatione ediscendas.

V. Exercitatio hæc lectionis, sive privatim fiat à discente solo, sive præsentem præceptorem, fiat clara voce, non per meditationem aut confusam musitationem, ut con-

522 CASP. SCIOP. DIATRIBA ,  
veniente pronuntiationi rectius assuescat ,  
& linguam tanto expeditiorem ad peregrinam linguam proferendam reddat : *deinde* sit continuata, quoridiè minimùm per horam , nec dies ullus sine exercitio abeat : *tertiò* fiat tamdiu, donec habitum aliquem lectionis adeptus fuerit , neque priùs ulterius progrediatur. Tota hæc exercitatio intra mensem ad summum perfici poterit.

VI. Promittitudine aliqua in Lectione adeptâ, ulterius pergendum, Lectio in sententiis continuanda, & cum ea conjungenda sententiarum duarum , trium vel quatuor interpretatio, pro discantis vel captu, vel diligentia ; accedendum quoque nunc ad Conjugationes verborum memoriæ mandandas.

VII. Quamprimum itaque Tyro ad interpretationem accesserit , simul quoque incipiet Paradigmata verborum memoriæ mandare, quotidiè unam ad minimum formam , initium faciendo à verbis perfectis. Has ubi tenuerit, statim præceptor, ex lectis & expositis sententiis, Verba omnia perfecta seliget , atque ad paradigmata applicare docebit , quo ipso omnia accidentia, & ipsam radicem , discipulus uno momento perfectissimè cognoscer. A verbis perfectis similis progressus fiet ad verba imperfecta ; quotidiè eas radices ex senten-



tentiis excerpando, & examinando, quarum formas & paradigmata discipulus memoriæ jam commiserit. Cum hac continuatione accrescet paulatim sententiarum exponendarum numerus. Notandum autem, in primo hoc cursu Verba tantum nuda & simplicia esse considerata, non cum Affixis Pronominibus conjuncta.

VIII. Circulo conjugationum absoluto, & ostensâ nudorum Verborum ad paradigmata applicandorum, & resolvendorum ratione, explicabit deinde præceptor quoque Pronominum cum Verbis rationem; Nominum item & Pronominum doctrinam tractabit, ostensâ primùm, juxta Præceptorum doctrinam, nudâ ipsorum de numero in numerum declinatione. prout varietas formæ singularis id admittit. Si Pronomina adjuncta fuerint, ea separabit; & Nominis formâ absolutâ inventâ, Nomen flectetur per numerorum differentiam. Voces indeclinabiles, quia paucae sunt, nudo tantùm indicio indigent.

IX. Atque ad hanc exercitationem sufficient dicti duo libelli, Mercurius scilicet quadrilinguis, & Epitome Grammatica. Hunc autem cursum ubi absolverit, & generalem linguæ cognitionem affecutus fuerit (sive totum Mercurium absolverit,  
sive

sive, non: quamvis satius esset, ut totum absolveret cum cursu Epitomes Grammaticæ) suadeo, ut ad Libros Biblicos legendos se accingat. Nam hic totius hujus studii est finis, ut Verbum Dei eâ linguâ exaratum intelligere queamus. In his solis totius linguæ Hebrææ puritas, elegantia, & nitor conspicitur. Hi omnium rerum Hebraicarum, omnium statutorum, rituum, dogmatum, &c. principium sunt & fundamentum Ad Biblici styli normam sola stylus, si quis in eo excellere cupit, formandus est & fingendus.

X. In libris Biblicis initium fieri poterit, ut communiter solet, à Psalterio. Hic verò jam plures difficultates & anomalix, vocesque irregulares se offerent, quam in sententiis, ubi analogia Grammatica servata. Harum rationem cum aliquo modo perceperit, ad vocum quoque conjunctarum explicationem erit pergendum, Syntaxis examinanda, Hebraismi explicandi, Anomalix quælibet enucleandæ, Accentuum distinguendum ratio, & quicquid ad absolutam Grammaticæ tractationem facit, exquisitè tractandum.

XI. Ad hæc autem pluribus & plenioribus jam opus est subsidiis & instrumentis. Requiritur perfecta Grammatica,

ca, quæ hæc omnia perspicuè & perfectè tradat: requiruntur Lexica commoda, in quibus Radices investigari, & significata vocum addisci possint. *Grammaticam* autem hætenus nullam vidi pleniorẽ & perfectiorẽ, quàm *Thesaurum Grammaticum IOHANNIS BUXTORFII*, editum Basileæ apud Ludovicum König, in 8. In eo enim cum vocum singularum natura & proprietates, omnesque anomalix speciales, exactissimè & minutissimè explicantur, tum Vocum conjunctarum ratio & elegantia ita accuratè & copiosè pertractatur, ut vix quicquam intactum relictum videatur, quod desiderari, vel discipulum remorari posset. *Lexica* sunt varia; Commodissimè tamen ab initio adhiberi poterunt ejusdem BUXTORFII *Lexica*; & primò quidem ejus *Manuale Hebraicum* in 12. in quo omnes Voces tam Primitivæ quàm Derivativæ, quotquot in Sacris Bibliis exstant, cum nudis illarum significationibus proponuntur: deinde ejusdem *Lexicon Hebraicum* in 8. in quo Vocum significata insuper exemplis copiosè illustantur, & plurima loca difficilia ex Hebræorum Commentariis explicantur. Hoc Lexico vel propter Mercurium est opus; quia adjunctum est ei *Lexicon bre-*



526 CASP. SCIOP. DIATRIBA,  
 ve Rabbinicum, communiora Vocabula  
 continens, quæ in Rabbinorum Commen-  
 tariis passim occurrunt. Fieri autem non  
 potuit in Mercurio, quin plurimæ ex  
 Rabbinis & Chaldæa etiam lingua ei in-  
 serantur voces, ob varietatem materiarum  
 & vocabulorum, quæ ex Lingua Hebræa,  
 ut in Bibliis est comprehensa, omnes peti  
 minimè potuerunt. Præter hæc vero sunt  
 & alia Lexica utilissima & optima, magis-  
 que proluxa atque copiosa, ut *Thesaurus*  
*lingua Sanctæ Pagnini*, editus Lugduni in fol.  
 Item, *Arca Noæ, sive Thesaurus lingua sanctæ*  
*Marci Marini*, edita, Venetiis apud Iohannem  
*Degaram*, Anno 1563. (Hæc duo Bibli-  
 cas tantum voces continent & explicant:)  
*Lexicon Pentaglotton, Hebraicum, Chaldaic-*  
*um, Syriacum, Talmudico-Rabbinicum &*  
*Arabicum, Valentini Schindleri*, edit. Ha-  
 nov. 1612. Hoc Lexicon debitâ suâ laude  
 nequaquam defraudandum: sed quam  
 mancum, mutilum & imperfectum sit in  
 Chaldaicis, Talmudicis & Rabbinicis, do-  
 cebit *Lexicon Chaldaicum, Talmudico-Rab-*  
*binicum IOHANNIS BVXTORFII*.

XII. Hæc studii Hebraici exercitatio  
 tamdiu continuabitur, donèc quis sacra  
 Biblia sine hæsitacione Grammaticè intel-  
 ligere, & mediocriter, atque majori ex  
 parte, interpretari possit. Nam ineffabile  
 est,



est, quantum in totius Linguæ, & sequentium partium studio, adjumentum afferat, si quis bonus sit Grammaticus, & bonus textualis. Unde Judæi supra omnes eum efferunt, qui bonus est *Baal pasuk*, ut ipsi loquuntur, hoc est textualis & Grammaticus. Proinde, licet quis ad linguam Chaldæam & Rabbinos accedat, nunquam tamen hoc studium deponendum & abjiciendum.

XIII. Nullam autem certam periodum huic studio assignamus & determinamus hac vice; id vel Præceptoris prudentiæ, vel Discipuli diligentia committentes. Ab hoc autem gradu, ubi quis sufficienter in eo confirmatus fuerit, proximum est, ut scandant ad secundum, Linguæ scilicet Chaldææ studium.

## I I.

*De Lingua Chaldæa.*

I. **L**inguæ Chaldææ studium, Linguæ Hebrææ studioso ideo quoque est necessarium. primo, quia capita quædam in Daniele & Esra hac linguâ sunt exarata, quæ lectu & intellectu æquè sunt necessaria, atque cæteræ Bibliorum sacrorum partes: deinde, quia multi utilissimi atque adeò antiquissimi & præstantissimi Hebræorum libri eâ sunt scripti: tertio, quia  
etiam

etiam vulgares & recentiores Rabbini subinde scriptis suis multa Chaldæa inferunt; unde ad illorum lectionem nemo feliciter unquam accedet, qui non Chaldææ quoque linguæ cognitione tinctus & imbutus fuerit.

II. Habet Lingua Chaldæa easdem Literarum & Vocalium figuras cum lingua Hebræa, eandem etiam legendi rationem ferè sequitur: unde hic de ejus exercitatione porissimum agendum.

III. Primum hujus linguæ tentamen sit in Daniele & Esra, quia in his lingua pariter est facillima & purissima: cum interpretatione & usu conjungantur Præcepta Grammatica, eodem modo & eadem methodo, ut in Lingua Hebræa, à Verbis incipiendo, & ad reliquas Orationis partes progrediendo. Præcepta hîc nec sunt tam multa, nec tam difficilia, ut in Lingua Hebræa, Anomalix pauciores, unde ipsa Lingua quoque facilior.

IV. Propter conformitatem autem suadeo, ut hîc quoq; utaris *Grammaticâ Chaldaicâ & Syriacâ IOHANNIS BVXTORFII, editâ Basileæ, apud Ludovicum Kônig*, quæ eandem habet methodum, eadem præcepta cum Grammatica Hebræa, unde longè faciliùs eam intelliges, eique assuesces. Ad Danielem & Esram legendum  
suf-

sufficiet ejusdem Lexicon Hebraicum & Chaldaicum in 8: cujus antea facta mentio. In his duobus libris omnia Vocabula explicata invenies, quaecunque in Daniele & Esra occurrunt. Modum exercendi docebit te tertius liber dictæ Grammaticæ, qui Praxin hujus linguæ ostendit, & exemplis illustrat.

V. A lectione Danielis & Esræ transitus fiet ad Targumim, sive Paraphrases Bibliorum Chaldaicas. Harum auctores præcipui sunt Onkelos & Jonathan, quorum ille quinque libros Moïsis, hic Prophetas, transtulit: uterque paullò ante tempora Christi floruit. Hagiographorum auctores sunt obscuriores, recentiores, & his quoque impuriore. In omnibus autem linguæ pristinus nitor multùm à Danielis & Esræ puritate deflexit. Unde pluribus quoque observationibus Grammaticis ad Paraphrastas legendos est necesse. Initium fiat ab Onkelo, tamquam facillimo, & qui præ cæteris omnibus Textûs Hebræi litteram pressè sequitur. Post Onkelum sequatur Jonathan, Prophetarum Paraphrastes. Hunc Hagiographa, quorum auctores sunt diversi, stylo quoque & sermonis genere differentes: in quibus omnibus & singulis, dialecti differentias observare decet.



VI. Nam. ut hoc obiter hoc loco moneatur, Chaldaicæ linguæ dialectus triplex est: Babylonica, Hierosolymitana, & Syriaca in specie sic dicta. *Babylonica*, quæ in florentissimo Babyloniarum regno floruit, & puritatem elegantiamque summam adempta fuit; ita ut reliquarum dialectorum meritò statuatur norma, amussis & fundamentum. *Hæc vel est Prior & Antiquior, vel Posterior.* Prior sive antiquior, quæ tempore exilii Judæorum in Babylonia viguit, in qua Daniel & Esra Prophætæ, magnam suæ historiæ partem conscripserunt, quam etiam Jeremias tenuit, ut ex particula ista Epistolæ Syriacæ liquet, quam ad Judæos, in Babylónico exilio viventes, conscripsit, Jer. 10. 10. *Posterior*, quæ aliquot annis centenis postea, tam in Babylonia quàm in Judæa, inter reduces Judæos usitata fuit, ac longè à priori nitore recessit, propter regnorum ac diversorum populorum commixtionem. *Estque vel Targumica vel Talmudica.* Targumica, quâ Targumistæ, id est, Paraphrastæ & interpretes Chaldaici Veteris Testamenti usi sunt in Translatione Chaldaica; Onkelos quidem in Legem, & Jonathan in Prophetas priores, posteriores, & duodecim minores. *Talmudica dialectus est*, quâ Talmud Babylonicum in Babylonia conscriptum est. Fieri hoc



hoc coeptum 500. annis post vastatum Templum secundum, ab illis Judæis, qui post captam Urbem Hierosolymam à Tito, in Babyloniam fuerunt profugi, & Legem Judaicam ibi in Scholis publicè docuerunt. Absolutum fuit illud opus circa annum 500. post Christum natum. Interea Babylonia quoque insigniter vastata, rurbata, & ex variis populis mixta ac confusa fuit, veluti vicinis Ammonitis, Moabitis, Persis, Arabibus, Ægyptiis, & aliis, per quos prisca illa Babylonica seu Chaldæorum lingua sic corrupta fuit, ut vestigia duntaxat ejus in Opere Talmudico appareant. *Hierosolymitana* dialectus est, qua usi fuerunt Iudæi Hierosolymis, & in terra Iudææ, postquam ex Babylonia fuerant reversi. *Estque vel simpliciter Hierosolymitana, vel Syro Hierosolymitana, quæ & in specie Syriaca, vel Syra-Comagena, seu Antiochena dicitur.*

*Simpliciter Hierosolymitana* est, quâ Targum librorum Hagiographorum, ut Iobi, Psalmorum, Proverbiorum, & quinque *Megilloth* sive libellorum, nempe Ruth, Threnorum, Cant. Canticorum, Esther & Ecclesiastes conscriptum est. Tum etiâ speciale Targum in quinque libros Moïsis, quod in specie Targum Ieruschalmi sive Hierosolymitanum appellatur; item aliud

532 CASP. SCIOP. DIATRIBA,  
eorundem librorum Targum, quod Jonathanis nomen præfert, qui verò nequaquam est Jonathan ille priscus, qui Prophetas interpretatus est. In his tamen ipsis quædam locutionis differentia est, & maximè in rebus ipsis, ut plures & diversi ipsorum auctores omnino esse videantur. Targum Iobi & Psalmorum antiquius est, ut & in rebus, respectu reliquorum, purius. Targum Proverbiorum ab his est differens, & multos habet Syriasmos, id est, Verba & phrasas cum Syriaca Antiochena ex æquo convenientes. Targum in quinque Megilloth seu libellos his omnibus posterius est, &c. Hæc dialectus pleraque ex parte cum Babylonica posteriore convenit, in quibusdam tantum discrepat. Habet & plura vocabula Græca & Romana, quam priores paraphrastæ. Ad hanc quoque dialectum pertinet Talmud Hierosolymitanum, liber Zohar, quædam Medraschim, &c. *Syriaca in specie* sic dicta est, quæ etiam Syra Comagena sive Antiochena dicitur, quæ ex Antiocheno tractu in reliquas Syriæ partes propagata, amplissimum post reliquas dialectos usum obrinuit. Eâ Novum Testamentum, post Apostolorum tempora, descriptum est. Sed hæc sufficiant de dialectis linguæ Chaldææ, quarum differentia passim in Gram-

Grammatica Chaldaica & Syriaca Bux-  
TORFII indicatur, atque sub finem ejus in  
praxi ipsâ exemplis demonstrantur.

VII. Quia verò Paraphrastarum ho-  
rum translatio, in ordinatâ & confusâ  
punctatione ab imperitis punctatoribus &  
librariis insigniter deformata est & pertur-  
bata; ideò haud parum interest, quam  
editione in lectione Paraphrastarum utar-  
is. Editiones Venetæ in fol. quotquot  
prodierunt omnes, corruptissimæ sunt, &  
infinite mendis plenæ. Malo huic doctis-  
simorum virorum ope medela afferri cœ-  
pta est in laudatissimo illo Opere Biblio-  
rum Regionum. Sed præterquam quod  
exemplaria nunc sint rara, non cujusvis  
est tam carum & pretiosum opus compa-  
rare, neque etiam omnia in eo castigata  
sunt & emendata. Suaserim ergò, ut quis  
utatur Bibliis Buxtorfianis editis in fol.  
Basil. anno 1620. apud Ludovicum Re-  
gem, sub titulo; *Biblia Hebraica & Chal-  
daica, cum Masora qua Critica Hebraeorum  
sæcra est, magna & parvâ, ac selectissimis  
Hebraeorum interpretum Commentariis, &c.*  
*In his nunc primum, post quatuor editiones  
Venetas, Textus Chaldaicus à deformitate  
punctationis, & pravitate vocum innumera-  
rum vindicatus, &c. Studio fido & labore in-  
desseſſo IOHANNIS BUXTORFII, &c.*

VIII. Ad lectionem horum Targumim commoda quoque exstant subsidia, quæ novisse & adhibere, magnum laborum est compendium. *Subsidia ista sunt vel Generalia, vel Specialia.* Generalia subsidia voco Lexica Chaldaica huc facientia, qualia sunt, *Lexicon Chaldaicum & Syriacum IOHANNIS BVXTORFII* F. quo Voces omnes tam primitivæ quàm derivativæ, quotquot in universis V.T. librorum Paraphrasis Chaldaicis, & N. T. Syro exstant, explicantur, &c. Editum hoc est Basileæ in 4. apud Ludovicum Regem, anno 1621. Hoc ad Paraphrases legendas sufficiet abunde; nulla enim vox occurrer, cuius explicatio illic non exstet. Poterit tamen quis etiam adhibere antè commemorarum *Lexicon Scindleri*; sed in eo haudquaquam omnes voces reperiet. *Specialia* subsidia sunt sequentia; *Interpretatio Paraphrasium Chaldaicarum Latinarum* si haberi possit. Exstat autem in Opere Regio. Librorum quorundam particularium interpretationem ediderunt nonnulli cum notis, quæ non carent suo fructu. *Paulus Fagius* Latine vertit *Paraphrasin Chaldaicam Onkeli in Legem*, annotationibusque illustravit, edit. Argentorati, anno 1546. *Ioannis Mercerus*, *Professor Regius, Lutetijs*, edidit *duodecim Prophetas minores Chaldaicè*



DE LING. EBR. ET CH. STUD. 535  
*cum Versione Latina, & Notis* Parisiis apud  
 Carolum Stephanum, anno 1557. Of-  
 rwaldus Schreckenfuchsius edidit *Canticum*  
*Canticorum & Ecclesiasten Salomonis Chal-*  
*daicè cum Versione Latina*, Basileæ apud  
 Henric. Petri, anno 1553. Ejusmodi libri  
 si qui alii quoque prodierint, & prodeant,  
 diligenter ab hujus linguæ studioso sunt  
 conquirendi. Plurimum etiam adjumenti  
 adferet ad Paraphrases Chaldaicas IO-  
 HANNIS BUXTORFII *Lexicon Chal-*  
*daicaicum majus*, quod nunc sub prælo, &  
 ejusdem *Commentarius propediem*, Deo  
 dante, edendus, sub titulo; IOHANNIS  
 BUXTORFII *Babylonia, sive Commentarius*  
*Criticus in Vniuersis Paraphrases Chaldai-*  
*cas*, quò non solùm infinita menda & corrupte-  
 la, quæ in Targum Editionum Venetarum oc-  
 currunt, sub censuram revocantur, & ex Ana-  
 logia Grammatica, ex ipsius lingua naturâ &  
 fundamentis, ex locorum denique collatione  
 emendantur, sed & variarum editionum Ve-  
 netarum. Bibliorum Complutensium, Regio-  
 rum, &c. differentia conferuntur & exami-  
 nantur, &c.

Hac viâ in linguâ Chaldaicâ procedens,  
 & his subsidiis instructus, brevissimo tem-  
 poris spatio, DEO benedicente, magnos  
 progressus faciet.

## III.

*De Studio Rabbinico.*

I. **F**Uadamentis in utraque linguâ, Hebraëâ & Chaldæâ, bene jactis, rurô quis accedere poterit ad Rabbinorum scripta legenda. Et quò confirmatior in illis fuerit, eò celerius & felicius hîc quoque proficiet. Nam qui bonus est Grammaticus, & sermonis quoque mediocrem notitiam in significatis & idiotismis intelligendis possidet; is, visâ aliquâ sententiâ sine punctis scriptâ, facile sensum ejus divina-bit, &, sensu cognito, puncta secundum leges Grammaticas adjiciet.

II. Hic verò per Rabbinos, non intelligimus veteres illos Talmudicos & similes, qui sermone magis Babylonico quàm Hebraico, eoque corrupto & difficillimo, usi sunt. Sed vulgares & recentiores, quales ferè sunt Commentatores Biblici, Philosophi, Historici, Theologi. Ab his, tanquam facilioribus, incipiendum in studio Rabbinico. Nam communiter uti solent sermone Hebraico, in paucis tantùm idiotismis ab eo recedentes, & peculiaribus vocibus utentes, ut in sequentibus videbimus.

III. Hujus studii exercitatio instituat-  
tur præeunte Præceptore vel vivo, vel

mu-

DE LING. EBR. ET CH. STUD. 537  
muto. Nos hic breviter utrumque modum delineabimus.

IV. Præceptor, qui discipulum rationem legendi sine punctis vult docere, lentè procedat & sequenti utatur methodo. Primò omnium sententiam unam & alteram sine punctis discipulo proponat, sensum ejus ei latinè exponat, si aliqua à Biblico sermone differentia, vel peculiaris ibi vox Rabbinica laterat, significet, & declararet, exinde jubeat discipulum sententiam illam scribere, & calamo puncta ei addere ac denique eâdem sine punctis iterum exhibitâ, legere & interpretari. Ubi discipulus in punctando erravit, præceptoris erit ei errorem indicare, & ex Grammatica rationem ei demonstrare & inculcare. Continuetur hoc per aliquot dies.

V. Ubi gustum aliquem in sententiis punctandis perceperit, ad continuum aliquem textum, & scriptum Rabbinicum deveniat. Hic ante omnes suaserim eligere Commentatores Biblicos, quales sunt R. Salomon Jarchii, R. Abraham Aben Ezra, & R. David Kimchii, & ex his initium fieri à R. D. Kimchio, qui simplicissimus est & purissimus. Commodissimi autem ad hoc institutum sunt Commentarii in Prophetas minores. Ex his seligatur unus, isque brevissimus, ut est Obadias vel



538 CASP. SCIOP. DIATRIBA,  
Jonas, & ut in primo tentamine dictum,  
explicet Præceptor discipulo quotidie ali-  
quot lineas, quæ declaratione opus habent  
declaret, jubeat iterum ea quæ explicavit  
scribere, punctare, & tum eadem sine pun-  
ctis ex libro legere & interpretari. Conti-  
nuerur hoc per aliquot septimanas in uno  
& altero Propheta.

VI. Incredible dictu est, quantum hoc  
punctationis exercitium, cum ad confir-  
mationem præceptorum Grammatico-  
rum, tum ad certam & solidam lectionem  
Rabinorum momentum adferat. Nam  
quotiescunque in punctatione dubium est  
& hæsitatio, ad præcepta Grammatica est  
recurrendum, ratio ibi investiganda, quo  
ipso fit, ut quæ hoc pacto memoriæ im-  
pressa sunt, nunquam excidere possint. Ad  
certiorem etiam & solidiorem Rabbino-  
rum lectionem, mirum quantum condu-  
cat hoc exercitium. Qui ex usu rationem  
hanc legendi acquirunt, ut Judæi, nun-  
quam ita correctè & emendatè legunt, ut  
ii qui artem hanc ex fundamentis Gram-  
maticis addiscunt. Hinc ex centum Judæis  
vix unum reperies, qui emendatè & secun-  
dum artem possit legere. Communiter  
enim ex usu tantum linguam addiscunt, &  
Grammaticæ sunt imperiti, Ita qui ex  
Christianis laborem hunc subterfugiunt,  
&



DE LING. EBR. ET CH. STUD. 539  
& sine præjactis fundamentis hisce sine punctis legere velle præsumunt, nunquam prompti & expediri fiunt in hoc studio, sed ad primam quamque vocem difficiliorem impingunt, &, ut mus in pice, hærent. Sine pennis volare est difficile.

VII. Cum Præceptor viderit, discipulum correcte satis punctare posse, tùm labore hoc eum sublevare poterit, & sinet eum illa, quæ ei interpretatur, domi solum repetere, & deinde in præsentia ipsius reddere, ut antea.

VIII. A lectione R. Davidis Kimchii, qui Grammaticus est, poterit etiam accedere ad Aben Esram, qui Philosophus est & Astronomus præcipuè, ab Aben Esra ad R. Salomonem, qui Theologum agit, & subinde Talmudicorum expositionis adducit; unde ille omnium est difficillimus, ac proin post cæteros tractandus. Hujus generis Rabbini, præter tres commemoratos, sunt quoque R. Levi ben Gersom, R. Saadiah, & alii: Libri item Historici, & Philosophici, &c.

IX. Atque hæ sunt generales cautiones, quas Præceptorem vivum observare decet, in formando Rabbino Christiano. Quod si verò quis vivo ductore destitueretur, adhibeat præceptores muros, hoc est, exerceat se omnium primò in iis legendis,

§40 CASP. SCIOP. DIATRIBA;  
 quæ in Christianorum libris, absque pun-  
 ctis effata, & Latinè reddita, reperiuntur.  
 Ex Latina interpretatione de singulis vo-  
 cibus faciliè judicabit, si formâ ipsarum ac-  
 curatiùs inspectâ, dignoscat, quæ cuique  
 significatio conveniens sit: Ut si in Latina  
 versione habueris Nomen aut Verbum, vi-  
 dendum quæ vox Nominis aut Verbi vim  
 exprimat; si adsit Præpositio aut Prono-  
 men, an voci alicui adhæreant, an verò se-  
 paratim posita sint, quæ omniâ quâ formâ  
 legenda sint, Præcepta Grammatica re-  
 sufficienter instruunt. Atque hîc in genere  
 tenendum, quod literæ, &, præter usum  
 proprium, quem in Bibliis habent, apud  
 Rabbinos sæpissimè mediis vocibus inse-  
 runtur, ad certio rem ipsarum formam in-  
 dicandam, quæ absq; his aut esset obscurior,  
 aut ambigua, 1 sæpissime index est vel  
 Vocalis Kametzchatuph aut Kibbutz;  
 2 simplex index est sæpe Chirek brevis,  
 vel Tzere. Vav & Jod in media voce gemi-  
 nantur, ut indicetur, eas esse pro consonis  
 mobilibus legendas, sive per se, sive prop-  
 ter Dagesch: Sic Vav ab initio, interdum  
 geminatur, quando pro consona, & quidem  
 radicali, ponitur, ut sic distinguatur à Vav  
 copula. Usitatissimum etiam fuit Chaldaï-  
 cæ linguæ scriptoribus, 3 Affixum plura-  
 le, aut quodcunque antecedente Pathach;

geminare, vel ipsi præmittere literam ם  
Vocalis Pathach indicem; ut, אמרי Verba  
mea: אני Innocens, pro, אני &c. Sed hæc  
obiter. Pergamus ad generalia monira.

X. Diximus, eum qui vivo Præceptore  
est destitutus, mutos debere in auxilium  
vocare Præceptores, & primò quidem ea  
observare, quæ in Christianorum libris sine  
punctis scripta inveniuntur, & Latinè red-  
dita. Ad hoc institutum accommodatissi-  
mæ sunt *Epistola Hebraica IOHANNIS  
BVXTORFII*, in quibus post quinquage-  
nam punctatam, & Latinè versam, quæ-  
dam studio sunt relictæ ad hoc exercitium  
sine punctis, cum Latina tamen versione;  
& notis. Deinde indagandi & conquirendi  
sunt integri libri Rabbinici à Christianis  
editi, & Latinè versi. Necesse enim est, ut  
incipiens primo ea intelligat, quæ vult le-  
gere; deinde ex intellectu, & ex sensu ra-  
tionem legendi eruat: aliàs frustra sudabit  
& ungues arroder. Tales libri, quia non in  
omnium sunt notitiâ, haud abs re erit his  
quosdam nominare & notare:

*Iohannes Mercerus edidit Commentarios in  
quinque Prophetas minores; quibus adjunxit  
Commentarios R. Salomonis, Aben Esra; &  
Davidis Kimchii, Latinè versos, Paris. in fol.*

*Simeon de Muis. Hebraar. literarũ Professor*  
Re.

§ 40 CASP. SCIOP. DIATRIBA,  
 quæ in Christianorum libris, absque pun-  
 ctis effata, & Latinè reddita, reperiuntur.  
 Ex Latina interpretatione de singulis vo-  
 cibus facilè judicabit, si formâ ipsarum ac-  
 curatiùs inspectâ, dignoscat, quæ cuique  
 significatio conveniens sit: Ut si in Latina  
 versione habueris Nomen aut Verbum, vi-  
 dendum quæ vox Nominis aut Verbi vim  
 exprimat; si adsit Præpositio aut Prono-  
 men, an voci alicui adhæreant, an verò se-  
 paratim posita sint, quæ omniâ quâ formâ  
 legenda sint, Præcepta Grammatica re-  
 sufficienter instruunt. Atque hîc in genere  
 tenendum, quod literæ, &, præter usum  
 proprium, quem in Bibliis habent, apud  
 Rabbinos sæpissimè mediis vocibus inse-  
 runtur, ad certiore ipsarum formam in-  
 dicandam, quæ absq; his aut esset obscurior,  
 aut ambigua, 1 sæpissime index est vel  
 Vocalis Kametzchatuph aut Kibbutz;  
 2 simplex index est sæpe Chirek brevis,  
 vel Tzere. Vav & Jod in media voce gemi-  
 nantur, ut indicetur, eas esse pro consonis  
 mobilibus legendas, sive per se, sive prop-  
 ter Dagesch: Sic Vav ab initio, interdum  
 geminatur, quando pro consona, & quidem  
 radicali, ponitur, ut sic distinguatur à Vav  
 copula. Usitatissimum etiam fuit Chalda-  
 cæ linguæ scriptoribus, 3 Affixum plura-  
 le, aut quodcunque antecedente Pathach;



geminare, vel ipsi præmittere literam נ Vocalis Pathach indicem; ut, אמרי Verba mea: ונא Innocens, pro, ונא &c. Sed hæc obiter. Pergamus ad generalia monita.

X. Diximus, eum qui vivo Præceptore est destitutus, mutos debere in auxilium vocare Præceptores, & primò quidem ea observare, quæ in Christianorum libris sine punctis scripta inveniuntur, & Latine redita. Ad hoc institutum accommodatissimæ sunt *Epistola Hebraica IOHANNIS BUXTORFII*, in quibus post quinquagenam punctatam, & Latine versam, quædam studio sunt relictæ ad hoc exercitium sine punctis, cum Latina tamen versione, & notis. Deinde indagandi & conquirendi sunt integri libri Rabbinici à Christianis editi, & Latine versi. Necesse enim est, ut incipiens primo ea intelligat, quæ vult legere; deinde ex intellectu & ex sensu rationem legendi eruat: aliàs frustra sudabit & ungues arroderet. Tales libri, quia non in omnium sunt notitiâ, haud abs re erit his quosdam nominare & notare:

*Iohannes Mercerus edidit Commentarios in quinque Prophetas minores; quibus adjunxit Commentarios R. Salomonis, Aben Esra; & Davidis Kimchii, Latine versos, Paris. in fol.*

*Simeon de Muis. Hebraar. literarum Professor*  
Re.

542 CASP. SCIOP. DIATRIBA,  
*Regius in Acad. Parisiensis, edidit Commentar.  
Hebraeo Latinos R. David Kimchii & R. Sa-  
lomon. Iarchii in Malachiã, Paris. 1618. in 4.*

*Idem ibidem edidit Psalmum CXII. cum  
Commentario R. D. Kimchii, in 4.*

*Idem, Latine vertit Commentar trium Rab-  
bin. Salomonis Iarchii, Aben Esra & D. Kim-  
chii in Ps. 119. Paris apud Ioan. Libert. 1610.*

*Itinerarium Benjaminis prodiit nuper cum  
Versione & notis, ex officina Elzeviriana.*

*Ionas Illustratus, per Paraphrasin Chaldaicam,  
Masoram magnam, & parvam; & per  
3. Praestantis. Sche'emonis Iarchi, Abrah. Aben  
Ezra, Davidis Kimchi, Textum Rabbin. pun-  
ctatũ per notas Philologicas, auth. Ioh. Leusden,  
Ling. Sanct. Prof. in Acad. Vltraj. prodiit Tra-  
jecti ad Rhenũ. apud Gisbertum à Zjyll 1656.*

Ejusmodi libros alios Tyro studii Rab-  
binici indagabit, & sibi comparabit; arque  
ex illis voces & locutiones Rabbinis pro-  
prias, studiosè annotabit & observabit.

XI. Horum adminiculorum usu confir-  
matus non nihil, sine cortice nare discet, &  
ad reliquos quoque Commentarios pro-  
prio Marte legendos & intelligendos ac-  
cedet, suasque in iis experietur vires. Re-  
quiritur autem hic attentissima diligentia,  
ut scopum & propositum, subjectamque  
materiam diligenter observemus, atque vi-  
deamus, quomodo singula eò accommo-  
dari

dari possint. Quod si etiam interdum hæreamus in vocabulo aliquo vel phrasi integrâ ; non statim ideò subsistendum ; sed pergendum , & videndum , num forte ex seqq. quæ iterum nobis sunt faciliora , præcedentium quoque sensum elicere queamus. Ita sæpe , quæ in primo accessu nobis videbuntur difficillima , in processu sponte suâ reddentur facillima & planissima.

XII. Ad totum autem hoc studium Rabbinicum promovendum , commoda quoque , & quæ ad manus sunt , subsidia sunt adhibenda , & in auxilium , in occurrentibus difficultatibus , vocanda.

XIII. Præter modum generalem loquendi , cum sermone & stylo Biblico conveniente , habent Rabbinii multa propria & peculiaris , atque à sermone Biblico diversa. Hæc itaque explicatione & declaratione indigent. Explicatio ista sic posset institui ; ut diversitas flexionis vocum singularum ad Etymologiæ præcepta , tum structura vocum conjunctarum ad Syntaxeos regulas , modosque examinaretur , ac linguæ Ebrææ præceptis in specie subjiceretur , ut sic universalis quædam institutio Grammatica , tam ad Biblicum , quàm Rabbinicum sermonem intelligendum , conformaretur. Aliquid hic conati sunt olim Munsterus , Angelus Caninius , & post hos

544 CASP. SCIOPI. DIATRIBA ,  
hos Gisbertus Genebrardus , Hebræarum  
literarum Professores quondam : sed accu-  
rator requiritur industria. Qui tamen ha-  
bere potest Genebrardi *Isagogen ad legenda  
& intelligenda Hebræorum sine punctis scri-  
pta*, edit. Parisiis apud Ægidium Gorbinum,  
anno 1587. non sine fructu eâ utetur. Ex-  
stat etiam in prima editione Thesauri  
Grammatici BUXTORFII *Instructio bre-  
vis ad Lektionem Rabbiniæ absque punctis  
vocalibus*. Qui diligens & studiosus fuerit ,  
is ipsemet sibi hæc talia poterit colligere ,  
& annotare. Ea quæ Rabbini ex Chaldaï-  
mo habent , ex Grammatica Chaldaica  
quoq; ( de qua suprâ ) peri possunt, in qua  
sparsim multi Rabbiniismi explicantur.

XIV. Deinde usurpant Rabbini in suis  
scriptis multas voces , quæ in Bibliis non  
exstant , sed ex populari ipsorum sermone  
petitæ sunt & desumptæ : multa etiam vo-  
cabula Chaldaica, aut locutiones integras,  
ad ejus linguæ Dialectos conformatas.  
Hic opus est speciali & sufficienti Lexico.  
Hac in re desudârunt olim Sebastianus  
Munsterus, David de Pomis Judæus in Ita-  
lia , Guido Fabricius in Opere Regio Hi-  
spanico, peculiari Tomo, qui Lexica qua-  
tuor continet , & recenter Valentinus  
Scindlerus in Lëxico Pentaglotto. Sed  
horum librorum exemplaria hodiè sunt



rarissima, ac præterea infinitos defectus & errores continent. Qui ergo his libris destitutus est, ei suaserim ut primo utatur Lexico Hebraico IOHANNIS BUXTORFII in 8. Ei enim ad finem adjectum est Lexicon breve Rabbinico-Philosophicum, communiora vocabula continens, quæ in Commentariis passim occurrunt, cum aliquot utilissimis Observationibus ad Rabbinicum studium spectantibus. Deinde comparet sibi, quamprimum prodierit, *Lexicon ejusdem Chaldaicum, Talmudicum & Rabbinicum*, de quo paulò post in Studio Talmudico.

XV. Tertiò creberrimi sunt Rabbinæ in Scriptura Sacra citanda. Id ita solent facere, ut nec Characterem varient, nec libros vel capita indicent; sæpe etiam nullâ præmissâ formulâ, lectorem de allegato loco monente. Hinc sæpe difficultates quoque & tenebræ. Hic necessariæ sunt Concordantiæ Hebraicæ, ad loca illa quærenda & investiganda. Prodierunt olim *Primò* omnium Concordantiæ Hebraicæ Venetiis, apud Danielelem Bombergum, an. Christi 1523. in fol. *Secundò*, Basileæ apud Ambrosium Frobenium, an. 1581. in fol. *Tertiò*, an. 1621. Romæ quoque prodierunt Novæ Concordantiæ Hebraicæ, cum interpretatione locorum Latinâ ad latus po:

546 CASP. SCIOP. DIATRIBA,  
positâ, Auctore R. P. Doct. F. Mario de  
Calasio, ord. Min. Observ. Prov. Roma-  
næ, Linguae Sanctæ Professore. *Quarid*,  
denique nuper editæ sunt Concordantiæ  
Hebrææ à JOHANNÉ BUXTORFIO  
Basileæ, anno 1632. Duarum priorum  
editionum exemplaria jamdudum sunt di-  
stracta: Romana editio pretii & molis est  
nimis grandis, ut non à quovis comparari  
possit; neque ad scholasticum usum ita sit  
accommodata: quatuor enim integros to-  
mos in folio conficit. Methodum præte-  
rea habet eandem cum duabus primis edi-  
tionibus. Per cætera opus splendidissi-  
mum, laboriosissimum & utilissimum. Ad  
Scholarum usum accommodatissimæ sunt  
IOHANNIS BUXTORFII *Concordantiæ*,  
*novâ & artificiosâ methodo dispositæ*, in locis  
*innumeris depravatis* (in prioribus nempe edi-  
tionibus) *emendatæ*, *deficientibus plurimis ex-*  
*pleta*, *Radibus antea confusis distinctæ*, &  
*significatione Vocum omnium Latinâ illustra-*  
*tæ*. Methodus earum tota est *πρὸς τὴν* & ar-  
tificialis, Radices secundum varietatem  
Conjugationum, Modorum, Temporum,  
Generum, Numerorum, Personarum, &c.  
cum Præfixis, Affixis, &c. pariter nomina  
secundum differentiam numerorum, &  
cæterorum accidentium, disposita: radi-  
cibus siue primitivis, omnia derivata or-  
di-

DE LING. EBR. ET CH. STUD. § 47  
dine & methodicè subjecta. Sic in Con-  
cordantiis his compendiosissimè , primò  
Locus quæsitus momento , & facillimo  
jucundissimoque labore invenitur . deinde  
Lexici Hebraici, omnibus vocibus flexili-  
bus completi, forma absoluta proponitur:  
denique Masora sive Critice perfecta,  
quoties, qua formâ, quo libro, cap. & ver-  
su unaquæque vox declinabilis in textu  
Hebræo invenitur , numeratò traditur.  
Accesserunt etiâ ad hanc editionem se-  
paratim, eademque methodo, Novæ Con-  
cordantiæ Chaldaicæ omnium vocum  
Chaldaicarum , quæ in Daniele & Esra  
continentur. Infinitum & inæstimabilem  
hic liber habet usum quoque in legendis  
& explicandis Bibliis Hebraicis, dum om-  
nia loca, in quibus unaquæque vox reperi-  
tur , conjunctim statim ad oculi intuitum  
conspiciuntur ; ita ut illorum etiâ , qui  
non adedè profundè in Rabbiorum scrip-  
ta penetrare cupiunt , nemo hoc libro , si-  
quidem tum habere possit , carere debeat,  
atque inter eos quoque sint censendi ; qui  
ad primum hujus Studii Hebraici gradum  
utiles sunt & necessarij.

XVI. Quartò usitatissimum est Rabbi-  
nis abbreviatè scribere, & voces plures, in  
certas literas contrahere, quas appellant  
*Rasche te vos*, Capita dictionum. Capita-  
les

548 CASP. SCIOP. DIATRIBA ,  
 les enim siue initiales vocum literæ su-  
 muntur, & conjunctæ, duobus apicibus  
 supernè notantur, ut inde constet, esse ab-  
 breviaturas: ut זכרוננו לחי העולם הבא  
 pro ולהרהר *Memoria ejus sit ad vitam seculi*  
*venturi.* Sine harum abbreviaturarum  
 cognitione nemo poterit in ipsorum scrip-  
 tis sine offensione progredi. Mediocrem  
 earum Catalogum recensuerunt Munste-  
 rus & Mercerus: sed omnium copiosissimè  
 JOHANNES BUXTORFIUS in pecu-  
 liari libello, quem scripsit *de Abbreviaturis*  
*Hebraicis*, edit. Balileæ apud Ludovi-  
 cum Kônig, in 8.

XVII. His in Rabbiorum scriptis a-  
 nimadversis, hisque subsidiis adhibitis,  
 planum expeditumque, meo judicio, erit  
 iter in vulgares Ebræorum scriptores, qua-  
 les sunt Commemoratores Biblici, Historici,  
 & Philosophi, & fontes Israël inter nos  
 Christianos quoque puram tanquam ma-  
 nabunt. Ad Philosophos, quorum stylus  
 pro materiæ varietate intricatior est & dif-  
 ficilior, magnum adminiculum adferet, si  
 quis legerit librum R. Mosi Majemoni-  
 dis, quem Hebraicè vocat *More Nevuchim*,  
 hoc est, Doctorem perplexorum, & cum  
 Hebræo, contulerit *Versionem Latinam*  
 IOHANNIS BUXTORFII, F. qua edita est  
 Basileæ, anno 1629. apud Ludovicum Kônig,  
 in 4.



## I V.

*De Studio Masorethico.*

I. **A** Studio Rabbinico, suadeo Linguæ Hebrææ Candidato, ut in Masoram quoque penetrare, ejusque legendi rationem addiscere studeat. Masora est doctrina critica, à priscis Hebræorum sapientibus, circa textum Hebræum Sacræ Scripturæ, ingeniosè inventa: quâ versus, voces, & literæ ejus numeratæ, omnisque ipsarum varietas notatâ, & suis locis cum singulorum versuum recitatione indicata est, ut sic constans & genuina ejus lectio conservaretur, & ab omni mutatione aut corruptione præservaretur & validè præmuni-  
retur.

II. Habent Masorethæ. in hac suâ arte stylum Chaldaicum, eumque valdè nervosum & concisum; habent peculiare terminos & vocabula, abbreviaturas & decurtationes vocum singulares: unde sine doctore & ductore commodo vix quisquam Masoram legere poterit ac intelligere. Quæ causa fuit cur hætenus paucissimi tam inter Judæos quàm Christianos reperti fuerint, qui ejus veram aliquam notitiam habuerunt.

III. Ex Hebræis unicus Elias Levita, genere Iudæus, gente Germanus superio-

550 CASP. SCIOP. DIATRIBA,  
riori seculo, suis hanc viam præivit, edito  
libro Masoreth Hammasoreth. Ejus exem-  
plaria, tam inter Judæos quàm Christianos  
rarissima hodie pares cultores habent.  
Inter Christianos eo etiam rarior, quod  
latinè nunquam liber iste sit conversus.

IV. Ex Christianis unicus quoque est  
JOHANNES BUXTORFIUS, qui ar-  
tem hanc Christianis aperuit, & omnia  
ejus mysteria pandit & revelavit. De hac  
materia agit liber ipsius, cujus titulus:  
*Tiberias sive Commentarius Masorethicus*  
*triplex, Historicus, Didacticus, Criticus; quo*  
*primum historia Masoretharum Tiberien-*  
*sium, sive, à quibus Masora conscripta sit, ex-*  
*cucitur: quid item tractet, quæ ejus methodus,*  
*& quo sine inventa sit, amplè explicatur: Se-*  
*cundò, Clavis Masoræ traditur, per quam ad*  
*maxima & minima Masoræ penitiùs cognos-*  
*cenda, facillimus datur aditus. Tertiò Casti-*  
*gationes innumerorum mendorum per univer-*  
*sam Masoram proponuntur.* Bas. apud Ludo-  
vic. König, in folio.

V. Si itaque historiam Masoræ, ejus-  
que, ut compendio dicam, causam Effi-  
cientem, Materialem, Formalem & Fina-  
lem novisse cupis, primam dicti commen-  
tarii consule partem. Si rationem eam le-  
gendi, voces ejus decurratas, abbreviadas,  
vocabula denique Masorethis peculiaris  
&

& propria cupis intelligere, secundam ad partem, & Clavem Masorethicam adhibe, quæ hæc omnia tibi perspicuè & methodicè explicabit, aditumque à primis ad intimam & magis abstrusam Masoræ penitus cognoscenda, facillimum & planissimum referabit. Si modum exercendi & praxeos scire cupis, invenies sub finem dictæ Clavis, Analyticam Masoræ magnæ & parvæ in primum caput Geneseos explicationem, unde ad eam discendam ceu manuducaris.

VI. Exstat autem Masora hæc tantum in Bibliis Venetis majoribus, à Daniele Bombergò olim excusis, & in editione Basilienfi BUXTORFII; quæ idèò Venetis præferenda, quòd in ea loca innumera Masoræ in Veneris editionibus transposita, deficientia, pugnantia, numeris depravata, subsidio diversorum exemplarium & Concordantiarum Hebraicarum, reposita, restituta & conciliata sint, ut ex tertia dicti commentarii Masorethici parte, critica videlicet videre est.

VII. Ad hoc studium, Concordantiarum Ebraicarum inevitabilis est necessitas. Nam quando Masorethæ loca Scripturæ numerant & adducunt, nullius libri mentionem faciunt, sed verba duntaxat recensent. Atque hic inprimis Buxtorfianarum

Con-

Concordantiarum usus & utilitas elucescit, ubi formæ singulæ, more Masoretharum, accuratissime sunt distinctæ, ejusdem formæ vocabula sub uno titulo & tabella comprehensa & repræsentata; unde labor loci inquirendi compendiosissimus & jucundissimus.

VIII. Hoc studium quamvis initio videatur difficillimum, intra paucissimarum ramen septimanarum spatium, adhibito commentario hoc Masorethico & Concordantiis, absolvi poterit.

## V.

*De Studio Talmudico.*

I. **S**Tudium Talmudicum ultimum esse jubeo, quia omnium est difficillimum. In Talmud enim omnes Hebrææ & Chaldææ linguæ dialecti, quasi in Oceano immenso, concurrunt, infinita vocabula & loquendi modi, nul libi alias occurrentes, rerum subtilitas & difficultas maxima. Unde qui ad lectionem Talmudis, & ejus ætatis scriptorum, vult accedere, bene instructus & præparatus accedat, necesse est.

II. Quid Talmud sit, quidque in eo contineatur, non est necesse hîc commemorare. Adeat, qui hoc nosse vult, *Operis Talmudici recensio* nem, quam IOHANNES BVXTORFIVS adjecit ad *Tractatum de abbreviaturis Hebraicis*. Ibi enim non

*sum*



DE LING. EBR. ET CH. STUD. 553  
tantum in genere exponit, quid sit Talmud Judæorum, quæque illius apud recutitam gentem auctoritas: sed & omnes libros & capita Talmudica, cum singulorum argumentis, recenset. Hujus generis & styli libri, sunt quoque Zohar, Mechilia, Rabbos, qui vel circa tempora Christi sunt conscripti, vel non ità diu post, dum adhuc lingua Chaldæa, sed corruptissima Judæis erat vernacula.

III. Talmudis editiones exstant tres: *Prima* excusa est Venetiis à Daniele Bomburgo, chartâ elegantissimâ, & characteribus nitidissimis: *Secunda* prodiit Basileæ, ab Ambrosio Frobenio, anno 1588. In hac editione exsecta sunt operâ Marci Marini ea, quæ contra Christum & Christianos erant dicta, & hujus rei causâ quoque integer omissus Tractatus, qui *Avoda Sara* appellatur, hoc est, *De Idololatria*. Econtra habet hæc editio hoc præ editione Veneta, quod libri & capita locorum Scripturæ, in Talmud allegatorum, in margine sunt adscripta; quod magnum præstat in legendo compendium. Quod si etiam locus idem vel materia eadem, in Talmud alibi quoq; exstet, loca illa parallela iterum ad marginem sunt apposita. *Tertia* prodiit Cracoviæ, ante non ita multos annos. In hac editio-

554 CASP. SCIOP. DIATRIBA,  
ne sunt restituta ea, quæ in Basiliensi exemplari expuncta.

IV. Talmud duplex est, Hierosolymitanum & Babylonicum, illud collegit. R. Iochanan, Anno Christi 230. Editum est Cracoviæ. Alterum est Babylonicum, quod colligere cœpit Raf Assê, Anno Christi 367. & laboravit in eo per annos sexaginta. Ipsi successit Maremar, Anno 427. & tandem à R. Avina absolutum Anno Christi 500.

V. Dividitur utrumq; Talmud in Mischnam & Gemaram. Mishna constat ferè Dialecto Hebræa: Gemara autem Dialecto Chaldæâ impurissimâ, cui infinita vocabula peregrina, Græca, Arabica, Persica, Latina, &c. sunt immixta; ob Judæorum inter has gentes deportationes, & exilia, à quibus singulis aliquid retinuerunt, & linguæ suæ admiscuerunt.

VI. Hujus studii duæ præcipuæ sunt difficultates: *primò* Dialecti linguæ peculiare; *deinde*, Voces & phrasæ Talmudicis propriæ quàmplurimæ. Utrique commodis remediis est obveniendum.

VII. Prima difficultas tollitur explicatione Dialectorum & idiotismorum Talmudicis priorum, quod pertinet ad Grammaticam. Pauci autem ex Christianis hætenus hîc aliquid præstiterunt;  
quia

quia pauci fuerunt, qui cum iudicio & intellectu Talmud Judæorum legere potuerunt. Aliquid hic quoque præstitum est in Grammatica Chaldaica JOHANNIS BUXTORFII, in qua passim dialectus Talmudica per Erymologiam & Syntaxin inserta: sub finem etiam in tertia parte, quæ praxin continet, exemplis ex utroque Talmud, libro Zohar, & aliis, illustrata. Sed & hæc ampliùs augeri, & plenius deduci possent.

VIII. Alteri difficultati medebitur Lexicon, quod omnia vocabula & loquendi modos continet, Talmudicis usitatos. Hoc quidem aliqui hætenus tentârunt, Münsterus, David de Pomis, Guido Fabricius, & Valentinus Scindlerus, suprâ quoque à nobis citati, sed nequaquam sufficienter, infinita prætermiserunt, & posterorum diligentiaë reliquerunt, quam plurima malè explicarunt: voces exemplis nullis illustrarunt, qui non exiguus est defectus. Nam exemplis voces illustrant, & vox una eademque in diversis phrasibus adhibita variam quoque sæpe habet vim & significationem. Omnibus his succurrere conatus est iterum IOHANNES BUXTORFIVS in *Lexico Chaldaico, Talmudico & Rabbinico*, quod in trigessimum usque annum pressum, nunc in lu-

556 CASP. SCIOP. DIATRIBA ,  
cēm prodir. In eo cæterorum Lexico-  
graphorum defectus abundantissimè sup-  
plentur , errores corriguntur , maculæ  
eluantur , locutiones & phrasæ Talmu-  
dicæ apponuntur , & exemplis selectissi-  
mis illustrantur , elegantes sententiæ &  
adagia passim inseruntur , historiæ & ritus  
vereres multi , è Rabbīnorum tenebris &  
larebris in lucem producuntur, atq; ex his  
omnibus ad usum hujus studii demonstrā-  
dum passim Sacrorum Scriptorū & alio-  
rum authorum loca quamplurima decla-  
rantur, illustrantur, emendantur, omniaq;  
ea copiosè explicantur , quæ ad studium  
hocce scitu necessaria , & utilia videntur.  
Quinimo propter magnam exemplorum  
copiam , eorumque dilucidam interpreta-  
tionem & expositionem , ea omnia hoc  
Lexicon supplebit , quæ in Grammaticis  
desiderantur & deficiunt. Sine hoc guber-  
natore nemo unquam feliciter vasto illi  
mari Talmudico se committet. Nequa-  
quam enim ad secretiora hæc Hebræorum  
scripta legenda sufficit , Vocabulorum  
duntaxat notitiam habere ; multarum  
præterea rerum , historiarum, fabularum,  
dogmatum, rituum, consuetudinum & si-  
milium peritia requiritur, quæ in hoc uno  
libro , velut in Cornucopiæ ditissimo, re-  
periuntur , & una cum ipsis vocabulorum



DE LING. EBR. ET CH. STUD. 557  
explicationibus proponuntur, annotatis  
ubique librorum, unde singula petita &  
desumpta sunt, nominibus, foliis & colum-  
nis, immenso & incredibili laboris exem-  
plo. Quanto autem majoris laboris, tem-  
porisque longioris fuit, ista congerere &  
comportare, tantò minoris laboris & tæ-  
dii erit in posterum ea addiscere, & usibus  
accommodare.

IX. Præter hæc generalia instrumenta,  
utile & è re erit, ut suprà in vulgari Rabbi-  
nismo monuimus, specialia quoque si quæ  
ad manus sunt, adhibere: qualia sunt ea,  
quæ à Christianis è Talmude in linguâ La-  
tinam sunt translata, Atque ab his, si quis  
italia nancisci poterit, initium hujus studii  
poterit facere, maximè, si vivo præceptore  
sit destitutus. Ita *Constantinus l'Empereur*  
*edidit Talmudis Babylonici Codicē Middorh,*  
*sive, de Mensuris Templi, una cum versione la-*  
*tina & notis, Lugd. Batav. apud Elzevirios,*  
*an. 1630.* Sic prodierunt *Amsterdami,* a-  
pud *Joh. Janssonium, an. 1629. Duo Tituli*  
*Talmudici Sanhedrin & Maceoth: quorum*  
*ille agit de Synedriis, Iudiciis suppliciis capitali-*  
*bus Hebræorum: Hic de pœna falsi testimonii,*  
*exsilio & asylis, flagellatione.* Et hoc ipso tem-  
pore, ni fallor, prodierunt, vel prodibunt  
proxime, quidam alii similes tractatus  
*Lugd. Batav. à Constantino l'Empereur.*

Exstat quoque caput ultimum Tractatus Sanhedrin, quod vocatur *Chelek*, Germanicè versum à Christiano Gerson, Judæo-Christiano. Arque hujus generis, si qui alii exstent, cultor hujus studii sedulus diligenter indagabit & comparabit. Magno enim cum fructu & successu versiones istas cum originali linguâ conferet.

X. Quia verò ad hujus studii majorum perfectionem consequendam, jam ipsi Hebræi quoque sunt consulendi, qui etiam peculiare libros scripserunt ad Talmudis intelligentiam, proderit & horum librorum notitiam aliquam habere. Talis est ספר הליכות עולם *Sepher halichos olam*, quem recenter Latinè vertit Constantinus l'Empereur, Lugd. Baravor. cum titulo, *Clavis Talmudica*. Exstant & alii. Cum verò nimis prolixum foret hic omnes commemorare, brevitatis causâ remitto eum, qui hos & alios libros Hebræorum scire cupit, & copiam eorum sibi comparare, ad *Bibliothecam Rabbinicam IOHANNIS BVXTORFII*. in qua libri Rabbinici quotcunque tum indagari potuerunt, ordine alphabethico in aciem sunt dispositi cum singulorum argumentis, & locis impressionis. Edita est autem hæc Bibliotheca Basil. unâ cum abbreviaturis ejusdem.

XI. Permulum etiâ juvat hoc studium,

cognitio Rituum Judaicorum. Rebus enim præcognitis, tanto facilius quoque evadit verborum sensus & intellectus. Hinc & istiusmodi libri sunt comparandi, qui res Judæorum Ecclesiasticas, Politicas, & OEconomicas tractant. Tales sunt, *Caroli Sigonii de Republica Hebræorum*: *Cornelii Bertrami liber de Politia Iudaica tam Civili quàm Ecclesiastica*: *Petri Cunai de Republica Hebræorum*, Lug. Batav. an. 1617. *IOHANNIS BUXTORFII Synagoga Iudaica*, qua tota fides Judaica, cum omnibus ipsorum ceremoniis, ritibus, statutis, &c. absolutissimè describuntur. Hæc edita est germanicè Basileæ: & latinè Hanoviae. His adde eos auctores, qui contra Judæos, ex ipsorummet libris, scripserunt & disputarunt, ut est *Petrus Galatinus de Arcanis Catholicae veritatis*: quamvis hic omnia sua, (suppresso tamen nomine) desumserit ex libro *Martini Raymundi*, quem vocat, *Pugionem Christianorum, ad impiorum maximè Iudæorum perfidiam jugulandam*, qui auctor ante 400. circiter annos vixit. Ejus libri exemplar manuscriptum existat apud Buxtorfium Basileæ. In his & similibus libris multa etiam ex Talmud & aliis libris passim citantur, & latinè verruntur, quæ Hebraismi studiosus in suum usum potest convertere.

*De Stylo.*

I. **V**erbum addam etiam de ratione & modo stylum formandi & exercendi. Quæ enim præcesserunt, ea consistunt in Analyti & lectione auctorum Hebraicorum. Ex iis Genesis, hoc est, novi operis scriptio est petenda, & ad illorum normam confirmanda.

II. Stylus ab Hebræis is maximè commendatur, qui quàm proximè ad puritatem linguæ primævæ accedit. Hæc autem, cùm in solis libris Sacris permanferit; ideo ii quoq; doctissimi in stylo-judicantur, qui ad imitationem locutionum Sacrarum sermonem suum formant, atq; adeò locutiones ejusmodi artificiosè ad suum propositum & res familiares applicare norunt.

III. Prout autem oratio est vel soluta sive prosa, & ligata; ita qui hîc vult excellere, anniti debet, ut in utroque aliquid præstare queat.

IV. Solutæ orationis modi docentur in Syntaxi: elegantia autem & nitor discendus ex bonis auctoribus. Hujus styli usus hodie potissimum est in scribendis epistolis Hebraicis. Quodnam autem Hebræorum in conscribendis Epistolis familiaribus & eruditis sit artificium, quomodo illæ formandæ, quis stylus observandus, nemo inter Christianos hodie ostendit præter



JOHANNEM BUXTORFIUM. Qui itaq; id novisse cupit, legat libellum ejus, cujus titulus; *Institutio epistolaris Hebraica, sive, De conscribendis epistolis Hebraicis liber, cum epistolarum Hebraicarum centuria, ex quibus quinquaginta punctata, latinè explicata, & notis illustrata sunt: Accessit appendix variarum Epistolarum R. Majemonidis & aliorum ejus seculi excellentium Rabbiorum, Bas. apud Ludovicum König.*

V. Ligatæ orationis partes sunt duæ, *Metrum & Rhythmus*. *Metrum* est, quod vel certum syllabarum numerû tantum, vel certæ mensuræ pedes, certis locis collocatos, simul cōrinet. *Rhythmus* est numerus poëticus, certum syllabarum numerum, certis clausulis terminatû, continens. Hujus ligatæ orationis artificium & elegantiam apud Hebræos qui novisse cupit, adeat & hîc IOHANNIS BUXTORFII *Tract. de Prosodia Hebr. qui Thesauro ejus Grammat. est adjunctus.*

VI. Post hos, si quis linguæ Hebraicæ in scribendo nitorem, elegantiam, puritatem, & splendorem videre & imitari ulterius cupit, legat *Hakdamos*, id est, Præfationes librorum Judaicorum. In iis enim quisq; author eloquætiæ suæ vim ostentat, & omnimodum culturû orationis studiosissimè sectatur. Sed & ab his virtutibus insigniter præ aliis omnibus commendatur

562 C. SC. DIAT. DE LEB. ET CH. ST.  
liber qui vocatur בחינת עולם *Bechinath  
olam*, qui cum illustri commentario est edi-  
tus, & de vanitate mundi agit; Hunc Ju-  
dæi legunt, quotquot eloquentiam am-  
biunt. Ab hac virtute laudatur & liber  
משל הקדמוני *Meschal Hakkadmoni*, ad vim,  
virtutem, usum & elegantiam linguæ He-  
brææ ostendendam, præcipuè conscriptis.  
Ex his utile erit, elegantes phrasas excer-  
pere, & in locos communes redigere, ut,  
cùm usus ipsorū est, inde depromi possint.

VII. Sed sufficiant ista quoq; in genere de  
stylo Hebraico. Potuissent quidem singula  
fufius explicari, & exemplis etiam illustra-  
ri. Sed propositi nostri hac vice duntaxat  
fuit; Generalem *συναγωγίαν* & delineatio-  
nē hujus studii proponere, & instrumenta  
necessaria indicare. Hoc consilio & his in-  
strumentis qui usus fuerit, is brevi tempo-  
ris spatio haud pœnitendos fructus repor-  
tabit. Vidi, qui hac methodo intra verren-  
tem annum mediocria fundamenta in om-  
nibus sex hujus Studii partibus jecerunt, &  
eoufq; sunt progressi, ut proprio Marte ul-  
terius progredi, seq; ipsos, adhibitis subfi-  
diis, commodè juvare potuerint. Si præter  
indicatos in hoc consilio autores, alii sint  
vel æquè commodi, vel cōmodiores, qui ad  
meā fortè notitiā non devenerunt, eos qui-  
libet istis adjicere & conjungere poterit.

*Deo Gloria!*

H E N.

HENRICI MOREELSE JC<sup>ti</sup>.  
DISSERTATIO.

DE  
MANUDUCTIONE  
STUDIOSI JURIS

Per Academiam ad Rempublicam.

QUA

*Postquam in supremam Provincia Trajectina  
Curiam conscriptus esset, Professionem juris  
in Academia ibidem deposuit.*



Nnus ad finem properat de-  
cimus, Auditores, cum ex  
Duodecimviratu Urbano ad  
professionem Academicam  
ab amplissimo urbis Magi-  
stratu, paribus votis, evocatus sum: quo  
tempore, inaugurali ex hoc loco præmissa  
dissertatione, De Jurisprudentiæ Romanæ  
usu hodierno, deinceps studiosam juvenitu-  
tem in ipsa artis nostræ penetralia, qua po-  
teram plana & perspicua via, manu ducere,  
omnibus ingenii viribus contendere. Quo  
in negotio dum totus sum, placuit Illu-  
stribus & Præpotentibus Provinciæ Tra-  
jectinæ Ordinibus, pro benigno, quo me,  
studiaque mea prosequuti sunt, iudicio, in

supremam Provinciæ Curiam , unanimi suffragio , me conscribere. Quam ob causam , petita & impetrata à Senatu Urbano missione , officii mei esse existimavi , quo modo Professorium suscepi munus, eodem deponere : ut publice contestarer , me stationem mihi concreditam non deserere , sed jussu Imperatoris evocatum, eam cum alia, justitiæ utique ministerio devota propius, legitime commutare. Imitaturus igitur diicedentium morem , quo donativum aliquod consignare iis solent , quibus impense favent , in gratæ memoriæ & benevolentiae refferam : eodem erga vos officio , nobilissimi & præstantissimi juvenes, qui undique in hanc Academiam ad capiendum ingenii cultum concessistis, in præsentiarum defungi proposui : diserraturus de Manuductione Themidi sacratæ juventutis , per Academiam , ad Rempublicam. Confidens non ingrati eorum auribus futuram, quibus egregia flamma in pectore crescit , ut legitimo opere perfecto , rempublicam, in partibus ejus sibi credendis, recte possint gubernare; gloriamque ac famam & merita optimorum jurisconsultorum , in omni historia , antiqua , media , & hodierna , præclaris radiantia elogiis , aut æquare aut superare. Formare igitur instituens jurisconsultum

ideam



ideam ejus præmitto, & describo: Virum bonum, studiis humanitatis primo edomitum, dein sacri, publici, & privati juris peritia instructum; qui consilio, oratione, & stylo, justum ab injusto separando, æquum ab iniquo discernendo, Dei, populi, & privatorum jura, facta recta rueri, lapsa erigere, & fatigata possit reparare; qui quamcunque in republica politicam aut juridicam sortietur personam, eam decore sustinere, & ad publicam omnium, ac privatam singulorum salutem & tranquillitatem dirigere possit & velit. Neutiquam illi mihi jurisconsulti sunt, qui vix rude triviali donati, & humaniorum disciplinarum præsidis destituti, nil nisi cauponariam intendentes causidicinam, privati juris scita perfunctorie degustant, crudaque & immatura studia in forum propellentes, iras & verba locant, multiplicandis & intricandis potius, quam diluendis litibus: adeo ut quibus mercenarii hi rabulæ jurisconsulti cluent, iis vera rerum vocabula excidisse, Catoniana indignatione, liceat exclamare. Verissime namque elogio Tulliano, non scientia juris, sed ignoratio litigiosa est. Præmisi hanc descriptionem, ut in ipso limine monerem studiosum, ad quem finem cursus juridicus dirigendus sit, qui scopuli

evi-

evitandi; neque animum huc conferendum esse rixosum, procacem, & vaftrum; sed ad honestatem, justitiam, & pietatem compositum. Deinde ut, pulcherrimo & honestissimo proposito fine, flagrantem in animis discentium instillem amorem, quo alatur, & generoso impetu excitetur industria & alacritas; tædiaque & difficultates, quæ in studiorum tractu mystas subinde oppugnare solent, & sine amoris validissimo incétivo sæpe expugnare, per-  
tinaci labore & perseverantia superentur. Hac studioso nostro, in matriculam Aca-  
demix recepto, proposita meta, paulisper eum in ipso vestibulo adhuc morari placet, & serio monere, ne absque decenti præparatione jurisprudentix sanum ingrediatur. Sed in iis disciplinis, quibus eff-  
ferati hominum animi, & agrestes mores, cicurantur & emolliuntur, politiorique litteratura, historiis, philosophia, atque arte imprimis oratoria guaviter sese exercendo, ad omne decorum & honestum sese formet & firmet: animum, ad universalem justitiam in omnibus vitæ actionibus cum omni prudentia & mansuetudine ex-  
erendam; affectus ad rectæ rationis dictamen flexibiles & obsequentes; mores ad decoram elegantiam & civilitatem; vul-  
tum ad modestiam cum hilaritate & v-  
state

state temperatam ; Sermonem ad vere-  
 cundam paritelliam & gratiosum acu-  
 men ; stylum ad nitorem, ubertatem, &  
 perspicuitatem ; totum corporis statum  
 & cultum, ad omnem condecenciam & in-  
 genuam gravitatem ; conversationem ad  
 benignam comitatem, probitatem & affa-  
 bilitatem : cuncta sub obedientia veritatis  
 Christianæ. Præcipua jurisprudentiæ fu-  
 tura & ornamenta, & adjumenta ad quæ-  
 libet negotia, intus ac foris ; feliciter &  
 honorifice tractanda & pertractanda : sive  
 causa in foro dicenda, vel in judicio venti-  
 landa & decidenda sit ; sive in politico  
 confessu bonum reipub. suadendum, ma-  
 lum dissuadendum sit ; sive finitimæ aut  
 exteræ nationes fœderibus devinciendæ,  
 concepta odia placanda sint. Quod ta-  
 men de philosophiæ studio monui, id cum  
 Enniano philosopho paucis fieri velim, ut  
 ea, tanquam instrumentali veritatis inda-  
 gandæ arte, per rectam mentis ratiocina-  
 tionem, ad veram sapientiam aditus juven-  
 ruti pandatur : neutiquam ut, quod proh  
 dolor ! fieri quandoque solet, versatili lu-  
 dificationum calliditate ab ea abducatur.  
 Satis enim naturæ nostræ depravatio à ju-  
 stitia & veritate aversa est, ut omni arte &  
 studio à deceptionibus & fallaciis diver-  
 tenda, non meandris & gryphis sophisticis  
 ad-

568 HENR. MOREELSE DISS.  
adjuvanda sit. Multum itaque ac diu philosophicis implicari disputationibus, magnam partem circa terminorum & logicarum tricas occupatis, toto ut dissuadeam animo, magnos auctores habeo. Nam, uti inani ac seductrice illa philosophia (quam à vera sejungo) depravandam Dei cognitionem & cultum, prophetico spiritu, prævidit gentium Apostolus, maximoque suo malo per Scholasticos doctores experta est Christi Ecclesia: adeo ut infelici plane rerum & Christianismi sorte theologis sophistis non solum inferiores, sed & despectui habiti sint theologi biblici & scripturarii. ( Quod vitium ne in ipsam quandoque reformationem ostensionali eruditionis intemperantia prorep-  
pat, omnibus bonis summo opere annitendum est ) Ita consimiliter eandem subiisse tempestatem proximam Theologiæ Jurisprudentiæ, jure meritoque cōqueritur pragmaticorum interpretum princeps, & fori Gallici decus & ornamentum, Carolus Molinæus. Atque ut Jurisconsulti id emendarent, jam suo ævo optavit & hortatus est qui literatorum errores, & personatas, sub specie reconditæ eruditionis, imposturas vidit, pervidit, & bono publico detexit, splendidum Belgii fidus Desiderius Erasmus. Nec præterire quoque possum,  
quin



quin in arte quam suasi oratoria, rei optimæ usui saluberrimo pessimum summatim opponam abusum. Id velim omni studio intendant mystra noster, ut gravi & perspicua oratione, quæque naturali ac decora pulchritudine exsurgat, & verecunda venustate, rem tractandam, veris, non fucatis depingat coloribus, bonum & æquum suadere, malum & iniquum dissuadere addiscat: eoque velut, dulci Musarum cantu, facilem & proum in veritatem & iustitiam assensum ab omnibus impetrare. Illud vero vatiniano excretur odio, ut unquam mellitis verborum globulis, dictisque quasi papaveris & sesamo sparsis, velut fascinantibus Sirenum vocibus, non mulceat solum aures, sed & decipiat: ut unquam insidiosa, turgida, ac inani loquacitate, de malo prædicando bonum, & de bono malum; tenebras pro luce, & lucem pro tenebris statuendo, veritatem & iustitiam & semet prodere ac perdere attentet. Frequenter enim in hac palæstra vitia induere personam virtutis; falsitas veritatis simulachrum amat repræsentare, ac imitamentis simpliciores & incautos ludificare.

De Theologiæ studio pudor est dubitare Christianum, quin cum omni arte & disciplina, non in cursu solum Aca-

de-

demico, sed omni tempore vitæ sit conjugendum. Quærentibus primum regnum Dei cætera adjicere promisit Servator: & timorem Domini initium esse sapientiæ, jam à tenella & balbutiente ætate didicimus. Indignum itaque quolibet viro literato,, in Dei cognitione non supra vulgus sapere. Indignissimum futuro jurisconsulto, quippe custodiæ utriusque divinæ legis tabulæ præficiendo, quemque reipublicæ admodum Ecclesiæ nutritium esse voluit Deus. Nunc ita præcultum & præmonitum juvenem ad sacra Themidis meritissimò admitto, tradens ipsi in manus institutionum Imperatoriarum libellum, jugi atque assidua lectione versandum, à quo tyrocinio prolixiores amoveo commentatores, notulas breviusculas admitto, imo commendo, inter quas sane perquam succinctæ, & simul nitidæ sunt, quibus Arnoldus Vinnius libellum adornavit. Nec minus tyroni meo commendo, ut, ductore Julio Pacio, singulos paragraphos analytice assuecat resolvere: huic enim resolvendi arti & consuetudini, ita velim, imo pervelim, assue fieri studiosum, ut omnium, quæ in ulteriore studii, imo vitæ literatæ curriculo iecturus vel auditurus est, statim, sponte sua, analysis aliqua animo judicio obver-

se-

setur, magno futura adjumento in rebus, inopinato sæpe in foro ac curiis emergentibus, promptè, ordinatè & perspicuè tractandis, intelligendis, resurandis; prudenti tamen artis adhibita occultatione, ne pedantissimum, ut loquuntur, redeat.

Sub hoc initium utiliter puto subsicivum aliquod destinabitur tempus, titulis de Verborum significatione, & de Regulis juris ediscendis, sumptis diebus singulis binis aut ternis legibus, pro captu & memoria cujusque, continuandum, donec singularum definitio & sententia memoriæ inhæreat.

Institutionibus in luccum & sanguinem conversis, ad Pandectas, Codicem & Novellas Constitutiones studiosum meum deduco; conjungo hosce libros, quia non ordine successivo hic procedi placet, ne frustraneum impendat laborem, addiscendo in prioribus libris, quod in posterioribus ediscendum sit: sed consonantes materias, & parallelos titulos simul velim tractari, præcedaneo ductu aut Cujacii, aut Pacii, Azonis, Wesembecii, Perezii, nostratis Zoessii aliorumve, qui methodica partitione, summas materiarum, & titulorum paratitla elucubrarunt: in hisce enim libris, quia rubricis subjectæ leges, non ordinate dispositæ, sed tumultuarie congestæ

stæ sunt, non ab ipso textu; uti in Institutionibus initium faciendum censeo. Atque in hoc curriculo nolo studiosum meum jure controverso, & quæstionum altercariis multum involvi, aut per multos auctores vagari, sed uni aut alteri ex probatioribus, velut glebæ adscriptum, credula cura, & sedula diligentia, immorari desidero: ut eorum manuductione investiger, memoriæque infigat omnium juris materialium fundamenta, definitiones, divisiones, proprietates, requisita: hætenus enim Platonium illud mihi placer. Tantum quemque scire, quantum memoria tenet. Hac synoptica totius juris cognitione, postquam imbutus erit discipulus meus, accuratam prædictorum exigere repetitionem, junctis quotidianis præcipuarum materialium quæstionibus & controversiis. In qua studiorum periodo mystæ meo, paucis huc usque adscripto auctoribus, libertatem concedo per quoscunque bonos auctores exspatiandi, ut ex iis optima atque exquisita quæque excerpant, & in locos communes referant. Horum enim omnino hoc tempore initium fieri desidero, facta dispositione, pro cujusque libitu, vel artificiosa methodo, vel inartificiosa alphabeti serie, quæ mihi novis subinde titulis adjiciendis accommodatior vide-

de-



detur: opus toto studiorum, imo vitæ tempore sine intermissione continuandum, futurumq; & penuarium & promptuarium, unde totius vitæ peracti labores depromi, & rerum occurrentium actibus feliciter possint impendi. Fræna quoque hic laxo privati studii, crebrasq; cum professoribus, creberrimas cum commilitonibus, publice privatimque velim institui collationes, disputationes, dissertationes: nunc opponentis, nunc defendentis, nunc arbitrii, nunc discentis, nunc docentis partibus fungendo. Quibus sine exercitiis, quantumlibet secreta cuiquam contulerint studia, quantumlibet museo per diu & pernox quis immoratus, & tantum non immortuus fuerit; minime tamen sedulitate ista satis se firmatû & instructum ad capeffenda fori & rei publicæ negotia deprehendet. Quîq; inter muros circumstantes magistros, velut ex tripode oracula pronunciare posset, eidem, in rebus, publico in cœtu, peragendis, circumstrepente populo, intentroq; ora tenente, vox faucibus sæpe hærebit: animoq; ac corpore tremulus ita quandoque obstupescet, ut, velut Terentiano Chremeti, exequias illi ire tempus esse videatur. Adeo ut huic duorum alterum sæpe eveniat, ut vel ad segne otium, lucifuga, deflectat, magnifico, scilicet,

cet, eruditionis nomine velandum; vel, cum magno labore, tergiversante pudore minime ingenuo, atque obstrepente continuo dissidentia, ad studia patriæ & concivibus impendenda serius perducatur.

Sectetur autem mysta noster, in omnibus studiorum publicis privatisque speciminibus & exercitiis, veras & solidas justî atque injusti rationes & discrimina; argutas vero ineptias, & vanas subtilitates, formulas umbraticas atque logomachias, velut evanida falsæ ac fictitiæ eruditionis ludibria, fugiat & aversetur. Sapientes existimans, cum Isocrate, non eos, qui de rebus minutis curiose rixantur, sed qui de maximis rebus egregie dicunt. Assuescat ex Connani monito quæcunque in jure civili leger, non ad quandam subtilitatem artis, sed ad naturæ bonitatem dirigere: ut ad eam rectis contendat studiis, quam legum institutorumque omnium finem postremum sibi proposuerit.

Adjicio porro juris Canonici per decretalium paratitla summariam repetitionem, junctis eorum lucubrationibus, qui utriusque juris differentias compilarunt; qui in hoc jure æque ac in ejus conditore, multa ab Euangelica veritate devortia animadverterunt. Nec enim episcopo Christiano legislationem politicam, sed dif-

dispensationem myſteriorum & gratiæ Dei concreditam legimus ; non dominatum in Eccleſiam Chriſti , aut imperium , ſed miniſterium injunctum non utroque accinctum gladio , ſed ſolo ſpirituali , id eſt. verbo Dei vivo & efficaci , ac quovis enſe ancipiti acutiori , quod penetrat uſque ad diſſectionem animæ & ſpiritus , compagumque & medullarum ; & judex eſt cogitationum conſiliorumq; cordis. Tempeſtivum quoq; hic puto indagare, quibus in juris articulis, moribus hodiernis, à Quiritium jure reſeſſum ſit ; quid abrogatum ; quid ſubſtitutum ; ſummaria tamen & generali cognitione , quàm compendio ſuppeditabunt juris cujuſque patrii epitomatores : veluti inter Belgas Grotius, Groenewegius, Gudelinus, Zypæus ; inter Gallos Imbertus, Bugnonius, Fonſius, Baro ; inter Germanos, Schneidewinus, Fachſius, Schultzius & ſiqui ſunt ſimiles. Idque ne ſine hoc ſubſidio in forum productus doctorandus noſter in alium terrarum orbem ſe tranſlatum putet : utque ea præparatoria diſpoſitione imbutus, ex Imperatoris placito omnia porro apertius & perfectius, à quotidiano judiciorum uſu, & fori diſputatione , in ipſis rerum documentis cognoſcere queat. Veriſſime enim Quintilianus :

Quan-

Quantumlibet, inquit, secreta studia contulerint, est tamen proprius quidam fori profectus, alia lux, alia veri discriminis facies. Hoc tertio studii legalis cursu absoluto, confestim, sine ulteriori cunctatione, mystam meum doctorali laurea insigniri, & in forum produci desidero. Discipulicent qui hic obrentu maturioris studii, aut obfirmatoris frontis, commorari suadent. Sæpius videas in iis, qui hic cunctantur, languescere imperum, & studia retro sublapsa referri: Forensis vero studii novitate, novas vires, novam accipere alacritatem. Et aut honoris, aut messis aureæ exspectatione (quæ Stratoclis & Dromoclidis apud Græcos mutua fuit invitatio) de integro vehementer exstimulari. Minime tamen est, quod quis existimet, me cuiquam hic auctorem esse præpropere distringendi immaturam frontem: quò fundamenta jaciantur impudentiæ, & quod ubique est perniciosissimum, præveniat vires fiducia. Sed fructum studiorum viridem, & adhuc dulcem promi volo, dum & venia, & spes est, audere non dedecet, benignumque ac favorabile iudicium præsto est. Differendo vero tyrocinium forense, quotidie metus crescit, majusque semper sit, quod ausuri sumus. Et cum consistente jam ætate primâ ingenium



ac vocem exerimus, rigidius iudicium metuendum est, nec ita in promptu excusatio est & venia. Advocacioni vero forensi omnes velim initiari, in eaque statione, pulchra satis & decora, perseverare, donec inde ad politicum aut iudiciale reipublicæ regimen evocentur, utrumque præhabitis exercitiis condecoraturi: in tantum, ut & cui alias integrum esset magistratum capeßere, satius, puto ei foret (quod tamen vix persuaserim) honorem istum, tanquam sibi & reipublicæ immaturum, tantisper declinare: moram, in advocatoria exercitatione & præcultura, cum amplo fœnere utilitatis publicæ, meriti ac dignitatis propriæ pensaturo. Peritus enim & subactus in forensi jurisprudentia advocatus aptissimum lignum est Apollini formando. Neque est, quod quisquam, natalium splendore aut nobilitate, militiam hanc forensi inferiorem putet, in qua juventutem suam, aliquo saltem, exerceat tempore: nisi quis dignitate sua inferius censeat, gloriosæ vocis munimine, laborantium spem vitam ac posteros defendere; suæque defensionis viribus in rebus publicis ac privatis lapsa erigere, fatigata reparare; eoque pacto non minus providere humano generi, quam si præliis atque vulneribus patriam

parentesque salvarer, quæ Imperatoria ad-  
 vocationis forensis est descriptio. Ac for-  
 tassîs contemptor hic animus statu suo di-  
 gnus, scilicet, arbitretur, in venatione,  
 aucupio, equis domandis, aut arboribus  
 plantandis ætatem agere: ne adjiciam  
 otio, torpore, atque luxu diffluere. Qui  
 pravus sensus, utinam non quosdam gene-  
 rosissimorum majorum degeneres poste-  
 ros occupasset! Therfitas, non immerito  
 dixeris, Achillæis atque Cecropidis licet  
 natos parentibus; nanos licet Atlante  
 progenitos: quibus instar omnium, virum  
 principem Germanicum, quem contem-  
 plentur, in historiæ Romanæ theatro ex-  
 hibeo, promeritum populi gratulantis at-  
 que undiquè concinentis voces, *salva Ro-  
 ma, salva Patria, salvus est Germanicus.*  
 Cui omnes corporis animique virtutes, &  
 quantas nemini cuiquam, contigisse, con-  
 stat unanimi principum historicorum te-  
 stimonio: hunc non puduit, etiam trum-  
 phalem, causas in foro orare. Monito  
 tamen hic, ut videtur, necessario, inten-  
 tioni meæ congruenter, ad ipsas curiæ val-  
 vas sistendus es mi advocate. Velim ut in  
 dicasteris, aliquo tempore, assiduum au-  
 ditorem, & curiosum exploratorem po-  
 tius, quam actorem agas. Visa & audita  
 cum jure & fori vel curiæ instructionibus,

Pro-

Provinciæque edictis, ac statutis municipalibus diligenter conferas; ut antequam Martis forensis subeas aleam, usum fori à corruptela; stylum curiæ à tricis & formulis vitiligatorum; Integros & cordatos advocatos, à mercenariis tabulis, & vulturbus togatis scias discernere; inde edocendus, quid, & quos imiteris, aut vites. Cave autem unquam, cum vulgaribus & crassissimis pragmatellis, secure indormiscas formulario isti, & rituali fori tractui, semper degeneranti in deterius. Sed quotidiana fori experimenta, sive ordinatoria litium respiciant, sive decisoria, ex jure patrio & communi, uti & ex antesignanis ordinationum judicialium & consuetudinum interpretibus atque arrestographis æstimes, discernas, judices, probes aut improbes; ea semper adhibita cautela, ut si quod argumentum ex aliarum regionum moribus, aut decisionibus in commodum tuum attrahere pares; providenter inquiras, an eadem, an vero contraria, aut diversa, in eodem argumenti genere, utrique regioni sint principia, quibusque suffulta rationibus: hic enim, dum imprudentius quidam hallucinantur, semet, & causam, & veritatem, renebrarum & ambiguitatum labyrintho solent illaqueare. Hoc munitus antidoto, puris manibus, & casta mente tracta foren-

ses controversias ; omni virtute tua, omni-  
 que ope, quod verum & justum existima-  
 veris, clientibus tuis prome ; quasunque  
 causas improbas, vel ex mendacibus alle-  
 gationibus compositas, quocunque litis  
 statu ; deprehenderis, ilico cum elogio ve-  
 ritatis clienti restitue. Nec unquam vo-  
 cem, aut stylum, multo minus animum  
 compone ad stomachum litigatoris, ut in-  
 ordinatis aut turbidis ejus affectibus inser-  
 vias ; procul absit omnis impudentia, &  
 conviclandi procacia ; absit prævaricatio,  
 & calumnia ; absit piratica clientium de-  
 prædatio. Quodsi vero ex hac statione  
 ad judicalem magistratum te vocari con-  
 tingat, ita animo ac judicio, præhabitis ex-  
 ercitiis, obfirmato, dignitatem capeffe, ut  
 nec glaucoma oculis tuis à veteratoribus  
 objici, nec statum causæ controversum im-  
 posturis tibi inverti finas ; sed sollicita &  
 sincera indagatione penetrans in causæ  
 merita, ex justis & æqui dictamine, omni-  
 moda cum veritate & legum observatione,  
 judicium dispone : constantia animi intrepida, quæ neq; potentia frangi, metu con-  
 sternari aut minis terreri ; neq; gratia in-  
 flecti, precibus expugnari, affectu, odio,  
 aut amicitia abripi ; neq; pecunia corrup-  
 pi, aut donis excœcari, nec quoquam per-  
 sonarum, aut rerum pravo respectu, à recto



justitiæ tramite transversa agi, aut adulterari queat. Lyra prophetica intus tibi psallente, per indoctos & imperitos iudices, & qui in tenebris gradiuntur, nutare omnia terrarum fundamenta. Juvabunt te in hoc sancto & honesto proposito, & adversus humanas fragilitates firmabunt, frequentes ad Deum preces, quibus cor sapiens ad judicandum, & discernendum inter bonum & malum, à cœlesti sapientia liberaliter impetrari, sapientissimus regum omnibus iudicibus exemplo præmonstravit. Juvabit & continua status tui in sanctuario Omnipotentis contemplatio: ubi Dei minister, filius excelsi, imo Deus, sed mortalis clavis. Judicium, quod exerces, non hominis, sed Dei esse describitur. Tribunal, quod conscendis, Dei viventis thronus indigetatur. Ubi qui sontré absolvit, & infontem damnat, abominationi Jehovæ, & gentiū ac nationū execrationi subjicitur. Qui verò juste judicat, & justitiā promover, illi vita & beatitudo, terrena & cœlestis promittuntur. Et fieri nequit, quin intimus in præcordiis tuis monitor, quo iudice nemo nocens absolvitur, insigne prudentiæ & industriæ, continentiae & integritatis studium indefinenter tibi sit imperaturus. Ad politicum vero reipublicæ regimen, si jurisconsultus, quem par-

turimus, ex forensi palæstra evocetur, velim ut statim, omni studio, cum jure publico communi, jus publicum reipublicæ, cujus clavo admoveatur, conferat: Edicta, decreta, & pragmaticas sanctiones de jure sacro, politico, & militari; generalia, provincialia, & municipalia. Collegiorum & officialium cognoscat instructiones & juramenta. Contractus itidem, & transactiones, vel cum subditis, vel inter ipsa imperantium collegia, ordines & officia initas. Foedera & sponfiones vetera & nova, cum propinquis & dissitis nationibus contracta. Regionis situm, limites, portus, flumina, cœli solique qualitatem. Populi naturam, ejusque propensiones, & aversiones. Reipublicæ initia, incrementa, casus & corruptelas, remedia, consilia, eventus. Quibus instructus præsidiiis, sollicita cura, & politica prudentia, sed in quam continenter influat saluberrimus justitiæ & æquitatis spiritus, Dei, populi, & privatorum jura constanter tueatur & conservet. Nec unquam cum pseudopoliticis, & tyrannorum magistris, sanctitatem, pietatem, & fidem privata bona arbitretur, sed & præcipue publica. Non in summa fortuna id æquius puter, quod validius; aut regnandi gratia jus violare licere, in cæteris, scilicet, colendo pietatem. Non sceptr-

trorum vim perire, si pendere iusta incipiat; quasi precario regnetur, ubi honesta tantum dominanti licent. Sed fidem, iustitiam, & æquitatem perinde publicæ, atque privatæ beatitudinis, & tranquillitatis custodes & vindices esse: imo iis tanquam vitali spiritu vegetari, sine quo præcipiti exitio utrique cadendum sit. Rationem status, ut vocant, fidei & iustitiæ subordinet, nunquam præferat: qui enim eam summam & illibatam legem, & arbitram publicæ administrationis statuunt, verendum est, ne, aut Deum non esse, aut res suas agere, humana non curare existiment; aut Omnipotentem cœli & terræ creatorem, sine iniustitia, perfidia, & improbitate populi cujusque beatitudinem politicam non posse tueri. Quæ impia & blasphema sunt, atque è diametro veri-  
 tatis contraria, quod iustitia firmari solum pronunciavit, imitante id Syracidis sapientia, cum regnum de gente in gentem transferri propter iniustitias, contumelias, & dolo partas opes vaticinatur. Porro jurisconsultus noster nequidem in politico ordine, aut statu quocunque, sibi, aut cuiquam mortalium plenitudinem arroget potestatis in solo Deo, bonitate, sapientia, ac iustitiâ ipsa cum timore, tremore, atque humillima obedientia vene-



randam : sed in homine mortali usurpante eam , atque ad libidinis ac liberæ voluntatis , aut beneplaciti ductum , imo imperum sæpe, eam vibrante tyrannicam detestetur ac deploret tempestatem. Si alius ascendere gestiat animus, gloriæ cupidus, neutiquam eo contendat, ut eminenti & laticlavio purpura conspicuus , aut fascium terrore metuendus, per ora aliorum, superba dominatione tumidus , & procacilentia ferox , incedat ; quæ vana & falsa gloria est. Non per aliorum injurias & calamitates , multo minus reipublicæ ; quæ derestanda emergendi est semita , qua qui grassatur turpiter suo tempore est detegendus, imo sæpe deturbandus. Non per factiones ; in quibus, autore Sallustio, bonum publicum simulantes , pro sua quisque potentia certant ; quæque , Liviano sensu , fuere eruntque pluribus populis magis exitio , quam bella externa , quam fames morbive, quæque alia in Deum iras, velut ultima publicorum malorum vertunt ; quarumque , definitione Tulliana , non alius solet esse exitus , nisi aut universus interitus, aut victoris dominatus & regnum. Sed honesta ambitione, virtutis & optimorum meritorum via progrediatur : ut reipublicæ , ut ecclesiæ, ut amicis omnibusq; civibus, omnibus deniq; mortalibus,



paratior utiliorq; sit, propius positus. Nec enim quisquam populum aut rempublicam, peculium suum, sed se, utriusq; peculium agnoscat. Denique quocunq; in loco, ordine, aut tempore virtutem & industriam exerturus est Jurisconsultus, hoc sibi catholicum & apostolicum dogma semper habeat ante oculos: imo intimis animi penetralibus infixum, ne quicquam faciat per contentionem, aut inanem gloriam: nam in utrumque, aut alterutrum, frequenter impingere solent eruditorum non pauci. Hæc jurisprudentiæ, tum Academicæ, tum forensi, ac curiali semita, quicunque processerit inculpatus Themidis sacerdos, justitiæ finē assequetur, jus suum cuiq; , reipublicæ, ecclesiæ, proximo, sibi, publice ac privatim tribuendo: atque hoc pacto, ut concludā verbis Imperatoris nostri Justiniani, divinas & humanas res bene disponet, atq; omnē expeller iniquitatem. Hæc sunt nobilissimi & præstantissimi Juvenes, patriæ spes, parenrū deliciæ, familiarū & amicorū expectatio, quæ hoc ultimo professorii muneris actu, vos amice mone-re propensus erga vos amor, & enixum cōmoda vestra promovendi studiū, à me exegerunt. Hæc sunt, ut & hic palam, coram frequentissima auditorum omnium ordinū & dignitatum corona, ratio constet gestæ

JOHANNIS HEURNII  
DE  
STUDIO MEDICINÆ  
BENE  
INSTITUENDO,  
DISSERTATIO.

## I.

*Quibus præceptoribus utendum ad medicinam, & quibus auctoribus incumbendum.*



Rectè formentur studia, locum contrubernium plurimum valet: optimique viri illud Reipublicæ debent, ut suâ consuetudine juvenum animos rectè ad artes effingant. Propterea Hercules præclaris splendens virtutibus (χαλκικάρδιος ob animi fortitudinem dictus) diligentiam in educatione Hylæ summam adhibuit: qui tamen parte Theodamante paupere, δρυτόμω natus fertur. Plato, Aristoteles, & Plutarchus sæpe accinunt: Εὐδλῶν μὲν γὰρ ἀπ' εὐδλὰ μαθήσεται, ὡς δὲ κακῶσι ἐνμειγῆς ἀπολεῖς καὶ τὸ εὖν τεῖον. à bonis quidem bona discēs; si verò malis conversare, pristinam quoque mentem perdes. Præceptores non adscriptitia quadam benevolentia, sed ex unguibus ament disci-



pulos: & ut coloni sapes aibusculis circumponunt, ita præceptores curam habeant, ut rectissima eruditionis germina pullulent. Hos juvenes sæpe accedant; nam sodalitium ad benevolentiam & amorem excitat. Peleus Achilli Phœnicem junxerat, ut edicendi & agendi ductor foret atque magister, ut canit Homerus. Horum imitatione præceptores eligatis medicinæ peritos, & benevolos, ac tales qui ad amicitiam proni sunt, & ante omnia doctos: nam difficilis hæc ars. Ita Apollo (ut decinit Pindarus) voluit à Chirone singulari doctrinâ splendente filium suum Æsculapium doceri, ubi ait:

καὶ ῥά μιν Μάγνητι φέρων  
πῦρεν Κενταύρου, διδάξαι  
πολυπήμενας ἀν-  
θρώποισιν ἰᾶσθαι νόσους.

*Illum Magnesio adducens commisit Centauro, ad docendum multinocuos hominibus sanare morbos. Cum electi fuerint, eos sequere; ac citra pertinaciam concertationes cum illis moveto, ut tuis rationibus in re dubiâ, cum illorum judiciis collatis, quantum à vero absis intelligas, & memoriæ altiùs hoc modo rem immittas. Hinc veteres Palladem non sine operâ operosi Dei Vulcani (cujus etiam organa αὐτίματ' in opus) ex cerebro Jovis armatam prodiisse fingunt:*

oculis torvè unum in scopum colliman-  
tem : quod concertatione artes optimè in-  
sculpantur ac retineantur. Non moveant  
graves quæstiones, antequam totam medi-  
cinæ formam animo complexi fuerint :  
alloquin hippocentauros proferent , ac  
inaniter ut implumes ciconiæ subsultan-  
tes , alas vibrabunt. legant & relegant pri-  
mum medicinæ auctores. cedant libenter  
rationibus; non solum enim vincere, sed e-  
tiam vinci scire pulchrum est, in quibus vi-  
ctoria detrimentum adfert. Vincti non vis ?  
pulcherrimum est inter differendum à nul-  
la vincti pertinaciâ aut iracundia. Domi li-  
bris opus est, non ut illos possideas, sed ut  
exercitatio & usus in illis sit. Sed quibus ?  
Quemadmodum ζωγράφοι, cum imaginem  
ab imagine pingunt, identidem exempla-  
ria spectantes, illorum characteres ad suum  
φιλοτέχνημα transferre student ; sic, qui se  
studet omnibus doctrinæ partibus excole-  
re , conari debet , ut quasi ad simulacra e-  
ruditionis (hominum doctissimorum scri-  
pta dico) suum studium convertat, & quod  
in illis præclarum est , propriū sibi reddat  
per imitationem. Quapropter in medicina  
non usque deque cuncti auctores sunt eli-  
gendi, sed probatissimi, & qui longis secu-  
lorum ætatibus interire non potuere. Nul-  
lus pictor non malit Appellis, aut Parrhasii.  
Zeu-



Zeuxisve vel Leucippi exemplar, quam quid hujus ævi, αἱ γὰρ αἰοῖδαι εἰς ἕτερον ἐξ ἑτέρου γλυκερώτεραι εἰ ἐν αἰείδῃ. Est enim tempus probatæ doctrinæ index; cunctorum quæ vana nec magni sunt momenti, vastator. Plurimi hoc ævo magnâ auctoritate scribunt; verum tempus judicium ferret, num quid perpetuitate dignum gerant: profecto inter mille scriprores, vix unus seculum agnoscit. Sint itaque vestri auctores doctorum manibus triti, & eorum applausu probati: ni enim probi fuissent, jam diu manibus excussi contabuissent. Veteres sanè dexterius de rebus judicârunt; quàm nos αὐτῶν ἀπόγονοι extrema fæx & amurca mundi, ut à Platone in Philoebo dicitur. Verum dixit Basiliius πᾶν ἀρχαιότητι ἀξιοφύρον ἀνδρείον. *quod vetustate excellit, honore majori dignum est.* Si enim neotericis quis stare veller, cum infiniti fere sint, & cuncti ex Hippocrate & Galeno hauriant, illud incommodè illi eveniet, quod gregarii illi infinitum tempus postulant, cum interim duos hos brevi tempore perlegere possit. cumque vetustatem illam cæteri non trahant cinctam auctoritate, eo loco semper stabit hinc hausta doctrina, unde facile dimoveri possit. Longa temporum series plurimos celebres Græcos: quosdam Latinos, nonnul-

Iosquē Arabes. Græci medicinam pepe-  
 rerunt, diviteque suppellectile locupletâ-  
 runt, ac splendido ornatu nostræ artis fa-  
 mam toto terrarum orbe fuderunt. Quare  
 nusquam minus violatam hanc reperie-  
 mus, quàm apud suos parentes: hic patri-  
 ma & matrima. Hanc itaque ex materno  
 gremio pudicam virginem vobis profere-  
 divinus senex Hippocrates, & ejus enarra-  
 tor Galenus. *Hippocrates* verus medendi di-  
 ctator habitus semper. hujus scripta tan-  
 quam oracula, & non humanæ linguæ ver-  
 ba, tota amplectitur antiquitas, tanquam  
 ducem & auctorem omnium disciplina-  
 rum. qui, ut ait Celsus, vir fuit arte & fa-  
 cundiâ clarus: quique ut scribit Macro-  
 bius, tam fallere, quàm falli nescit. In  
 hoc, verborum pressa proprietas, senten-  
 tiarum concisa subtilitas, sermonis vene-  
 randa antiquitas, artificii commendabilis  
 dignitas: in cujus scriptis nihil super-  
 fluum, ociosum nihil; sed argutâ brevita-  
 te rotunda omnia, & significantia. ita ut  
 ubertas & amplitudo rerum, verborum  
 numerum longe vincat. Hæc genuina &  
 propria sũt Hippocrati, cujus tanta fuit  
 benignitas, ut nihil sciverit quod nos nes-  
 cere voluerit: tanta autem sollertia & sa-  
 pientia, ut nemo post eum sciverit, quod  
 ipse ignoraverit. In eo enim cuncta medi-  
 ci

cinæ femina animadvertas : quæ tamen in  
facienda medicina meliùs, quàm ex com-  
mentariis ad eum scriptis animadvertes.  
Hujus enarrator fidissimus est *Galenus*; qui  
scribitur à quibusdam vixisse annos, cen-  
tum & quadraginta. Hic cunctis philoso-  
phis & philologis utilis, loquitur ubique  
puro, eleganti, simplici, & nunquam affe-  
ctato sermone, non sine magnâ vocum &  
sententiarum suppellectile : adeò, ut nullâ  
satietate lectorem offendar; sed ubique  
progrediendi cupidum, rhetorico artificio  
demulceat; homo ad eloquentiam factus.  
In hoc præcepta quædam philosophica  
rara & eximia, magisq; illustria quàm apud  
ullum alium scriptorem invenias. Nihil  
obtrudit lectori, quod non firmis rationi-  
bus demonstret, ac ejus contrarium refu-  
ter. quin moralia habet perpulchra, affe-  
ctibus moderandis. Ambitionem & avari-  
tiam præcipuè insectatur, & de qualibet re  
doctè & eleganter differit. Nullis non ad  
ingenii cultum ejus lectio utilis. Sunt alii,  
minoris gentis; *Aretæus*, *Aërius*, *Paulus*  
*Trallianus*, *Oribasius*, *Cassius*; *Diosco-*  
*rides* de materia medica, & ejus *Eu-*  
*porista*, & ex recentioribus *Actuarius*,  
*Damascenus*, *Theophilus* de urinis,  
*Philaretus* de pulsibus, *Simeon* *Se-*  
*thi*, *Nonus*. Animi causâ inspicias etiam  
in-

interdum Geoponicos, & Hippiarros. Geoponica scripsit Dionysius Cassius Græcè; Latinè verò Cato, Columella, Palladius, Constantinus. Sextus scripsit medicinas ex animalibus. Latinos inter medicos primus est *Cornelius Celsus*; sed prudenter legendus; nam in multis Asclepiadem methodicum sectatur, ut faterur ipse. hujus core stylum subigemus, & pluris latinitatē ejus, quam medicinam faciemus. Plinius etiam perlustrandus, qui Græciam & Latium uno volumine conclusit. Accedat his Scribonius Largus, Q. Serenus, & Cælius Aurelianus. sed hic cū magno judicio legendus: nam is scripta Sorani Ephesii Latina facit, qui methodicæ sectæ addictus fuit. *Marcellus Empiricus* politæ dictionis scriptor etiam inspiciatur. & inter hos *Theodorus Priscianus*, cujus scripta quinti Horatiani titulo circumferuntur. Scripsit ad Timotheum fratrem Phænomenon euporiston librum unum, cum Logico ejus, & Gynæciis. apparet eum methodicæ sectæ studiosum fuisse. Exstant etiam scripta de acutis & Chronicis, & de occultis physicis remediis. His adde Constantinum Aphrum. Inter Arabas præcipui sunt Avicenna, Rhazes, Averrhoës, Avencoas, Mesue, Serapio, & Alsaharavius. Qui delectatur fusa & polydædala varietate remediorum, Avicennā



amplectantur: cuncta enim hujus ævi remedia ex eo manant. At Razes utilis illis, qui efficacem & contractam medicinam amant. hic centum annos medicinam fecit. hunc Vesalius paraphrasi eleganter decoravit. Hi utiles sunt ex quibus excerptas remedia quædam Græcis olim ignota: nam scribendi illorum ratio, cum sine demonstratione fluctuet, à doctis improbat. quare his non inhærendum. Unum ex hujus temporis scriptoribus his addo, doctissimum *Fernelium*: qui Arabum ductum non sine Græcorum demonstrationibus secutus fuit. Ejus lectionem laudo, modo eum jam dictis auctoribus conferatur; locaque annotentur ex quibus suos rivulos traxerit; optima enim ex cunctis selegit, sed stare ejus auctoritati non potis est, nisi ubi firma demonstratione suâ stabilivit. Quare in antiquos suos fontes si refundi possit, sanè limpidissimam firmamque scientiam pareret. Sed totus eò abduci nequit, ut qui sponte interdum declinat & abit. Quid tunc agas? litrem dirimet antiquorum demonstratio, collata cum hujus rationibus; & usus: hæc si vicerint, excutiantur nova tanquam amentatæ hastæ: sin Fernelius quid melius, retineatur, & gratiæ illi adscribantur, ut qui pomoeria medica auxerit. Sed gravis hic est auctor,

nec

nec in primo medicinæ limine ponendus : sed à Galeno hoc potiùs utendum. Qui tamen compendiosam medicinam nimium amat , hunc legat cum iudicio : is enim, ut verum fatear, Græcam & Barbaram medicinam fere uno in volumine conclusit, & propriis locis philosophiam medicinæ intulit : ut non sit necesse aliam physicam usibus medicis quærere, cum ex latissimo naturæ ambitu fecundè medicum campum rigârit. Hos sequuntur myriades pragmaticorum intermediorum , & nuper natorum : qui volumina per singula hominis membra digesta fabricarunt , mirâ remedium varietate. Inter hos medios , maximè excellit *Arculanus* , qui Razis nonnum ad Almanforem , & Avicennæ ad librum de febribus commentatus est. in hoc remedia certa & efficacia. Aliis placet *Gradius*, qui prò Nicolai breviario est. quidam consilia malunt ( & non sine ratione ) qualia *Montagnana* tunc edidit. *Gattinaria* nonnullis arridet ; nam placida & usitata remedia suggerit. Nonnulli *Varignanam* consulunt, quod euporista & usu comperita pharmaca adferat. Sunt qui *Guainerium* cæteris his præferant. Quidam se addiunt *Savonarola* , quo adstantibus muliericulis satisfaciant. Sed nulli se mancipare præstat ; verùm quosdam ex his inspicere,

cum

cum intermedica versamur opera. Et qui unum pragmaticum perlustravit, aut mille, imò omnes legerit, nam unam tantum aut alteram indicationem medendi prosequuntur cuncti, ductam ac evocatam à causa morbifica, & parte afflictâ: cæteras susque deque habere videntur. Sine cæteris tamen indicationibus curatio rite non absolvitur: nam nullus morbus omnium est idem, nec ullum remedii genus eandem vim habet in omnibus, diversæ enim sunt morborum ideæ: & iidem modò dextri, modò sinistri judicii; concoctu ac excreto difficiles, aut faciles. Et quantum in hominibus temperierum discrimen! quàm variæ partium temperies! modò prostratæ jacent in eodem morbo vires, & aër aut flagrante Sole torretur, vel algore rigit; quin ætatis, vis quid non remedii evertit aut perfert? omitto jam consuetudinem, peculiarem cujusque naturam, sexus discrimen, vitæ genus in quò æger enutritus, morbi motum. Quare ut in tanto fluctuum ac scriptorum remediorum Oceano portum facili cursu collimarent medici, quæ medicamenta prolixè profuderant pragmatici in tam numerosa morborum turbâ, in unam methodum ad praxin rede- gi: ut inde, accedente methodo medendi verâ, uno veluti intuitu, maxima remedio-  
rum



rum varietas, per cunctos morbos complecti possit, & cuique propria ex his promeritis methodo decerpere ut liceat.

## II.

*Qua ratione cum certa utilitate dicti jam auctores sint legendi.*

**N**ON satis fuerit compertum habere, quinam legendi sint, sed etiam quo modo non citra utilitatem in iis versandum sit, explorandum. In omnium auctorum lectione semper hæreat animo quod apud Platonē dicitur ἀρετὴ ἀδέσποτον: ut nos hoc ad ἀλήθειαν. Moneo itaque ut ab eorum scriptis abstineatis, qui ab antiquorum sententiâ temere abeunt. Plato in Epinomide plebejos quosdam Deos cum referret, ἀνοργιάστῃς hos appellabat. nescio an eo nomine quid aprius adaptari his innovatoribus possit. Urinam eâ mente omnes scriberemus jam, quâ olim Hippocrates, & post eum Galenus! studio nimirum juvandi. Nunc neque hoc facimus plerique; & bene à veteribus etiam excogitata & scripta demoliri, ac rebus clavis tenebras affundere conamur; receptissimorumque auctorum auctoritatem elevamus, ut reponamus nostram, dubiam ac titubantem pro existima-

tissi.



tissima. Si quis reclamet, illico nos inter nos (qui conspirare contra externos debemus) domesticum bellum depugnemus: ac *χαλεποὶ πόλεμοι ἀδελφῶν. funesta bella fraterna.* Novus medicinæ mysta in primis perlegat Institutiones medicinæ. Illæ enim ideam quandam totius medicinæ animo immittent: & ex illis ordinem totius studii medici, & subtegmen firmum cui intexi omnium auctorum scripta possunt, perspiciet. Sunt enim Institutiones medicæ nihil aliud, quàm ex omnium scriptorum medicorum deliciis ac medullis condita placenta: aut, ut meliùs dicam, ex electissimis quibusque flosculis compositum mellificium. In lectione auctorum cura adsit, ut eorum percipiatur sententia: dein, ut retineatur. Percipietur sententia auctoris, si perspectus fuerit ejus dicendi modus, & peculiare significantesque ejus dictiones si intellexeris. Maxime in Hippocratis lectione ad hæc colligendum. Ut enim *ἀναδυομένη* illam nemo perficere potuit, & oblitos in ea colores aliquot deteriore purpurisso reconcinnarunt; ita nullus eo acumine scribendi medicinam ab Hippocrate productam absolvere potuit. Est sane is, inter homines, maximus medicinæ auctor: in quo sparsa medicinæ totius semina anim-

ad-

adveritas. Sed ex succo solo excerpta hæc non germinant, vel tenuissimè enascuntur, aut non in frugem surgunt. animi sensa sua divina ob concisam breviter latitant, ni verba ejus significantia & dicendi modus fuerit cognitus. Quare (quia huic immoriendum) Lexica comparanda erunt Erotiani & Galeni, Julii Pollucis, Rufi Ephesii, Suidæ, Hesychii, Gorraei; sed ante omnia Oeconomia Hippocratis Anutii Foëtii. Auctorem quem evolvis, intentâ mentis acie, non raptim (ne quid fugiat) perleges. Si salebris difficilibus impliceris, ne hæreas, enarratores aut præceptores consule. Si nec explicent hi, notandus locus, & pergendum, dum tempus & lectio emolliant hanc difficultatem. Nec turpe quædam ignorare. Aut si moræ impatiens fueris, ad aliorum auctorum judicia hæc examina. si idem cuncti, ratum sit: sin abeant in diversum, vide num in gratiam redire possint: vel illi qui potissimâ ratione utitur, subscribe. Indices loca auctorum dicent. Commentariographos prolixos fugite; discendi enim libidinem extinguunt: sed ubi involvimur difficultatum salebris, id solum agendum, ne nimis ingenium fatigetur, & tandem expugnetur. Galeno maximè utemur pro Hippocratis enarratore, quo illè rectè intelli-



gatur, utque memoriam exerceamus cum  
 fœcundâ quadam utilitate: nam rerum,  
 quæ discuntur per causas, demonstratio  
 apud eum luxuriat: quibus ad eruditio-  
 nem nullus felicior campus aperiri potest.  
 nam scire, est per causas cognoscere. His  
 opibus illi fraudantur, qui apotelesmata  
 solum amplectuntur: tenues semper eru-  
 ditione, præ inopiâ rerum ac argumen-  
 torum. Sed hæc omnia frustra, ni Musa-  
 rum matri memoriæ, tanquam penuariæ  
 cellæ doctrinarum, inserantur. Sæpius  
 itaque lecta reperantur: ac ut cibos man-  
 sos ac prope liquefactos dimittimus, quò  
 facilius digerantur; ita lectio non cruda,  
 sed multâ iteratione mollita, ac velut con-  
 fecta, sæpiusque perpenſa, memoriæ tra-  
 datur. Sed an non naturæ, hoc est, summi  
 Dei beneficium memoriæ vis est? Fateor.  
 & cuncti à summo numine ea afflati su-  
 mus. non æquè? cultu effingatur: con-  
 sueſcat exercitiis; hoc obliuioſos memo-  
 res reddet. Sit animus cæteris solutus cu-  
 ris, ac earum ideis vacuus: affectus ſileant,  
 qui in ſuam factionem totam mentem ra-  
 piunt, ita nullam characterum impressio-  
 nam reuert mens. Et sæpe, menti immiſſa  
 ad phantaſiam reuocentur, ac cum volup-  
 tate hæc tunc memoriæ redde: ita jucun-  
 dè ejus uſu fruetur, ac lætitiâ quadam ſe  
 laxans,

laxans, simulacra rerum fidelius imbibet. Ad memoriam stabiliendam, nonnihil opus pollicetur ipsa medicina & medici, ac secundum hos Marsilius Ficinus. Aristoteles libro de memoria, ostendit ob varias causas illam labefactari: vel, quia species rerum non suscipiuntur; vel, quia non detinentur: utroque enim opus est. Propterea mollem & stabilem à Summo Deo substantiam obtinuit cerebrum, ut mollitie rerum characteres admitteret, ut eos stabilitate retineret. Inde est quod ajunt, memoriam firmari calido & sicco temperamento: calor enim modestus mollit cerebri substantiam; & siccitas eam stabilem reddit. nam ex madido fluxoque cerebro, simulacra rerum effluunt. his querelis remediuntur medicinæ. Sed inter cuncta confert perpetua vitæ sobrietas: nam crapula & ebrietas, ut ingenium habetant, ita memoriam prorsus eluunt. Officit etiam tumultuaria diversorum voluminum lectio: ita in senibus multitudine rerum memoria exstinguitur. Præterea ordo in discendis rebus plurimum ad memoriam facit: imò Plato ordinem, memoriæ animam appellat. Quare in auctorum lectione, semper de ordinis filo quod trahunt, solliciti sitis: cuncta enim quæ ordinem habent,



*Συμπλόν & ζα* sunt. Cum ad Galenum ventum est, ejus scripta pedetentim, non saluatim legantur: constanter, non fastidiose: ordine, non transsultorio modo. In primis sese offert Galeni liber, inscriptus *Exhortatio ad artes*; dein quoque medicus philosophus, & de sectis ad novicios, de optima secta, de constitutione medicinæ. Tunc anatome, deinde venarum, arteriarum, nervorum, matricis sectione. Postea libri de usibus partium, de naturalibus facultatibus, de placitis Hippocratis & Platonis, quod animi mores corporis temperiem sequuntur, de affectibus animi castigandis, an sanguis in arteriis, de odoratus instrumentis, de motu musculorum, de causis respirationis, de semine, de foetuum formatione. De elementis, de temperamentis, de medicamentorum facultatibus, de optima corporis constitutione, de optima habitudine, de inæquali intemperie: hi tres libelli ligantur inter secundum & tertium librum de temperamentis: *κατὰ γένος κατὰ τόπους*: vel legat hos postremo. De antidotis, euporista; de purgantium vi, quos; & quando: de prisana; De Theriaca ad Pisonem & ad Pamphilianum: sed hos doctissimus Julius Alexandrinus (quem hic sequimur) adulterinos falsèque Galeno adscriptos demonstravit. Dein sunt libri de

de sanitatis natura, de morborum differentiis, de morborum causis, de symptomatum differentiis, deque horum causis, de plenitudine, de tumoribus præter naturam, de atra bile, de tremore & palpitatione, de tæbe, de locis affectis, de febrium differentiis, de pulsibus, de spirandi difficultate, de pulsuû usu, de spirandi usu causisq; : de morbi totius temporibus de temporibus morboru, de crisi, de diebus iudicialiis, de typis, de prænotione, de dignotione ex insomniis, quo modo deprehendantur simulantes, se ægrotare. Ars medica, de sanitate tuenda, methodus medendi, de facultatibus alimentorum, de cibis boni & mali succi, de attenuante diætâ, de parva pila, de curatione per venæ sectionem, & contra Erasistratum, de comitiali pueri affectu, Glauconi scripta ad Thrasybulum. Quantum ad commentaria Galeni ad Hippocratem. Signis adnumerari poterunt Prognostica & Prorrhetica : Curationi verò, de victus ratione acutorum, de articulis, de fracturis. Reliqui ejus Commentarii ad Hippocratem, veluti suorum scriptorum epitome sunt. Pragmatici cæteri, quos ante recensui, nonnunquam tangendi, ubi jam Hippocratis scriptis assuevisti, exacuendi palati gratiâ, cibi nimiam bonitatem languentis : sed id saluatim & frustula-

latim. Ita nec totum perlegemus Paulum, Aëtium, nec Trallianum, aut Orisbasium vel Rasem, neque Mesuem, nec Haliabbatem, Avenzoarem, vel Alsaharavium. Et ita cum cæteris agemus: nam eadem cuncta apud Græcos felicius invenias. Actuarius fere totus legi poterit; & Avicenna, si restitutus esset; & Averrois scripta medica, modò id fiat cum judicio. Sed dices, Arabes felici plenâque manu remedia jucunda ac facilia fundunt. Ita est: sed ea pauca, quæ non apud Græcos. At esto! sint ab illis! instrumenta aucta: sed non in cithara bene pulsandi ars est, quamvis sine ea non ludat citharædus. Arabes ex Græcia colonias duxere: sed frustra quæras apud hos, quod non apud Hippocratem & ejus enarratorem Galenum invenias. Laudo suppellectilem remedium promptam paratamque; & utinam ut Dædalo sua, & Vulcano tripodes cæteraque animata omnia, jussa adessent; vel potius per seipsa, quamprimum sui opus esse scirent, ad opus accurrerent, ac id (quod jam *φλυαρία* quorundam sibi persuader) conficerent ultro, quod nos cum delectu. Delectu magis militum, quàm innumeris copiis, & iis veteranis potius quàm tyronibus ingentia bella conficiuntur: Ita nos seligemus ex cunctis optima



& usu firmata; his stabimus. Veteres illi pictores nobilissimi, quatuor tantum coloribus tam eleganter pinxere. nec excludimus seram ætatem, quæ coloribus quid adjecit. Ita veterana remedia extollimus, non relegamus nova, quæ felicia in opus: quin pomœria agri medici lubenter proferemus. Commoditas hinc fiet major: sed artem non variat instrumentum. Ars perpetuò possedit tantum roboris & venustatis, quantum satis cultui est. Hoc semper artis fuit, artis modum loco adhibuisse. Mutandorum remediorum nunquam meta erit: sed ni ars finem suum accipiat, desinet esse ars: nam perfectè facere promittit, sed illa habitum habet in intellectu, faciendarum cum ratione rerum. Hæc facili, attramen efficaci, remediorum copia instructa, tanquam Macedonicâ phalange, audacter cum morbis concurrat. tum quæ remedia nomina nondum dederunt usui, nec sacramento adhuc huic militiæ sacra, excludis de cohorte; nisi præclaris editis facinoribus gloriâ splendeant, suumque genus certis notis aperuerint. Non alenda copia iners: paucitati operosæ præstat confidere. Sit tamen justus exercitus, & bene notus tibi, beneque instructus. Excute ergo lascivientem varietatem, tanquam inurilem



& imbellem, copia, quantam usus capit, suffecerit. Contende tu potius ad artis penetralia, ubi arcana rerum cognitio, ut his paucis & fortibus paratisque, *κατὰ καιρὸν* loco & tempore utaris. Veterum cum tam multiplici rerum varietati memoria par esse nequeat, arte eam juvabimus; locosque communes fabricabimur; quibus, ut certis thecis, memoriæ egregiè digna inferamus: ut, cum opus fuerit, tanquam ex divite penu, illico promere has opes possitis. Age cum Lucretio, floriferis ut apes in saltibus omnia libant. Omnia nos itidem decerpimus aurea dicta. Poterunt loci hac ideâ effingi: Accipiat paginæ frons quæque trium locorum titulos, juxta positos. tergus verò folii, nudum sit ab inscriptione, quo nova charta semper addi possit. Volumen hoc chartaceum contineat septem vel octo libros chartæ. Cunctæ itaque varietates his locis inferantur, & difficiles decisiones: nam perenni inscriptione memoria firmabitur; &, si quid exciderit, facili viâ revocabitur, cum sit ad manus & in mente is locus unde petas. Sed non cuncta quæ legitis locis importabitis, sed ea quæ maximè memoratu digna, & rarò obvia, de quibus videberis periclitari, ne tibi excidant. Et totarum historiarum capita tribus, ut ajunt, verbis tantum, cum

numeris annotentur in locis, ut scias à quo auctore, cum usus erit, repetas, & in ipso auctore, puncto nota te id in locos retulisse: ut si postea locum peras, illico adsit oculis; & ne iterum; si evolvarur denuo à te auctor, is locus inscribatur. Sed nunquam quædam ancipiti significatione sese offerunt, ut nescias, in locos si referas, unde rectè repetas: propterea consulo ut etiam Alphabetarii loci alii struantur, quo, inde facilius quæ peti posse videntur, eò reponantur. Sed priores etiam jam dicti loci indice egent. Sed cautio adsit, ne nimium his locis fidatis, indeque memoria inculta perdatur. non enim satis est in scriptis rem habere, sed memoriæ una inscribi debet. Hac serie inscriptiones vel tituli locorum poni poterunt. Deus remedium, curationis, & sanationis auctor. Per quos homines usibus humanis medicina illata fuerit, de auctoribus medicis, & de medicinæ origine. Clinice & Jatræleipnice; & quando primum. Vicia medicinæ & medicorum. Sectæ medicæ: dogmatica, methodica, empirica & Paracelsica; Sophistica & sophistæ. Dignitas medicinæ, laus ejus, & præmia medicorum. Quales medici esse debeant corpore & animo, ministri, finis medicinæ, objectum medicinæ, ejus patres, officium medici. De natura,

608 JOH. HEURNII DISSERT.  
quæ ad medicinam attinet. discrimen phy-  
fici & medici. De elementis, Quid elemen-  
tum, & quo modo differat à principio :  
ejus materia & forma. Quot elementa.  
ignis, aër, aqua, terra. formales differen-  
tiæ elementorum. Mistione elementorum  
ut fiant corpora. formarum in mistio-  
ne origo. Proprietates, & effectus elemen-  
torum. Qualitates ex elementis ortæ. ele-  
mentorum situs. Quid mixtio, & ejus cau-  
sæ. in misto elementorum substantiæ. An  
elementa in mixtis secundum suas formas,  
an secundum potentiam suam. Elemento-  
rum contemplatio quam utilitatem adfe-  
rat medico. De temperamentis, & iis quæ  
à temperamentis fiunt. Quid sit tempera-  
mentum. quid differat à calido innato.  
Temperamentorum origo. Homo om-  
nium animalium temperatissimus. par-  
tium similiarium & dissimiliarium vis. Tem-  
peramentorum differentiæ quot & quales.  
Ad pondus, & de Pulchritudine : ad justiti-  
am. Signa temperamentorum. Partium  
singularum temperies. Calidum, frigi-  
dum, humidum, siccum, quot modis ali-  
quid dicatur. An calidum elementare in  
omni vivente excedat. Ætatum tempe-  
ramenta & differentiæ : infantia, puber-  
tas, adolescentia, juvenus, virilis ætas,  
senium duplex. An juvenum & puerorum  
idem



idem sit calor. Anni temporum temperies, ver an temperatum, æstas, hyems, autumnus. Regionum temperies. An sub æquatore temperatissima regio. Qualitates secundæ: Color quid, & ejus differentiarum, & causæ. Odor, & ejus differentiarum, causæque. Sapor, insipidus, acidus, acerbus, austerus, adstringens, dulcis, amarus, falsus, acris. Tactiles qualitates; molle, densum, grave. Utilitas quæ ex notitia temperamentorum. Cutis temperata. Partes calidæ, frigidæ, humidæ, siccæ. De humoribus: quid humor, quor, quales, primi, secundarii, excrementitii, alimentarii: quomodo & unde fiant: duo excrementa humorum: Sanguis: Pituita, dulcis, falsa, acida, vitrea, gypsea, tenuis, crassa; signa ejus. De bile, vitellina, porracea, æruginosa, glauca, flava. De melancholia, & ejus differentiis; signa atræ bilis. Usus humorum: fibræ sanguinis, copia morum, mutatio humorum. Ichor humorum; & signa cujusvis. Motus humorum. Utilitas doctrinæ humorum. De semine, & quid semen, utriusque sexus semen. An semen ut opifex, an ut materia foetui serviat: semen mulieris. Causæ & origo seminis testium vis, sanguis menstruus quid, & ejus origo. Conceptio, instrumenta procreationis, gestatio & motus foetus, membranæ



foetus : hepar num ante cor procreetur :  
 signa maris & foeminæ : partus , superfœ-  
 ratio , foetus tempora , septimestris , &c.  
 abortus , foetus mortuus. Similitudo filio-  
 rum cū parentibus , & physiognomonica.  
 Monstra , mola , androgyni : foëminarum  
 in mates mutatio. Utilitas cognitionis se-  
 minis & materni sanguinis : sterilitatis cau-  
 sæ. Anatome : an unum tantum princeps  
 membrum : cur seminales partes sectæ non  
 regignantur. Caput , cerebrum , frons , par-  
 tes caput vestientes , partes in capite con-  
 tentæ : partes à cerebro ortæ , partes cere-  
 bro assistentes , oculi : quomodo fiat visio :  
 lacrymæ : aures , nares , os , muscoli , liga-  
 menta. Thoracis costæ , sternon , muscoli ,  
 mammæ , lactis procreatio , diaphragma ,  
 tunica costas cingens. Partes quæ in tho-  
 race continentur , cor , &c. aspera arteria ,  
 lingua , sermo ut fiat. Ventris inferioris ,  
 umblicus , & continentes partes : conten-  
 tæ , ventriculus , &c. mesenterium , hepar ,  
 fel , lien. Partes ab hepate ortæ : partes se-  
 rum attrahentes & suscipientes , renes , ve-  
 fica , &c. Partes procreationi dicatæ , te-  
 stes , parastatæ , &c. uterus. Consensus ure-  
 ri & mammarum. De manûs partibus &  
 structura , de crure , ossium structura. Cali-  
 dum innatum , & spiritus , quid sit , & causa  
 ejus , effectus ; præstantia ; quoruplex ;  
 mu-

mutatio ejus. Spiritus quid, & quot: naturalis, vitalis: humidum primigenium. De animæ facultatibus: & earum actionibus. quid anima, & quot: quid facultas animæ: procreatrix, nutrix, attractrix, retentrix, excretrix; nutritio, auctio, coctio, fames, excrementa. Sentientis animæ facultates, visus, auditus, olfactus, gustus, & tactus, sensus communis, phantasia, cogitatio, memoria, motus, appetitus, vitalis vis. De sanitate tuenda. Quid sanitas. signa temperierum totius: signa cerebri temperati, & intemperati: pilorum causæ variorum: oculorum temperaturarum varia signa: pulmonis temperaturæ notæ: hepatis, ventriculi, testium. Aëris qualitas varia, regionum varietas, ventorum vis: anni tempora. Cibi boni vel mali, medicamentosi: victus puerperarum, victus melancholicorum, &c. Quantitas cibi; modus utendi. Consuetudo: cœnandum an prandendum liberalius: occasio cibandi. Potus, aqua, vinum, cerevisia; mulsa, quantitas potûs, ebrietas. Balnea, dulcia, thermarum, modus eorum, aëreum. Alvi dejectio urina, sudor, vomitus, menses & hæmorrhoidum profluvium, venus. motus & quies: frictiones. animi motus. Semina cerealia, triticum, siligo, &c. Pannis & placentæ, pultes & polentæ, legu-

mina, fructus, alimenta ex herbis. Quadru-  
 pes, lacticia. Aves, pisces, succi, con-  
 dimenta. Differentiæ & causæ morborum:  
 quid morbus, genera morborum, intem-  
 peries: manifesti, occulti, venenati, con-  
 tagiosi: organici; solutio continui: pri-  
 marii, per sympathiam simplices, compo-  
 siti; acuti, longi, &c. Causæ morborum,  
 agnata, antecedens, continens, externa.  
 Fascinum, philtia, incantationes. Signa  
 morborum; & quid signum, pathogno-  
 monicum, epigenomenon, & epiphæno-  
 menon. In excrementis, actione læsa, qua-  
 litate mutata, doloris idea, situs. Differen-  
 tiæ & causæ symptomatum: quid sympto-  
 ma. In motu: tremor, rigor, horror, tuf-  
 sis, sternutamentum, oscitatio, pandicu-  
 latio, palpitatio, ructus, singultus, vomit-  
 us, nausea: stridor dentium. Læsiõ actio-  
 nis principis cerebri; ut phantasiæ, cogi-  
 tationis, memoriæ vigiliæ, somnus. natu-  
 ralis facultatis, ut attractio &c. Qualitatis  
 mutatæ, visibilis, &c. dolor. Excremento-  
 rum symptomata, in substantia, qualitate,  
 copiâ, tempore; & excernendi modo.  
 Prognostica. Quid signum prognosticum.  
 Signa cruditatis & coctionis signa mortis  
 vel salutis, & quæ ad melius & deterius:  
 signa quæ ad speciem & ad tempus crisis  
 apparent. Tempus morbi: quid princi-  
 pium,

pium, augmentum, vigor, declinatio. Paroxysmus, periodus. Prognosces in urina, dejectione, sive, expectorato, menstruis, vomitu, hæmorrhagiâ, pure. Crisis quid: crisis bona, mala, fida & quando futura. Dierum decretoriorum naturæ & causæ. unde certus naturæ in his ordo. Luna causa adjuvans. Qui dies decretorii: dies sextus: & singulorum dierum vires. Crises singulorum morborum. Septimanarum ratio Abscessus. Dies & hora mortis. Quo affectu quisque peribit. De pulsum significatione. quid pulsus: Diastole, systole: duplex in pulsu quies. differentiæ pulsum. De respiratione, quid sit, unde fiat: inspiratio, expiratio, usus ejus: differentiæ variorum. Urina quid significet, quid sit: ut fiat urina. ejus colores, substantia, quantitas, contenta urinarum, enæorema, hypostasis, spuma, pinguedo, innatantia corpora, &c. Qualitas urinæ, odor. unde varia urina; ut ex ætate, somno, cibo, &c. De febribus hecticis, ephemeris, synochis, putridis, continuis, intermittentibus, quartana, &c. Morbi partium, capitis, thoracis ventris, artuum. Victus ratio in morbis servanda. De natura medicamentorum. Quid pharmacum: unde eorum vires: ut in actum duquantur à nostro calore. primæ eorum qualitates, & secundæ saponores, &c.



Purgantia, vomitoria, sudorifica, urinalia: partibus peculiaria, antipharmaca, venena. Delectus remediorum, quando quæque colligenda: radices, flores, semina, succi, lachrymæ. Præparantia: corrigentia: menses ducentia, obstruentia, aperientia, &c. Externa, repellentia, emplastica, anodyna, narcotica, emollientia, attenuantia, trahentia, discutientia, maturantia, pustulas & vesicas concitantia. De compositione medicamentorum: de ejus utilitate & necessitate: basis, Coctio remediorum, lavatio, vestitio, tritura, infusio, nutritio, mollitio: metallica remedia, & Alchemica. Adjuvantia remedia. Pondera & mensuræ: Sirupi, &c. Methodus medendi. De chirurgia & chirurgo, ejusque officio. Venenorum natura: ab iis præcautio. Vita num prorogari queat medicina. cur alii aliis longioris vitæ. Mors, ejus causæ & necessitas. senes cur facile moriantur. Mortis hora an prædici possit. Ægri deplorati sæpe servantur. Semina amplissimum ad medicum campum habetis; vos in messem excolite. Qui velit, hæc latius ex Institutionibus medicis & Methodo medendi (nam inde profecta sunt) pandere poterit: aut (ut varia ingenia sunt) arctius contrahere. Sunt qui brevissimos velint locos, ad praxin. Hi serie hac transigant:

gant : In primis ponent morborum definitiones , dein causas cujusque morbi : signa unde noscatur quod sit talis morbus : Signa differentium causarum ejus mali ; hoc est , differentię proprię causarum ut noscantur : differentię etiam communes. Indicationes curativę : prognosnum liceat satisfacere indicationibus. Pręservatio, curatio, chirurgia ; Pharmacia, lenientia, pręparantia, purgantia universalialia , & pecularia. topica : dięta : empirica.



JOAN-

JOANNIS DE RAEI,

L. A. M. ac M. Doct.

## DISSERTATIO

DE

*Subsidiis, gradibus ac vitiis notitiæ  
vulgaris in Natura contemplatione, &  
officio Philosophi circa eandem.*



Quo tempore è præceptorum custodia exire mihi licuit, pulveremque Scholasticum cum amœniori ac liberiori studiorum genere commutare, nihil magis in votis habui, quam ut certam evidentemque rerum utilium ac per se scitu dignarum notitiam mihi compararem. Cumque pro more Academiarum in Philosophorum scripta incidere, videremque in iis rerum divinarum humanarumque talem promitti scientiam, quæ & utilis & jucunda & propter seipsam expetenda esset, tanto hujus consequendæ desiderio me captum fuisse profiteor, ut nullo alio capi postea potuerim. Etsi igitur propter amicorum voluntatem & morem seculi ab omni alio studio abstinere non debuerim, nunquam tamen à philosophia me avocari fui passus,



sus, unicam illam veritatis contemplationem, quam proficetur, & sapientiam, quam promittit, & mihi & sibi sat magnum pretium fore existimans. Medicinam quidem cum ipsa conjunxi, sed longe alia conditione quam fieri plerumque solet: Non enim ad curandos ægros id ipsum factum à me fuisse profiteor, sed ad profundiorē uberioremque naturæ notitiā, quam quidem ex sola philosophia hauriri potest.

Fateor tamen non eam mihi hæcenus obtigisse fœlicitatem, ut omnia quæ in vita occurrunt à tali instituto avocamenta tam procul arcere à me potuerim, quin aliquoties ferenda mihi fuerint ad hunc diem usque. Imprimis enim studia Academica magis ad honores, ad reipub. aut ecclesiæ administrationem aliudve vitæ munus ac emolumentum, quam ad innocuam illam veritatis & naturæ contemplationem, quæ proposita mihi erat, instituta inveniebam. Græcia olim habuit suos Democritos, Pythagoras, Anaxagoras, Socrates, Platones, Epicuros, Aristoteles, viros maximam partem illustres, & lucri tamen honorumque contemptores, ac supra sapientiam nil quicquam in hoc mundo desiderantes, quærentesve. At apud Christianos philosophia aliorum studiorum ancilla est & vile sæpe



sæpe mancipium, neque propter seipsam sed alterius scientiæ consequendæ causa doceri ac disci in Academiis solet: sicque fieri non potuit, quin non negligentius tantum à nobis excoleretur quam à Græcis excolta fuit, sed multa etiam contineret, quæ vel inutilia, vel molesta videri possint iis, quibus non tam lucrum, aut honos, aut aliud vitæ commodum, quam unica propriæ mentis cultura ac eruditio omnium laborum finis est.

Porro primi ac præstantissimi eorum qui inter Græcos fuere philosophati, non publicas privatasve instituebant scholas, adeoque nullis docendi molestiis aut discipulorum interpellationibus distrahebantur, sed hoc unum perpetuò agebant, ut vel ex quotidiana naturæ inspectione, vel ex sapientiorum sermonibus, vel ex propria meditatione perficerent eam scientiam, quam unicè quærebant. At verò Christiani vix alio fine se totos philosophiæ tradunt, quam ut alios docere eam possint. Docendi autem munera multas etiam post se trahere molestias ac graviorum studiorum interpellationes, optime illi omnes perspectum habent, qui aliquandiu saxum hoc volverunt. Et ego tamen, sive ex tacito genii mei instinctu, sive ex more seculi me ad docendum appulisse animum

confiteri debeo, nullumque hactenus invenire potuisse vitæ genus, quod tranquillius atque ad sapientiæ veritatisque studium commodius mihi videatur. Si enim clavo reipublicæ affideas, si causas agas in foro, si faciendæ medicinæ fueris intentus, vel mercatura, vel arte mechanica, vel alio vitæ munere impeditus, iis te distractum sentis occupationibus, quibus vel parum vel nihil cum sapientiæ studio est commercii. At nemo sapientiæ præcepta aliis tradit, nisi semetipsum in iis continuò exerceat; nemo abdita naturæ ostendit ac revelat alteri, nisi ea prius ex veritatis puteo eruerit. Ubi res leves, inanes aut etiam cum vanitate quadam conjunctæ, vel plus satis exploratæ docenti inculcantur aliis, vel tempus miserè conteritur, vel ex non intermissa satietate ac repletionem vigor animi obruitur ac suffocatur, tantaque in ejus locum succedit lassitudo ac rerum sublimiorum neglectus, ut vix unquam ad altiora assurgant verum perpetuò humi repere assuescant mentes nostræ. Si verò ea quæ docentur alicujus ponderis ac difficultatis fuerint, qualia præ cæteris sunt quæ veritatis ac naturæ contemplationem spectant, aliis illa instillare nequis, nisi omnes animi tui conceptus & crudiores cogitationes tam minutim ruminando ac

tot novis coctionibus subigendo, ut pingue ac solidum bonæ mentis pabulum inde promanet; tumque nec nausea, nec molesta satietas ac fastidium, sed salutaris ac pulcherrima animo docentis inducitur.

*Sæpia.* Quibus si adfuerit qualiscunque ad docendum aptitudo cum prona animi inclinatione ad ea quæ noveris aliis communicanda, mirum quantum excitent generosæ mentis alacritatem, quantum foveant illius robur. Animalium quidem ac plantarum corpora enervari videmus ex uberiori seminum defluvio, nec non effœta reddi ac sterilia post frequentes generationes: sed humanæ mentis longe alia est ratio; hæc enim quo enixè magis parere studet ac aliis communicare conceptus suos & intelligentiæ fœtus, tanto magis vegeta evadit ac fœcunda.

Sæpius tamen apud animum meum dubitavi, an uti ex privatis quibus hætenus incubui institutionibus, ita etiam ex hoc publico docendi ac disputandi munere, quod hodiernus dies obrulit, ista quæ jam recensui commoda expectare debeam. Hæc ipsa enim cathedra, isti parietes, ac tam densa auditorum corona nescio, quam novam rerum mearum faciem exhibent. Non jam amplius cum notis tantum, ac familiaribus inter privatos parietes

agen-

agendum mihi erit, sed in hocce theatro, ac inter tot Roscios personam aliquam mihi assumendam video, adeoque omni ope annirendum, ut talia doctrinarum fercula auditoribus offeram, quæ non modò exquisitæ aliquorum eruditioni & delicatis auribus, sed etiam diversis variè sentientium probentur desideriis, atque una etiam non omninò indigna inveniantur seculi sapientia hujusque Academiæ celebritate. Quod equidem nullatenus præstare poterò, nisi intendam omnem prorsus nervum, simulque huc advocem non exiguam partem illarum cogitationum, quas hætenus, partim solitariae veritatis contemplationi, partim liberiori mentis relaxationi dare fui solitus: adeòque aliquantò quàm optarem longius à veteri vitæ instituto aberrasse mihi videor, iisque ex parte factus similis, qui ob publica vitæ munia sapientiæ studium negligentius tractare tenentur.

Et iniquiori etiam animo perferrem hæc privati studii per hæc publica negotia interpellationes, nisi jamdudum ex Aristotele didicissem, perfectam quidem beatitudinem in vita contemplativa consistere, verum eam meliorem esse quam hominis ferat natura; non enim, ait philosophus, qua homo est ita vivit, sed qua  
di-



divinum quiddam illi inest. Quemadmodum igitur prima illa quæ in Academicorum studiorum cursu occurrere diximus diverticula ac instituti mei interpellationes declinare prorsus non potui, ac postea non admodum molestè privatæ institutionis onera sustinui, alacriter etiam aggredior publicos hosce labores; sperans iis non minus quam privatis quibus hætenus me exercui institutionibus, non mea tantum sed aliorum etiam studia nonnihil posse promoveri, atque ad scrutandas nobiscum abditas in naturæ puteo veri causas excitulari.

Quæ spes, ne sine causa à me concepta videatur, exponere in præseniarum decrevi, quæ & qualis sit ea naturæ contemplatio, quam ut ipsemet sequor, ita & in omnibus iis, qui seriò mecum philosophari & supra vulgus sapere voluerint, exigo. Quod argumentum tam fecundum quidem est, ut plenè hoc loco explicari & pro dignitate tractari non possit, sed quia nec usus, nec dignitas philosophicæ contemplationis percipi, neque officium hominis philosophi aliter intelligi potest, quam ex vera differentia, quæ inter vulgarem & philosophicam consistit notitiam; præcipua quæ ad eam intelligendam spectant capita eo usque saltem attingere

gere est animus, ut expositis *subsidiis*, *gradibus*, *imperfectionibus* & *vitiis vulgaris notitia*, tantò clariùs *philosophica contemplationis* pulchritudo spleadeat, omnesque quibus philosophari est animus videre possint, quantò utilior, jucundior & generosa mente dignior sit profunda illa ac solida abditorum naturæ scientia, quam promittit philosophia, quam tenuis illa angustisque limitibus circumscripta cognitio, quam omnium hominum communem esse docebimus.

Inprimis enim in confesso est, non omnia quæ sub humanam cognitionem cadunt contemplationis philosophicæ esse propria. Quædam enim supra philosophiam sunt, neque ab ea aut per eam dignosci & dijudicari ullo modo possunt; qualia sunt nonnulla eorum quæ Deus vel de se ipso, vel de voluntate & consilio suo, vel de operibus suis in Sacra Scriptura revelavit, aut per specialem gratiam internamque mentis illuminationem aliquibus nota esse voluit: quorum quia philosophus non magis capax est & particeps, quam quilibet ex vulgò, omnis etiam quæ inde hauritur notitia non ulli humanæ sapientiæ aut philosophiæ adscribi, sed soli divinæ gratiæ accepta referri, nullique, quem Deus ea dignum esse voluit, invideri debet.

Si

Si vero aliquæ veritates, uti evenit in multis, non propriis tantum humanæ cognitionis viribus, sed revelatione insuper cognosci queant, manifestum etiam est, philosophicam quidem esse posse hujusmodi veritatum scientiam, ubi ex communi omnium hominum cognoscendi facultate promanat, si vero ex fide & propter revelationem teneantur eadem veritates, non magis ad philosophiam referri possunt, quam alteræ quas supra philosophiam esse diximus.

Neque tamen id omne quod solis naturæ viribus cognoscitur à philosopho pro philosophia haberi potest: quandoquidem plurima eorum quæ cognoscit sapiens cunctis mortalibus communia sunt, ac iis etiam obvia, qui vel mente capti, vel barbari, vel ita saltem in sapientiæ studio exercitati non sunt, ut philosophi hoc est supra vulgus sapientes dici possint. Talisque maximam partem est omnis ea vulgi notitia, quæ *Sensuum experimentis* primam originem, *Memoria* conservationem, *Imaginationi* ac *Discursui* ab uno ad aliud, perfectionem atque incrementum debet. Quisquis enim homo est, non ut lapis, vel arbor ex bruta raptum constat materia, sed *mentem* præterea habet, quæ ad imaginem Dei facta adeoque sua natura apta nata est mul-

multa percipere & intelligere, nec non iudicium de iis ferre. Huic menti unitum est corpus, non una continua ac immota mole, sed variis constans partibus, iisque tam affabrè factis, ut vel à se invicem & à causis internis, vel aliunde seu à rebus circumstantibus non nihil commoveri, eamque motionem tali modo recipere atque ad mentem deferre possint, ut variæ interiorum exteriorumque sensuum inde consequantur perceptiones, quarum beneficio, & proprii corporis multorumque in eo affectuum, & rerum etiam extra nos positarum, citra voluntatis consensum certiores reddimur, simulque ea quæ commoda nobis sunt vel incommoda dignoscimus, & magnam qualitatum, operationum aliorumque accidentium & formarum varietatem, in rebus corporeis detegimus.

Univerſa enim cutis cum carnibus quibus exterior corporis habitus constat aliquas nervorum propagines intextas sibi habet, quæ ubi spiritu turgent à plerisque occurrentium corporum contactibus moveri possunt; qui motus, prout vehementes vel mediocres sunt, aliisve modis variant, indicant menti quid suo occurſu prodeſſe vel nocere queant corpora à quibus procedunt, simulque eam in cogi-



tatione excitant sensuum varietatem, à qua tot *tactiles qualitates*, quales sunt calor, frigus, humiditas, siccitas, durities similesque denominantur; sicque tot etiam rerum occurrentium varietates, qualitarum istarum nominibus insigniri solitas, iisdem sensuum perceptionibus cognoscere nobis videmur. Et quia plurimæ interiores partes similes habent nervorum propagines, variæque in ipso corpore latent causæ, quæ afficere eas possunt, hinc sensus quidam oriuntur quos internos vocamus, eo quod non ad externa objecta, ut priores, verum ad nosmetipsos terminari nobis videantur: talesque sunt perceptiones *caloris & frigoris ubi in nostro corpore resident*, nec non *doloris & voluptatis*, ut & *famis & sitis*.

Quia vero lingua ac palatum cute investuntur quæ tenerior est ea quæ habitum corporis ambit, carneque etiam tenella ac spongiosa constant & nervosas propagines procul dubio subtiliores habent; hæ partes non modo ab integris & crassis illis corporibus, quæ palpari possunt, afficiuntur sensu tactus, verum etiam à tenuibus illis, quibus cibi liquidi vel comminuti constant, particulis, ita insuper moventur, ut sensus ille *saporum*, qui gustus dicitur, inde exoriatur: qui saporis si grati fuerint, ut plurimum significant commoda nobis fore

fore ea corpora à quibus procedunt, si ingrati, ea tanquam noxia fugienda esse docent.

At versus nares ex cerebro porriguntur duo nervosi processus, qui nudi incedunt, neque carnibus, aut durioribus membranis, ut in gustu & tactu fit, investiantur, adeoque necessariò moveri debent à subtilioribus illis ac celeriter agitaris particulis, quæ ex corporibus odoriferis exhalantes, cum aëre quem inspiramus eo advehuntur, sensumque *odorum* in mente excitant, eamque cummonefaciunt corpus aliquod adesse, quod vel respiratione attractum, vel pro alimento assumptum, nocere aut prodesse nobis queat.

Similesque etiam duo nervi versus interiores aurium recessus protensi excipiunt tremulos illos motus ac concussiones, quibus aër sæpe agitur, eamque in mente excitant perceptionem, quam in sensu *soni* experimur. Quæ soni perceptio primariò à natura instituta videtur ad remotorum corporum, quæ forte irruere in nos possent, impetus cognoscendos & declinandos; & non contemnendum præterea usum præbet in mutua cogitationumstrarum, quæ certis vocabulorum sonis ex communi instituto alligatæ sunt, communicatione.

similibusque aliis patriatur qualitatibus, ideoque nihil præter hujusmodi perceptiones ad sensum sit referendum, si accuratè illum ab intellectu distinguere velimus; nihilominus, quia hæ qualitates nec reperiri, nec intelligi possunt sine re aliqua subsistente, quæ præter substantiam suam corpoream, etiam magnitudinem, figuram, situm, nec non motum vel quietem habere solet, hæc omnia una cum dictis qualitatibus sensu percipere nobis videmur. Et quanquam sensus versari tantum dicatur circa *singularia*, ita tamen omnes facti sumus à natura, ut relictis singularibus circumstantiis hujus aut illius substantiæ, vel qualitaris, vel magnitudinis, alteriusve attribui, *communem pluribus naturam* libenter & facile contemplemur.

Porro advertentes, non pro arbitrio nostræ voluntatis, verum citra animi consensum nobis plerumque advenire istas sensuum perceptiones, eas etiam, non à nobis solis effectas, verum à rebus aliis *extra nos existentibus* sensui impressas esse judicavimus: quarum rerum cum nullam aliunde primæ ætate haberemus notitiam, quam ex jam dictis sensuum perceptionibus, non potuit etiam aliud nobis venisse in mentem, quam illas hisce similes esse: sicque eos ipsos sapes, odores, calores, sonos,

nec non ipsa illa quæ sensimus lumina, una cum innumerabili in coloribus varietate; ut & magnitudines, figuras & motus extra nos existere judicavimus; arque rem illam subsistentem, quæ ita colorata, calida, magna, figurata aliisque prædita est formis, pro diversitate formarum quæ sensibus sese offerunt, vel solis, vel lunæ, vel arboris, vel lapidis, vel aquæ, vel ignis, aliove insignimus nomine.

Sequitur notitia *effectuum*, *operationum* & *mutationum*, quæ in hisce corporibus notari possunt, & non ita ab ullo alio sensu, quam quidem à visu deprehenduntur. Nam tactus, gustus, olfactus & auditus ita defixi esse solent in perceptione earum passionum, quas objecta ipsis imprimunt, ut non doceant quid possint apud sese res extra nos positiæ: Visus eas insuper mutationes & operationes detegit, quæ rerum quas intuemur sunt propriæ. Sicque tria diversa effectuum actionumque genera notamus; vel enim corpus unum videmus agere in aliud, ut cum ignis aliquid comburit & consumit, sol omnia vegetat ac movet; vel corpori nostro aliqua inducitur mutatio, ut fit à medicamento, aëre, aqua pluribusque aliis; vel denique actionem aliquam in se ipsa exercent aliqua corpora, ut cum ignis consumit se ipsum,



cœlum in orbem gyrat, magnes se dirigit ad polos mundi. Quæ tria mutationum operationumque genera, cum à nullo corpore proficisci possint, nisi vi & facultate quadam fuerit præditum, jam ab ineunte ætate assumptum à nobis fuit, præter sensibiles qualitates sensus nostros per sese afficientes etiam *naturales* quasdam à nobis cognosci *potentias facultatesque*, quibus corpora vel in se ipsis operari, vel in corpore nostro, aut alio quovis mutationem quandam inducere valeant, talesque sunt gravitas, levitas, vires magneticæ & multæ medicamentorum, venenorum aliorumque corporum facultates, quæ, quia per sese non afficiunt aliquem sensum ut facit calor, verum per opera sua investigari debent, *occultarum qualitatum* nomine veniunt apud philosophos.

Denique sæpe similitudo aliqua reperitur inter hæc sensuum objecta, aut unum alterius causam, effectum, consequens aut antecedens esse novimus, sicque notitia unius promover ac perficit cognitionem alterius. Sæpe etiam ex communi instituto, aut consuetudine, res una alteram significat ac notam facit. Quæ vis significandi in omni eo quod sensu percipitur collocari quidem potest, sed commodissimè, vel iis quæ movent visum,

632 DE VULG. ET PHILOSOPH.  
vel etiam sonis aliquibus alligatur.

Inter *signa* autem quæ à sonis desumuntur, nulla vel ad usum vitæ commodiora, vel ad humanæ cognitionis promotionem utiliora hæcenus sunt inventa, quam quæ in *articulatis hominum vocibus & sermone* consistunt. Etsi enim in vocabulorum enunciatione nihil præter sonos reperitur, quia tamen jam ab ineunte ætate plerosque animi conceptus iis alligavimus, & propter continuum loquendi usum non ad verba tantum, sed etiam ad eorum significata attendere didicimus, vix quicquam adeò est absconditum in animis hominum, quod non voce aliqua exprimi & alteri hoc pacto communicari possit, quod quantum compendii adferat in acquirenda rerum cognitione, nemo non videt.

Signa autem, quæ in visum incurrunt, multiplicia sunt: quædam enim res ipsas significant, ut *pictura*, & multa genera *characterum*; quædam non res tantum, sed nostras etiam de rebus cogitationes manifestas faciunt, ut *gestus* qui in usu sunt apud mutos, nec non *hieroglyphica* Ægyptiorum, sub quibus multiplex sapientia condi solebat: quædam denique instituta sunt ad notandos hominum sermones, ut *litera seu scriptura*; ut enim voces ore prolatae conceptuum, ita scripturæ characteres harum

vocum signa sunt. Et quia, ut jam dictum fuit, æquè de vocabulorum significatis atque de eorum sonis cogitamus, quoriscunque ad sermonem attendimus, fieri non potest, quin scriptura, quæ sermonis index est, ea etiam, quæ sermone isto designari novimus, simul manifesta nobis faciat.

Enimverò admodum angustis limitibus circumscripta foret tam multiplex sensuum notitia, & forte ne primariis quidem hujus vitæ necessitatibus satisfaceret, si, quam cito ex corporeis motionibus in cognitione nostra oritur, tam subito etiam evanesceret cessante externi organi motione, & absente objecto à quo illa pendebar. Jam verò ita à natura factum deprehenditur humanum corpus, ut, quamvis peculiaris sit singulorum sensuum constitutio, & peculiare etiam unicuique organo inferantur nervi, hi tamen nec oriuntur, nec finiuntur in istis organis, verum ex intimis cerebri penetralibus, tanquam diducta ac prolongata substantiæ ipsius filamenta, ad omnes fere corporis partes sunt prorensi, ut, quoties bene dispositi satisque expansi fuerint in vigilia, eam impressionem, quam in externo organo recipiunt, ad communem omnium originis suæ locum deferant ac deponant: &

quia tales externorum sensuum impressio-  
nes sæpe redeunt, & quandoque satis ve-  
hementes sunt, fieri non potest quin in re-  
nella & flexili illa cerebri substantia, ad  
quam nervorum interventu pertingunt,  
aliquod sui vestigium relinquant. Atque  
hoc externæ impressionis vestigium, quod  
species & phantasma dicitur philosophis,  
conservat in nobis rerum absentium & jam  
ante à nobis perceptarum *memoriam*, fun-  
giturque vice ipsius objecti ubi de eo ab-  
sente cogitamus.

Hæc autem peculiaris cogitandi forma,  
qua non ad rem ipsam externo sensui præ-  
sentem, sed ad ejusdem imaginem seu præ-  
teritæ impressionis vestigium mentis ob-  
tutum vertimus, *Imaginatio* seu phantasia  
vocatur: quæ licet initio non tam vivida  
& expressa esse soleat, quam quidem ipsæ  
externorum sensuum perceptiones, itera-  
tis tamen aliquoties externorum sensuum  
motionibus, & repetita quandoque inter-  
na meditatione ita perfici potest & con-  
firmari, ut multum adjumenti & perfe-  
ctionis inde accedat communi isti, de qua  
hactenus loquuti fuimus, hominum noti-  
tiæ, quæ ex variis sensuum perceptionibus  
atque experimentis ortum ducit.

Ut enim objecta externa motionesque  
ab iis excitatæ circa sensus externos, ita  
ce-



cerebri vestigia spirituumque animalium  
 interna commotio se habent circa imagi-  
 nationem; neque magis necessarium est,  
 præsentem ex. gr. corpore luminoso oculis-  
 que ab eodem commotis, sequi illius sen-  
 sum, quam præsentem in cerebro hujusce  
 motionis vestigio, loco corporis illumina-  
 ti, spiritibusque ab eodem convenienter  
 agitati, vim etiam imaginandi excitari,  
 ipsumque illud corpus, quod non est præ-  
 sens, concipere, uti quotidie id experiri  
 licet in insomniis, nec non vigilantium  
 fortuitis imaginationibus, & delirantium  
 imprimis ac melancholicorum phantasiis.  
 Quemadmodum etiam ex singulorum  
 sensuum impressionibus, non luminis  
 tantum, & colorum, & caloris aliarumque  
 qualitatuum elicimus perceptiones, verum  
 interiori mentis agitatione varia judicia ac  
 ratiocinationes eis superstruimus, multa-  
 que de rerum extra nos positarum figuris,  
 magnitudine, situ, motu, substantia, mu-  
 tationibus, effectis & viribus agendi co-  
 gnoscimus concludimusque, & res etiam  
 absentes ac insensibiles per sua signa intel-  
 ligimus: haud aliter imaginatio rerum ab-  
 sentium ac sensationum præteritarum ve-  
 stigiiis excitata, & interna sæpe ac liberiori  
 mentis & spirituum agitatione adjuncta hæc  
 omnia præstat quam promptissimè. Qui-

bus si addamus quod imaginatio nunquam sere sit otiosa, sed ut plurimum præsentia sibi habeat aliqua objecta in quorum contemplatione se exerceat, vel si ad ea non attendat, quod quidlibet ex memoria depromere ac sibi præsens sistere, nec non ob summam spirituum agilitatem & vestigiorum quæ vice objecti funguntur viciniam, celerrime de eo cogitare, simulque variè illud conferre cum aliis, nec non componere, dividere, ampliare aut contrahere, & hæc omnia denique memoriæ mandare ac firmiter imprimere possit; quis non videt quot & quanta hinc sequantur humanæ cognitionis subsidia?

Et hæc tamen omnium hominum communia esse voluit optimus Deus; ad hæc non docti sed facti, non instituti sed à natura imbuti sumus. Ipsi amentes non sensuum tantum, verum etiam memoriæ atque imaginariæ aliquem habent usum. Quotquot verò mentem sanam in corpore sano nacti fuerunt, non aliter quidem colorem, lumen, calorem similiaque percipiunt, sed rectius de rebus extra nos positis iudicant, distinctius earum figuras, magnitudines, motus substantiamque concipiunt, mutationes, effecta & agendi vires curiosius perscrutantur, & foelicius plerumque res præteritas memoriæ mandant

dant & ubi opus fuerit ex ea promunt, ac celeriori denique certiorque utuntur ratiocinatione. Majus etiam sciendi desiderium inditum à natura habent, majoremque ex rerum novarum notia hauriunt voluptatem. Et quia plurimarum rerum indigi sumus, dum fragile hoc corpus circumferimus, & vix quicquam rerum externarum occurrit, quod non vel ad vitæ conservationem aliquid conferat, vel nocere aut prodesse possit; necessum fuit non animi tantum gratia nos captare rerum occurrentium notitiam, verum etiam studio & labore eam quærere magnaue diligentia memoriæ mandare. Etenim corpus nostrum non perpetuò in eodem statu subsistit, verum ab internis externisque causis continuo muratur consumiturque. In aëre spiritum ducimus, cibo & potu indigemus ut ex infantibus evadamus viri, virilemque ætatem in vigore diu conservemus, tandemque etiam senectâ fruamur quantum fieri potest vegeta ac immuni ab iis molestiis, quæ graviores ipsam reddunt. Et quia hisce auxiliis artem rectam servare valetudinem nostram, neque rerum externarum injuriæ, neque fatalis corporis nostri ad deteriora lapsus permittunt, præter noxios proprii corporis affectus actionumque ipsius

vitia



vitia ac impedimenta, etiam remedia  
 quædam seu auxilia notare debuimus, qui-  
 bus vel imminens periculum præveniri &  
 arceri, præsensque noxa removeri possit.  
 Et mediocris horum omnium notitia suf-  
 ficeret nobis, si ea foret cœli clementia  
 corporisque nostri fortitudo, ut sub dio ac  
 nudi vivere possemus, sique cuncta ad ea  
 quæ diximus necessaria sponte obviâ nobis  
 fierent, ac denique si pauca illa, quibus  
 natura contenta esse posset, nostris etiam  
 desideriiis ita satisfacerent, ut non quære-  
 remus tanto studio earum rerum appara-  
 rum, quæ vel superfluxæ sunt, vel ad volu-  
 ptatem tantum atque mollitiem compa-  
 ratæ. Fateor quidem eos mortalium, qui  
 maximè barbari sunt, parum sollicitos esse  
 de acquirenda talium rerum penitiori am-  
 pliorique notitia. Vivunt illi ferarum mo-  
 re, victumque in diem plerumque quæri-  
 tant. Securè iis fruuntur, quæ vel natura  
 vel raptus suppeditat. Cuncta discrimi-  
 nant externis illis formis, quas ab eunte  
 ætate sensu observant. Quæ ipsos latent,  
 non anxie inquirunt, quia illa sibi commo-  
 da vel necessaria esse posse non vident. Illi  
 verò qui posita barbarie in magnas coiëre  
 societates, vitamque ducunt tranquillam  
 ac mansuetam, quia rerum, quas possident,  
 proprietates & dominia accurate distin-  
 guunt,



guunt, ſinguli ſua ſorte contenti eſſe debent. Quæ ad vitæ ſuſtentationem neceſſaria habent, non raptu, ſed arte acquirunt, & ſi fortunam experti fuerint benigniorem, pacatè iis fruuntur quæ ex bonis propriis proveniunt. Atque in hac vitæ tranquillitate & otii abundantia magis circumſpecti & ad ea quæ quotidie in vita occurrunt attenti eſſe ſolent homines. Ubi obſervant quippiam, quod uſum, vel commoditatem in vita allaturum ſperant, id non contemnunt, vel negligunt, verum diligenter ejus qualitates, formam, operationes, vires uſuſque notant. Sicque inventa fuerunt veſtimenta, caſæ, ædificiaque quibus nos defendimus ab aëris injuria, variæque alimentorum ſpecies ac formæ una cum aëris, aquæ, ignis, tempeſtatum, & locorum quæ inhabitamus differentiis viribusque diligentius obſervatæ. Eodemque modo notatum etiam fuit, quid herbæ, quid mineralia, quid variæ animalium partes, quid denique innumera bilis illa corporum quæ nos circumſtant multitudo, efficiat in corporibus noſtris, quasve hæc omnia ſibi invicem inducant mutationes, ut eorum commoda proſequi, incommoda fugere poſſimus; quæ prima *artis Medicæ initia* fuere. Accessit noſtri etiam corporis curioſior contemplatio: & cer-

primum quidem externa ejus forma, ac  
 structura una cum operationibus, acci-  
 dentibus, morbisque conspicuis notata  
 fuere, sicque exculta fuit *Chirurgia*: dein-  
 de verò interior abditarum partium inspe-  
 ctio in cadaverum animaliumque disse-  
 ctionibus fuit tentata, multaque admira-  
 bilia & ante incognita, circa partium figu-  
 ras, magnitudines, nexus, colores, confi-  
 stentiam, vias & horum omnium denique  
 usus per *Anatomen* sunt detecta. Cumque  
 multis rebus ad vitam necessariis non ita  
 integris prout occurrunt uti possimus,  
 verum vel componendæ, vel dividendæ,  
 vel aliter formandæ sint ac struendæ, non  
 contenti dignotione earum varietatum, &  
 virium, quas ipsa natura offert, arte natu-  
 ram perficere, vel superare laboravimus,  
 quæ prima *Mechanices* artiumque, quas illi-  
 iberales vocant, initia fuere. Ac denique  
 necessum est mentem hominis, quæ tot  
*rerum utilium* notitia quotidie imbuitur,  
 magis magisque affici plura cognoscendi  
 desiderio, tandemque tantam ex rerum no-  
 varum cognitione haurire voluptatem, ut,  
 quicquid novum vel incognitum occurrit,  
 ob hoc unum novisse ac notare velit, quia  
 ipsa sibi pretium est cognitio. Atque hoc  
 pacto non utilia tantum & commoda ad  
 vitam, quæ jam recensuimus, sed quælibet  
 etiam

etiam alia, quæ *rara* vel *admirabilia* nobis videntur, magna cum voluptate advertimus. Et prout quisque vel otio abundat, vel sciolus, curiosus atque admirabundus fuerit, tanto ulterius progreditur in hoc ultimo cognitionis genere, & tanto majori studio ea quæ in cœlis, terra, aqua, meteoris, lapidibus, metallis, brutis animalibus & homine *rara* occurrunt, memoriæ mandat. Scilicet in ipsis rebus quæ cognoscuntur invitamenta insunt, quibus ad earum notitiam movemur. Fictas fabulas, è quibus nulla utilitas duci potest, cum voluptate legimus. Etiam pueri ne verberibus quidem à contemplandis rebus perquirendisque deterrentur: gaudent se novè aliquid addiscere idemque aliis narrare gestiunt; pupa, ludis similibusque spectaculis in tantum tenentur, ut vel famem & sitim ea propter perferant; imo ipsa natiuitatis hora magna cum voluptate versus lumina oculos flectimus, suaviq; risu sæpè restamur, quantum delectationis ex tot novarum rerum intuitu capiant mentes nostræ.

Atque hæc tam utilis, tam necessaria ac jucunda multarum rerum cognitio, ea ipsa est quam omnibus hominibus communem fecimus. Hujus natales ducendæ sunt ab ipso mundi exordio; hæc ante  
sa-

sapientiæ studium ad aliquam perfectionem perducta, posteaque à vulgo mortaliū exculsa fuit, adeoque etiamnum ab eo cognitionis genere, quod philosophi proprium est, distingui debet. Et quamquam Europæi, aliæque magis cultæ nationes, ut humanitate & mansuetudine, ita eorum etiam quæ jam recensuimus scientia alias gentes antecellant: incredibile tamen est ullos reperiri homines adeo brutos ac barbaros, quin eam harum notitiarum partem assequuti fuerint, qua & vitæ necessitatibus satisfacere, & animos etiam delectare nonnihil possint. Consulti- te eos qui novi orbis barbariem; aut Sep- tentrionis & Austri stupiditatem vident, an non homines illic vivunt sensibus suis juxta nobiscum utentes, rerum colores, calores, frigora, sapes, figuras, motus, magnitudines & ipsam denique substantiam recte distinguentes; multos etiam rerum effectus viresque à quibus illi procedunt notantes, & si non literas sermonem saltem quem didicerunt intelligentes? Et an non aliqua eorum quæ hoc pacto cognoscunt memoriæ trahunt, & ubi opus fuerit imaginatione recognoscunt, nec non ex notitia una in aliam ducuntur? annon arte naturæ vires superare, machinas extruere, & valetudinis aliquam



rationem habere solent ? Et quidni ea etiam scire desiderent , quæ præter scientiam nullam in vita adferunt utilitatem ? quid obstat quo minus præter quotidiana, & ubivis obvia sensuum experientia, ea etiam observent , quæ admiranda sunt ac rara nobisque magnam partem incognita ?

Enimvero quantacunque etiam videatur vulgaris hujusce notitiæ amplitudo , fieri tamen non potest , quin multis *erroribus, tenebris, ac præjudiciis* sit obnoxia ; vel, si quid rectè perceptum , penitusque exploratum in ipsa reperiatur, id tam parum est tamque *angustis limitibus circumscriptum*, ut suavitatem suam provocet quidem & augeat sciendi desiderium, sed nullo modo exstinguat. Distinctè quidem imaginamur quantitatem illam geometricam seu extensionem, quæ omnium corporum communis est, & sine ulla sensibili forma consideratur : partibus autem hujusce quantitatis quasilibet magnitudines, figuras, situs, motus locales , motibusq; istis quasilibet assignamus durationes. Et prout motus cum motibus , figuras cū figuris, magnitudines magnitudinibus variè componimus , hinc innumeræ exurgunt horum ad se invicem habitudines proportionalesque. Et hæc quidem sic in genere spectata nulli non nota esse

esse possunt : Geometræ autem & mechanici, omnesque illi qui imaginationem rationemque suam horum contemplationi assuescunt, multa etiam particularia de figuris, moribus, & numero præcipue ac magnitudine, quæ puræ matheseos objecta vocantur, attendendo ac meditando percipiunt. Verè etiam jam ab ineunte ætate conclusum à nobis fuit, hæc omnia generatim saltem spectata in rebus corporeis, quas sensu percipimus, reperiri : & si satis propinqua & magna fuerint aliqua corpora, talem sæpè figuram, magnitudinemque revera habent, qualem sensu in his percipimus.

Sed obsecro vos, Hum. Aud. ut considerare mecum dignemini, quàm multa deficient in particulari ista magnitudinum, figurarum, motuum ac distantiarum notitia ; quam obscuræ sint qualitatuum sensibillum perceptiones ; & quam nulla sit intimæ substantiæ una cum viribus suis atque potentiis per corporeos sensus cognitio ? Annon in vobismetipsis & aliis sæpius observastis, non ita in parvis aut longe distitis corporibus, quam quidem in magnis & propinquis posse dignosci cujus sint *figura*, aut *magnitudinis*, quantumque vel à nobis vel ab aliis *distent* ? Quotusquisque ex vulgo lunam non putat stella-

rum

rum omnium esse maximam ? & revera est minima : & quid scimus annon eadem fallacia contingat in pluribus ? & unde certifiemus solem sua luce & magnitudine tantum superare stellas fixas , quam quidem nobis apparet ex visus indicio ? & quid ni stellæ illæ fixæ revera non habeant omnes illas primæ, secundæ, tertiæ, quartæ, quintæque magnitudinis differentias, quas oculis exhibent , sed eæ , quæ videntur minimæ cur aliis non possint esse æquales, aut majores , omnesque instar solium propria luce fulgere, ac tam parvæ tamen debilesque videri ob immensam à nobis distantiam ? Vulgus ex visus indicio planetis omnibus , ut & lunæ nativam attribuit lucem , quam tamen nullam habent , cum corpora sint prorsus opaca , terræ nostræ similia , montibus vallibusque distincta , omneq; lumen, quo conspicui nobis fiunt, à sole mutuantia. Quam absurdè oculi judicant de planetarū erroribus , putant eos circa terram fieri, multisq; regressibus, accelerationibus, retardationibusque, apogæis & perigæis esse irregulares, qui tamen omnes uno simplici & ordinatissimo circa solem absolvuntur motu. Notum est , quot seculis ante detectum novum orbem terram esse planam nullosq; habere antipodas creditum fuerit , atque tam pertinaciter

ter ex sensuum præjudiciis assertum, ut & ineptum, & ridiculum & fabulosum esse putaverint contrarium asserere. Et ut alii sensuum errores, quibus per omnem ætatem assuescimus, ita hic etiam non imperitæ tantum plebis, sed doctiorum etiam animos occupavit. Cumque rationibus stabiliri non posset terram nullos habere antipodas, vi ac consequentiis ex Theologia petitis actum fuit, dictumque quod antipodibus inductis in terrarum orbem alius etiam induceretur Christus. Sic Virgilius Episcopus Salæburgensis, qui pro concione huic errori contradixerat, à Bonifacio Episcopo Moguntino crimine impietatis accusatus, literisque à Zacharia pontifice impetratis damnatus Sacerdotioque dejectus fuit. Tanta videlicet præjudiciorum vis est, tamque arridet nobis imperfecta illa ac in multis erronea sensuum cognitio, quam de rebus extra nos positis à pueritia coacervavimus, ut illi, qui sanctissimi veritatis custodes esse deberent inter homines, tam turpiter lapsi hic fuerint. Et dato quod rerum visibilium figuras, magnitudines, motus, situm atque distantiam recte percipiamus, uti id fieri sæpè fatemur: quid dicendum de tot myriadibus corporum minutissimorum, quibus pulvis, vapor, fumus, aqua, oleum,



vinum, sanguis, lac, ignis, aër, cœlum, sol, omniaque fluida constant? & annon arbor, lapis, caro, os, ferrum, magnes, sal, nitrum, aliaque innumera corpora stabilia ex tam parvis in ortu suo coaluerunt partibus, ut earum magnitudines, figuræ, nexus & intervalla nullo sensuum acumine dignosci queant? annon multa subtiliora corpuscula crassiorum intervalla replent ac permeant? annon ex humano corpore aliisque insensibilis exspirat materia? describe nobis, quotquot tantum tribuisti sensibus vestris, horum omnium numerum, magnitudines, figuras, motus, vicinitatem ac intervalla.

Quantum verò ad lumen, colorem, odorem, sapes similiaque propria singulorum sensuum objecta, ea quidem valde clarè percipere nobis videmur, sed propius nostras de iis perceptiones insipienti manifestum fit, eas intimam veramque qualitarum istarum naturam nullo modo detegere. Hoc enim si ita se haberet, & infans, & demens intelligerent in quo consistat tot saporum, colorum, odorum, sonorumque, quos sapiente sæpe admiratur, varietas: & si verum sit, quod ab infantia nobis persuasimus, bruta animantia iisdem nobiscum gaudere sensuum perceptionibus, annon canis majorem odorum notitiam ha-

habet suo domino? an accipiter, an aquila non rectius percipit, quid lumen, & color sint in re visibili, quam philosophus hoc unquam percipere potest? Philosophi occultas vocant eas qualitates quarum quidem aliqua effecta vel operationes videmus, intimam vero naturam sensu non attingimus: talesque sunt apud ipsos vires magnetis, pæoniæ, rhabarbari & pleræque naturales agendi potentia, quas idcirco sensui non obvias esse docent. Sed ô boni, quæ quæso est manifesta illa notitia quam de qualitate, quæ afficit sensum, evidentior habet vulgus quam de vi magnetica? annon uti ignem calefacere, & comburare, acetum attenuare ac incidere, aquam humectare, annon ita, inquam, magnetem ferrum ad se allicere, pæoniam comitialem morbum curare, & rhabarbarum purgare, sensuum experimento constat? Et si quæram in quo consistat vis illa incidendi in aceto, humectandi in aqua, comburendi in igne, aliudne responderetur ex communi hominum notitia quæ ex sensibus hauritur, quam hanc esse & ignis, & aceti, & aquæ proprietatem seu qualitatem, ut opera ista præstare possint? Quod cum de vi magnetica omnique alia occulta qualitate, cujus effecta sensu percipimus, dici etiam possit, quid causæ est quod

quod magis manifestæ nobis videantur vires ignis quam magnetis? Nil juvat enim quod uti ignis facultas caloris ita pleræque aliæ, quæ manifestæ dicuntur, suo indigentur nomine, vis autem magnetis, præoniæ similesque nomine careant; *non enim*, uti Fernelius lib. 2. de Abditis rerum causis cap. 17. sapienter hic responderet, *ex nominum sed ex rerum scientia ducenda est cognitio*. Et quanquam ignis suo calore & lumine non solum in rebus extra nos positis operetur, verum etiam passionem aliquam imprimere soleat sensui, nihilo hinc manifestior evadit caloris & luminis natura. Descende in te ipsum quisquis hac de re dubitas, & vide an tam manifesta tibi sit harum qualitatum, quam quidem cubi, vel trianguli, vel extensionis natura. Hærebis quidem prima vice, eo quod per omnem vitam ex iudicio infantia tibi persuaseris, id omne, quod exhibetur sensui, tale esse in rebus extra nos positis, quale repræsentatur in sensus perceptione: sed si examines, si attendas, quidnam sit quod iste sensus ex. gr. soni, vel caloris, vel coloris, tanquam in corpore sonoro, calido & colorato tam aperte tibi ostendere videtur, facile advertes, te quidem posse concludere aliquam in corporibus istis esse qualitatem perceptiones istas in



sensu excitantem, sed quæ propria sit hujusce qualitatis natura, id sensus non tam aperit quam abscondit. Quis enim de continui solutione cogitat ubi sentit dolorem? Quis in ventriculo percipit eam nervosarum partium vellicationem & punctiōnem, à qua excitatur sensus famis? quis tremulum aëris motum sibi imaginatur, ubi audit sonum? Certè nulla inter hasce sensuum perceptiones & corporis nostri rerumve externarum qualitates, quas significant, reperitur similitudo. Et unde quæso constabit reliquorum etiam sensuum, ut & qualitatum quas percipiunt non parem esse rationem? Et quis tamen ex vulgo ad ista attendit? quis non sensuum suorum perceptiones veras & expressas rerum sensibilibus imagines esse putat?

Sed ut liberalius vobiscum agam quotquot nimiū tribuitis vulgi & sensuum notitiæ, largiemur inpræsentiarum, præter externas corporum figuras, magnitudines ac motus, etiam colores, calores, sapes reliquasque patibiles à philosophis dictas qualitates recte percipi à sensibus vestris, quid verò dicetis de intima ac propria cujusque corporis *substantia* ac *forma*? Annon sua etiam penetralia intimosque recessus habet natura? annon ut in ædificiis ho-



hominum, ita etiam in corporibus ab ipso Deo creatis plus artificii ac pulchritudinis in interioribus later, quam in extima superficie ac primo aditu? annon igitur interiorum illarum partium, quæ sensus fugiunt, suæ sunt figuræ, magnitudines & nexus? annon hæc etiam propriis sibi motibus moveri possunt, & ubi nectuntur inter sese, annon intervalla ac interstitia aliqua ex figurarum irregularitate inter ipsas remanent? Hæc si nota vobis non fuerint, uti revera non sunt, quid aliud erit externas istas formas novisse, quam vitrum lambere cum vulpe & pultem non attingere? Et sane miserior est hac in parte hominum quam vulpis conditio: vulpes enim pultem quidem non attingit, quamdiu vitreo vasi est inclusa, sed eam tamen per pellucidam ejusdem vasis substantiam foras intuetur, sicque memor dulcedinis quam pabulo suo inesse novit, non tam vitrum lambere, quam perfringere, adeoque ipsa frui pulte unicum ejus desiderium est. At verò cortex ille externorum accidentium, cui rerum corporearum medulla maximæque naturæ delitiæ includuntur, non ulli sensui est pervius, neque ut vulpi pultem ita nobis naturæ medullam prius degustasse contigit, verum primæ ætatis cogitationes totæ occupatæ fuerunt in

externo tantum cortice lambendo. Hisce adde quod non omni sapore & succo destitutus sit naturæ cortex, uti vas vitreum, sed nonnihil grati & non omninò inutilis succi hauriri inde solet. Imo omnes illæ sensuum perceptiones, quibus in lambendo utimur, nescio quas in se continent illecebras, quibus dici non potest quantum afficiantur & delectentur humanæ mentes. Hæ nos avocant ab intimis naturæ penetralibus, hæ efficiunt ut non cum vulpe ad ipsam naturæ pulcem penetrare, sed perpetuò ejus corticem lambere velimus; & ut pueri lactis saccharique dulcedine pellecti solidiores cibos non quærunt sed fastidiunt sæpe, haud aliter humanus animus ita capi solet prima illa dulcedine quam ineunte ætate in sensuum perceptionibus experitur, ut postea solidioris contemplationis pabulum nunquam sæpe desideret. Tantumque potest continua illa aliquot annorum consuetudo non nisi extrema naturæ corporeis sensibus delibandi, ut non eorum tantum, quæ sub externis rerum sensibilibus formis latent, penitus obliviscamur, sed paulatim etiam nobis persuadeamus, nil quicquam in rerum natura existere aut intelligi à nobis posse, nisi quod sensibilibus ejusmodi aut corporeis saltem formis præditum sit. Ita

omne

omne spatium, in quo nihil occurrit quod moveat sensum, omni etiam substantia vacuum ac merum nihil esse putatur; & longe minus substantiæ creditur esse in aëre & fumo, quam in auro aliove solido & gravi corpore: & generatim ea omnia, quæ magis afficiunt sensus, etiam majora, vel præstantiora & fortiora esse judicamus; quæ minus, contra. Et quod mirearis, tantum potuit hæc primæ ætatis sensuumque nostrorum inconsiderantia, ut multi etiam philosophi communem rerum corporearum materiam, præterquam nihil in ipsis substantiale intelligi potest, pro substantia haberi noluerint, sed modo ens in potentia, modo non ens, modo puram vocaverint potentiam. Et quamquam hæc materia non tantum divisibilis, sed re ipsa etiam divisa sit in innumeras particulas, quæ omnem sensum fugiunt, quotusquisque tamen de iis cogitat? Flamma ex solo fumo, omnisque ignis ex ea tantum constare putatur materia, qua ali ipsam videmus. Nescit sensus quod sapientis antiquitas docuit & Aristoteles etiam admisit, quod nempe materia quædam valde subtilis & agilis omnia corpora permeet & unumquodque pro sua aptitudine moveat, sicque multorum operum, quæ vulgus admira-

tur, præcipua sit causa. Ubi corpus aliquod expanditur & majus fit, nihil ipsi accedere, ubi ad minorem contrahitur quantitatem, nihil ipsi decedere putamus, quoties id oculis corporeis non sit conspicuum; & quicquid in auras abit sensumque omnem effugit, id ex rerum etiam natura abiisse ac prorsus evanuisse nobis persuademus. Et ut dicam uno verbo, multa præstantissima efficacissimaque mundi corpora, multæ naturæ vires & operationes scitu dignissimæ, multæ corporum formæ ac proprietates ob hoc unum non considerantur, sæpeque etiam negantur, quia nullum sensum ab iis affici experimur. Eandemque ob causam tam rarò in se ipsas descendunt humanæ mentes: aut, si hoc quandoque tentent, magnam in cogitationibus tarditatem, in perceptionibus stuporem confusionemque experiuntur, &, nisi vel divina gratia hoc impediatur vel hominum traditiones aut salutaria philosophiæ præcepta aliter doceant, seipsas vel tenue corpus, vel crassi illius, quod oculis vident & manibus palpant, qualitatem seu perfectionem quandam esse autumant: Et, ne unquam à sensuum & imaginationis præscripto deflectant, gloriam Dei immortalis in imaginem hominis, vel bestię, alteriusve corporis transformant. Tandem-



demque advertentes, tam absurdum imaginationis ac sensuum suorum idolum, non esse verum illum & perfectissimum rerum omnium Creatorem qui Deus dicitur, nec alium ab omni materia ac sensibili forma secretum apprehendere valentes, ejus existentiam, in qua ipsimet vivunt ac subsistunt, vel in dubium vocant, vel prorsus abnegant.

Ex dictis facile liquet, quid de notitia *mutationum operationumque*, nec non *facultatum* seu *virium*, à quibus illæ pendent, sit dicendum. Si enim mutatio secundum substantiam internamque formam contingat, ea certè à nemine intelligi potest qui formam illam ac substantiam non prius perspectam habuerit. Et quis dicat quid sit calefactio, refrigeratio, induratio ullave alia secundum sensibilem qualitatem mutatio, nisi qui & caloris, & frigoris, & duritiei, & reliquarum qualitatum naturas intellexerit? Videmus quidem arbores & animalia crescere, sed quam remotum est ab oculis corporeis vulgarique hominum notitia, quo pacto ista accretio perficiatur? Sola secundum locum mutatio, quæ vocatur Motus, haud difficulter vulgo concipitur, & ubi in satis magna corpora inciderit, corporeis etiam agnoscitur oculis: sed quis non capit motum adeo posse

accelerari aut in tam minutis corpusculis residere, ut nullus sensus assequi eum possit? Et verum quidem est, omnem motum & mutationem aliquam vim & potentiam, à qua proficiantur, arguere; sed quis sensus certos nos faciet, an in eo quod mutatur vel movetur, an in alio resideat ista vis? Planetarum errores, gravium descensus, levium adscensus, magnetis directionem ad polos mundi, ferri cum magnete conjunctionem, animalium incessus quotidie videmus; cordis, ventriculi, muscutorum similiumque corporis nostri partium opera & functiones sæpe notamus, causas autem horum omnium, si ex sensuum indicio discere velimus, eas non alias esse putabimus, quam hæc ipsa crassa corpora, quæ oculis videmus & manibus palpamus, quandoquidem nihil præter ipsa ad exequenda hujusmodi opera concurrere videmus: atq; hoc pacto & in planetis, & in magnete, & in lapidibus, & in musculis, & in ventriculo similibusque crassis & otiosis sua natura corporibus, nescio quas naturales & ad opera ista sufficientes potentias effingemus, viamque præcludemus intellectui veras talium operationum causas alibi extra hæc corpora indagandi. Si verò quandoque constet cui corpori vis & agendi po-

potentia comperat, intelligi insuper debet, quæ & qualis sit vis ista seu in quo consistat. Et hoc quidem ex parte intelligitur in potentiis mechanicis, quatenus illæ ab istiusmodi corporum magnitudinibus, figuris, nexu situque dependent, quæ oculis conspici possunt: at verò naturæ opera tam subtili perficiuntur artificio, ut nullus corporeus sensus assequi illud possit. Et novit tamen imperitissimus quisque, igni vim quandam inesse, qua multa corpora comburuntur, dissipantur, liquefiunt, concoquuntur, indurantur; & quis nescit, vino, pani aliisque alimentis inesse aliquam potentiam vires nostras instaurandi & alendi? innumeræ herbarum facultates, cœli, aëris, anni tempestatum, ventorum, aquarumque potentiæ ipsis barbaris & infimæ plebi innoruerunt: sed an quisquam eorum intimas harum potentiarum naturas intelligit aut intelligere studet?

Liquet etiam, quantum tribui debeat ultimo humanæ cognitionis subsidio, quod ex *sermone* & *litteris* petitur. Si enim literæ vocum, & voces humanarum cogitationum & conceptuum signa sunt, apertum est, non aliam ex librorum lectione & vivis sermonibus hauriri notitiā, quàm quæ comprehensa primum fuerat in loquentis

& scribentis animo. Si igitur evidens, si solida, si profunda, si ab errore, si à tenebris, si à præjudiciis vacua sit scientia ore prolata aut scripto consignata, fieri etiam non potest, quin is, qui sermonem literasque illas novit, multo hinc evadat sapientior. At si res obviæ & leves, si errores, si tenebræ, si præjudicia & conjecturæ voce aut scripto communicentur, quid aliud inde exspectes quam confirmationem & incrementum, tenuis illius ac superficialis, nec non obscuræ, præcipitis, conjecturalis & magnam partem erroneæ cognitionis, quam omnium hominum communem esse ostendimus?

Liquet denique ex his omnibus, quæ de communi mortalium notitia breviter dicta fuerunt, quodnam *philosophi circa natura contemplationem officium* esse debeat. Scilicet non circa crustas & prima rerum involucria hærere, sed interiora scrutari abditasque eruere debet causas: & cum vulgus in proximis obvisque causis subsistat, philosophus earum seriem nexumque tamdiu debet persequi, donec ad eam pervenerit quæ omnium prima est & potissima. Vulgus non caloris, non frigoris, non humidi, non sicci, non duri, non mollis, non fluidi, non acidi, non falsi, non odoris, non soni, non lucis, non colorum, non ponderis,



ris, non coctionis, non nutritionis, non vitæ ullas quærit causas; sed hæc aliaque similia tanquam vulgaria & ubivis obvia contemnit & negligit: Philosophi verò prima cura in hoc uno posita esse debet, ut ante omnia eorum, quæ ita obvia sunt, scientiam sibi parer, quò postea, hisce bene perspectis, ad eorum etiam, quæ magis abstrusa videntur, indagationem pergere, tandemque ad intimos naturæ recessus penetrare possit. Vulgus naturæ opere admirando, philosophus eadem per veras causas intelligendo & quantum potest admirationem tollendo se oblectat: vulgus valde exultat, ubi rarum quippiam, quod nec auditum nec visum nec alio sensu notatum sibi antea fuerat, detegit: philosophus non tam raritate ac novitate, quam utilitate & cognitionis evidentia meretur rerum scientiam. Vulgus non aliam effectuum causam dare solet, quam hanc esse rerum naturam, talesque iis inditas esse potentias, ut opera quæ vident præstari ab iis possint; philosophus inquit quibus de causis agendi potentiæ rebus insint, quæque sit intima earundem natura. Vulgus externas tantum rerum differentias formasque observat; philosophus ad interiora descendere, minutissimarum partium structuram, nexum & intervalla aper-

rire, latentes motus notare, & totum denique naturæ artificium una cum suis causis reterege debet.

Magna hæc sunt, generosissimi juvenes, & soli Deo penitus perspecta. Sed non novistis vires vestras, si nihil horum sciri à vobis posse putatis. Pium quidem est, naturæ propriæ infirmitatem agnoscere, sed imprudentia est, id omne quod factum à te non fuit hætenus, nunquam fieri posse asseverare. Imo summa superbia & invidia est, suæ cognitionis infirmitatem in naturæ ac scientiarum calumniam & aliorum omnium desperationem vertere. Hinc pertinax illa Scepticorum dubitatio, qua nihil tanquam satis perspectum exploratumque asserere ausi, ab omnibus assensum cohibent. Hinc superba Academicorum acatalepsia, quæ humanum genus ad sempiternas tenebras damnavit, omnemque evertit scientiam, clamans fallaces esse sensus, infirma judicia, res ipsas inexplicabilibus difficultatibus obductas, ita ut aut nihil sit verum, aut, si quid est, id certè à nobis animo cerni & comprehendere nequeat.

Nobis autem vobisque omnibus longe alia mens esse debet Ornatiss. juvenes. Scimus rationem illam vestram, quam absque sapientiæ præceptis cum vulgo mor-

raliū communem habetis, ex multa fide, ex multo etiam casu & conjecturis, nec non ex puerilibus quas prima ætate temere recepistis notionibus ac præjudiciis farraginem quandam esse & congeriem, adeoque non posse non multis modis esse obtenebratam, impeditam atq; distortam. Scimus sensuum vestrorum perceptiones ad intima rerum non pertingere, & ea etiam, quæ in superficie reperiuntur, imperfecte dignoscere: scimus inconsiderata illa eorundem sensuum judicia, quibus ab ineunte ætate usi fuistis absque sufficienti examine, multis fallaciis erroribusque esse obnoxia. Sed, si hac matura ætate quam degitis, si hisce sensibus quibus nimium tribui non debere jam novistis, si mente repurgata, si judicio circumspecto, si ratione severa solidæque sapientiæ præceptis confirmata, si denique intellectu virium suarum conscio atque ex corporeorum sensuum angustis assurgente, vos ad naturæ contemplationem applicetis, creditisne aliquam distantiam, aut materiæ subtilitatem, aut externorum accidentium corticem arcere vos posse à rebus perspicendis? Fiat periculum, audentes fortuna juvat. Si non omnem, multam saltem ex naturæ puteo eruetis veritatem, multos ante actæ vitæ

errores detegeris, multas discutieris tenebras. Utinam omnes Magni Alexandri animos haberetis & non minores propriæ mentis debellaretis hostes, quam ille Asiæ domuit populos, & ut ille multorum regnorum, ita vos totius universi ac naturæ spoliis reverti possietis ab expeditione vestra. Non magna militum manu, non multis opibus & commeatu opus vobis est, sed animi constantia & fortitudine, sed mente purâ, quam ut morigeram præsentemque in studiis vestris habeatis, non nisi à vobismetipsis depender. Non effœra & inertia jam vivitis secula, sed ea potius, quibus scientiam multiplicatum iri, ab eo, qui falli nequit, prædictum fuit. Hæc nostra tempora vera mundi senectus sunt: & vos juvenes pygmæorum instar antiquitatis humeris insistitis. Quid ni ergo tam longe in hoc universum prospicere, & cum Democrito, Platone, Aristotele similibusque Græciæ heroibus supra vulgus sapere, intima rerum corporearum penetralia subire, atque ita vos veluti dominos ac possessores naturæ efficere laboratis? Me quod attinet, polliceor vobis ex animo & addico operam meam, quæ vobis studiisque vestris non privatim tantum, ut factum fuit hæctenus, sed publicè etiam militabit. In quo quidem labore egomet mihi



NAT. CONTEMPLATIONE. 66;  
mihi ipsi delectationem aliquam & alacritatem certo promitto, utpote quam in propaganda & detegenda veritate expertus jam sæpius fuerim. Vestra autem Ornatiss. juv. erga me benevolentia, & prona ad audiendum assiduitas, ut perpetuò conatibus nostris respondeant, mihi-que & vobis continuò adspiret divina benignitas, à Deo Opt. Max. datore omnis boni & patre luminum ex intimis præcordiis precor.



JOAN.

JOHANNIS ALBERTI BANNI  
DISSERTATIO  
EPISTOLICA

DE  
MUSICÆ NATURA,  
Origine, progressu, & denique  
studio bene instituendo

AD

*Incomparabilem Virum*

PETRUM SCRIVERIUM

*Polyhistora.*

I.



AM à multis retro annis, Vir  
Clarissime, inter nos sermo  
subinde fuit de Musica, arte  
planè divinâ, cui me addi-  
ctum non ignorabas. Et cum  
de Poësi sermo, cujus Laureâ doctorum  
virorum calculo & votis inter cæteros ex-  
cellis, ( ut de aliis eruditissimi ingenii tui  
dotibus nihil dicam ) aliquoties discursum  
considerationemque Numeri Poëtici va-  
riâ syllabarum quantitate constantis, in-  
gressisset; tandem Θεοῦ πὶ Poësin contine-  
re, ad tractandas explicandasque res, mi-  
ra narrationis aptitudine, vocabulorum  
se-

DISSERTATIO DE MUSICA. 665  
selectu , sermonis proprietate , nervosa  
orationis connexione , justa syllabarum  
quantitate , elegantissimo modulationis  
fluxu , pulcherrimoque singulorum ordi-  
ne concludebatur. Tum de Lyrico modu-  
lamine frequens mentio erat , cujus tantas  
laudes veterum scriptorum monumenta  
celebrant , ut jam passim doctissimis viris  
persuasum sit , Musicam Poëticæ , vel  
potius Poëticam Musicæ facultati subal-  
ternam esse. Argumentum verò assertio-  
nis ipsa Numeri ratio suggerebat.

II. Et de numero quidem tum edisse-  
rebam paucula , sed quæstionis propo-  
sitæ difficultatem sine mora absolventia.  
Nimirum Poëticum numerum in sola  
syllabarum quantitate , quæ ex voca-  
lium ac consonantium literarum qualita-  
te ac mixtione oritur , consistere : Musi-  
cum verò numerum , sonituum tempo-  
ra ac intervallorum durationes metiri di-  
cebam ; quibus verborum , ex arte elo-  
quentiæ pondus ac vim habentium justa  
pronunciatio , ad movendos animi affe-  
ctus , planissimè absolvitur. Suum cui-  
que arti inesse enthufiasmum ; non qui-  
dem scriptorum auctoritate , sed ex ipsis  
rei principiis probabam. Et cum hoc ar-  
gumentum latius essem profecutus ; quid  
de Auctoribus Musicis , & tradita ab  
illis

666 JOHANNIS ALBERTI BANNI  
illis disciplina sentiendum esset , quæ-  
rebatur. Verùm rem detrectabam velut  
cum odio conjunctam , qua doctorem vi-  
rorum invidiam subire sine causâ vere-  
bar. Sine causâ, dixi ; nam Musices apud  
plerosq; tā exigua est notitia, ut apud ipsos  
Professores, hæc duo quibus illius scientia  
constat, rarissimè inveniuntur conjuncta,  
theoria scilicet & praxis. Unde rem ut in  
principiis scientiæ , vel elementis artis  
continetur , utque ex illis educitur , Pro-  
fessores illius non tractant : sed ex alterius  
defectu in gravissimos errores impingunt.  
Cum autem docti viri , veterum monu-  
menta evolventes , utriusque rei notitiâ  
sæpiissime destituantur ; quid quæso præter  
Grammaticas observationes, aut Historia-  
rum commenta, acri tamen narratione, ac  
censurâ , hominum animis infigunt ? qui-  
bus si quis ex transverso contradicat , an  
invidiæ arrogantiaque notam prima fron-  
te effugere possit , vide. Utrique ea homi-  
num, rerum, temporumque conditio per-  
petua est , ut obsequium amicum , veritas  
odium pariat.

III. Cum autem hoc anno sub finem  
æstatis , cum expertissimo viro D. Grego-  
rio Placcio, Medico excellentissimo, in sub  
urbanum prædium tuum , amplissimum  
amœnissimumque excurrissemus ; ubi ex



natura loci Musarum sedes, otii opportu-  
 nitas, studiorumque deliciae sunt; quod  
 sanè eleganter *Voelvuyck* lingua vernacu-  
 là (Latine *Cura-fugium* liceat dicere) indi-  
 gitasti: post doctissimas rarissimasque tuas  
 in Horatium, Juvenalem, Persiumque au-  
 ditas expensasque animadversiones, qui-  
 bus loca obscurissima ac corruptissima  
 primogeniæ sinceritati ac veritati resti-  
 tueras; iterum iterumque propositus de  
 Musica sermo est; & quam olim de Musi-  
 cæ scriptoribus, ac artis explicatione sen-  
 tentiam subticueram, promere & eloqui  
 urgebat. Tum nescio quo instinctu, ausu-  
 que, incepti dicere, & summis amicis meis,  
 apud quos licere existimabam, asseverare,  
 me viginti annorum spatio huic discipli-  
 næ singulari amore mancipatum, succissi-  
 vis horis, à seriis studiis deflectentem, ope-  
 ram dedisse, scientiamque & artem proprio  
 Marte nulloque Magistro adorsum, mā-  
 gno labore, continuaque diligentia, vario-  
 que artificum colloquio, Theonā ad ar-  
 tem deductā, didicisse. Quoties mihi vo-  
 lumina Aristotelis, Justiniani Imperatoris,  
 ac Thomæ Aquinatis, quibus tum operam  
 dabam, è manibus seponere, Boëthium,  
 aliosque convenire, amor Musicæ impera-  
 vit: Difficultas verò & intricata veterum  
 narratio, sæpiissime iterum Musica volu-  
 mi-

668 JOHANNIS ALBERTI BANNI  
mina, tanquam re desperatâ, manibus meis  
excussit. Et tandem adhuc amor, oblite-  
rato tædio, rem facilem reddidit. Poëtæ  
vox me frequentissimè animabat,

—*Amor omnia vincit*

*Improbis, & duris urgens in rebus egestas.*

Audeo dicere, post longam indaginem,  
me in variis Provinciis ac Regionibus  
commorantem, paucissimos, imò nemi-  
nem invenisse, qui difficultates Musicas  
mihi expedire potuerit, nisi sola illa diu-  
turna, laboriosa, indefessa ac constans dili-  
gentia. Nimrum vim motricem quære-  
bam scientiâ, experienciâque, cognitam  
habere; quâ Pythagoras, Timotheus Mi-  
lesius, aliique paradoxa effecisse narrantur.  
Ex singulis tamen aliquid audivi. Scopæ  
dissolutæ erant, simul difficulter conjun-  
gendæ: Rem tentavi, aggressus hoc mo-  
do: Veterum sententias scrutatus sum;  
Theoremata ac demonstrationes praxi ap-  
plicui, cum non succederet res, practicos  
conveni, eorum opiniones, & exercitatio-  
nes expiscatus sum, sæpissime ipsis suo-  
rum, quas ignorabant, rationes factorum  
ex tempore dedi. Et cum mihi ipsi non sa-  
tisfecissem, instrumentis rem tentavi, ipse-  
met praxin exercendo, componendo: pro-  
feci. Libellos varios de re investigata con-  
scripsi, mutavi, auxi, correxi. Toties res  
in-

DISSERTATIO DE MUSICA. 669  
inventâ sub manu mutabatur. Plurimorum Instrumentorum rationes, ac fabricas investigavi. Quarum Theoremata ac Elementa, cum artificibus proponerem, non intelligebant: Mirabantur tamen & libenter ista audiebant. Mechanici non liberales erant, habebant formulas sibi à magistris ac præceptoribus præscriptas, quarum vestigiis inhærebant: & bene; nam sine filo Theseus Labyrinthum non evassisset. Alius tamen alio magis industrius, & manuaria operâ expeditior erat. Festinabam lentè, videbamque me proficere, licet ut plurimum desperarem, donec proposuissem immori huic studio. Laborem enim eventus solabatur, & ex mysterio Pythagoricæ literæ affulgebat.

Promissa ô! *Fessis, requies in vertice summo;*

Nam *Qui* (Ennii verba sunt)

*Vicit Olympia, mox senio confectus quiescit.*

I V. Cum verò mihi jam ex diuturnâ excercitatione aliqualem Musicæ notitiam perpererim, non libens de ea passim verba facio. Horreo enim molestas hominum contentiones, quæ ut plurimum (ingeniosæ quantumvis) de lana caprina sunt; & ne ungue latius quidem rem promoveant. Maximè in votis foret eâ quam acqui-

670 JOHANNIS ALBERTI BANNI  
quisivi Musices notitiâ, secretus tranquil-  
lusque vivere, & amicorum, quibus rei hu-  
jus arcana subinde ex occasione commu-  
nico, societare, scenam meam absolvere.  
Sed nimium instas, Vir clarissime, de Re-  
publ. Christianæ bono mecum expostu-  
lans, aliisque severis argumentis me pre-  
mens; quasi numini morem non gerens,  
bonis invideam. Acquiescam igitur tuis  
expostulationibus; sed unum præfari  
oportet; priusquam manum operi admo-  
veam. Omnes omnino *μεσοφίλως* etiam  
atque etiam oratos obsecratosque volo, ut  
dictionis meæ, audaciamne dicam, an te-  
meritatem, necessitatemve! aquâ mente  
interpretentur: negligentiamque, aut po-  
tius inscitiam sua benignitate, ac doctrinâ  
suppleant. Itaque ad rem venio.

V. Homines suapte naturâ cantabant,  
antequam industria experientiæ rudimen-  
ta in scientiam artemque congefissset. Ni-  
hil igitur mirum erit, si longâ seculorum  
temporumque serie Musica sub incude  
fuerit. Quæ qualiter ad perfectionem ve-  
nerit, antiquitas nobis non edisserit. Ni-  
miam enim hujus obscuritatem S. pagina  
silentio fecit: difficultatem verò varia, &  
toto penè cœlo distantia, scriptorum dog-  
mata pepererunt. Ciceroni tamen hac in  
re auscultandum, qui libro primo de Ora-  
tore



tore mihi adstipulatur. *Omnia fere, inquit, qua sunt conclusa nunc artibus, dispersa & dissipata quondam fuerunt, ut in Musicis Numeri, & Voces, & Modi. In omnibus enim ferè ante spei rudimentum. quam rei experimentum fuit, ut Appulejus ait. Penes primos igitur artis, non jam dico Inventores, sed Scriptores, Arbitrium erat, & jus & norma loquendi. Inde factum est, ut posterioris ævi scriptores priorum sententias potius retulerint, quam expenderint.*

Musica initio angusta erat: apud Græcos quatuor Elementis, seu Chordis, primum usitata, donec aliquis alius, inventis aliquid addens,

*Expressit numeris septem discrimina vocum. Consonantiæ tres erant simplices, Α, Γ, Ε, Ζ, Η, Θ, Ι, Κ, Λ, Μ, Ν, Ξ, Ο, Π, Ρ, Σ, Τ, Φ, Χ, Ψ, Ω. Ex harum mixtione ac replicatione tres aliæ ortæ sunt. Simplicium molestior investigatio fuit. Cum transiret Pythagoras casu fabrillem officinam, ex malleorum ictibus, variâ proportionem justæ ponderis differentibus, auscultasse eas primus, & investigasse dicitur. Explorando singulorum pondera, quæ his numeris continebantur 1 2 9. 8. 6; formas notavit, in quibus solæ multiplex ac sesquialtera, proportionem continentur. Dupla quidè 1 2. ad 6. Diapason seu octavam; sesquialtera scilicet 9. & 6. Diapente;*

672 JOHANNIS ALBERTI BANNI  
te; sesquitercia 4. ad 3. Diatessaron; consonantias: ac sesquioctavo 9. 8. tonum dissonantem à reliquis determinavit. His Elementis veteres cantilenas suas, adhibita numeri, ac temporis varietate, instruebant. Dissimili plane, ac alieno à nobis ritu. Et, quod imaginor, nusquam verò legi, unum generale erat concentus axioma.

Consonantiam placere auribus, dissonantiam intolerabilem esse, nisi consonantiæ antecedentis vel subsequenti dulcedine, justaque earum duratione temperata corrigeretur.

VI. Tum, ut credo, nullæ erant Compositionis regulæ, sed investigatâ consonantiarum naturâ artifices (id mihi, jam scribenti, post longum examen incidit) Cantilenas ex illis pro suo libitu aptabant. Et licet consonantia non æqualium ac dissimilium vocum concordia, à Nicomacho definita fuerit: tamen paucitas earum, nullum ex immediata harum consequentia fastidium admisisse videtur. Et sufficiebat modulatio, si consonantiis constaret. Quamvis enim mas & femina, viri ac pueri, naturaliter Diapason moduleantur; ideoque id artis præcepto doceri non fuerit necesse; tamen varietas aliarum, cum diapason miscendarum, consonantiarum artem requirebat, cum suapte natura id  
ho-

homines præstare non possent. Posterioribus seculis inventio plurium consonantium, quæ super partienti proportionem generantur, artem ipsam certis regulis ac præceptis, Musicam à confusione vendicantibus instructam volunt. Quid igitur de Musica veteres suis libris tradiderunt? Dicam ingenuè, nil præter harum consonantiarum naturam, hoc est, proportionum, è quibus nascuntur singulæ, formas. Et quia unum intervallum, suo ambitu continet alterum; ita unius, ad alterius proportionem esse principium vel elementum, demonstrare conati sint. Toni patres *Apotomen* ac *Lemma*, Elementum toni *comma* esse statuerunt: primum scilicet, qui auribus distinctè percipi potest, sonum: In hoc enim omnium intervallo- rum quantitas resolvitur. *Tropos* etiam, licet nimium controversâ narrationis doctrinâ, & tria modulaminis genera, scilicet *Diatonicum*, *Chromaticum*, & *Harmonicum*, suis libris descripserunt.

Omnes Græci atque Latini usque ad annum Christi 10 c. seu septimi seculi initium, (nullum excipio) in hoc unico argumento fuerunt, & vix aliud quippiam in tradenda Musica præstiterunt. Audi singulorum ordines. Pythagoras, Aristoxenus, Nicomachus, Philolaus, Alypius,

674 JOHANNIS ALBERTI BANNI  
Ptolemæus, ex professo Musicam tracta-  
runt. Alii ex occasione propositi argu-  
menti eandem attigerunt sine methodo.  
Item inter Latinos Vitruvius, in gratiam  
Architecturæ, ex Aristoxeni scriptis; Ma-  
crobius, ratione narrationis in somnio  
Scipionis allegatæ; & Appulejus, ex oc-  
casione argumenti in suam propositionem  
ingesti de Musica scripserunt. At Boë-  
thius, Martianus Capella, & Venerabilis  
Beda, ex professo scientiam Musicæ, de-  
monstrativo, ut vocant, ritu tradiderunt.

VII. Ex his pauci omnino scopum Mu-  
sicæ attigere. Euclides solus inter Græcos  
doctiori, breviori, clariori, veriorique ra-  
tione ac methodo Musicam tradidit. Cu-  
jus hic syllabus est in Paragraphos dige-  
stus: *Sonus, Intervallum, Genus, Constitutio,*  
*Tonus, Mutatio, Melopoëia.*

Inter Latinos, è veteribus præcipui  
sunt Boëthius & Beda. Boëthius primum  
accuratus veterum interpres, eorundem  
sententias collegit, examinavit, distinxit,  
correxir, & conciliavit. Inhæret tamen ve-  
terum vestigiis, Characteres quoque soni-  
tuum (quorum loco apud nos *notula* sunt)  
tradidit. Deinde Beda, ducentis annis post  
Boëthium, duplici tractatu, Theoreticam  
& Practicam Musicam scripsit. Doctissi-  
ma rei explicatio est; sed veterum limites

non



DISSERTATIO DE MUSICA. 675  
non excessit. Notularum tamen figuras &  
claves, item scalam Musicam, lineis ac  
spatiis constantem, tradidit ex usu Eccle-  
siastico; quem ego à Gregorio Magno Pa-  
pa introductum arbitror, cui cantûs refor-  
matio, meliori ritu inducta, ascribitur;  
ipseque Cantus, ab ejus auctoritate, Gre-  
gorianus dictus est. Inde artis rudimenta  
probamus, quæ, temporis successu homi-  
numque industriâ, perfectiora in lucem  
emanarunt.

Euclides, Martianus Capella, ac Beda  
conceptis verbis, de Melopœja scripse-  
runt, artemque Componendi tradiderunt.  
Primò quidem inventionem modulami-  
nis, deinde Compositionem ejus Harmo-  
nicam suo more explicuerunt. Res ut an-  
tiquitate veneranda est, ita etiam memo-  
riâ dignissima. Difficilis tamen, angusta, &  
minus concinna est, si cum artis nostræ  
perfectione conferatur.

VIII. Ad ea usque tempora imperfec-  
tior erat Musica: nam angustius systema,  
pauciores consonantias, minorem vocum  
concentum, difficilioremque modulatio-  
nem habebat. Circa annum Christi cIo c.  
sub decimi seculi finem, Guido Aretinus  
Monachus & Abbas Benedictinus. Musi-  
cus excellentissimus, Veterum scriptis  
subtilissimè ruminatis, mellorem ac faci-

676 JOHANNIS ALBERTI BANNI  
liorem *Musicæ Methodum* iustituit, *Sy-*  
*stema* amplificavit *Ενχοιρίδιον*. Huic po-  
steritas perfectionem *Musices* debet :  
quam quidem omnino ipse non absolvit ;  
viam tamen aliis aperuit. Ab eo enim tem-  
pore (quo verò seculo accurate dicere non  
possum ) imperfectæ Consonantiæ inven-  
tæ , ac præcepta ampliora componendi  
*Musicam* tradita sunt : unde ars ipsa ple-  
nior majestatis ac delectationis ad perfe-  
ctionem nobiliorem deducta est. Hanc  
sententiam, alibi mihi non lectam, nec au-  
ditam ab aliis, eo collegi argumento, quod  
amplitudo *Systematis* plures consonan-  
tias requireret ; & acutior sonus additus à  
Guidone , imperfectas à veteribus rejectas  
( ob dissonantiam gravioris soni , quo  
auscultabantur ) suapte natura prode-  
ret : Quarum usus perfectis consonantiis  
intermixtus , cum delectationem augeret,  
artis præcepta postulabat , quibus cum  
judicio omne punctum *Musicæ* absolve-  
retur.

I X. Circa seculum decimum tertium,  
Franco *Musicus* floruit. Post quem Joan-  
nes Tinctorius , Franchinus Gaffurius , &  
Jacobus Faber Stapulensis fuere , decimo  
quarto seculo. Horum operâ ac scriptis  
*Musica Theorica & Practica* mirificè ad  
perfectionem excrevit amplius. Ab illis

DISSERTATIO DE MUSICA. 677  
regulæ Compositionis, juxta seriem Sy-  
stematis Guidonici præscriptæ, diuturnâ-  
que consuetudine observatæ, ad nos per-  
venerunt.

Tandem Josephus Zarlinus Clodienfis,  
Theoriâ ac Praxi instructissimus, (ut alios  
inferioris notæ præteream) doctissimis in-  
stitutionibus, demonstrationibus ac sup-  
plementis, linguâ Italicâ editis (apud Ve-  
netos, anno 1580) Musicam præ cæteris  
felicius tradidit & absolvit. Prolixior non-  
nihil est, sed eruditione compensat fasti-  
dium; ex quo verior Musicæ eruditio  
haurienda. Ejus Compendium in Tabu-  
las redegit Joannes Maria Artusius Bono-  
niensis. Italico etiam idiomate: quibus  
breviter, clarè & perspicuè rem studiosis  
proponit. Scripserunt & alii; qui an Zar-  
linum æquent, nescio: saltem non supe-  
rant. Id recte censuit Musarum delictum,  
vir clarissimus, Martinus Hortensius, Ma-  
thematicus excellentissimus, & (quod  
gloriosius) amicus meus, in accuratissima  
de studio Matheseos instituendo Dissertatione ad V. Clariss. Marcum Zuerium  
Boxhornium, pridem editâ. Unus er-  
go instar omnium erit, sine quo nec  
veterum sententiæ expediri poterunt,  
nec perfecta hujus disciplinæ notitia  
facile obtinebitur. Ad perfectionem

678 JOHANNIS ALBERTI BANNI  
tamen Musicæ modernæ non accedit.

X. Principia vero seu elementa, quibus Musica constat, ad sex capita revocari possunt. Primum est Systematis maximi seu universalis constitutio. Alterum in generibus cantus explicandis versatur. Tertium modorum numerum atque naturam examinat. Quartum modulamenti rationem docebit. Quintum præcepta componendi trader. Sextum artem cantandi profitebitur. Hæc capita summam Musicæ complectuntur, ab omnibus scriptoribus latissimè explicatam. De singulis pauca commemorabo.

XI. Systema omnium intervallorum à Guidone quidem habemus, sed accuratam illius demonstrationem ex uno Zarlino, Novam verò constitutionem collocatis inter singulos Tonos hemitoniis requiro, ut absoluta sit, & efficax ad movendum Musica.

XII. Genera modulaminis tria sunt, *Diatonicum, Chromaticum & Harmonicum*. Primum à natura natum, excellentissimum est: duo posteriora ab arte inventa, exigui momenti sunt; & temporis successu à quibusdam etiam proscripta, ab aliis neglecta, perierunt. Chromatici aliqualis usus est, & energiam habet, si Diatonico misceatur, ut in Systemate obiter insinua-



DISSERTATIO DE MUSICA. 679  
vi; cujus usus nunc floret, præcipuè apud  
Italos.

XIII. Modi (quos Tropos alii, ego Circulos Harmoniæ voco) veluti nervi corporis sunt, quorum ductibus Musica energiam habet. De Tropis, seu Modis, etiam Glareanus scripsit, non ex fundamento scientiæ, sed potius ex Musicorum praxi; nec Zarlino comparandus venit.

XIV. Modulamentum, Idea ac *μετρωσις* Musicae est, cui concentus vocum aptandus. In hujus inventione ac constitutione tota res Musica versatur; eò quod sonitus verborum ac syllabarum quantitati, significationi, & sensui aptandus sit; ut energiam habeat Musica, Rhetorisque munus subeat, docendo, delectando, & movendo. Hujus supina apud multos est ignorantia: cujus doctrinam hæctenus nemo rectè explicuit; forte nec intellexit quisquam.

XV, Compositio partium, seu vocum, diverso sonitu concentum reddit. Ejus præcipua ratio est in aptandis dissonis inter consona intervallis. Hujus vulgares leges exstant, mysteria plerosque latent; eo quod dissonorum naturam ac vim motricem passim ignorent. De quibus rectè monuit Hieronymus Frescobaldus, non temerè judicandum, etsi communibus &

680 JOHANNIS ALBERTI BANNI  
tritis adversentur artis canonibus ; sed  
consulendam auditus ac rationis , truti-  
nam ; cujus ope Paradoxum aliquod de-  
monstrabit experientia.

XVI. Ars cantandi , est lectio seu pro-  
nunciatio modulaminis singularum vo-  
cum, ex signis sonituum notulis descripto-  
rum facta. Hanc claram, distinctam, flui-  
dam vocis amœnitate , & concinnam ver-  
borum ac sonituum recitatione esse oport-  
et , ut Oratoris effectum sortiatur. Vox  
ipsa , justæ lectionis fundamentum est ;  
diductio verò ornamentum. Illa à natura  
venit , hæc ab artis præceptis ac usu ; qui-  
bus genuinus , propriusque vocalium ac  
consonantium sonitus , pectore, faucibus,  
palato, lingua, dentibus ; labiisque profe-  
rendus , articulandusque, acquiritur. Me-  
thodus hujus artis à nemine hætenus re-  
ctè explicatæ est , nisi à quibusdam Italis,  
& per exempla quidem tantum declarata.  
Musica alia vocalis , alia instrumentalis :  
utriusque differentia , ac propria natura  
est. De quibus nunc non agam. ne excres-  
cat sermo noster. Ipse ego hominem desi-  
dero, qui Musicam exactè eo, quem brevi-  
ter attigi, ritu ac modo tradat.

XVII. Sed ut periodum hujus Com-  
pendii claudam , ingenuè dico & religiosè  
aslevero , Musicam hanc nostram Græco-  
rum

rum illam, & priscorum Latinorum alteram, infinitis parasangis suâ perfectione, & efficacia excessuram. Et ut de Græcis obiter aliquid dicam, tanquam aniles fabulas & stultorum commenta, pleraque mihi suspecta sunt, quæ tam splendidè narrantur. Miror etiam à viris doctis passim credi; & scriptis propagari. Id ex Musicæ ignorantia oritur. Unum è cæteris exemplum adducam, & quidem hoc quod de Pythagora inventore vulgò narratur. Is Phrygio modo, qui incitativus perhibetur veteribus, commotos raptosque in lasciviam adolescentes, & petulanti furore percitos, SPONDEO succinente, compescuisse fertur, & mentis serenitati restituisset. Idem in Alexandro Magno fertur præstitisse Timotheus Milesius. Obvia passim narratio est. Hoc argumento vis Musica à Modi proprietate apud omnes asseritur. Dorius, inquiunt, gravis ac sententiosus, castusque dicitur. Consentio. Phrygius iracundus, bellicosus, pugnax, ac furiosus perhibetur. Dissentio, cur? dicam. Dorii Elementa in sonitibus ac intervallis chordarum D. F. a. d. constituta sunt, ex recentiorum calculo; è veterum scriptis diducto: quas chordas, λίαν ὑπέρτατον, περιπάτη μέσων, μέση περιανήτη διεζυγμένων, Græci indi-

681 JOHANNIS ALBERTI BANNI  
 gitant. Omnes ferè hæcenus unanimiter  
 idem dixerunt, paucis exceptis. Nam in  
 Modorum nomenclatura apud Autores ea  
 diversitas est, ut fabulosæ videantur Hi-  
 storix. Inde eorum natura, ac effectus  
 æquè dubius ac fabulosus est, saltem ex  
 Historica relatione. In istis intervallis mo-  
 desta attentio primum generatur à Hemi-  
 ditono D. F. (syllabis *re, fa*, exprimendo)  
 postea ab F. ad *a*. Ditonus gravitatem in-  
 ducit (syllabæ cantabiles, *fa, la*, sunt.)  
 postea ab *a*. ad *d*. Diatessaron est, seu Quar-  
 ta, medio intervallo, habens semitonium  
 majus quod ipsius duritiem temperat sen-  
 tentioso quodam ductu. Et hunc esse Do-  
 rijum Modum, Boëthius satis disertè indi-  
 cat, cum è speciebus Diapason, seu Octa-  
 væ, modos (ut res postulat) educens, à  
 Plagalibus incipiens, ad Authentos pro-  
 grediendo primo loco Hypodorium po-  
 nit, à Chorda Proslambanomenos (quam  
 Guido A. *re* vocat) Diapason complen-  
 tem. Deinde tonum adscendens in Hypa-  
 re Hypaton; (¶ *mi* nos dicimus) Hypo-  
 phrygii constitutionem definit: tum se-  
 mitonio acumen Systematis intendens in  
 Chorda Parhypate (quam C. *fa-ut* appel-  
 lamus) Diapason complendo, Hypolydus  
 ponitur. Horum Authenti seu principa-  
 les,



DISSERTATIO DE MUSICA. 683  
les, tono acutioribus Chordis sunt. Dorius  
itaque in Lichanos Hypaton seu D. *sol re*,  
constituendus; Phrygius in Chorda Hy-  
pate meson, seu E. *la-mi*; I. Lydius verò  
Semitonio acutius Systema habet in Par-  
hypate meson, hoc est, F. *fa-ut* colloca-  
tur. Dorius itaque eo modo, quo diximus,  
constitutus, gravis, sententiosus, castus-  
que erit; ejusmodi scilicet materiæ ac ser-  
moni congruens.

XVIII. Petrus Gregorius Tholosanus  
lib. xi. Syntaxeos Artis mirabilis c. xvi.  
ex Psello, Aristotele, Plutarcho, Boëthio,  
& Tyardeo ponit Hypodorium à C. *fa-ut*,  
usque in G. *sol re-ut*, Hypophrygium ab  
eadem Chorda C. *fa-ut*, usque in A. *la mi-  
re*; contradicente Boëthio, eo quod sin-  
guli Modi unius Toni vel Semitonii gradu  
acutiores constitutionem habeant. Ideo-  
que malè ponitur Dorius à C. *sol fa-ut*  
in aa. *la-mi-re*, quæ est à Parhypate  
Hypaton in Neton meson; Phrygius ve-  
rò ab F. *fa-ut* in dd. *la sol*, quæ est à Par-  
hypate Meson, ad Paraneton Diezeug-  
menon. Fateor quidem Cantum Diatoni-  
nicum, quem natura docuit, initium su-  
mere apud literam seu Elementum C.  
adeoque primum ordine naturali Modum  
inde auspicandum; sed hoc nihil ad genti-  
lissimam Modulaminis proprietatem facit.

Ff 6

quâ

634 JOHANNIS ALBERTI BANNI  
 quâ uti fuerunt Dores aut Phryges. absur-  
 ditas itaque istius assertionis etiam alio ar-  
 gumento evincitur. Nam Modi Plagii  
 Diatessaron debent esse inferiores ac gra-  
 viores suis Authentis, ut habet Axioma.  
 Si itaque, teste Boëthio, Hypodorius in  
 A. *re*, chordam gravissima habuit, Hypo-  
 phrygius verò in  $\text{f}$  *mi*, ut mox ostendi-  
 mus; uterque Authentus Diatessaron seu  
 Quarta altior esse debet. Dorius scilicet  
 in D. Phrygius verò in E. quæ ex Hypate  
 Meson collocandus est. Accedit & alia ra-  
 tio, quod Modus à C. *sol fa ut*, usque in  
 aa. *la-mi-re*, Diapason non compleat;  
 quod ipsa natura modi requirit. Tandem  
 quoque in illo Systemate, vel ea constitu-  
 tione intervallorum, lasciva, amatoria,  
 placida, hilarisque potius materia rerum  
 reponenda est; ut suo tempore demonstra-  
 strabo. Dorius igitur ille Modus esse non  
 potest. Similiter ab F. *Fa-ut*, in dd. *la-sol*,  
 melius succederet iracundia ac furor, sed  
 defectui Hemiditoni, qui blandus est. Dia-  
 pason non impletur; unde major violen-  
 tiæ ratio est. Ex autoritate itaque Boë-  
 thii, qui constitutionem Dorii in D. Phry-  
 gii in E. recenset, ut luculenter ostendi-  
 mus, cæteri erroris convincuntur.

XIX. Inde jam ad historiam de Py-  
 tha-

DISSERTATIO DE MUSICA. 685  
thagora redeamus, & quàm suspecta fidei  
sit, dicamus. Phrygio Modo incitatos  
juvenes ad petulantem furorem, SPON-  
DEO sedatos dicunt. Naturali ratione  
quis primus, secundus, tertiusque Mo-  
dus sit, itemque ejus efficacia, comper-  
tum est. Sed quis sit ille Modus, quo usi  
sunt Dores aut Phryges, ex Scriptorum  
authoritate solummodo dignoscitur. In-  
ter Scriptores, & Musicos, Boëthius ex  
vereribus Græcis asserit, Hypophry-  
gium in Hypate Hypaton chordâ gravissi-  
mâ contineri complendo Diapason. Unde  
certissimè constat, hujus Authentum  
Phrygium, Diatessaron seu Quarta acutio-  
rem, loco proprio collocandum, scilicet  
in Chorda Hypatè Meson, quæ nobis E  
appellatur. Hujus circulus in Chordis  
E. G. ♯ & C. ex locis semitoniorum  
blandius est, non furens; & quidem in-  
tervallo majus semitonium conficit. Se-  
cundo Hemiditonius in G utrumque in-  
tervallum ex sua natura blandum ac mo-  
destum est: Postera usque ad ♯ ditonus est,  
qui à præcedentibus attemperatus est;  
ubi terminatur Diapente, seu Quinta; pri-  
ma scilicet & nobilissima Diapason pars.  
Ad complendam verò Diatessaron, quæ al-  
tera pars est, statim sequitur semitonium  
majus



majus à  $\text{f}$  ad C. itidem suave; inde Ditonus à semitonio præcedente temperatus est usque ad E. ubi circulus completur. Quis jam non videt ex speciebus seu intervallis, Phrygium iracundum ac incitativum non esse; & juvenes eodem in furiam iramque rapi non potuisse? Deinde solo Modi circulo, proprietate, ac phrasi, animi affectus moveri non possunt: quemadmodum nec nervis corporis vis potest fieri, nisi animæ vivificantis adsit influxus: ita enim & hic Modulamenti spiritu opus est.

XX. At SPONDEO perulantia temperamentum induxit Pythagoras. Hoc dicunt Scriptores, ut omnem Musicæ vim modo inesse probent. SPONDEUS profectò Musicæ Modus aut circulus non est, species Diapason non continet: quam bellè igitur ad rem loquuntur Scriptores? SPONDEUS Moduli tarditatem significat ac majestatem: quemadmodum pes poëticus duabus longis syllabis constans. SPONDEUS dictus, nomen usumque à sacrificio, libatione, sodalitate, induciis ac foederibus, quæ Græco vocabulo  $\sigma\pi\epsilon\rho\delta\eta$  significantur, accepisse notum est. In his enim actionibus ipsa ratio ritusque gravitatem sententiarum, pondus dictionis,



nis, & majestatem quandam requirebat, Ideoque longis syllabarum ductibus ponderosa vocabula Poësis adhibebat. Inde *Spondaicum Carmen*; cujus etiam varia est gravitas ex verborum majestate, vel pondere syllabarum. Exempli gratia:

*Centurbabantur Constantinopolitani.*

Hic versus habet duplicationem consonantium, reiterationem primarum vocalium *a.* & *o*; quibus pondus explicatur verborum. Non item est in hoc versu, qui levior videtur, Virgilii:

*Olli sedato respondit corde Latinus.*

Vel in isto Ovidii:

*Nituntur longo vestigia ponere clivo.*

Adde quod Poëtica censura, Spondaicorum Versuum proprietatem, in duobus ultimis pedibus constituens, delectum habeat elegantiae, singulos singulis versibus præferens, etiam ejusdem Auctoris.

Virgilius:

*Cara Deum soboles, magnum Iovis incrementum.*

Idem:

*Cum Patribus Populoque, Penatibus & magnis Diis,*

Hi autem versus inter Spondaicos primo loco habentur, elegantissimique censentur. Sunt alii ejusdem Auctoris, quos minoris æstimant.

Vir-

Virgilius:

*Saxa per & scopulos & depressa convallēs.*

Idem:

*Aur leves ocreas lento ducunt argento:*

Hos Poëtæ tanti non habent, eo quod non sint tam fluidi, ut priores. Et tamen plus ponderis ac molis frequentioribus spondeis afferunt; magis ad animos temperandos valent. Hic etiam in Musica Spondaicus modulaminis, varius esse potest ex modulamento, & cuivis Modo applicari, licet omnibus non æquè conveniatur.

At Dactylici carminis volubilitas diversum ab hoc impetum mentis excitat. Ennii versus est etiam proprio vocabulo bellicosus:

*Et tuba terribili sonitu Taratantara dixit.*

Alius item:

*At tuba terribilem sonitum procul excitat  
horrida,**Sidera pallida diffugiunt face territat  
luminis.*

In his omnibus versibus, Hexametri Carminis genus est; & tamen tanta ex numero variegatio oritur.

Magnum argumentum hinc sumo, ut doctis Viris Poësin Musicam persuadeam; quæ Musici Modulamenti numeris prius certo ordine excogitatis, pedes metricos  
ac-

accommodet: cerri carminis lege omnino neglecta. Res elegantissima est, licet paradoxa, alibi fusiùs enarranda. Quod autem de varietate carminis Hexametri, jam diximus; idem de Musicæ Modis dicendum, quod illis Modulamenti varia ratio adscribi possit, unde moveantur affectus. Cùm ergo Spondeus Modulamenti ratione, hoc est, motus numeri ac temporis variegatione constet, cuius Harmoniæ Modo, tam Myxolydio & Hypodorio, imo tam Lydio, quam Dorio applicari poterit.

XXI. *Spondeum itaque succinere*, nihil aliud est, quàm gravi ac sententioso modulamine alicujus aures afficere & mentem temperare; quocunque Modo fiat, sive Lydio, sive Dorio: licet natura Modi Dorii ob dictas à nobis rationes magis gravitati sententiarum propria sit, quàm Lydio, qui acutioribus Chordis & per Ditonos ac Tonos Majores procedit: unde major vehementia illi inest.

XXII. Modulamento itaque variis sonituum ductibus variegato adscribendum est, quod de Spondaico ritu carminis narratur; non itidem Modo. Nam sine ullâ Modi periodo semper modulamentum efficax est: licet magis perstringat, dum certis limitibus à confusione vindicatum, proprietatem dictionis animat.

690 JOHANNIS ALBERTI BANNI  
mirum itaque in modum explicandæ sunt  
istæ Historiæ; vel utrovis modo menda-  
ces æstimandæ: scilicet errore rei & voca-  
bulorum, vel impropriâ ac interdum Hy-  
perbolicâ narratione: quisquis tandem ex-  
raverit, Boërhius, an alii.

XXIII. De Ionico Modo quàm futilis  
etiam Historia est? Qui primùm Austerus  
fuit, deinde Lascivus: gens enim illa mo-  
res mutaverat, cùm voluptati se dedisset;  
inde varietas, ut est apud Arhenæum. Et  
tali commento nobis Jonici Modi natu-  
ram enarrant Authores, ut fidem habea-  
mus. *Eugenium & belle!*

Ut nunc, ita tunc plurimi Authores  
Historias cudebant, nec ad incudem revo-  
cabant. Legisse uspiam: sat erat, ut volu-  
men compleretur. Nulla rerum, causarum  
ac circumstantiarum ratione habitâ, nar-  
ratio procedebat, hoc est, nullo ordine,  
distinctione, interpretatione, explicatione,  
conciliatione (quæ omnia ipsa rerum se-  
ries luculenter suggerere poterat) habitis.

Apophthegma lepidissimum de Chia-  
pino Vitellio, strenuo illo milite Italo,  
refertur. Cùm effigiem suam à pictore  
quodam delineandam postulasset, artifici,  
quomodo faciem constitutam vellet, pos-  
centi: Pinge me, inquit, hominem formo-  
sum: (deformis erat, & horribilis vultu)  
post



DISSERTATIO DE MUSICA. 691  
post medium seculum, obliteratedâ mei memoriâ, omnes è manu artificis meam pulchritudinem admirantes, in veritatem effigiei vel jurabunt. Qualis verò ipse fuerit, ex Epitaphio liquet:

*O Deus omnipotens crassi misere Vitelli.*

*Quem mors præveniens non finit esse bovis:*

*Corpus in Italia est: tenet intestina Brabātus:*

*Ast animam nemo. Cur? quia non habuit.*

Miles scilicet, ut homines, ita & Numen habebat. Infelix!

Lapsu temporis invaluit eodem modo partim accurata rerum Historia, quæ nunc passim pro vero divenditur. Accedit, quod Scriptores ferè rerum, quas narrabant, nec scientiam, nec experientiam habebant: frustra sanè easdem explicandas suscepturi, aut narratas ad incudem revocaturi.

*Euge! omnes, omnes, bene! mira eritis res,*

ait Persius.

XXIV. Centum talia occurrunt in Musica veterum, præcipuè Græca, quæ hominum ingenia mirè torquent; & disciplinæ utriusque rationem non explicant, sed potius involvunt. Ipsa imperfectio satis arguit difficultatem, quam paulatim longo artis usu, hominumque industria sublatam videmus. nec unquam magis expedita reddetur hujus scientiæ, artisque methodus, quàm solida rei ex ipsis Principiis

692 JOHANNIS ALBERTI BANNI  
piis Elementisque diductione, quæ experientia & optimorum Authorum lectione inclarescer. Unum Zarlinum præ cæteris commendavi; non quòd aliorum scripta nullius momenti sint; cum multa præclara eruditaque dogmata contineant: sed unum Zarlinum coryphæum dixi. Cum enim Musica ab Authoribus descripta, in plerisque defectum patiatur, magno studio, industria, ac lectione varia supplendum; unum aliquem commendare nequeo, ex quo hauriant studiosi (pauci etiam totam Musicam Theoricam ac Practicam simul intellexerunt & excusserunt) præter Zarlinum. Is, inquam, præ cæteris doctius feliciusque, & propemodum solus rem exsecutus meo judicio videtur. Ordinariæ Praxi deservire præcipuè potest Zarlini Compendium à Johanne Maria Artusio Bononiensi, optimâ methodo doctissimè confectum. Horum Authorum lectio, additis sex Capitulis, breviter à nobis supra explicatis, ad Musicæ Theorim & Praxin studiosos manu ducet.

XXV. Cæterùm ut ingenuè fatear, requiro adhuc ampliorem Musicæ tractationem, quæ plurimis novis inventionibus ac regulis, Artis perfectioni deservientibus, constet, qua *Numeri & Voces, & Modi*. (quorum in principio ex Cicerone me-

me-

DISSERTATIO DE MUSICA. 693  
meminimus) clarius, profundius, & accur-  
rarius explicentur, ut Musica Oratoris  
officium subeat, finemque illius, docendo,  
delectando, & movendo consequatur. Hu-  
jus aliquem ideam breviter quidem sex Ca-  
pitibus constructam ostendi. Cujus am-  
pliolem tractationem brevi ac facillima  
Methodo antehac tentavi, & si Deo pla-  
cuerit, eandem feliciter absolvere conabor,  
amicorum usui imprimis, & bono pu-  
blico.

Te vicissim, Vir Clarissime, obtestor,  
ac modestè adhortor, ut præclara illa præ-  
stantissimi ingenii tui monumenta, peren-  
nem gloriam memoriæque habitura, quæ  
impense omnes desiderant, & tanto quî-  
dem magis, quia salivam movisti, amicis  
ac Reipublicæ Literariæ diutius invide-  
re nolis. Vale, meum & civium tuorum  
Decus. Harlemi, Kal. Oct. ∞ Id c xxxvi.




REGU-

# R E G U L Æ V I T Æ.

*Sapientis , harmonicæ , tranquillæ ,  
actiuosæ , negotiis obrutæ , liberaliter otiosæ ,  
peregrinantis denique.*

---

## I. Regulæ Vitæ Sapientis.

 Apere , proprium est Homi-  
nis, qui Sapientis Dei imago  
est. Tu ergò si sapias , imò ut  
sapias

I. Quidquid agis , & un-  
quam ages, prospice Finem : & ad finem dispi-  
ce Media : datisque mediis utendi disce Modos  
accuratos, ne unâ cum mediis tuis frustra sis ;  
uti plerumque fit , ut sufficienter à divinâ  
bonitate subministrata media humanâ sto-  
liditate pereant , sineque usu sint. Tria illa  
in quacunq; resciveris, omnia ejus sciveris.

2. Fines tamen Rerum, Media, Modosq;  
memento scire Te debere non ad otiosa specta-  
cula, sed ad usum. Habere alioquin aliquid,  
& possidere , & intelligere , si non utaris ,  
vanum est.

Ergò Quidquid bonum esse intelligis, ad il-  
lud veluti scopum tuum collima.

Quicquid ad assequendum scopum tuum  
con-



*conferre vides, id prehende, tene, urge.*

*Quidquid urges, ne frustra urgeas, summâ circumspeditione cave.*

Ita nullo non voto potieris tuo: nisi forsan alicubi nolit Deus, obicesque Tibi insuperabiles opponat. Sed tûm in promptu est solatium, re non culpâ tuâ bonô illô carere, sed quia Deo sic visum patientiam exercere tuam, ob causas sibi, si non tibi, notas.

3. *Et quia vita tua omnium Actionum tuarum universus complexus est, hanc ante omnia particularia sic tibi dispone, ut finem ejus ob oculos habeas perpetuò, & ad illum viis omnibus contentas indefinenter.*

Quis autem sit Vitæ nostræ finis, ad quem collimare sapientia sit, docet Deus ipse, Deut. 32. v. 29. *Vtinam saperent, & intelligerent, & providerent novissima sua.* Ecce sapientia ultima, hoc est summa est, ultimos providere fines! *Quid autem est ultimum nisi eternitas? Ultimum enim est, ultra quod nihil datur.* Atqui ultra omnia quæ hîc in Mundo sunt, semper aliquid ulterius datur, A nativitate venit in Vitam; inde itur in Mortem; hinc ad Resurrectionem: demum incipit Vita interminabilis, ex quâ nullus patebit exitus, & per consequens, ultra quam nihil datur. Ergo *Æternitas ipsa novissimum illud nostrum*

*strum est: ultra quod nihil restat. Ergò hanc ab initio statim providere; ergò ad hanc omnia intermedia disponere, Vera sapientia est.* Ergò qui intermedia tantùm curant, ultimorum obliviscuntur, desipiunt, & quidem nòxle desipiunt, quia media sine fine apprehendunt: utque æternâ beatitudine excidant, & in æternam calamitatem prolabantur, efficiunt.

Memento igitur.

1. Vitæ Tuæ scopum esse, ad Æternitatem præparari. (Hoc nisi provideris, Vitam perdidideris. Atque tum non nasci præstiterit.

2. Ad Æternitatem tamen quia non venit nisi per Mortem: totâ Vitâ præparabis te ad Mortem. (Ut bona tibi sit, re non absorbeat, sed ad Æternitatem tantùm intromittat)

3. Ad Mortem autem bonam quia non pervenitur nisi per Vitam bonam; totâ Vitâ hoc ages, ut benè vivas, hoc est sanctè, ad voluntatem ejus qui Vitæ Mortisque arbiter Bonis Vitam, Malis mortem destinavit.

4. Et quia ad Vitam bonam non pervenitur nisi per adsuefactionem bonam (malis adsuefactus mutare Mores, ut Ætiops pellem, non potest, Jer. 13. 23. quia Consuetudo abit in naturam:) totâ Vitâ hoc ages.

ages, ut quicquid malum est, aut mali speciem habet (1. Thess. 5. 22.) id adversaris: rursus autem: quæcunque pudica, quæcunque iusta, quæcunque sancta, quæcunque amabilia, quæcunque bonæ famæ, si qua virtus, si qua laus, hæc cogites (Phil. 4. 8.)

5. Et quia sequi bona, fugere mala nemo potest, nisi qui quid verè bonum & malum sit, intelligit (quia ignoti boni nulla cupido, ignorati mali nullus horror) totâ Vita hoc agendum erit, ut Te non conformes huic seculo, sed reformeris in novitate sensûs Tui: utque probes, quæ sit Voluntas Dei bona, & beneplacens, & perfecta (Rom. 12. 2.)

6. Et quia cogitationes mortalium sunt timidæ, & incertæ providentiæ nostræ: (Sap. 9. 14.) totâ Virâ hoc Tibi agendum erit, ut cum timore & tremore opereris salutem Tuam (Phil. 2. 12.) non solum peccata horrens, ne admittas; sed & ipsa tua bona facta, ne aut opinione tantum bona sint, hypocrisis admistâ, aut te in Pharisaicam tui complacentiam præcipitent. Nullam itaque præter in misericordia Dei, & merito Christi, defixam anchoram cogitabis, eò demum scutò securus futurus, si resignatâ omni voluntate propriâ, omnique Tui & omnium Creaturarum fiduciâ sepo-

firâ , Deo uni de Te hîc & in æternum disponendi tradas arbitrium.

Breviter. Vive , dum vivis , tanquam moriturus : ut moriaris , dum morieris , tanquam victurus. Væ enim illis qui ad ad mortem resurgent. Tu si resurgere voles ad Vitam , videndum tibi ne moriaris in Morte. Si in Morte mori non vis , hebetandi tibi sunt ante mortem Mortis stimuli : qui sunt Peccata ( 1. Cor. 15. 16. ) Morientur autem ante te peccata , si operam dederis ut vivat in Te Christus ( Gal. 2. 20. ) Christus enim quia Viræ fons est , scaturiet in te in vitam æternam : Morsque Tibi non erit mors , ut nec Illi fuit , sed transitus ad Vitam immortalem.

Hæc est Sapiëntia vera , subordinatio Finium & Mediorum gradata , à primis ad ultima usque : observatloque eorum accurata , ne aberres à gradibus , & incidas in præcipitia. Deus Te regat.

## II. Regulæ Vitæ harmonicæ.

**O**Mnis Harmoniæ fons , Deus , harmonicè , fecit omnia : inprimis Hominem , imaginem suam , si modò irrationalibus nostris factis ipsimet harmoniam ne turbemus , in oculis & auribus Dei , Angelorum , Hominùmque sapienter nos intuentium. Ergò ne turbes Tu , hæc ages.



1. *Semper Priora prius, Potiora potius; Seria seriò; Pulchra pulchre; Amica amicè; Divina divine; Humana humaniter &c. pensa, age, tracta. Aliàs confundes Te, & res.*

2. *Theoria Tua cum Praxi individui sibi semper sint comites. Quicquid boni scis, fac; & quidquid boni facis, an benè facias, & cur, cogita. Ut ne similis fias vel Pharisæis, qui Dicunt & non faciunt (Mat. 23. 3.) vel Samaritanis, qui adorant & nesciunt quid. (Joh. 4. 22.)*

3. *Interna Tua conformia sint externis. Nempe ut quod videri vis, sis etiam verè: abominationi aliàs futurus Deo. Cujus opera quia sunt Veritas (Psal. 111. v. 6.) etiam in nobis Veritatem diligit (Psal. 51. 7.) hypocrisin odit. Væ Vobis hypocritæ, qui similes estis sepulchris dealbatis, quæ foris patent hominibus speciosa, intus verò plena sunt ossibus mortuorum, (Matth. 23.)*

4. *Tandem, Coram Hominibus quoque Cogitationes, Verba, Factaque Tua, parallelè incedant. Cor nunquam dissideat Ori, nec Os Manui, Vir duplici corde monstrum est, &c.*

### III. Regulæ Vitæ tranquillæ.

**S***ummum in Vita bonum, est Animus tranquillus ac serenus, ab anxietudinum pro-*

*cellis liber. Hunc beatum portum ut teneas, sequentia observa.*

1. *Quidquid Mentem, aut Conscientiam turbare possit, prævenire labora, ne cum talibus rebus, quicquam participes.* Possunt autem turbare Mentem, *Negotiorum multitudo, aut alienitas*: quibus si quis se implicat, spinas inveniet certò, tametsi aliquando rosæ videantur. Ergò ut tranquillus sis, cave esse πολυπράγμων, ardelio: quæ Tua sunt, tacitè age, aliena relinque; in Tuis etiam non nimis scrupulose curiosus, & de quibusvis minutis anxius. Fac ea, quæ salutem Tuam, & Tuorum, primariò spectant, reliqua committe Deo, cui cura est de nobis.

*Conscientia verò turbatur admissis peccatis: cum Anima sibi male conscia oculos Dei & hominum erubescit, poenamque promeritam trepidat.* Ergò si Conscientiam vis tranquillam: ne habeat quod Tibi objiciat effice: hoc est peccata nulla nunquam sciens volens admitte. Atque si vitare peccata vis, vitæ occasiones: cujusmodi sunt prava sodalitia, loca suspecta, &c. Imprudens est, qui ubi alium cecidisse vidit, eodem perrexit tamen. At nos quotidie homines inter occasiones labi, & petire, videmus, & non cavebimus tamen?

2. *Si quando in Occasionibus (cujuscunque Pec-*

*Peccati*) insidis, obfirma animum, ut non succumbas, sed victor abeas. Pugna igitur opus: & ad pugnam pro Conscientia servanda illæsa, Virtutis armis. Aut igitur Te eripe fugâ (susque deque habito quid prava sodalitia de Te judicatura sint) aut persta immotus, Apostolicum illud cogitans; *Ego mundo crucifixus sum, & Mundus mihi.* Et quia non frustra dictum est, *Occasiones neminem malum faciunt, sed qualis quis sit ostendunt* (nempe *Igni admota Arena non ardet, Stupa ardet;*) cogita in tentationem delatus: *Si malis consensero, malum me esse, & fuisse hypocritam ostendero; Ergò in proposito Virtutis retinenda perseverabo, nec me dimoveri patiar.* Memento autem, tutiorem in tentationibus carnis semper esse Fugam, quàm Pugnam; sapienterque fecisse Josephum, qui, cùm non sufficeret rationabilis honesti propositi defensio, fugâ se eripere, quàm disputare, maluit. Turpius ejicitur (& periculosius) quàm non admittitur hostis.

3. Si quando pugnandum est adversus Vicia, nec omninò Conscientia vulnera effugis, recollige Te mox, sataneque in Te nidificare incipienti, illicò disjice nidum. Hoc est, [sub initia peccati mox pœnitentiam age, antequam Peccati exspiret horror, mortiferum dulcescat venenum, morique incipiat

Conscientia. Qui sciens volens Peccato affuescit, manus & pedes præbet diabolo constringendos Consuetudinis malæ vinculis, ut se liberare possit non possit, tamen si velit (1 Tim. 2. 25. 26.) Æternæ itaque legis instar Tibi sit illud:

*Principiis obsta Serò medicina paratur,*

*Cum mala per longas invaluere moras.*

A Conscientiæ peccato turbatæ procel-  
lis non datur refugium, nisi ad Pœnitent-  
tiæ portum: facilius, si non longè fueris  
progressus, difficilius, & cum absorptio-  
nis periculo, si longiùs fueris abreptus.  
Nunquam ergò propter Pœnitentiæ spem  
peccaveris: incertus, an eam agere possis.  
Sponte enim peccantes deserui solent à spi-  
ritu Dei: quò ad pœnitentiam duce si de-  
stituuntur, pœnitentiam non inveniunt  
(Heb. 12. 17.) Sed & hoc cogita: *per se me-  
lius esse, Vas non inquinari quam elui; Me-  
liusque te non vulnerari, quam curari; Me-  
lius hostem Regni visceribus excludere, quam  
intromissum & omnia vastantem expellere  
velle &c. quia & facilius & tutius.*

4. In summa, quia Mundus hic inquie-  
tudinum mare est, inque tumultu rerum  
hic vivimus, ut quàm potes securus sis  
(si non omninò tranquillus) hæc age.

1) *Plus Deo quàm Hominibus conversa-  
re. (Ille sit intima delicia Tua)*

2) *Plus*



2) *Plus Tibi quam Aliis attende.* Tua ut agas, non alienâ: Tuique curam ipse potiùs habeas, quàm aliis committas; & denique Te ipso potiùs nitaris, quàm quocunque aliò. Aliis inquam niti (quod perquam Benè Nota) ne consuescas. Tua Tibi in negotiis Tuis industria; tua Recti propositi Conscientia; Tua in Deum fiducia, anchora sacra sint.

3) *Plus Animo quàm Corpori semper Vaca.* Rectè Epictetus: *Ea quæ Corporis sunt, facienda sunt obiter*: Res animi demum fixâ curâ dignæ sunt. Corpus enim à terra habemus, non pluri æstimandum quam vasâ lutea merentur: Animus ex Deo est, Mundo igitur major, magni æstimandus, purè servandus, illibatus Deo restituendus. Si Animam perdideris, redemptioni ejus mundus universus non sufficiet. Ergò *Corpus serviat. Anima regnet*: cui si sceptrum das, utque corpore liberè utatur præstas, Rex eris actionum Tuarum, minuenturque Tibi infinitæ, à Corporis nimia cura venire solitæ molestiæ.

Hæ sunt Tranquillitatis veræ viæ! quas si insistis, non facilè Te quicquam turbabit Tuâ culpâ. Si quid verò ab aliena veniet roalitia, aut ab immissione Dei (qui suos sine probatione, qualiquali rarò esse permittit, quia eos Virtutum & patien-

tiæ exercitiis perfici novit ) cedit in gaudii augmenta , eoque majorem mentis serenitatem. Felicem Te , si Te intra hos continueris cancellos !

#### IV. Regulæ Vitæ actuosæ.

**A**D negotia nati sumus. Vota ergò Activa verè vita est : *Optum vivi hominis sepultura.* Quò excellentior Creatura quæque , eò actuosior : ut exemplò Angelorum, Solis, Cœlorumque, qui in perpetuo sunt motu patet. Sicut & Fontes, semper Aquas scaturientes ; & Flumina, huc illuc eas humanos in usus deferentia. Contra , quò quid torpidius : eò inutilius : ut Lapis, Lutum, &c. Tu ergò ut ne sis Lapis, Terræ inutile pondus , sed actuosus Sol , semper lucens ; vel Angelus , semper hominibus Dei loco ministrans &c. dabis operam. Quid autem hîc observandum ?

1. *Quidquid à Te fieri debere vides , & ad id media, mediorumque prudentem usum, non ignoras , id aggredi aude.* Melius est bonis ausis excidere (quod aliquando contingit) quàm occasiones bona quæque multiplicandi negligere.

2. *Quidquid per Te ipsum expedire potes, alios nunquam expecta.* Tuæ scilicet plus fidens industriæ , quàm alterius. Sæpiùs etiam evenit, ut antequam, alteri rem enar-

raveris, ille autem perceperit, deliberaverit, sese accinxerit, Tu ipse rem expediveris. Ergò rectâ porius, sine ambagibus.

3. *Quidquid expedire potes hodie, in crastinum ne differ.* Nocuit enim semper differre paratis: Vox corvina (cras, cras) manifesta est negotiorum ruina.

4. *Cuicui prodesse potes prodesse gaudet etiam si Mundo universo.* Jam enim dictum est, excellentium naturarum id esse proprium, ministrare, & prodesse. Ergò si potes imitare Deum, qui ministrat omnibus: Aut Angelum: quàm plurimis. Torpere, & sine usu esse, inter abominanda reponere.

5. *Nulla dies sine linea.* Vides quam se celeriter movet mundi machina, dùm nos lentè agimus. Ergo Tu ne sis lentus in negociis: quanquàm nec præcipitem esse volo. Delibera quid actu opus: Sed rem deliberatam ocyùs aggredere, ne Tibi unquam frustra Sol iste luceat. Omne tempus nobis impensum, postulabitur quomodo sit expensum.

## V. Regulæ Vitæ negotiis densè obrutæ.

**A**ctuosos interdum negotiis obrui contingit: propter id tamen Vitæ actuositas deferenda non est. Dantur enim compendia, quibus molestiæ levare pos-

sunt. Quod ut scias, hæc observa.

1. *Tempori pone pretium, ne ejus quicquam inutiliter effluere patiaris.* Ita tibi longè ampliùs parebunt agendi spatia, quàm alteri; qui occasiones caprivare nescit.

2. *Cui multa agenda sunt, illi paucis loquendum est.* Activè & passivè intellige: hoc est & ipse pauca loquere, cùm loquendum est, & alter ut se brevi expediat quum loqui vult, postula. Sapientum sermo brevis est, nugari citra necessitatem, inertiae proprium est.

3. *Quidquid aliorum auxiliò expediri potest celerius, adhibere illos ne intermitte: Ita negotia procedent celerius.* Plus manuum, plus operis: modò servetur ordo, ne Te, aut se invicem, cooperarii illi tui impediant, aut turbent.

4. *Ut tamen ad operas alacrior sis, remitte quandoque animum, aut occupationis genus muta.* Quod caret alternâ requie durabile non est. Arcus intensus rumpitur.

## VI. Regulæ Vitæ liberaliter otiosæ.

**A**Laboribus vacare si contingit, non est necesse nihil agere, hoc est torpere, tempusque sine usu perdere. Nec proruerre ad inutiles ludos, chartarum, alexæ &c. Aliquid agenda est quod recreat, tam  
men-



mentem quàm corpus. Quod fiet, deambulando, cum amicis confabulando, œconomica quædam tractando &c.

## VII. Regulę Peregrinaturō observandę.

**P**eregrinationis video Tibi esse desiderium, propositumque Tuis. Quid ergo ibi quoque attendendum Tibi sit, pauxilla subjungam.

1. Ante omnia cogitabis, *Cur peregrinationis suscipias laborem?* Nēpe non ut novos videas Montes, Campos, Sylvas, Flumina, Maria, Homines aut bestias &c. Talia enim domi videre potes. ( Quō sensu rectē dictum est à quodam: *Qui unum vidit Hominem, unum Bovem, unum Montem, unam Sylvam, unam Urbem &c. Mundum vidit: Mundus enim ex talibus constat.* ) Sed ut videas, audias, alloquaris, Viros sapientes & doctos, ex quorum conversatione sapientiæ & virtutum capias augmenta.

2. *Ad exteros itaque iturus; non ibis tanquam in alium Orbem ( Mundus totus virō Sapienti patria est: ) sed tanquam ad Scholam quam communem Deus esse voluit, ut alii aliis theatro simus, mutuoque aspectu & affricu nosmet invicem exerceamus, acuamusque.*

3. *Cogitabis, quia extra Mundum ire non potes,*

potes, Mundum Te reperturum ubique id est homines vanos, profanos, mali bonique mixturam. Adversus itaque scandalorum & corruptelarum venenata tela, pectus tuum circummunies, assumptò firmissimi propositi scutò, nihil attendendi, admirandi, adamandi, domumque reportandi, nisi per quod Tibi & Tuis, Patriæque aut Ecclesiæ, Virtutis & felicitatis accessio aliqua fieri possit.

4. *Ibis à conspectu Parentum, terra patriæque, non sicut Cain à facie Dei profugus, ad quarendum impietati licentiaque campum:* (Quocunque enim ibis, comitabuntur Te oculi Dei, & cum illis benedictio aut maledictio effundenda super Te;) *sed ut Tobias junior, satis facturus parentum voluntati, quesiturusque apud exteros ubiubi depositorum Sapientia, bonorumque Exemplorum, thesauros.* Ergò intentione purâ, Animo, Corpore, Sensibusque omnibus castis. Ita demum tibi aderit qui Te comitetur, ducat & reducat, Angelus Domini.

In summa: *Vbiubi fueris,  
Vive Deo, qui est dator Vitæ Tuae:  
Vive Conscientiæ, quæ est vita Vitæ tuæ:  
Viva Fama, quæ est vita post Vitam Tuam.*

Iraque tibi adsit Spiritus Christi, ut hæc omnia tam rectè percipias & observes,

ves, atque ego animæ Tuæ salutem, omnemque rebus Tuis prosperitatem, & perpetuum Domûs Vestræ in Ecclesia & Patria, per Te etiam ad posteritatem transmittendum, splendorem, animèrûs opto.


*Tui amantiſſimus*

*Die quâ à me diſcedis 9. Iunii.*

*Anno 1645.*

COMENIUS.







*Regula quadam generaliores, artem  
concionandi aliquatenus delineantes.*

I.

**E**xordium quoad ejus fieri poterit, sit breve, sit perspicuum, sit vocibus ac phrasibus propriis non figuratis constans, ac introducens concionatorem rectè in ipsum textum.

II.

Sumatur autem vel à maximâ aliquâ generali, vel à sententia aliqua gravi, vel à proverbio minimè trito & vulgari, vel à textus cum præcedentibus connexionem, vel etiam à loco parallelo, vel simili, aut contrario.

III.

Concionator applicaturus exordium ad ipsum contextum, eadem operâ, si id ullâ ratione effectum dari queat, monstret scopum textus, ac demonstret per ea quæ præcedunt & sequuntur, hoc est per occasionem textus illius connexionem & coherrentiam & similia.

IV.

Ad hunc scopum concionator, in praxi harum regularum hic descriptarum tam præcedentium quam sequentium non tan

tum perpetuo respiciat ; sed & omnia quæ dicturus est , studiosè & evidenter referat : ita quidem ut quilibet etiam non doctus quasi manu palpare possit , illum in singulis quæ proponit , ad istum scopum collimare. Quod ni fecerit , omnem perdet operam , aut saltem magnoperè utilem non præstabit. Est enim hæc omnium harum regularum præcipua & quasi magistra ac directrix : Quin etiam anima & vita , sine quâ reliquæ regulæ nihil sunt , velut res mortua & inanis. Ideoque etiam singulis hisce regulis est applicanda , & in illis singulis subintelligenda. Exempli gratia : si scopus alicujus textus sit consolari , ea omnia quæ dicentur , ad consolationem dirigantur ; si scopus sit consolari contra mortem , ejusque metum , singulæ tum res , tum penè etiam verba tendere debebunt non ad consolationem in genere contra miseriam hujus vitæ (: hoc enim frigidum foret : ) sed ad consolationem in specie contra horrorem mortis.

## V.

Dividat concionator textum vel in certas partes , vel materias textu contentas in certa capita. Quod si textus vel non ita commodam patiatur divisionem , indicabit concionator populo per modum propositionis , quâ de re textus agat , & rem

rem totam quæ textu continetur summarim ac paucis nudisque verbis comprehensam clarè proponet cum promissione, se de ea brevibus & dilucide tractaturum.

## VI.

In tractatione porrò singularum textus vel partium vel capitum, ad considerationem phrasiologias sese ante omnia accingat concionator; Et ibi quidem non examinabit semper scrupulosè & minutatim singula verba, separatim sumpta, hoc enim, (:in phrasiologia præsertim facili:) ridiculum & insulsum foret, sed separatim considerabit ea verba quæ necessariò separatim sunt accipienda. E contrà conjunctim considerabit ea quæ conjunctim considerari possunt, imò aliquando etiam debent. Interdum enim singulæ voces, interdum integræ phrasæ & sententiæ, quandoque etiam totus versus simul & uno tenore exponi possunt: quinimo duo vel tres quatuorve versus non raro in unam sententiam conjunguntur: uti in textibus historicis videre est.

## VII.

Quod si vel in vocibus, vel in phrasi-  
bus & sententiis totis difficultas aliqua  
quoad sensum verbalem & grammaticum



occurrat, ea amoveatur, ambiguitas com-  
monstreretur, & per distinctionem tolla-  
tur; obscuritas indicatâ significatione  
auferatur, & sensus quis sit aperiatur,  
idque quantum fieri poterit clarè & dilu-  
cidè. Ubi utilè quin etiam necessarium  
fuerit utilum consuetum scripturæ habe-  
re quàm familiarissimè cognitum.

## VIII.

Phrasiologiâ tribus si fieri possit verbis  
expositâ & absolutâ (:neque enim hic diu  
insistendum, nisi ingens sit difficultas, &  
magnum momentum sit in verbis posi-  
tum:) statim ad res ipsas sub vocabulis la-  
tentes, & iis comprehensas sese convertat  
concionator: Quippe sine rerum tracta-  
tione, concio tota nullius pretii fuerit,  
aut saltem perexigui, quantumvis verba  
ac voces excellenter fuerint explicata.

## IX.

Quinimo si verba & voces per se sint  
claræ & intellectu faciles (:ubi tamen  
iudicio magno opus est, ne pro facili ob-  
trudatur populo præsertim quod in se  
est difficile:) omiſſa prolixâ & verbosa  
illa verborum explicatione, quæ difficul-  
tates in vocibus captare, & obscuritates  
in dictionibus venari solet, (ut habeat  
quod ostenter) continuo materias sive res  
ipsas modo dictas aggrediatur conciona-  
tor;



tor; neque enim extra necessitatem grammaticum, sed semper & ubique ecclesia; stem esse oportet.

### X.

Jam verò in materiæ examine inventioni primum studebit concionator, & hoc ager ut in singulas textus sive partes, sive capita, quam plurimas in promptu habeat meditationes, & varios ac diversos animi conceptus, non quidem in cerebro suo natos, sed è sacra scripturâ petitos, eosque spontè ex textu fluentes, & quasi naturâ suâ ad scopum textus tendentes.

### XI.

Primus autem modus conquirendi & inveniendi varia meditata in eo est, ut quælibet sive partes, sive capita textus reducantur ad suum generale sive totale, à quo deinde progressus fiat ad specialiora & particulariora, indeque descendatur ad ipsa quæque individua, si negotium ita postulaverit.

### XII.

Alter modus inveniendi, qui etiam priorem in sese includit in eo versetur, ut res ipsa deducatur per omnes locos logicos inventionis: ut puta per rei causas, effecta, subjecta, adjuncta, opposita, contraria, similia, comparata, testimonia &c.

Ubi jam concionator adinvenit diversas considerationes, cum prudentia illas applicabit ad partes sive capita textus, easque proponet non omnes neque singulas, sed illas tantum quæ maximè ad rem facient. Ubi utile imo necessarium fuerit spectare quid in contextus partibus sive capitibus in ordine ad scopum sit substantiale vel essentialiale, quid in illis iisdem in ordine ad eundem scopum sit accidentale & circumstantiale, ut ex animi meditationis & inventis ea seligantur, ad præsens negotium applicentur & populo proponantur quæ essentialia & substantialia fuerint. Quæ autem accidentalia & circumstantialia esse comperientur, obiter tantum, & in quantum ad essentialium & substantialium explicationem facient, amplioris & clarioris dilucidationis ergò interspergantur. Substantiale vero & essentialiale hoc loco intelligatur, vel quod scopum ipsum in se includit & ambitu suo comprehendit, vel directè ad scopum pertinet, hoc est, sine quo scopus per se neque haberi, neque intelligi potest. Accidentale verò & circumstantiale, quod cum scopum in sese non complectatur, ramen ad illum aliqualem habet respectum & relationem, & illius explicationi amplio-

ampliores lucem & claritatem infert.

#### XIV.

Cæterum in propositione inventorum & meditorum studiosè cavebit concionator; ne illa invicem misceat & confundat, sed accuratè ab invicem distinguat, & distinctè proposita enuntiet.

#### XV.

Curabit quoque sedulo ne multa ac varia inventa in una parte & capite contextus accumulando, insensibiliter in ea incidat, quæ in sequentibus partibus & capitibus ipsi fuerint dicenda, atque hac ratione vel tautologus esse cogatur, repetendo quæ jam antea dixit; vel saltem omnem in sequentibus concionandi materiam sibi præripiat, & cum initio fertilis fuerit, tandem sub finem sterilis esse inveniat, aut etiam uni det parti, quod alteri competit.

#### XVI.

Tandem etiam operam dabit, ut quæ animi meditata populo proponere velit, ea diducat & pertractet. Quæ tractatio vel explicationem habet, vel probationem dicendorum, sæpè utramque. Imò verò rarò sola explicatio adhibetur cui non probatio sit admixta, & contrà.

#### XVII.

Media inservientia tum explicationi,

Hh 4

tum

tum probationi eorum quæ meditata habemus, & populo proponenda ducimus, sunt 10. Testimonia scripturæ. 20. Rationes ex locis inventionis deductæ. 30. Exempla. 40. Comparationes, similia &c.

### XVIII.

Testimonia ista & rationes in materia fidei & doctrinæ desumantur ex sacris literis, & haberi possunt ex locis catecheticis & communibus; in iis quæ ad mores, & vitam spectant petuntur ab honesto, utili, jucundo & contrariis &c. Et sæpè istæ rationes magnam partem nobis suggeruntur ab ipsis verbis contextus, modò ea accuratè & pensulatè ponderentur.

### XIX.

Porrò non est necesse ut omnia ista & singula media sive explicationis sive probationis ubivis adhibeantur, sed interdum imò sæpè aliqua tantum eorum adhiberi sufficit, ut puta vel sola testimonia scripturæ, vel solas rationes, vel sola exempla.

### XX.

Quod si vel propter verba textus, vel propter aliquem alium locum scripturæ specie textui contrarium, vel propter adversarios aliquos controversiam moventes, vel etiam propter populum, apud quem agimus, & cujus indoles ac ingenium nobis nota esse debent, oriatur aut  
dubium



Dubium aut difficultas aliqua (:cujus rei accurata habenda erit ratio:) prudenter illa sive dubia, sive difficultates erunt tunc movenda, tum etiam quælibet suo loco solide diluenda, refutanda. Dico suo quælibet loco, quia hic certus locus rei assignari non potest, sed ubicunque tale vel dubium vel difficultas occurrerit, ibi passim & sparsim per totam concionem erunt solvenda.

### XXI.

Ubi singulæ partes vel capita textus fuerint pertractata, accedet ad applicationem concionator, quam tamen applicationem instituere poterit, vel post singulas partes & capita, vel post totam contextus tractationem absolutam; Atque ibi primum eas doctrinas considerabit quæ religionem & fidem spectant; Secundò refutabit errores contrarios, si qui sint, moneat auditores ut sedulo ab iis caveant; Tertio sumet ex iis quæ tractavit occasionem consolandi, corrigendi, reprehendendi, conquerendi de negligentia hominum, eorumque improbitate, malitia &c. omniaque quæ hic de novo proponet, iterum explicabit, novis testimoniis, rationibus, exemplis, &c.

### XXII.

Cæterum hic notandum in moralibus quoque occurrere errores & opiniones carnis contrarias judicio spiritus, quæ non minus

minus diligenter quam errores in doctrinâ ac fide refutari debent; errorum in doctrinâ delectus sit prudens, nec facilè obsoletos populo refutandos sibi eligat, præsertim coram populo novitatis avido: In decisione casuum conscientiæ cor movere satagat, interim sibi caveat in jus Dei involare, condemnando scilicet eum, quem Deus in verbo suo non condemnavit, aut absolvendo eum, quem Deus non absolvit.

### XXIII.


Ultimo vero loco poterit concionator conclusionis vice instituere brevem à se dictorum recapitulationem, quam proponet, diducet, & absolvet cum quantâ fieri poterit delectatione, & motu spirituali; dico spirituali, omnis enim hic affectatio & ostentatio, sicut à tota concione, ita & à singulis ejus partibus abesse debet.

### XXIV.

Hiscæ & similibus præceptiunculis, neque præcisè adstringunt sese, neque adstringi debent concionatores actu ministerium exercentes, qui sua quilibet arbitraria methodo sicuti uti possunt, ita etiam debent: in methodo quisque sua sibi proponere debet Ecclesiæ cui præest ædificationem. Habet enim hic locum non sola libertas prophetandi, sed & aliæ innumeræ causæ. pastoribus exercitatis probè notæ.


### F I N I S.


















150

æ

34



